

國學萃編社編

國學萃編

文海出版社  
印行





石遺室師友詩錄

夏心者





石遺室師友詩錄卷一

侯官陳衍

張之洞字孝達號香濤一號壺公又稱廣雅直隸南皮人同治癸亥探花

官體仁閣大學士軍機大臣著有廣雅堂詩

石遺室詩話相國生平文字以奏議及古今體詩為第一奏議旁舉周  
 師見人所未及見達人所以來諸公皆所未遠古體詩才力雄富今體詩  
 自謂漢廷老吏中與以論新意寓乎其間古體詩如制鼓歌送莫子德  
 馬精妍考據題咏皆有名論新意寓乎其間古體詩如制鼓歌送莫子德  
 遊趙州送王千秋歸湘潭九日慈川觀閣登高秋與德蜀遊詩  
 州酒歌登牛首山望終南曲江樊川觀閣登高秋與德蜀遊詩  
 歌五北將歌往觀有作諸篇皆登孟縣之堂人眉山之室近體詩如仁  
 寺雙松猶存往觀有作諸篇皆登孟縣之堂人眉山之室近體詩如仁  
 遊草堂寺送吳秋衣往西川為道士輓吳子珍濟南雜詩題許海秋母  
 山水畫卷想懷魚山觀寶竹坡留帶登采石磯九曲亭胡祠北樓送楊  
 舍人此日足可惜絕句九日登天甯寺樓過蕪湖弔袁滙穆武備學堂  
 絕句諸作在南北宋諸大老中兼有安陽半山簡齋止齋石湖之勝  
 古今詩家用事切當者前推東坡後有亭林公詩如焦山觀寶竹坡待  
 郎留帶云我有傾河注海淚頽山無語送寒流用放翁祭朱子文語悲  
 懷云霜獨雪竹鍾氣吞海若倍空吟一日歸用荆公悼亡詩語較彭剛直  
 公云天降江神尊氣吞海若倍空吟一日歸用荆公悼亡詩語較彭剛直

陵至牛渚云東來溫嶠曾無效西上陶桓可知贈日本長岡子爵云  
 爾雅東方號太平又齊國多想感冷嬰云云又八旗館繁登高秋日  
 同寅客登黃鶴山會胡祠望遠諸詩用事精切皆可以方朝坡公亭林  
 甲午五月林贊如侍郎由御史出守雲南昭通道過武昌謁相國相  
 國見侍郎屬頭有餘贈行三絕旬至為激賞丁酉臘月又在他處見余  
 論時事文數篇以為才識罕有其匹令樂節憲致電招往武昌又電告  
 鄭蘇觀令轉邀戊戌正月余至武昌途留幕府曾呈詩有云一臥忽驚  
 天醉甚萬牛欲挽陸沈艱上游形勝看如昨要換中原控百蠻蓋是改  
 列強強借膠澳各處時事日棘惟賴公為劉宏陶侃不敢安以諫詞進  
 也庚子後相國與兩江總督劉忠誠公會奏變法條陳會採余變法權  
 議入告壬寅又以熟於中外古今政治之學薦之於朝尤為遠量  
 稱許前後委辦學務商務創辦商律及理財各書籌議於朝尤為遠量  
 元各貨幣刊在雜報一  
 時有錢流地上之稱云

### 人日遊草堂寺

人日殘梅作雪飄出城攜酒碧溪遙無端杜老同心事四海風塵萬里橋

### 杜工部祠

少乞殘杯道已孤老官檢校亦窮途榮名敢望李供奉晚遇難齊高達夫憑

仗詩篇垂宇宙發揮忠愛在江湖堂堂僕射三持節那識流傳借腐儒

銅鼓歌

咸豐四年黔始亂播州首禍連羣苗列郡接捕自戰守盤江尺水生波濤府  
兵遠出連城陷合圍呼嘯挾徒驕。純皇天章久愈炳義民豈惑狐

妖嘉慶二年南龍府苗變城守經年蠻全賜府名我先大夫慷慨仗忠信尚  
妖為與義 高廟製詩一首旌之刻於郡堂

衿白屋皆同袍吳公祠下水清泚百口併命甘一朝府城有十八先生祠祀  
明季吳貞履等同死事

十八人祠衝焚嬰聽賊計盡鑿門而出窮追鈔民兵五千懣感激疾如振擗  
內有大池

覆其巢奢香係頸降道左濟火革面居前茅不見援師助空卷那有饋餉分

簞醪三城百寨并掃蕩管谷黯黩湔腥臊收其積聚供館穀放其牛馬還林

杲俘其子女赦不殺授之畝出使耕澣清酒一鍾亦不飲獨取一物深於丁

甯短於馨降夷稽首述故事傳自漢相安獐犒嗚呼漢相信神武拜表討賊

先不毛豈不知秦州宛洛皆爭地未清堂奧難及郊隄宮隗構四郡賊攻心

一語參軍教範銅為鼓賜酋長坎地寶護埋山坳歲時祀鬼乃敢擊虜筮巫

唱紛噉嘈不然戰鬥合徒衆花冠赤脚奔相招一面足可直百特擅一爲富  
擅十爲貧豪鼓亡苗滅古記語以威報虐將爲逃鬼方冀方遠遙遙致之重  
垣甕席包連弩銅牙雖罕觀此物猶見天威萬古懸雲霄圍徑四尺脩八寸  
四耳無當約其腰文螭蟠拏朱鷺翥細乳三百有二相周遭髣髴篆文不可  
辨屢煩畫肚終牙黎土花紺碧沁肌理蠶紋宛轉環翠陶中心瑩滑不留手  
恰受二尺柄推敲良辰會客風日美水面考擊鳴蒲牢如觀溪峒跳明月宰  
牛呷酒歡相邀忽然蠻風捲瘴雨中有錢馬聲蕭蕭一擊再擊轉激楚戰場  
萬鬼皆啼嗥不用趣戰用行酒銅龍悲憤發長號 國初諸老始賞詠黃淵  
秋谷俱清超查氏書堂復繼起徒爲玩物爭抽毫我聞燕然旣振旅仲山寶  
鼎來歸朝此詩述德因愛物子孫永寶當不佻藏之宗祏無忘在萬事亦知  
乃祖乃父於國宣勤勞剖符領郡三十載不蓄長物甘蕭條羅施石醜不足  
載此鼓只如蕙苴來南交聖人有道四夷服何用大食日本歌金刀

送吳叟秋衣往四川爲道士吳辦金石善刻印技在陳曼生趙次閑  
之間嘗荷一担窮探名山訪碑遇卽搨之

風塵瀕洞厭浮名竟著黃緇訪佐卿窈窕青城堪避世知君不爲學長生  
長物曾無可卓錫隨身猶自挈甕椎擔簦西過旄牛傲當有唐蒙下犍碑

河間崔次龍能詩善畫寓都下十餘年無所遇而歸

潛龍去國裹雙膝惜別城南剪夜燈短劍長辭碣石館疲驢獨拜獻王陵半  
梳白髮隨年短盈尺新詩計日增我愧退之無氣力不教東野共飛騰

輓同年吳子珍 名懷珍杭州人

文淵不取歸熙甫兵畧時同魏默深聲氣牢籠羞鶴蓋心期寥寂託牙琴 某公

負古文盛名懷進皆希其賜陳同時法源寺有詩客十許  
人爲豪貴所騰騰聲譽日盛子珍皆與異趣數爲余言之傳聞猶自添衣線

爲位無端淚濕襟聞有賢妻堪付託文園遺稿漫銷沈

送莫子偁遊趙州赴陳刺史 鍾祥之招

黃沙舞風白日晡，  
睚眦束書戒僕夫。  
何事犯寒鬚凍結，  
南渡衡澁饑來驅臣。  
朔履破不足道，  
君亦如此堪虛胡。  
早年高名動帝都，  
西南鄭莫稱兩儒。  
健爲文學卅，  
欽尹二千年上攀。  
爲徒澀體慣作孟郊語，  
瘦硬能爲李潮書。  
今年京國朋不孤，  
瑰奇跌宕劉與吳。  
伯和工詩喜談經  
濟子珍工古文  
經生壯士各異態，  
臭味自合無差殊。  
劉歸吳逝君去國遠，  
遊寶璐何人沽。  
君詩送我西山麓，  
重裘裝纒秋林疏。  
我歌送君燕市外，  
劍筑蕭瑟冬原枯。  
勿飲趙茶澆趙酒，  
平原公子無時無。

濟南雜詩

齊疆多海魯多山，  
風土中和是此間。  
濟汶黃河三水會，  
重局不在穆陵關。  
龍山行盡麥田青，  
沙路無泥十里亭。  
山色雙雙齊入畫，  
泉聲步步盡堪聽。  
三泉噴沸涌珍珠，  
花乳傾甌燥吻蘇。  
甘輦定居揚子上，  
清空得勝谷簾無。  
清波綠繞舊宮墻，  
流入牙城幾曲長。  
秋柳蕭疏空照影，  
吟詩爲賦魯靈光。



不見詩人白雪樓，漁洋祇賞錦湖秋。語鈴開府東洲客，酒墨題詩處處遊。

撫巖愚別號磨翁老人時何子貞在濟南主講別號東洲老人

薄伯無家住亦佳，寂寥水竹結茅柴。門生不稱蘇和仲，曾到歐公畫舫齋。

布錢

政圻和雲南人官天津府時余應童子試受知最早今退休寓此

伏生親授濟南經，杜甫留題懸下亭。十里明湖成葦蕩，百年名士等晨星。曾圖清濟貫洪河，一縷縈紆十丈多。今日黃流全入濟，愁心誰會濯纓歌。

奉和房師舍人范鶴生先生鳴和榜後見示之作

先生湖北武昌人，同治壬戌會試得余卷，急薦被落力爭不得憤。悒泣下更爲延譽，今年癸亥恩科余中式，仍出先生門下喜極。賦詩四首有句云：適來已自驚，非分再別居，然爲此人。

十八瀛洲選惟公，薦士誠不才。晚聞道因困，轉成名已賦。從軍去重借，上計行天知。陶鑄苦更遣，作門生。

滄海橫流世何人惜散材嶽奇為衆笑瀟被有餘哀器中恐摸索孤生仗挽

回韓門多徹喜應恨不同來

楊規浙江舉人亦壬戌被薦同被先生歎賞者

題朱慶君舍人鑑成焦山酣睡圖

名香步算知周鼎文達多聞辨陸銘爭向山禽談考据禪床塞耳不能聽  
竟將四大作禪床偶聽魚鐘出上方寄語東坡老居士江山如此莫思鄉  
風涼睡美在江樓隱隱山城見石頭曾是昔年吟嘯地戈船軍鼓滿汀洲  
汀洲春草綠芊綿又見飛牛選勝年西掖門前綾被裏懸知流夢過江天

題許海秋起居

宗衡母孫太恭人山水畫卷先為盜竊後又從廠市

買得

南閣風流是俊人當年挖禿定酸辛憐君厭著黃塵帽為寫江山寄此身  
三年趨簡發奇香架上緘題袖底藏此物豈容偷奪去青氎白髮泣王郎  
劫後裝池了不傷知君喜極重滿裳圖書徧押宣和履賣向東京相國廊

夢斷杯椽淚暗傾雙琴空用錦囊盛兒嬉髣髴生前事那記拋廉理柱聲

生四歲母朱太恭人沒太恭人善鼓琴遺琴二見存

朱萼裁詩孝子懷皂囊記注史臣才獨憐紗幔傳周禮不剩殘編奇字來

悲懷

悼亡室潯州石氏

下澤乘車素志非遠遊歲歲著征衣霜筠雪竹鍾山老漉涕空吟一日歸  
酒失常遭執友曠韜精豈效閉關人今朝又共荆高醉枕上何人諫伯倫

送王壬秋歸湘潭

鳴華鐘調素琴漆室老女方哀吟不嫁不悲好顏色不知何事傷春心  
春心千里歲華晚洞庭風起白波卷游子對酒思故鄉秋士登高悲送遠不如一  
觴歡今夕此會不比新亭集橫流能無滄海憂阿沈差免神洲泣情懷難遣  
游梁人聲價猶同入洛日機雲入洛正青春屣履公卿競到門東宮絕艷徐  
陵體江左哀思庾信文筆豪費盡珊瑚架墨瀋書殘白練裙璧月如花照瓊

樹漢皇好文偏不遇談經何意動紅陽獻策豈能感楊素貴游佞賤五侯鯖  
微譏早成豪士賦作賦雖盡悔誤身橫刀負羽恥依人河北軍中呵太守征  
西坐上笑參軍十年假臥衡山裏侯王徒隸崢嶸起已知馬槩勝文章猶倚  
儒冠侮兵子鄉人不薦馬長卿生意刁騷殷仲文種柳江潭忽已老蓬萊再  
到今揚塵間關北來誰共語朝野歡娛奏鐘鼓千官重見漢威儀故宮仍是  
周禾黍千秋新製詞明詞客弔奇偶經過野望蒼梧涕淚多不信穰災憑屬  
玉竟符妖讖陷銅駝沈炯登臺空拜表梁鴻過闕獨哀歌哀歌莫被中朝怒  
拜表幡然念鄉土淮南叢桂娟娟生不樂留住長安城秦嘉上計終思婦王  
式徵來本強行九疑窈窕湘波綠高樓正臨湘水曲女兒授學書滿床少婦  
彈箏美如玉儘添鴻寶付名山會聽蒲輪動空谷君去江干蘭自芳君詩蕩  
氣更迴腸欲從無奈湘潭水我亦金門執戟郎

潘少司農嗜鄭學名其讀書之室曰鄭齋据高密漢人石刻畫像模

寫爲圖以同治十一年七月五日康成生日置酒展拜會者十一  
人因題小詩

戎馬周旋劉使君幅巾長指大將軍後生不會雄奇意但道研精注典墳

趙碑亡失史碑荒灘水汙汙繞禮堂尙有典型在圖畫高齋親炷漢宮香

洪駒

父香譜有鄭康成注漢宮香方又見墨莊漫錄

### 新春二日游慈仁寺謁顧祠

悴節常苦寂歡晨常厭囂東風悅士女歌吹嬰春朝街西獨閉曠不與遊人  
遭禪關驚臥厖遑然破寂寥庭陰貯餘雪渾瑩不受雕頽檐有凍溜髡樹無  
柔條緇徒閉戶睡燼火細欲銷寺後有廢邱觀闕見岩崑梵容闕網戶讚頌  
遺先朝何年廟市徙求書琉璃窰春鐙照百貨車馬如乘潮雙松適靜性仍  
伴孤僧寮儼如魯兩生假寔不可招又如二詩老倔強島與郊返景落膠榦  
態色出蕭騷籠袖且久立已聞粥鼓敲豈惟肝肺清坐使榮觀超獨畏菰中

人剝啄致譏嘲

題董研樵太華衝雪圖

白日無語天雲同浩然忽憶蓮花峯望之纖掣類仙子縞衣練脫凌虛空太  
麓乍叩下泉院衆基更求集靈宮水堅石泐馬蹄踏賓從欲手無能從獨裹  
旃裘結膝襜濟勝之具天所豐樵蘇不出行迹滅往往虎內同參巖蹤噓氣  
在鬚作集靈懸瀑凍澗偃長虹紅衫躑躅出林表那識素面榜寒風舍馬而  
徒更十里乃拂落鴈過蒼龍巖緣猿附兩俱絕鏡縵下引天能通金神迷匿  
博箭爛玉女老禿天漿封回頭胸慄不敢視千里銀海欺青瞳巖阿道人拔  
關出瞠目訝是真靈逢忍飢不聞噪乾鵲閉蟄免使愁元熊下觀三輔只窪  
堽飄飄便欲游鴻濛何用投書駭世俗自崖而返亦已雄歸來人家皆偃臥  
呼酒百倒頗黎鐘趾靴手圻定始覺襦袴更取桑薪烘看山琢句門清峻槎  
枒咄咄生心胸兩過華陰不登眺悔我前日殊忽忽貴人游山待供帳如此

幽險誰能窮，  
伸圖洗眼真。  
歎絕天下健者，  
惟董公。

九日慈仁寺毘盧閣登高謝塵伯何鏡生陳六舟朱肯甫董研樵陳

逸山王廉生同遊

吾欲反悲秋，  
秋氣實快哉。  
木落天雨霜，  
萬里無氛埃。  
志士如黃鵠，  
人海賦沈埋。  
且登三藏閣，  
何異九成臺。  
磴道既多剝，  
步櫚又已摧。  
秋花亦疏薄，  
辛苦殘僧栽。  
紛然儔侶集，  
解帶傾尊罍。  
晴空擁太行，  
萬馬脫銜來。  
蘆溝濁似湯，  
蒹邱低如坏。  
決雲一雕起，  
拂雪羣雁排。  
逸氣翔寥廓，  
頓使襟袍開。  
諸公皆能賦，  
一大夫才下視。  
九陌人營擾，  
徒喧逐年年。  
有重陽望古，  
令人哀此寺。  
盛明季法筵闕如雷，  
國初猶莊嚴。  
廟市奇書堆，  
亭林賃廡住。  
漁洋遊春回，  
近日壽陽相重復。  
關蒿菜坐客皆龍虎。  
張石洲陳頤南朱伯韓曾文正梅伯言嘉會已陳迹，  
行徑生荒苔。  
各自有千古恨，  
不相追陪撫。  
此白露零感我玄鬢衰，  
靡靡枝上葉常被商聲催。  
請看雙虬松鐵幹，  
無摧頽牛山景。  
下泣秋井杜銜杯，  
二子孰爲

賢悠悠非我懷

題潘伯寅侍郎極樂寺看花園卷

西郊密春雲出門澹塵虛陟原得清曠卽麓轉盤互澗瀆循澄流瀾瀾見嘉  
 樹南直貝子園北眺西泮墓鬱鬱盤陀林諸天散香霧喬幹崩欹蘭灌叢容  
 妍婢哲王珠榜書成行親經師松牌句洪惟存詩侍郎敬愛客于野集簪屨  
 鳴珂儻從屏行廚航籌具所憾期集遲絳雪紛委路撫柯倦勝賞駐景託緇  
 素前遊值始華嘉會我未與後遊已爛熳良辰薄春暮令姿少長年畸士艱  
 良遇主僧笑我愚狂華援真悟請圖鎮山門永救善神護俯仰成今昔興懷  
 等楔序穠華有枯苑妙墨無朽蠹授簡不能辭竊比寒具污

嘉州酒歌 四川渝酒頗有名重慶所釀也嘉定酒最清雋罕有稱

者予平生好爲表微之論作歌張之

蜀江瀟錦賦春水薛濤井出桃花紙青衣來會嘉州城雙流淳涵水味美凌



雲山下碧青青燕見窈窕峨眉陰作酒不待女兒嫁家家釀出如黃金薛能

陸游醉忘返

薛陸皆有詩其贊嘉州酒之美

豈知今日尚有北客來知音蜀人喜誇渝州酒

不問一石泥數斗平原督郵不到脾濃醞只入貴人口渝酒濁如蘇合油嘉  
酒清如雛鵝頭先取麴米浮脂好次取江面回波柔倘教李白遇此味蘭陵  
不作他鄉遊吁嗟乎富春下若今已渺鏡湖一水天下飽世俗隨人作短長  
口腹毀譽亦顛倒不惜釀者難但傷嘗者少把酒歌殘不忍傾天泮何地無  
芳草

登牛首山望終南曲江樊川輞川作歌

我升燕臺望太行西旋北繞如龍翔今登牛首望秦嶺南面連橫如堵將截  
然平壤起都會桑乾渭水渾流黃幽雍以外降一等汴京釜底洛土囊金陵  
僅樓偏安土便有陂陀號龍虎臨安湖山最靈秀低首稱臣翫歌舞乃知邱  
壑與湖溪止娛寒士游醴雞文章綺靡士氣薄市廛儂巧民心攜赤烏草草

樊山駐鳥喙，滄海會稽樓。平城廣魏滑，夏和林荒苦。元開基遼金並起，黃龍外周秦光居。汧渭西建國由來，成沃土勞高氣厚。人文武潤色繁華，山後王當年山川本樸魯。關中今日少王氣，吳區自全非。上計持戟百萬無定形，以雍比幽廣狹異。小儒論都逞雄才，欲建行宮望幸來。小戎不敵回紇馬，陸海已盡南山材。方今天子守四海，提控豈在西秦隈。礪石難將渤海阻，丸泥豈禁函關開。後擁突騎護遼藩，前調兵食收江淮。一朝立國有根本，況復駕馭今恢恢。守國在德亦在險，大險惟有軒轅臺。

花之寺看海棠坐中董兵備將有秦州之行

春光如箭去，可惜有如千里遠。行客主人惜別並，落花對此都能飲。一石新陰嫋嫋燕，雜語脂光澹薄無幾許。石氏珊瑚強護持，關樓紅粉含棲。健乾嘉遣老南城，曾腰纏十萬來。廣陵日携姝麗到，花窟寶箏瑤席驚。枯僧牆上詩榜黯塵土，繁華轉眼如風燈。承平仕宦得游燕，不解守邊事。征戰今日男兒

重功名豈惜樛華如飛霞  
人生美官誰不求涼州美酒能銷憂  
花好亦如盛年好莫道沙場空白頭

偕張繩菴遊潭柘寺看松月

潭柘門前月照松  
驪珠吐耀舞羣龍  
安排福地通霄坐  
莫急僧樓夜半鐘  
異代莊嚴抵布金  
窮山洞澗造叢林  
能吟堪畫無多處  
只有山門百步陰

戒壇松歌

策蹇尋山冒殘暑  
食宿招提已四五  
仙嶂靈湫那得逢  
枉使人畜渾汗兩精  
虀糜飾爲栢越佛  
衣侈剝見黃土佛法  
一線在戒壇叩門  
先聽松聲寒橫廣  
平臺五十步穆穆  
護法排蒼官墨雲  
倒垂逾萬斛壓折  
白石廻闌干潮音  
震盪纖瓊掃氣象  
已足肅羣頑矯如  
神龍下聽法赫若  
天王司當關十松  
莊漫皆異態各各  
凌霄闖蒼黛一株  
偃蹇甘獨舞不與  
羣松論向背此松  
問年臆可知開皇  
下迄耶律代門內  
白足鳴鼓鐘年年  
傳法欺愚蒙何人  
飽食攜坐

具享此萬壑清涼風風動樹開見山趾帝畿浩浩窮百里長波如帶抱壇來  
歷劫不枯桑乾水回望西山衆精藍只如房窟與穴蟻彼法開山信有人善  
踞靈奇爲棲止

漢上琴臺

莊叟忘言痛惠施伯牙輟響爲鍾期從來朋友雲龍契亦等君臣石水知處  
默固應渾衆獨希聲何用計成虧推琴慷慨秦廷對孰使謀之自敗之

內旗語

誤盡

伯厚多聞鄭校讐元金興滅兩無憂文儒冗散姑消日誤盡才人到白頭  
淮譁蜀亂毀藩籬已是弓藏鳥盡時德壽纔催臨楔帖阜陵又賞選唐詩  
後主春寒弄玉笙章宗秋月坐金明詞人不管興亡事重譜師涓枕上聲  
兵食無籌治本疏秀才酌古論孫吳朱辛都愛龍川好北固樓頭一酒徒

秋興

歸鴻警邊吹離羊嘶商音夷則傷萬物肅然惻我心夕溥砌菊露晨損庭柯  
森玄蟬闕曼響蜻蛚振促吟虛堂紉紉素珍此一寸陰隲落棟函學激顛偷  
煩襟裘衣覽城闕披露西山岑涼字絳螻歛頰照碧氛沈登稼農休未授衣  
女急鍼荒陂稍夷曠藁葭猶蕭穆此日歎竭澤昔遊鑒清淇潘生賦不達漢  
武樂已淫玩易自無悶歌唐獨思深欲辨誰爲質命錢聊孤斟游息止藝圃  
翔集耽文林誰云秋可悲且操履霜琴

憶蜀遊十一首

浣花溪

乾降下詔訪蜀故禮殿石室均渺茫君平卜肆更無致趙錄樂記烏能詳獨  
有城西浣花宅至今門前溪水香經術道德俱寂滅世人所愛徒文章文章  
小技胡能爾顛倒百代籠三唐此老落筆與衆異憂國愛主出肝腸胡羯恣

誰蕃胡闕收京問寢無時忘敦本好賢念故舊威獲雞蟲皆恐傷之殘辛苦  
作草閣苟完豈能免淒涼今日朱雲映綠水滿徑竹露闌花光身居兩載甚  
倉卒棲神獨與江山長豈是詩筆叶光燄實惟忠篤通穹蒼卽論愛文亦美  
俗巖穴老生皆激昂鄙哉大橋題馴馬徒以官貴驕其神

### 劍閣

物苟有可欲徒自錮南山敵國貪吾土地利難防閑瀛洲不能阻無論山蹊  
間劍門若石城猿鳥愁躋攀五丁迎秦使納敵召禍患艾越彬亦入重局失  
其艱平生戎夷塗戍卒稀且閨陰察秋雨積馬羸憂石頑巖樹覆深澗微聞  
鳴潺湲慷慨發勞歌誰爲賦綿蠻陸銘不可求峭壁惟苔斑李唐恃三窟乘  
輿四往還宋眞逮金哀學步何其孱天子守四夷豈在保一關

### 錦屏山

嘉陵一江勝處在閬州州城南號稱五城十二樓明鏡三面抱城郭錦屏九

巖臨汀洲江深石潤接葱蒨帝子飛蓋時來遊峭壁下瞰竈鼉動危磴上見  
猿揉休山顛地勢轉夷曠翹足臥看澄江流當年丹梯碧瓦照山谷今日石  
稜磊磊成荒邱時見樵牧語煙靄無復士女嬉春秋杜歌清壯猶可誦馮記  
荒渺誰能搜唐代親藩多典郡曹杲最著他無儔好治宮室恣游讌猶勝庠  
下藏奸謀吾聞洪州高閣亦是滕王建飛雲捲雨今仍留我勸蜀人惜名勝  
荒穢勿使山靈羞

### 凌雲山

李冰弱水性雙流分離堆醜爲千陂塘瀆漫生文漪合爲一巨漚頓異濫觴  
時嘉州江始縱如鯨揚其鬣青衣自西注高浪無雄雌靈巖爲幟志岸然臨  
其歧石色閒黝赤蔭蒙樹側垂摩頂高且平廣譙可張施手持一卮洒下視  
千帆馳三峨眉翠黛晴明或見之曠欲游鴻濛豪欲挈地維如去肝兩病宿  
痞吐無遺罄山鑿化人瞞腹手如箕道是南康王遺像福祿蚩蚩才雖文武

暴侈驚華夷留此鉅偉觀差足駭蛟螭山川數雄駿吾謂蜀之魁蘇歌固跌宕未盡山川奇願召名士游一洗寒酸詩

重慶府

江與孫水會漢嘉南下叙州會金沙瀘州南會黔瀘水都邑逐漸成繁華重慶北會西漢入壯盛瀕滄遂無涯楚加不羨陵中國秦并六王成一家名城危踞層巖上鷹瞵鷲視雄三巴巴人能文兼好武深山今已無長蛇唐人分鎮昧形勢梓州亦建東川牙吳畫嘉陵不盡入江處丹青雖妙奚足詩荆湖東控關門戶子午北向通幽遐東風連檣來估舶春雲被野著桑麻橘官鹽井並充旱萬機織錦翻朝霞

產巴

請歌巴州教渝舞夜夜醉看巴江花

忠州東坡

川東山水會忠州最清妍巴峻夔隱隘適處巴夔間唐代猶僻陋謫官類多賢前有李與陸後有白樂天既少冠蓋客復無歌舞筵民貧吏亦魯斥官圖



木蓮野步得東坡聊寄桑者閒我來江上望花竹籠春煙萬野同一綠菜畦  
間秧田江平碧瑟瑟山遠青娟娟刺史甚安樂廚傳頗充然不望遷三秩但  
願居十年竊笑古人常有遷謫意雖有山水戚戚無歡顏

摩圍閣

在黔江縣郁山鎮

蒼蒼摩圍山猶染唐時色

白詩摩圍山色正蒼蒼

此是入黔道巒山逞勦劣太虛失清

曠遭此羣峭逼往者李供奉後來黃魯直山閣井觀天遷客來游息其下有  
丹井泠泠我心惻宜州寄城樓羨此安可得黃詩多槎牙吐語無平直三反  
信難曉讀之鯁胸臆如佩玉瓊琚舍車行荆棘又如佳茶碎可嚼不可食子  
瞻與齊名坦蕩殊雕飾枉受黨人禍無通但有塞差幸身後昌德壽集妙墨  
注詩獲任淵亦得謫蜀力南浦題名存山鬼護石刻

叩嶽山九折坂

漢家愛金碧遠通西南徼至今兩物蕃貢市來六詔自從唐蒙後叱馭猶寒

掉 熙朝文軫恢越篤供庸調匏壺鬼教廢花鬘菩薩妙不憂盧水毒奚畏  
印竦峭嵐氣迭陰晦獨龍鄙不照不見山首尾高度詎能料巨有旄牛迹悽  
無杜鵑叫閔茲役夫病胸慄捧輿轎明發昏未休百盤困旋繞茅舍喜一飯  
濕衣就烘燎谷鳴致霧涌搖手戒呼嘯兩日升嶺脊西見雪山權直北走松  
維迤南包緜驃積素門朝日目懾身飄搖大嶺最廣博小嶺亦宵窳熟戶解  
迎拜生番或攻剽蜀境接藏衛法王受徵召業業耆闍毗冠蓋久焜爛何況  
益部內豈蹈回車誚甯遠有銅官誅求吏不肖蜀帥無遠略黃龍失信約葛  
侯收南中豈曰非治要

夔門

導河鑿三門導江止一門赤甲高刺天瑤姬司其開自入渝氏道驟如萬馬  
奔嘯隴恃一壑鯁咽不能吞齧頰抗其間虎豹當關踰盪穴走鮫桓聯臂戰  
援儼何人立高扁指麾灘師尊哀歌助羣楫犯難穿天根臍入汨復出觀者

失其魂霜清秋潦降漸見東西屯牽挽費百丈峻壁漸可捫天建華陽國人  
力決其樊昔日麻鹽通今日集諸蕃從來多險國不得如圈豚攻者成緡王  
守者難自存流穉破吳都井蛙躓公孫八陣已破碎日落巫雲昏

### 火井

閉門一無求善國莫如蜀大利歸鹽筴不薪火自足富媼吐靈怪光向絳霄  
燭一邀蕭相窺再昌炎漢籙當其穿鑿始頑堅百丈劇萬竈恣煎烹天廢程  
鄭欲卻晒巴婦井丹沙細如粟神愁地脈洩人畏劫灰促蜀產詢夥頤更僕  
難盡錄錦江夏絲白蒙頂春茶綠陰木堅勝鏡樹蟻潔如玉卮茜今衰歎糖  
霜復繼續順慶紅花之利今爲洋紅所替自黃山谷居銅鏡繞坑冶但恐無  
人督牛馬充耕戰藥物兼良毒憶昔南宋季一鎮支全局緡錢三千萬供軍  
踵相屬南宋時蜀中財賦解三司者三百餘萬緡固山地產穰亦恐征歛酷保民有

至道君子善處沃

青城山

在重縣余季父曾知灌縣久聞其勝今提蜀  
平報滿遂欲往遊聞有司將具供張乃止

五嶽之外孰可遊山荒樹伐憐羅浮雁宕有好病瘦狹黃山雲好嫌陰幽匡  
廬外博中枯寂但誇廉谷懸飛流只有青城不可唾深秀能使人淹留巖壑  
回互三十里青蒼不落無存秋所積箴箴散花竹長坂往往開田疇隨處澗  
泉堪濯足登攀不爲芒屨愁千家百寺費用廣薪蔬何待出山求欲界仙都  
此倘是縱留一月豈能周古有避世姚平仲今聞好事何東洲柯子貞由四  
川提學罷官  
後竹茲山十載入夢寐已辦笠屐窮探搜或云行部古不到謝公伐木招人  
往遊竹尤不畏猿鶴謝逋客惟恐雞犬驚鳴駒姑效興公寄吟想弔奇有願何年酬

沈松樵贈琴泉寺唐經二紙

寺在濠川府  
即唐惠寺

唐書賞楷則峭急始經生千碑同一法寫經遂孤行晚出王鱸祥早顯鍾紹  
京東川遺梵夾資福獨無名想見拾遺來浮圖尙崢嶸象法不自庇劫火俄  
相攫舍利已灰滅撥拾得筆精麻紙黃不蠹松墨湛兒情當時取急就千萬

日有程臥腕驅拂筆波媚出欵傾右餘左不足荒率得其情守帖多臆改觀  
此息喧爭三藏大海闕片紙一漚輕將毋儒笑儒寶此如連城研金與剝血  
彼教何其宏儒徒守釋典蔽惑良不平我自重我法古今一蔣衡誰藏孔壁  
簡登咎秦皇坑

謁胡文忠公祠

樞軸安危第一功上游大定舉江東目營四海無畦町手疏羣賢化黨同江  
漢重瞻周雅盛山林始敗楚風雄長沙定亂誠相似未及高勳又赤忠

二老當年開口笑九原今日百身悲敢云駑鈍能爲役差幸心源早得師

聖慮當勞破吳後雄心不瞑渡河時

公開熱河北特請自率歸入援次年  
定陵上仙病遂篤數日安

攘未竟公遺憾徼福英靈倘有知

彭剛直公輓詩

神州貫長江其南際漲海江海幸息浪砥柱今安在持危望同心事棘公不

待回憶越稔昏炎方門戶殆天降江神尊氣吞海若倍軍離終成睦民怨頓  
忘傲雪濤擁虎門兩角高崔嵬孤軍壁其外免胄不披鎧共苦感士卒任難

服僚案我亦受危任同臭若蘭蒞論奏出腐儒謬謂謀可采

摺奏電奏皆余  
屬稿聯銜會奏

公不易 王師入龍編虜肉不足醢持虛勢已成行成逞欺給返旂三軍吐極

斗老夫咳天鑒剛且直懸言宥不罪兩年棲菴岡擇地斥爽豈霧潦看墜蕊  
浸淫中肩骸爛爛紫石稜疏髯蒼繞頰扶掖始下牀英姿終不改九州服威

風所至絕奸賄燦爛孺口張皇及墳鬼畫梅徧人間自吐冰霜雷北歸未

過衡一面至今悔

余移湖廣本擬自韶州度嶺取道衡州由湘入鄂便視公  
疾後以有奏明過漕商榷之事遂由海道不得道衡州

急難不尸位此意空千載袍澤入魂夢孤憤結磊砢鯨牙日鋒厲箕尾失光

采羣蒿豈任柱雨泣向真宰

### 五北將歌

廣州副都統烏蘭泰

桓桓都護鬚髯紫平日愛兵如父子萬里征討毒瘴鄉能結士心得士死左  
江右江賊如麻四方征調糜盡沙按礮持燧不敢發一里以外猶吐嗟始將  
火攻教儒卒可惜利器無開花老熊據險氣山涌水竇孤軍搖不動黑夜出  
奇卷甲來以少擊多無旋踵獨恨諸軍不和輯老將兀兀成孤立桂林橋上  
鏡兩飛公中破重傷旋殞五管軍民同兩泣嗚呼庸相真無謀棄駿任鷓鴣神州當  
年若使烏向爲兩翼安有長鯨直下江海成橫流

### 湖北提督塔忠武齊布

湘沸江騰虎出柙千城百壘如摧拉誰翻敗局據勝勢破賊首見滿洲塔報

難起義曾太傅左提右挈無人助猛火光裏識奇男一旦英雄歸駕馭塔署長沙

協守備以救火爲會公所南來帳下三百人公以長沙協標兵三百一材武皆冠軍

童雲彭三劉士畢金劇豺虎楊鮑超黃翼李成翔謀風諸雲將內楊長沙協

湘陰汎千總鮑從向忠武至廣西轉至湖南以餘丁補長沙協兵軍門神武殆天授能用水師兼步門六合

槍訣無人學公自教將校觀兵六合槍者只能二出必先人歸殿後上游湘

潭城下游九江郡行二千里無賴刃兵勢如龍賊如草百船錢鏐一宵燼歸

營假臥不知人公至九江發謀盡戰門勞苦過差每戰歸糧明朝辟食仍陷

陣田鎮故壘臨江湄父老言之歎且悲中興諸將列茅土開創風氣非公誰

我聞但有勝將無勝兵惟在運用能神明請看塔公部下將豈分勇營與綠

營

### 西安將軍多忠武降阿

明公將步布將騎縱橫天下皆如意胡公東征善知人鮑步多騎左右臂收

取太湖扼潛山奇兵橫絕集賢關馬隊八百敵萬衆無髮無捻無精堅陳狗

失穴如游沸鼎內安慶無援已在掌握閩江淮大局進退在一戰挂車河水

流血成朱殷古來騎將專擊搏今看一陣良足樂灌嬰季布平陽侯不及將

軍有知略關中禍亂留花門三輔焦爛無完邨外援到陝已却步

劉秉璋之軍敗於陝



西地越周調入 內兵渡渭徒進奔陝撫劉孝將軍鐘鼓鳴瀟上終南山色開

朝昏盤屋堅巢城如鍊將星遽碎城亦裂以攻靈屋城中破部下金順善庚

長順穆廣王陸曹忠雷正餘威掃盡葱嶺雪從來步騎難兼長何況能謀能

戰平生無敗創倉卒不待一二載生寫形容上紫光

### 科爾沁僧忠親王

南軍尚持重北軍尚剽疾湘淮兩幟戰江表河北獨有名王一中原曠蕩幾

千里鍊騎騰蹙一萬匹神京既奠遂南下年年征討無休日海東勁卒材昂

藏東三省漠南蕃部性雄強內蒙左四目瞶語難誰能馭指揮赴敵如驅羊

射雕羽箭二斤重詐馬繩竿九尺長正兵螺旋迭進退馬隊進戰皆為螺奇

異鳥翼相舒張不知何者為兵法但見萬馬併為一馬無能當王全不依古

自語吾馬隊不論多少連鎖街馮官屯杞縣城金樓村白蓮池上東捻滅馬

山口外西捻奔大沽夷船亦奪氣蒙城苗練先亡魂大功數十小戰不知數

樓下仙家爐鼓鐘，杳然聲不孤。朱顏已髮老，益壯隨我早。良姿佛道感，身不去。真凡夫人年過卅，日過哺。助業未立死，已近疑。心自寬，容秘闕。聞中天地絳，有像太虛一蝶飛。速速此生未了，惟詩通勝遊。佳製叩追尋。

靈光寺題壁

冒冷赴山寺，危途仗短筇。尋詩呼客共，扶老許兒從。冰下水聲細，雪中松色濃。明朝合關，齊同上最高峯。

秘魔崖題壁

雪後山氣清，仲作如深秋。落葉滿湖底，冷泉凍仍流。陰巖散餘寒，枯苔殘雪留。靜坐人語絕，竹影忘樂憂。問君何能然，此心無可求。

山南用廣化寺春日題壁韻

卽以索新句，縑頭繭澗存。黑雲山角寺，紅樹雨中村。恍惚峯巒辨，迷離澗半存。同遊少佳客，詩律與兒論。

賊能自拔習慣沙場從結髮賢父戰死沙州城桓靖美謚榮忠骨古城頭隊

大臣殉難 賢兄博學高名起兄副都統博雅能 武達文通一門裏國難家難

在西城孤兒甘赴邊城死絕遠無如塔城孤斗入斯科環雜胡藩離外收哈

薩克塔城一帶內哈薩克 犄角內結呼土圖阿爾泰山喇嘛棍噶札拉冬什

多塔爾巴塔台一帶蒙民皆附之有衆十萬屢與俄邊人戰錫深與結納相

爲犄角俄人侵軼者輒擒治之俄深忌兩人屢言于朝求斥去之遂疊經吏

議革職暫緩離將軍任清語克爲語助辭若 匈奴未有家何有閉壁不許通

讀呼土克圖聽之只有呼土圖三字無克字 妻孥妻子自都赴閉門不 犁荒起疲變重鎮鄂博一步誰能踰西鄰責言似

積毀熱血未冷霜盈顛玉門望斷敵人喜刀筆糾摘紛紛起私交不責許田

鄭山東巡撫張曜借洋債六十萬私用身後 市租獨尊代郡李戶部劾其借

前機奏報不 恩寬僅毅飾終僕柳娑淒涼歸萬里二卵棄將古有之長城頓

壞今已矣鼓聲聲謹營聲悲我 皇聽者思者誰屯田未熟征夫老界上來

爭帕爾俾

題莫子偃大令友芝所寫說文木部殘帙卷

降義零尾證玉篇流傳知在二徐前細求較長遺文意所效陽水結勢偏半  
部漢書殘亦寶一編唐韻守疑仙六丁搜牘無多字天付先生作鄭箋

正月初二日同楊叔蟠登樓望餘雪

自愧銀簪白髮人晴光喜見照城闌山通佳氣猶明雪江泛柔波已漾春冠  
佩漸勞知老至羽書方急愧年新湖南華容會匪益往捕憫牛誰誦河東賦清嘯  
南樓恐不倫

焦山觀寶竹坡侍郎留帶

玉局開先繼石淙竹坡游戲作雷同 大廷今日求忠諫魏笏終當納禁中  
同姓懷忠楚屈原湘潭搖落冷蘭蓀詩魂長憶江南路老臥修門是 主恩  
故人宿草已三秋江漢孤臣已白頭我有傾河注海淚頑山無語送寒流

正月十七日發金陵夕至牛渚

牛渚春波淺漲時武昌官柳已成絲東來溫嶠曾無效西上陶桓抑可知

登采石磯

艱難溫嶠東征地慷慨虞公北拒時衣帶一江今涸盡祠堂諸將竟何之衆  
賓同灑神州淚尊酒重哦夜泊詩霜鬢蕭疏忘却冷危欄煙柳夕陽遲

九曲亭

余同治戊辰提學湖北來遊西山見亭已圯出錢造之今二十八年矣

華顛文武兩無成遙見江山巖旆旌只合巖樓陪老衲石樓橫榻聽松聲  
矜此勞人作少留却煩冠蓋滿汀洲隔江欲喚楊夫子載酒攜書伴我游

教諭楊君守敬

坡公選地挾山靈奧曠雙奇會此亭日落江光都轉白春來谷氣盡含青

胡祠北樓送楊舍人

煙燧難腸酒易醒  
奉容緝芷送揚舲  
餐邊霜雪秋催白  
山勢龍蛇雨洗青  
剝有讀碑思覘首  
不辭攢淚灑新亭  
淒清喜有寥天雁  
且破愁顏北向聽

秋日同賓客登黃鶴山曾胡祠望遠

羣公整頓好家居  
又見邊塵戰伐餘  
鼓角猶思助飛動  
江山何意變彫疏  
三年菜色火應澹  
一樹巖香老未舒  
我亦浮沈同湛輩  
登盤愧食武昌魚

九月十九日八旗館露臺登高賦呈節菴伯嚴諸君

磯上嚴城晚吹涼  
凌風壯觀補重陽  
柳仍婀娜秋生色  
荷已離披水吐光  
風動白波寒楚佩  
夢回青瑣在江鄉  
寒煙去雁窮懷抱  
強爲羣賢一舉觴

慈仁寺雙松猶存往觀有作

千步廊前車如織  
歸來中滿不能食  
無聊欲共草木語  
城南雙松上胸臆  
琳宮百堵無片瓦  
遠見精神出草棘  
偉哉衣冠綺與黃  
曾觀秦火三月熄  
龍鱗如掌醜愈妍  
返照在頂晃黝碧  
崇效僧圖遭掠賣  
長椿九蓮難蹤跡  
此寺尙

像亦俄空佛救不得憑誰力訪舊多爲游岱魂求如汝壽那可得同遊俱是  
感慨人藉草相看到曛黑往年妖亂等一夢錦庫成灰銅仙泣遺此區區老  
秃樹豈足增壯帝京色雖不中用亦復佳左傳杜註無能爲留與後來阮亭  
望溪弄筆墨

政務處諸公招同樊樊山簾訪遊積水潭示樊山

東省夔龍坐上齊招涼同到後門西舊人惟有樊山老愁絕僧牕續舊題

對岸喬林付爨煙

水西百株盡爲寺老樹數

伐荷花愈少愈堪憐雖然不是滄桑事

但惜西泮變稻田

和雲門南河泊之作卽同九佳韻

江海無能一病骸獨欣藪澤免塵埋早涼樹鵲聲先喜殘睡漁翁眼乍揩謀  
野竹無裨謀獲遊車姑學邵雍乖鑑湖儻荷君恩賜致仕何妨被硬差

歌曲

念奴歌曲賀琵琶天寶遺民認不差父老若狂知有意自欣凝碧屬唐家

過琉璃廠

畢董殘裝有古金陳思書肆亦森森曾聞醉漢稱祥瑞何況千秋翰墨林

李文正故宅

獨樂園中花藥荒思賢重上讀書堂誰編元祐初年事且喜諸郎尙有康

國子監拜熙文貞王文敏兩公祠遂觀石鼓

戟門階下綠苔生鳳翥鸞翔老眼明人紀未淪文未喪巋然十鼓兩司成

留滯都下日久時有唱酬

李越縵謝麟伯王荅舉袁前西宿草萋區區風雅亦陵夷薛能自忖無功業

不恥粗官好說詩

中興一首答樊山

流轉江湖鬢已皤重來闕下撫銅駝故人第宅招魂祭勝地林亭掩淚過



前席頗憐非少壯小忠猶得效蹉跎神靈今有

中興主筆擬清溪石山

磨

拜寶竹坡墓二首

翰苑猶傳四諫風 至尊能納相能容楓林留得愁吟老長樂疏星獨聽

鐘

百疏危言日月光差傳子政作金方市樓一瓊良鄉酒那得魚頭共此觴

甚官侍郎時許凌屐訪之惟新熟良鄉酒一壘與余對飲更無鮭菜鹹齏一椽而已用魯宗道事

此日足可惜

鶴蓋晨飛到夕曛借贖泥滑更辛勤神州多事光陰少還望陶公惜寸分

年近

風氣士大夫多散處城內外有遠在城東北隅西南隅者凡人直到署及朋友往還約略日須奔走三四十里

食陶菜

都官留鯽為嘉賓作鱠傳方洗洛塵今日街南詢柳嫂只緣曾識儂京人

題

不道三自人請金

集成圖書公司印

香家伯以西湖五柳居烹魚之法  
浸酒家名曰陶菜今遂失其法矣

### 九日登天甯寺樓

過關當行復暫留  
數將新綠到深秋  
貪看野色時停騎  
坐盡斜陽尚倚樓  
霜菊吐香侵歲晚  
西山滿眼隔前遊  
廊僧亦有蒼茫感  
何況當筵盡勝流

### 白日一首示樊山

又到山寒木瘦時  
黃雞白日去如馳  
詩才已為塵勞盡  
霜鬢空教海內知  
送遠添愁身是客  
解憂無效酒盈卮  
夢中爭苦煩驚醒  
櫪馬依牆齧斷萁

### 金陵遊覽詩

余兩假江節不暇遊觀甲辰春奉命來與江督  
議事公事無多又不能速去日日出遊以謝客

### 薛廬

在烏龍潭上昔為全椒薛慰農院長所居今  
為薛祠潭即顏魯公放生池也今有魯公祠

人愛顏魯公池古澤不竭天憐薛夫子分此地幽絕閉山籬  
門內貯水臥榻側貧士生巧思一壑遂專得吟詩構杜堂問字  
比揚宅雖無五松雅猶勝介山熱路荒花竹門家索藩牆缺溪  
亭徒兀兀無梁不可涉自柱影前香悽然

懷抱別常恐嘯詠事後起遂銷歇

元武湖

滄海日以東江湖日以遠城頭紫氣盡城下白波淺龍子去荒洲存深茯苓  
短透迤隨崇墉縱橫抱疊巘樂遊與青溪自笑蹄泮編勝國一紙堆今日萬  
家產賢侯助業多豈暇計瀦區閒鷗樂數澤白舫洗心眼欲使清虛露先將  
荒穢翦污萊畀農漁蒲荷兼游衍利害隨時生陳迹不相踐葦間貪延緣浦  
口暗西曠

莫愁湖

蕭衍黠老公豔體託麗人製爲莫愁曲歌者賴生津遂令石城水曼膩嬌千  
春將柳作腰支以山當眉蹙六代迄宏光海枯湖不涸顛倒滿城客髣髴遊  
洛濱可歎遊觀末亦罕眞賞存了無川嶼媚一勺安足珍白雨忽飛灑水草  
生精神明鏡頓如拭一洗金粉塵

雨花臺泉

不見報恩塔猶見雨花臺信知象教力帝王不能摧灑此一清涼救彼羣  
靈一嗽肺肝半再嚙神識開此邦苦爨汲流惡孰決排安有脂粉賦時見黃  
草偕珍竈固由此坐使風俗卑汲汲安吳翁陳義通江淮符調忍獨清見泥  
志勿衰

胡氏愚園

有六朝石宋人題字曰劉季高山撰  
洞其旁紹興丙申十月乙亥十六字

甲第什佰區充塞冶城中云是大將家一堂役萬工土木朱紫衣歌舞玻璃  
鍾佳哉後源叟獨以園池雄浩渺起鷗鷺心落滄洲空撫此徘徊石頓思相  
賞松池東有礪壑畫意參荆種池西多嘉實霜餘綴青紅我來值冷落掃除  
驚兒童無人亭黯敞不翦花蒙茸獨有賞會處不與衆人同

青溪

劉江諸大宅一礎不可尋遺此衣帶水穠華變清深稍稍種桃柳寡薄無繁

陰聊借三人航寫我五湖心  
燥吻甘止酒茗碗自酌斟  
清曠人語絕時逢禪  
叢林煙際聞相呼  
三兩歸暝禽何必牛渚月  
已足愜素襟得享一舸閨勝擁  
千鑑金

謝公墩

謝傅功再造轉憂爲臣難  
桓筆急且哀一坐皆汎淵  
詠詩效洛生擁鼻仍儒  
酸山澤自本性亦以免  
憂患豈意菱蕝地千載爲公專  
後枕鍾阜樹前流北  
郭泉僻有鹿跡雜靜聞田水喧  
景物甚寥寂自取碩人寬  
寄興在象外一卒  
同東山來爭無味名猶是介甫賢  
何人情古意築室加藩援  
善保此部莫勿  
使犁爲田

雞鳴寺

余以金施寺僧開寺後經堂  
爲樓遂爲金陵勝地之冠

雨暗覆舟山泉響雞鳴  
球球流南朝水僧住南朝寺  
當時造宮城選此陵阿  
地朝市皆下臨江山充環衛  
白門遊冶子杳拖無生氣  
心醉秦淮南不踏鍾

山背一朝闢僧樓，雄秀發其秘。城外湖皓白，湖外山蒼翠。南岸山如馬，飲江  
駐鞍轡。北岸山如屏，縈青與天際。鷺洲沙出沒，浦口塔標識。煙中萬樓臺，渺  
若蟻垤。細亦有杜老，憂今朝豁蒙蔽。

瞻園

本徐中山園今  
任布政司署

去年入瞻園，水涸不盈尺。殘梅如病庭，步步生草棘。山林有重遊，相隔幾何  
日。攢燧寸楮畫，展作尋丈壁。充悅盜百卉，苔澗新陰碧。邱壑涌奇詭，尋路忘  
會歷。虛堂久扁鐺，一旦波照席。佳處添茅茨，愛之坐忘夕。屋烏與餘肯，非關  
好惡辟。物態由決發，兼遇興會集。傳舍何足云，滄桑亦過隙。不爲大功哀，豈  
代青君惜。達哉張全義，不理平泉石。主人觀靜妙，開縣李雨亭官布政使時題曰靜妙堂俯仰  
掃陳迹。

翠微亭

卽南唐  
暑風亭

明光曳地來，長如一匹練。不登石頭城，幾疑天暫誕。邱垤齊斂避，形勢頓涌

現是日積雨晴千里無陰闇夕陽生金采青綠染郊甸尺樹藏百村片嵐連  
數縣南北交映發不爲洲渚間姑孰及朱方左右一顧盼保大雖屏王此亭  
江表冠涼風掃盛暑夜夜金輿玩霸圖偶起滅山川長綯爛窮蛙食井泥安  
有超世見欲攬大瀛環淩虛思羽翰江神傲河伯醴雞兩足欺遠略我所乏  
老朽頗自厭登高或能賦含毫窮汗漫

燕子磯

洶洶黃天蕩空曠如巨池舟行無幟志遠指江干磯鑿骨蒙苔蘚舒翼昂頷  
頤翩然來下浴斗入青琉璃南北此要津日有千帆飛喜其無障礙登者帆  
賦詩豈知白鷺洲駸駸能東移古渡多改變迥異梁陳隋伐荻如伐木取充  
州軍資青青雖可悅大觀爲蔽虧蕃舶運尻輪外水晝夜馳內水頓淺狹竹  
塢連秧畦陽侯呈靈怪沙禽眠不知昔傳裘司空水神此地尸文達爲燕  
子磯水神今  
祠內木  
主尚存巖巖臨溝澮威福將安施既失搏水險遂減翔風奇利害每相因世

事皆如斯茫然來好事路壞亭孤危仰讀設險句感歎南巡碑

碑上乾字  
即題詩有設

險俯瞰鹽烟商誰解題好辭北阜藝夾內夾江惟鹽  
船行之行旅皆乘輪交吹雲送客散滿山號畫

眉磯下多叢眉  
皆巢石罅內

### 金陵雜詩

兵力無如劉宋強勵精政事數蕭梁何因不享百年祚  
旣毒山川是建康

叢蘆無主魯公池斷壁難尋武惠祠功德無憑恐富貴  
中山處處有圍基

人上

謂布政司園糧道園南至胡園東  
至張靖逆侯園皆徐中山園址

荒陂野水尚西流朱雀橋邊繫葑舟莫道南朝無可念  
求書今少大航頭

太白南遊意可傷吳宮泯滅國山荒雪讒自寫浮雲感  
豈為登臺弔鳳皇

孟老錄中思汗臺達摩曲裏鸚城灰世間少有闌成賦  
便覺江南最可哀

宰相荒嬉夜宴闌保儀新拜掌書官春風一半殘桃李  
獨有潘郎忍淚看

北橫天暫雪濤吞東擁鍾山翠壁捫堪笑謂之無遠致  
賞心偏在水西門

謂丁



所作賞心亭  
在今水西門

老借瞿聃作退藏蔣山驢背舊平章惠卿雖敗惇京壽法乳繇延送靖康

相公開闔待中樞公子南軒闕敬夫百萬椿錢支破盡靈虹果有岳韓無

開府建康時張敬夫在保寧寺方丈說  
書號其室爲南軒南軒之稱由此始也

就隱周雷不可攀樓霞訪古長卿閉明賢專翫板橋水讓與貧僧住攝山

媒鬻開場隴麥肥君王射雉撒重圍祇今游戲無生氣江上蕃兒獵騎歸

句曲陽明洞裏天館壇殘刻渺荒煙挂冠神武時賢少不訪三茅已是仙

景宗何如霍去病慶之無愧張子房誰道江東詩綺靡如聞敕勒見牛羊

秘種傳來自海涯雞雍爲帝亦堪嗟牡丹芍藥舊王謝一尺妖紅月季花

雞鳴寺改半山頽永濟荒涼靈谷灰獨喜清涼名實好贊幽耽僻有誰來

諸刹清涼寺  
爲最餘無取

秣陵遊客偵騎驢今日全家挽鹿車拈出維新一公案請參利病究何如

金陵

沒張

過張繩菴宅

廿年奇氣伏菴虎豹當關氣勢粗知有衛公精爽在可能示夢傲令狐

過蕪湖弔袁滙珍

七國連兵共叩關知君却敵補青天千秋人痛晁家令曾為君王策萬全

民言吳守治無雙士道文翁教此邦白叟青衿各私祭年年萬淚咽中江

詞之於中  
江書院

鳥雁江湖老不材百年世事不勝哀蓋公堂下青青樹曾見傳杯讀畫來

湖熊

建署中滙珍用宋人蕪湖故事作避舍蓋公堂丙申二月余還武昌過蕪湖滙珍留余及蘇僚賓客談讌竟日

讀宋史

南人不相宋家傳自詡津橋警杜鵑辛苦李綱虞允文天祥陸秀夫輩追

隨寒日到虞淵李綱閩人虞蜀人文吉水人陸楚州人曾南人

惜春

老去忘情百不思  
愁眉獨爲惜花時  
闌前火急張油幕  
明日陰晴未可知

石遺室師友詩錄卷一畢



石遺室師友詩錄卷二

侯官陳衍

寶廷字竹坡號偶齋宗室同治戊辰進士官至禮部右侍郎有偶齋詩草

石遺室詩話公壬午典闈試歸途次取江山船女兒為妾自上書舉幼  
 去官在官裏言事繼吳柳堂侍御後為江山水遊使車所至必搜  
 言最切直遂旬月不起去登泰岱入武夷泛太湖遊金焦足徧兩峰三  
 奇訪勝留連旬月不起去登泰岱入武夷泛太湖遊金焦足徧兩峰三  
 貧乏不能自存時賴友朋資助得錢兩沽酒呼故人賦詩酬酢  
 中稍有著餘則攜兒命侶攜入山處之泰然偶遊昆明湖遇公於湖  
 公酒家則遊輒憩而行肥阿矣靈光有輞川別業也公詩天之一豪宕以時書  
 為主論者謂在長慶輒隨園北江船山長短數千首遊山者居其七八  
 放翁誠齋近人則初白隨園北江船山長短數千首遊山者居其七八  
 以田盤十餘年妙為蜂翠微桑乾罷官雖清而沈酣於山水朋友節字之  
 樂者且十餘年妙為蜂翠微桑乾罷官雖清而沈酣於山水朋友節字之  
 冷家庄三家店廣化寺諸處皆公樂之長篇二言詩可人當遊記古不  
 厚公有西山紀遊行田盤歌及七樂三篇之二言詩可人當遊記古不  
 賦讀蒼茫射猛虎題詠徧戒壇柘忍他日平山重過壁間飛動見龍居  
 夜半蒼茫射猛虎題詠徧戒壇柘忍他日平山重過壁間飛動見龍居

卷二 一 晨風閣叢書甲集

蛇內成余公車至都於留飲分韻賦詩極道西山紅  
葉之勝約秋來同遊舞舞南返未得追陪杖履也

### 大考左遷戲作

老娘三十倒繡兒獻賦 金鑾色怵怵中允左遷天有意小臣詩筆近王維

### 陶然亭送張香濤如粵張幼樵如閩

友朋久聚處淡泊如常情偶然當離別百感由此生人生各有事安得同止  
行各了百年身甘苦難均平古今幾賢豪時亦有友朋離別亦習見別淚例  
一零今日天氣佳有酒且共傾勿作祖帳觀聯轡遊江亭俯視大地闔仰觀  
高天青餘生尙幾何願醉不願醒

### 見菊花偶成

老近愁多別有心惜花倍覺惜光陰勸君莫盼黃花放盼到花時秋又深  
晚節休言自有香秋容慘澹不勝涼輸他厚福韓忠獻富貴偏能歸故鄉

### 重陽前夜作

雲沈天欲霜疏雨五更涼一夜西風急秋聲滿朔方乾坤身外大歲月死前忙獨坐念前事無憂亦斷腸

華山謠送黃子壽先生之陝西按察使任

顯天肅殺金維偏秋氣降地凝華山華山學地不學天上一直方不圓山形若古司寇冠峭然坐鎮秦隴間一石入土上出雲其高三萬尺五千其廣四十周井田河伯東行山神闌巨靈手快工解紛勸山讓河山爲分山肉流盡山骨存金波萬丈滋雲根化生一朵瑤池蓮濁流照影清絕塵華山志士兼仁人南峯主兩西主乾肥蠅微旱四海歎都龍作霖天下歎興雲產物益下元災祥互降威下民見漢維嶽有神威兼恩收歛清汰天付權天刑坐執天秋官見許讀張送公陳臬西之秦吏民瞻仰山嶽尊風骨峭厲私莫干淤泥不染貴愈貧官符地位秋氣全寬裏猛表秋兼春蓮池講學宏陶甄曾爲蓮池

書院

山長濂溪提刑徵淵源蓮峯顧王蹟未溼公餘教士追前賢小子癖山自幼

年俗宗兩登華未攀故人西歸惠瑤編披覽悵觸心更殷閉門四載幸此閑  
婚嫁累多遊遠難夢中蓮花紫吟魂希夷教我學睡仙康車行經當駟輪爲  
我一登落雁巔望攜俚句問九閣但恐隔絕天難聞

飲酒學陶

瓶中尚有酒夜寒且飲之酒盡身已溫卽我當眠時人生天地中貧富皆如  
斯隨時可行樂樂盡何必悲乘化以待盡感慨欲胡爲

仲秋八月夜兩夢少畊

君死已九月今夜兩夢君豈君魂果來抑我夢紛紜憶昔君在時朝夕同相  
親論詩復說賦握手權難分我性素放蕩風月勞心神君每悲我痴苦口常  
諄諄自君舍我去我情益沈淪豈無相親者良言不可聞良友不再來藥石  
嗟無人何時載酒肴痛哭西郊墳

偶成



回首空留恨，匆匆欲壯時。身名俱幻夢，事業剩新詩。已識生無謂，深愁死有知。一杯聊獨醉，辛苦復何辭。

法藏寺蟠龍松

老幹橫空蟠屈獨，立蒼巖之隈。莫笑不中繩墨天矯終，非凡材。

送張孝達前輩巡撫山西

與君生不幸，值此時事艱。相從侍彤廷，抗疏同直言。君言富經濟，我言空擊彈。豈不觸衆怒，實賴聖德寬。君今當遠行，使我涕沔漣。性疎罹禍易，恩重全身難。久此共憂患，不樂君高遷。羨彼求友鳥，和鳴幽谷閒。

福州

白龍飛去越王死，千載荒臺猶此名。一水翻山趨大海，萬峰拔地束孤城。虎門漫說真天險，鹿港空聞有重兵。試上風濤亭，遠望長崎咫尺接東瀛。

靈光寺題壁

閒人閒遊無定處是山可登寺可住興來可往興盡止秋山何處無紅樹聞  
言廣化紅葉多呼兒約友西渡河酒酣行緩日已晚半途北折趨平坡平坡  
山平平且小綠葉雖多紅葉少多原可愛少更珍胭脂淡點妝尤好雅人每  
被俗事羈遊約久訂多遲迴潞河農夫有遊癖一百里外西飛來未來者來  
去未去意外游蹤饒別趣我生好遊躑且貧熊魚并欲思得兼禪房掃榻早  
安睡詰朝西上探雲嵐

下愁兒嶺隔河望藥王廟

年來有例作春遊天許閒身得自由欲藉煙霞祛老病聊將詩句寫心憂隔  
河村近難分路燒寺花多但見樓振刷精神對佳景愁兒嶺過莫言愁

靈光寺溪上偶成

南園韶景最宜人稱著多愁積病身水滿山溪隄柳潤雪消巖洞石苔新久  
看髮白甯中歲纔見花紅已暮春歎息浮生如此速且將歡笑易悲辛

送春

驪歌應唱夏初臨，惆悵東風感不禁。  
□□□□□□□□□□惜花人替蝶傷心，殘  
紅已落香猶在新。綠初生，色漸深，亦識春歸，仍再到，閒身倍覺愛光陰。

春日田園雜興

桑乾西去卽仙源，恰喜歸田近郭門。  
一水繞山難覓渡，亂花夾岸各成村。恥  
將閱閱驚鄰里，幸有詩書付子孫。  
常說辭官來此隱，可憐官能志慮存。  
昆明風景壓瀛寰，早擬移家水石閒。  
人世無多真快樂，故鄉有此好湖山。  
既來花下酒須醉，除卻農時身不閒。  
况是離城方十里，隱居仍未遠郊關。

山居雜興

余幼曾居西山讀書靈光寺，自咸豐丙辰移居入城，廿九年矣。雖時  
至山遊，未嘗久居也。光緒癸未罷官，亟思重歸故山，三年未果。蓋不  
惟無買山錢，亦無食不能遠離市城，傷哉貧也。偶成用質同社。

不... 卷之...

集... 卷之...

憶昔山居好山居夏最宜讀書松下室洗硯柳邊池午倦偶閒步老僧同著  
棋優遊不知暑又到晚鐘時

亭子據山半登遊眼界明憑高臨曠野延爽趁新晴雲破虹斜斷風迴雨卻  
行當年題壁處何日句重廣蓋光寺有亭名延爽迎曠

翠隱亭依水周圍灌木中泉聲清竹兩山影動荷風勝蹟懷多叟高情慨法  
公夢魂拋不得時到小溪東多時帆先生結草亭溪上法華上人改建屢以石片額曰翠隱

### 石公山

一石插湖湖水裂峭壁萬仞鑄生鐵石頂平截根直拔偃立欲仆樹糾結大  
波搖山雲趾活石骨穿空浪頭留橫通斜轉路始達山腰巖開啓洞穴懶雲  
歸家宿靈窟山有洞名歸雲五湖萬頃莽空闊遠山周湖接西越火輪壓山衝落日  
暮雲灼水浪如血朱光倒浸蛟龍熟老衲留客棲禪室甜酒潤喉飽薇蕨夜  
深開門看明月一白千里天地潔亂山出水如積雪水光山影倏明滅漁火

數星出復沒潛蚪夜出腥風疾鶴鶴驚飛鳴悲咽倚石獨立心懽慄歸寺冷  
臥伴古佛哦詩留與石公別詰朝策杖攀嵒岬

次日將登  
縹緲峯

皆平園中新室落成置酒招同人賞海棠醉後成此贈皆平兼呈同

席

海棠兩樹高於屋香萼垂垂睡方足東風一夜吹夢醒滿樹嬌紅雜嬌綠園  
花雖舊屋宇新落成恰喜當殘春友朋疎懶未燕賀主人好客先開樽主人  
能酒兼能詩狂奴故態通國知平生倜儻有奇癖醉後欲與天爭奇賞花不  
惜沽美酒草堂布席聚良友高歌拍案花神驚興來不復知石斗酒兵對壘  
同爭雄長鯨渴吸開心胸醉倒花下仰面臥白雲亂走青天空新居頌禱宜  
吉利醉人妄言忘忌諱願君百年守此園海棠常開人常醉

夢幼樵用少陵夢太白韻

關山道險危勞君昏夜至人閒多束縛夢中喜如意良朋傷契闊入夢亦不

易魂輕邊風勁半途虛吹墮思君令人怯不敢存大志閉門願常閉飢寒甘  
憔悴當年快心舉今日皆爲累莫矜此身閒閒身尙多事

余醉後每以言語觸人致怨又章屢戒未改去歲一歲避而不見今  
歲元旦惠然復來喜而有作以識余過且表良友深情

乍聞警欬喜兼驚啓戶難禁倒屣迎人到真窮思故友交因暫絕見深情殘  
生事已無堪作未死心猶有不平所惜餘年能幾許竟教經歲斷詩盟

### 留別故居

七年避巷久棲遲幸許鷓鴣借一枝回首蕭齊爲底事半脩諫草半吟詩

歎息當年宰相家荒年牆壁任欹斜居停已似無棲燕飄泊尋巢亦可嗟

故居原穆鶴舫相國宅後人因貧  
售於某匠余借居東院己七年矣

### 山中見杏花

今年春歸早行矣留不住相追入深山餘春猶未去南風穿澗來殘花紅滿

樹綠陰迫難待新葉已潛露生機無暫停觀物理可悟乃知後凋者多在幽  
隱處

春日閒居四首

用杜工部春日江村韻

小院韶華好閒居已一年雪銷見春草冰破出新泉陋巷稀人訪空檐任燕  
穿興來惟痛飲生計有蒼天  
待看韶光滿園林盡紫紅時花驕煖日枯木負春風好酒漸成疾早衰渾似  
翁幽懷誰可語隨筆託詩中

曲徑茁新草荒庭枯舊苔試看向陽木誰是出羣材壯志此生負牢愁何日  
開陰寒猶似昨虛說已春來  
始識閒居趣回頭已半生家貧愁得子官罷悔留名夢裏有成敗醉中無辱  
榮夜來應落雪倍覺助吟情

夏日田園雜興

附郭山多路未遠舊居猶在傍  
竹無幾移野杖題詩乏紙折  
窓蕉閉居每欲聞邊事不忍還  
家還市朝

哀病馬

哀鳴伏櫪幾經春  
健足誰知本絕塵  
一自歸山成棄物  
迴思選駕亦前塵  
生那有願恩日不死  
難逢市駿人  
慚愧飢飢筋力減  
翻愁重遇九方歎

春日感懷

少年不如意自慰未遽老  
轉胸老已近  
看心望壽考  
富貴憂患多  
貧賤歡樂  
少人生不蓋棺  
世事何日了  
不如且飲酒  
醉臥溫且飽

五日讀離騷

閉居無所事  
令節仍閉門  
反舌已無聲  
鳴蜩猶未聞  
蜀葵放階下  
獨守舊日  
根感時驚物候  
且自開蒲樽  
離騷少所喜  
年來久未溫  
姑作下酒物  
絕勝介  
餽陳愈讀飲愈豪  
酒盡杯空存聊復  
效名士豈爲哀忠臣



重陽後十日遲菊詩社同人集偶齋賞菊分韻得悠字

遲菊結社天始秋重陽凝想良悠悠花事更比人事速東籬秋老西風迥豈  
辜野人善栽植茱萸五色光盈眸老妾憐我典釵鉤購買佳種勞索搜空齋  
秋色頃刻滿淵明魂魄時來遊登高已過詩債了騷壇結局招良儔

此社始於五秋

逢九出題收詩至重陽共七課今日而課以爲結局菊已大開社可散矣

對花拈韻借陶句

以采菊取

詩成酒

熱聊自酬溫露掇英共酣飲此物聞說能忘憂人誇延齡我厭吸不死隱憂  
何時休吾聞菊花有二種華夷分道形不侔

節小山畫譜論菊有洋種

矜奇闢巧謝新異

九華減色如含羞涼颼吹霜逼荒徑雖有傲骨姑垂頭生成形色莫爭勝天  
意不測難人由是日正值秋序盡白藏欲去誰強留一年花事看將徧詩囊  
滿積從此收人生能得幾佳句事貴不盡君知不

田盤吟

久慕田盤勝登遊興欲仙有峰皆露石無寺不流泉遡跡期他日藏真傳片

賈愧無康樂筆未免負山川

少林寺

在嵩山中圖上山入

勝境據中岳禪宮傳少林亂峯巖谷口孤塔表山心曲折所岡迴迴環巨壑  
深詩人曾寄跡盤壁恨高吟

物詩有竹

惜文鏡哀王蘭君之西山口占

揚鞭西郭絕埃塵兩海芳郊日色新供養山靈無別物一車載得兩詩人

翠隱亭題壁

獨坐高亭曉氣清西風披拂葛衣輕林深不覺日已上山靜尚嫌泉有聲俗  
慮消除神漸爽名心淡泊念全平此閒正可經年住底事匆匆入帝城

三月三日遊昆明湖

芳郊含潤淨無塵攜杖閒遊傍水濱上已風光宜過雨北方韶景在殘春桃  
花半落紅猶艷樹葉初生綠不勻少長同遊湖水上今年真不負良辰

廣化寺東澗石上飲酒聯句

人靜讓泉喧花密疑山少竹存好不妨殘客醉渾忘老竹徑拗坡迴旋峰聯  
寺環遠又狂吟壁亂題酣飲壺頻倒洪富貴悟浮雲友朋羨啼鳥竹遊覽有  
情忻誠旨無煩惱又身閒感 皇恩境奇歎大造洪待到櫻桃開重來共登

眺又

季夏之望大雨晚晴二更偕大兒壽富登東峯望月

夜涼雲盡散露氣滿翠峯絕頂一登眺林巒青萬重天空惟有月山靜偶聞  
鐘賴有兒扶杖無須二客從千美已  
醉以矣

臘日偕又章遊淨業湖訪芷亭子嘉二道士用東坡臘日遊孤山訪

惠勤惠思二僧韻

夕陽欲下冰滿湖暮煙掩映光有無枯柳繞岸不見影北風逼樹禽難呼朋  
友樂趣踰妻孥良辰遊賞相與娛道人居在淨業北路比寶雲尤盤紆麗誰

樓下仙家爐鼓鐘，杳然聲不孤。朱顏白髮老，益壯爾我早。我早衰，委佛蒲團。身不  
去，真凡夫人年過卅，日過曉，助靈未立死。已近癡心，自寬容，秘圖開中天地。  
綽有餘太虛，一蝶飛，速速此生未了。惟詩通勝遊，佳製叫追尋。

靈光寺題壁

冒冷赴山寺，危途仗短筇。尋詩呼客共，扶老許兒從。冰下水聲細，雪中松色  
濃。明朝合開霽，同上最高峯。

秘魔崖題壁

雪後山氣清，仲作如深秋。落葉滿湖底，冷泉凍仍流。陰巖散餘寒，枯苔殘雪  
留。靜坐人語絕，怕忘忘樂憂。問君何能然，此心無可求。

山南用廣化寺春日題壁韻

卽以索新句，纒頭舊韻存。黑雲山角寺，紅樹雨中村。恍惚峯巖辨，迷離湖半  
吞。同遊少佳客，詩律與兒論。

三山菴外題石

欵欵下高嶺迴旋石逕長蒼苔新宿雨紅葉助斜陽老近步猶健秋深風漸涼兒曹盡詩癖隨處共徜徉

靈光寺題壁留別翠微山

欲去戀紅葉欲留思菊花去留兩多情臨風空歎嗟不如折紅葉策筇遊歸家持插菊籬開丹黃互交加山靈休錯笑脂粉忘煙霞

季春之望遊西山和公玉韻

煙霞真有癖行樂忘艱辛忍負春如海欣逢月滿輪鶯花嫌老病山水愛閒人莫說來遊易登臨亦夙因

訪黃再同偶成

厭聽繁華事城中新徙居養鵝聊當鶴賃屋爲藏書有志當如此無能孰似余敝廬喜相近走訪不須車

聯句

池泉留雨聲天晴響不絕  
幽靜清心神陰森悚毛髮  
白林疎天影補石破  
苔紋結美新涼助秋風晴嵐增斜日  
橡落使魚驚花開得禪悅  
白寒蟬曳殘聲野竹抽長節美詩成莫浪題茗熟聊小息傳

雨中又登南嶺靜室

冒雨登南山行行雨漸歇  
憑高試一望山迴風逾烈  
俯見滿澗花仰見滿山雪

冷家莊東寺題壁用去秋韻

昨朝好雨捲東風頃刻雲開日  
在空僧院苔青門不掩海棠已破二分紅

之西山途中口占

秋深出西郭迢遞望禪關  
霜後換新樹雲中忘舊山  
好遊愁老近多病幸身閒  
賴有同懷客孱顏不憚攀

冷家莊早起

曉起出禪宮負手聊閒步朝日照疎林殘霜變清露風寒搖落早病葉不滿樹紅黃紛在地愛惜時避路炊煙起誰家徐上林深處

田盤

田盤如瘦人骨節皆露外山靈戲遊人有意弄奇態徑無十步直石有萬種怪燕薊饒名山屈指此爲最

登嶠巖峯題壁

峰頭兩開如門東壁刊天門開三大字右署北海劉應節下有白猿洞爲此山至難登處有大石側立鑿坎數口僅容踵之半下臨絕壑行者須解屨或以繩繩俗呼爲八步險

門開崖出頭破裂天張口危磴無人攀古洞有仙守巖鼓徑側懸樹突峯中  
剗仰視石觸額側行壁磨肘騰身作揉升折腰學蛇走杖斷縊以帶足滑行  
用手八步度良艱一墜生何有卓哉北海劉與山同不朽

自來峯題壁

獨立萬山巔登高天地寬眼中空九塞足下小三盤赤日逼人大白雲埋寺  
寒醉來題石壁嵐翠繞宅端

夢醒偶成

夢中見青山彷彿曾遊處驚醒不關眸恐放奇峯去

自張夏冒雨赴泰安一路山景劇佳午晴過墊台題壁

晴山見真形兩山見變態陰雲互吞吐幻象恣奇怪峯高偶露頭嶺曲時隱  
背斜風吹細雨漫山走煙氣林開出孤村崖分見半寺朝陽漏遠峯一片蒸  
晴翠跋涉何艱難泥滑復石碎路險景更幽身勞心倍快傍午始早餐一杯  
聊自醉前途足瞻矚咫尺近泰岱

天游一覽臺題壁

孤臺高絕與天鄰乘興登臨眼界新一石蟠空擎古觀萬峯昂首看遊人巖  
巒奇詭蹲獅象洞壑幽深隱鬼神不到茲峰覽全局武夷面目識難真



雪後同芷亭子嘉子美淨業湖酒家樓上作

不知湖月上水影上高樓靜夜聞來雁  
寒沙有宿鷗波明橋似斷岸遠屋如  
浮不負韶光好連朝作勝遊

上巳後十日攜二兒富貴白石橋閒步用去年上巳口占韻

過橋尋舊徑河畔有人家村落帶疏柳  
亭臺雜亂花芳田隨水曲粉壁逐山  
斜小憩呼兒伴空林鳥不譁

山中卽景

暮色四圍合峯巒漸杳冥殘春寒閒煖  
薄酒醉如醒月上花逾白煙生山更  
青泉聲在深澗入夜尙泠泠

口占

風靜荒庭月色寒空階躑躅散裘單  
繞牆枯樹參差立聊作梅花未放看

西山卽景與伯從集詩牌

閒遊任行坐無處不春光一水高峯護數家深谷藏山雲溼芳草花氣煖斜陽遠望重重隔紅桃雜白棠

淨業湖酒樓同正亭及兒輩飲酒

高樓醉倚任喧譁一曲湖隄帶草斜日轉柳陰明暗水風分蓮葉露藏花詩儂半老難常聚酒債微償尙強賒迴首舊山青在望幾時陶令可移家

冷家莊

山村四面花花多人家少山靜不逢人滿樹曉春鳥日暮山雲深山氣寒如曉

西山雜詩

汝明與步崖皆從我學詩豈惟詩當學學遊亦有師遊山亦有道自古人罕知但擇名勝遊耳遊良可嘔有村山不幽無樹峰乃奇名山似名士畫餅難療飢看山眼須冷愛山心須癡人遊我亦遊所得真景稀

偶成贈芷亭

貧賤良可憂富貴亦足畏從古多才人功名每易志惟君知我深惟君愛我  
至勸戒勿嫌顏相規莫相棄

杜家廟旅舍題壁

山如天壽千重碧水比桑乾一色黃回首燕雲九百里緣何山水似家鄉

同文仲恭遊靈光寺感舊兼懷小癡上人用韓昌黎山石韻

良儔召我躋翠微靈光寺山名翠微出關西眺遊興飛西山雨渥草木長雲嵐滃滃

峰巒肥驅車州里抵古寺老僧不見徒侶稀舊山再到足感觸禪房靜憩忘

劬飢虎峰喜見故人至寺西有虎頭山獨立不去當窗扉亭臺依舊半殘破山池水

淺荷香霏廿年往事一轉首人生白髮松長圍嗟嗟主人杳何在風塵昏暗

汚緇衣山林囹圄接咫尺禪心解脫名心躡七旬年華萬里路垂老遠別何

時歸

題靈光寺

壯志豪情一律刪怡然終日總歡顏攀巖自詡身猶健照水方知鬢已斑世上難沽常醉酒人生能得幾年閒邇來儘享無官福四月之中四入山

寄懷張香濤

登高西望路蒼茫千里雲山隔太行處事輸君真慎密不才如我太疏狂家貧愛菊仍多買身弱看書最健忘莫道年華未衰老病除雙鬢又添霜

擬杜

兵車頃刻變衣裳天下紛紛賴一匡戰本危機端已啟和原美事患難防已無餘地軍仍退贖有虛名國未亡迴首周京四千載幾回白雉貢炎方

立春

坐對辛盤意黯然吟情又入早春天詩人漫說春光好一度春來老一年

廣化寺山坡靜室題壁

新霜下秋林衆葉各成色斑斕互相攙朱紫雜金碧秋山喜晚妝臨睡愈修  
飾青女勝天孫雲錦不勞織化工好鬪巧不少留餘力三春放百花絢爛已  
臻極翻新染秋葉更欲春花敵以此悟文心移形厭陳迹人生重晚節衰  
劇足惜

摘句圖

斷虹留急雨斜日染殘雲夏口遠寺清堪數遙山淡欲無遊然亭衰草寒蘆三而

水淡煙殘照一窗山陶然亭題壁勉強登仕途出處亦頗苟言志疏泉作滄溟田

爲崑崙詠史和左太冲窮骨本天授科第不能醫 人生無百年飢寒焉足悲寄懷羅椒

牛夫子不死豈能除故態偷生自爲惜奇才題壁山移川改天地變燕趙頃刻成

荆揚水災行學淺不知言語妄位卑自覺死生輕二月二日紀恩恭賦牛兔棗栗萃一腹

酒醉不飯吾亦足相視而笑真奇事如我輩相竟食肉醉後偶成河聲斷秦普山

色合幽并送張孝達前輩巡撫山西澗冷泉聲澁雲寒山翠乾飛來峰題壁寒濤截四面無路

來紅塵寄魚山齊航上人 上治至難惟將令宦遊最好是杭州老近生離如死

別途窮作客勝居家樹因寒早翻留葉菊為開遲尚有花送安明架梁作樹

宿臨澗石為樓壁借山即急溜穴山衝屋底危峰銜樹壁橋端 四山

飛雨撼孤寺萬壑迴風翻疾雷萬松寺乘阿精舍看雨 山雲吞行人褰人不許出天地

忽不分峯巒盡迷失破頂巖題壁 萬嶺參天朝古寺一峯拔地鎮羣山風風鎮望妙峰山

洞幽龍作主寺僻虎為隣天泉寺 雲開山脫帽煙起樹添衣山行口占 桑乾東下二

千里穿破太行山萬重盧橋 一水南流趨渤海禹山東走擁燕京同上 三橋橫

野界流水雙塔夾門分夕陽涿州 金帶非同玉帶竹坡敢望果坡魚山定慧寺醉後書帶戲

贈芥航上人 月黑螢似鬼風來蟬欲仙靈光寺 上巳風光宜過雨北方韶景在殘

春劫火尚留新草木春光又到舊湖山三月三日遊昆明湖 野曠城逾窄山低塔助

高良鄉旅店題壁 一水西流橫大野萬山南走擁孤城沂州題壁 野草綠連臨水樹夕陽

紅過隔河村李家莊題壁 一水亘滄海孤峯分大江重遊山徑轉近山迷谷迴遠峯

露廣化寺愁豈能消聊飲酒心無可用且攻詩即日事難憂天下事強樂死前身

有名身後累不死老來憂感懷連峯帶餘雪照影白滿水雪晴遊比明湖夕照帶

煙連野盡遠山穿樹入樓來摩訶庵石樓題壁地濕蒼苔久山晴紅樹多靈光寺

塔帶月光明水底鐘隨風力上峯巔山寺秋夜石澗風來聲似水花林月上影如

煙醉後題壁泉聲冷陰壑花氣暖春山廣化寺月下梨花開花下酒人坐月下花開飲酒楓

葉宜夕陽梨花宜明月同上依山寺古惟存塔隔水村遙但見花冷家莊濕雲

浸樹滴成雨秋氣滿山旋作風擲秀山房雨中秋夜危徑壓流水奇峯帶亂花下樓詩

因和韻心思澁人為登山飯量加南莊澗轉方流水村連不斷花龍寺欲落

棗花隨雨墜半舒蕉葉借風開初夏雨晴倒控千年樹橫拖萬丈雲秘魔巖險境有

平路奇峯無定形蘿葡地晚行望山巖懸樹立空坡削路在澗始登盤山天成居山心山

多青天少天成寺入天開古寺繞地聳羣峯雲衆山歷歷盡在地一身飄飄

疑上天登挂峰峯腰風急雨橫走巖口樹多雲側行亂電繞林崖欲動疾流穿

不  
三  
日  
丁  
酉  
年

集  
成  
圖  
書  
公  
司  
印

石澗如傾天成寺 徂徠東蒙入佳句 汶沂濟漯供酬賡寄漢京 貧豈能安才

本拙名非敢好性原狂成偶 奴因賒酒傲友為索書疏世原皆醉非惟我月

不常回况是人偶成 急風欺弱柳殘照愛高峯山 開窗放山人把酒看雲生

陶然亭 游煙三里水殘雪半村花 寺僻僧難俗莊荒酒不賒慈壽寺 好山如美

色飽看不能廢莊冷家 田盤多奇峯居人不敢俗贈張子真 窮極詩翻拙悲多酒不

狂懷秋 青山那解悲前事流水無情憶故人秋 山添紅樹遊人添白髮 春

山如人少秋山如人老病起遊 花落春竟去酒醒人奈何和伯 休官如退院

瀟灑亦無苦一身尚難安天下讓人措茫茫宇宙中閑是安身處六合函周

道舍此何方去寄懷兼山



陳書字伯初號俶玉又號木庵光緒乙亥舉人官直隸博野縣知縣有木

庵先生集

石遺室詩話兄少通達當世務以文章名於時督閩撫閩使者徐公宗  
幹左公亦業王公凱秦丁公日昌岑公毓英皆以爲奇才年四十家居  
奉母不出喜爲詩靈乘少作村居陶江移居颺氏雙縣令葉損軒郡丞  
林整之勝前後與徐仲眉副將陳芸敏給事劉紹庭縣令葉損軒郡丞  
劉特舟州牧饒露仁布政陳弼菴閣學倡和歲得詩百十首晚年避  
甯池州淮北潁州滁州蘇州以至作宰關河行役與摩詰樂天東坡爲  
許旬月不爲詩兄爲誠齋逸胸中不滯於物終依歸於老杜論詩宗  
近中問爲後山放翁誠齋逸胸中不滯於物終依歸於老杜論詩宗  
旨屢見於集中諸作雅不以空言神韻專事音節莫究其作何語者一  
詩詩境益謹嚴益開肆善說杜詩有韻專事音節莫究其作何語者一  
經說余先擇者六首刻之蓋山谷精華錄之意云二

節署西軒雜詩

缺月疏桐夜已秋分明是夢在杭州涼風也虛愁人覺紙帳微微一動鉤  
牽牛泣露花綻皂筴臨風葉葉齊紅蕊一枝非水國撩人午夢夕陽西  
乍可歸時底不歸眼前光景與心違可憐擁髻沈吟夜曾識能看幾落暉

聽鼓夢回殘月上吹燈人臥綠陰中幽蟲不識悲秋苦一味淒清唱曉風  
曉起思作家書用東坡百步洪韻寄仲叔二弟

津亭東望生風波隕陽西下無停梳幾回思歸歸不得日手短墨窓中磨偶  
逐開遊訪水利六井塞斷亡東坡涼風八月兼夜至一洗花港稀留荷句留  
爲此直無益願戀豈復緣梨窩平生出門罕窮獨豪氣畫壁歌黃河此行有  
若隨嫁媵詩懺恰應烏投羅三楹樓下鼠窺殞夜見漆色黃成駝駭官之途  
始畏絕縮足退食甘委蛇著書未半忽昏臥仰見梁燕先辭窠起來繞屋喚  
傭僕立意作達徵亡何蒼苔泠泠秋雨下不飲恐被少陵呵

登吳山晚宿卓氏園

江山南渡古愁多落木園亭奈晚何萬戶昏煙沈夕嶂半天涼露耿星河笛  
聲淒切花間語客思蒼茫醉後歌一憶春前一惆悵安仁衰鬢怨蹉跎

寄芸敏京師

北雁不來秋兩稀湖雲衡日遊人歸軒窓臥愁詩又瘦稻粱晚熟螿難肥去年花黃蝴蝶飛登堂別君鴈交揮討書製序石林至丰彩映壁如雲罩我今不樂辭庭闈君復流連滯帝畿僧房獨榻亦何有垂橐勿怨緇沾衣春來襍被還相依西山日落煙霏霽驂鸞夜靜呼靈妃詩成且復忘朝飢人生何處更稱意看取滄桑日夜非

過城南始聞雁

落照沈沈白雁哀城南地僻長蒿萊壞牆古樹誰家館無數煙痕隔水來  
葉臨恭見過既去擬作論詩僅得六首

萬派同流學海濶豈知古調是重彈更相爲笑都無當止作貧兒暴富看  
八代文章枉起衰馬班爛調豎儒知由來耳目爭新樣不廢江河果是誰  
焚書豈識更求書萬古洪流到石渠黔首不曾愚一箇翻教人世重鈔符  
博奕能消飽食身一般無益敝精神翰林土地倡家柳各有千秋抹淚人

當時雅頌萃承平捷徑終南結伴行今日敗成屬天寶不應情性太憨生  
新城長水名家子要好貪多亦自佳若使編詩容諫諍盡刪蜀道削風壤

病起詣補園歸二鼓矣不寐與臨恭

謝江集

俶玉先生無一錢近愧招隱書連篇感君意氣薄雲天一硯改作陶江田稜  
岩左側三間屋花樹頗足供流連鄉人愛客屢饋遺比似與魂誰欺賢我生  
磨蝎隨處有二豎纏苦三句眠起來看物若隔世老母重見兒生年一家歡  
喜恣溺愛飽啖不絕廚中煙豬肝豈但累吾友牛喘時復勞懸懸山人不死  
定非福蠟磨猶欠千盤旋信知作達亦無益子之所慎吾當鐫中秋已過重  
陽去敢道明月今宵圓

十七夜三鼓猶不寐再疊前韻

君詩萬選如青錢一日願受詩一篇羸師往往故挑戰奪牛豈必由溪田白  
楊招隱近何妥滄海求師得成連綠榕城郭攜家走當時頗覺惟汝賢材美

奚但樹百穫格老有若蠶三眠寫經解經復有此三絕直可娛歲年秋早清  
晨登隴首晚晴墟里上孤煙山莊半作書畫舫玉屏山色中流懸爰居避風  
偶然至豈識鐘鼓終廻旋我詩遠遜君詩好肝腎幸不窮搜鐫與君共衍陶  
江派璇源玉水隨方圓

光緒甲申年賃屋陶江山上開戶通道人多笑之自秋徂冬未有改  
也

谷風茅屋兩間餘山海昏昏讀我書信知作計誰憑準看過桃花再卜居

臨恭隔溪相送從新橋歸

手中朱老一枝花臨恭  
降人歸對溪光似若耶昨日兒童看我過隔林指道伯初

家

夜坐

強半春光去草堂撩人猶有橘花香風簾燈火觀書夜十萬蛙聲作雨涼

乙酉重九日

細草黃牛努力輕秋原晚稻拂雲平過橋湖小上弦月落暗風微重九晴三  
面窓虛忘久坐一枝花好憶長生閒居課業依然懶不及柴桑更愛名

月下

杪秋天氣似初春月色蟲聲儘可人遠火依山微出沒薄陰貼地甚調勻去  
年陶水方求友此際烏峯又置身獨倚闌干三歎息居然老矣是何因

十九夜

城中都睡盡而我獨憑欄月淡如人寡松香覺歲寒試愁渾不似是夢恁將  
殘逝者二三子西山誠考槃

十月五日下午下山載花晚歸

籬邊不作瓶中供還向人間買菊花載上肩輿趁斜日似邀俗客到山家

西樓夜坐

江山信美非吾土一壑一邱聊置身靜夜西樓半輪月煙莎蟲語悵懷人  
絕好樓臺如此夜愁來不共好人居可憐一種閒風月拋却青春十載餘

送贊虞入都

中年聞別最傷神况復留連近十旬出處艱難勞顧問知交寥落發輪囷商  
量文字寒更轉點勘穹蘇上藥親裁爲老萊寫庭誥一函從此蔚家珍

鬻仁約遊不能踐

多謝先期約懶雲劇令展轉至宵分料量語默都難事斟酌徒興益寡欣冷  
到李瓜真可已意闌泉石欲何云南檐自有涼風至不道南檐亦屬君

作詩

作詩未必輸古人傳詩未必到細民國風十二多顯者考亭作傳作斷斷

十四日夕奠畢見月有感

吾孫三歲母去世比我三歲凋祖慈可憐寒門止如此多閱年所嗟無裨中

年親眷半鬼籙似去膏譏增新知要談故事開口止况爾寒陋俗人嗤弟輩  
讀書不作官兒董讀書情亦闌老人也作拋書想博來明月今宵看前時看  
月母健在抱持當戶驚春寒母今一去不復返兒今頭白徒盤桓二郎昨日  
寄書至苦說無聊難位置索詩藉作閑中遣詩苦作甘汝何利無非晤語難  
其人還覓詩塘春草思我詩與弟不同科老面頰唐縵若韉三唐置我應無  
地兩宋名家豈足多和陶一什望跋尾家集流傳煩稟臺 國朝徵畧敘詩  
人不省詩人今復幾

夏夜少睡月登我堂昔東坡居嶺南誦杜子美四更山吐月殘夜水  
明樓稱爲絕唱作詩五首以次句爲韻因仿爲之

一更山吐月照我晚堂餐恰對東南角能輝苜蓿盤納涼先袒背透朗欲登  
肝觸鼻晚香玉濃香不肯殘

二更山吐月白與天河瀉西樓一線光南樓半角下稍遲景不華微擘妝欲



卸吹燈且拋書未須勤乙夜

三更山吐月倦臥正欲起憚暑喜夜深暗坐意亦美光明未大減冷落竟如此童僕不忍驚煎茶自汲水

四更山吐月殘魄冷嬾嬾怖上空樓去還依曲檻迎欲眠聞雁過漸急覺蟲鳴窓紙微微白初疑曙色明

五更山吐月依樣一銀鈎指似初三夜如何分外幽曙星聊憶識曉岸莫題愁自笑無惊甚空成趙倚樓

與張菴夜談

貪涼初夜垂簾坐新月辭人早上樓斜漢漸中秋指顧空借如掃露沈浮咫聞乍愛貞元士癖好誰甄雅故流落與閒中商句法定交京兆馬籠頭

行西湖憶芸敏

奏懇西湖陳侍御湖頭宿草幾經年而今侍御歸天上何日湖中水接天

呈張卷

元祐諸公天人姿慶歷聖德天所毗既清海甸卷懷已不殫賦錫焉施爲鄉  
黨風流要人紀文獻掩昧煩探披泉盧石貯蓋可負况詠華黍庶參差青春  
登朝強仕歸猿鶴歡喜迎龍變摩崖浯溪興不衰老於文學今其誰溫良顏  
色入座有時以句法相質疑龍章鳳姿愛龍腕亂頭粗服參旄麓東屯西讓  
隔還往歲四五至窮昏曠坐公聽水之齋思松篁琴筑彈流澌山輿踏月夜  
半至挾卷報道詩尋醫

次張卷雪詩韻

種梅十二庭際笠下上移掇千回諸南中天熟花不大烘動變見如優曇停  
詩五閱月晦朔空有情懷隨花譚任從妻孥笑才盡對樹但若枯禪參北風  
釀寒三日緊凍鰲瘦峭盆中岷山廚半夜僕化去仰面似發紅砂醃寒人喪  
斧何足數爲爾一慟悲能銷鵝毛暗墜那覺冷悄爾垂翅如窮鶴小兒開門

詭奇睹著屐徑出尋山三我年似汝劇豪壯狂走詎識家無擔祇今瑟縮尖  
叉手啓宇安敢矜樓檻梅花恐作馬耳設彷彿落魄逢何戲雪豈於人有彼  
此所見各異猶龍談先生寄詩當問訊歌動猩嗜掀眉疑新裁述雪益蒼秀  
中有至味逾元醖村翁擊壤祝豐歲叩缶政自和雅南恨無侍兒煮雪喫坐  
使羔美嘲茶甘

寒宵早睡含真詩叩戶而至索和就蓐上和之

夜寒疑復有雪至燭寐潑水衾尤諳燈前閱曆識春至晚課能誦慵瞿曇縮  
頭擁絮天不許叩戶聲急驚寒潭席門月暗斷人跡此際誰氏君其參靈心  
忖度識八九合有冰霰投空堪含真先生夜無睡綠髮假寐噴顏皃定知山  
人溫足臥擁鼻未必吟聲錯以詩作難半夜至俊嗣故故凌逃鶴果然百戰  
健無匹辟易當使北者三天公玉戲本常事少見竟若圭難擔開函讀詩手  
僵絕破睡起坐衣披檻入室逼人乃至此挑戰自取戈矛戲當仁不讓吾豈

政老生抖擻翻帟談秉燭侍兒解顏色笑口屢動頭微髡可憐歲事堂堂去  
勞酒不見罇中醪六花何時更惠顧茗飲具備硯北南吾廬不愁更凍破詠  
雪味敵甘茶甘

聞特舟以酒食至

裹飯時時問子桑使君古誼豈能忘柴門却掃非天意漆室悲吟少報章蜀  
道艱難歸隱志草堂情話固窮方明年大有離棕在太姥峰高不可望

君將  
之任

甯福

讀坡詩送李公擇邇年朋友之感益難爲懷與弢菴逾歲不至用蘇

韻成詩

村郭一牛鳴罕見定何由邇來友朋緣命豈與仇謀及門唯問字來去非塵  
留故物絕留遺何從覓暗陬入春已及半寒甍坐可收耕夫且無偶安用沮  
溺伴東坡天下士彭城路交酬尙懷寂寞感如聞涕泗流況予寒澌辭同草

驂與騶玉川信怪物頗復自知不中年范希文時時抱先憂那得從牛醫春  
陰吟到秋叶涎暫自溼綠壁看蝸牛細雨著纖草風光在牆頭

寒食日懷含眞

寒食出遊俄復至斯人不共李花逢空殘大好園林在憶著蓮塘詠惱公

除夕用東坡常州夜宿韻

不飲何因得酒悲鄉心於我直幾微非緣兒女能相慰正恐田園未算歸老  
去論兵空氣壯悶來發難亦知稀修蛇赴壑年年事南斗於今止暫依  
零兩東山豈我徂許多柳雪尙征途祭詩此夜爲新客爆竹何妨辟畫符寫  
意頻添古商陸爭新惟鬪白髭鬚誰知酒渴思逃席多謝殷勤爲點酥

題舊本張泉文詞選二十年前李宜人日未嘗去手也

三絕草編人已老青編粉指更茫然柳花風調何堪憶傍路拋家止可憐

臥聞

行歌戴月北方風曲老聞聲假寐中  
芍藥憶開聽榜夜櫻桃愁對選花叢  
廿年風味初如夢一枕情懷盡惱公  
祇恐失眠仍早起攪人春睡醒匆匆

四更睡醒見月

半夜拓窓臥月光潑水來無心看久矣  
忽見此佳哉慘淡向人白幽奇使我  
猜蟲聲始如沸更鼓四聲催

元武湖荷花

又向浮生一問津菱歌漁唱渺前塵  
自開自落無人管讓與蘆花高隱人

秋海棠

秋海棠開白露初他鄉蟋蟀歲云除  
武陵池上青青柳搖落江湖我不如

爲他

爲他百草憂春雨山谷遺言致足思  
抱甕從今少蘇息松陰靜處立此時

晚步庭中

八月二十二日

日晚偶來庭際始知天在吾頭海上家山何有木落白門已秋

避飲

變味變貌非所持有憂側席吾亦宜况茲爲客缺奠醊結髮恩誼能無悲貴  
離賤別事則一恨我驅去非緣飢靜極生動偶然出連數合爾何由彌莊叟  
欺人云作達安知淚下如綆絲

萬事不足言但少所投人身如倦翮鳥眠食皆勞神兒女我所勤焉輸肝膽  
親百忙尙自可一靜殊逡巡往日念家術謀歸祗幾晨如彼行路人晚煙隄  
城闔又如渴戰士望梅口生津有米未卽炊飢腸肯吟呻我今一念及茫茫  
浩無垠不如夜臺下相逢三綦巾

盡除

除盡才氣寫新詩不取心靈兒女詩要識古人深到處絕無門徑把人窺

須知

須知皆可絃歌旨不是鋪攤街賣區絕倒雁門行太守壓城雲氣半模糊

示暎谷

炎下雖垂非纂纂花前屢舞更倦倦豈膏老我愁何遜頗爲旁人笑泰頤臥  
酒頻移花近榻忍寒還聽坐專紙句成自取挑燈看不似誠齋定不然

壁間懸鬻仁畫

含真廢老半身枯標擗相憐一世無奇畫時  
余丁艱寒食梨花留苦語不堪重讀向

江湖

雨中憶福州舊居

木似福州雨兼旬生夏寒早愛西郭水屢發北門歎池柳垂垂重山槐簌簌  
殘雙驂武陵外泛宅幾時安

枕上

涼颺穿帳夜真良巷出居人語未央客思移燈轉深宵蟲聲在壁極微茫河



星漸淡月知上瓶水初冰花弄香開著西窓蘇病息不應遽喚黑甜鄉

長句效誠齋體

無伴終朝影答形有程閒日史兼經微陰稍得支秋燥小睡尤宜補夜醒讓  
畔自饒人長厚閉門長覺世安甯憑他喚作村夫子止聽浪浪瀉水瓶  
有酒何妨斟酌之滑稽無乃笑鴟夸放過愁陣高抬手弄出神通大作詩竹  
戶詎忘雞喔喔芝田亦恐鶴縈縈東坡早歲懷齊物只博逍遙渡海時  
短檠燈行喜可知飯餘重續四聲詩酸鹹嗜好還吾炙排比鋪張炫汝師馬  
肆講殘勤亦倦虎溪過去笑能追柴門月色荒寒久正逐江開又甚時

晤愛滄歸計始決

日日思歸未得歸得歸轉覺重依依多情親舊三年聚詠訣門庭一慟非秋  
燕巢痕勞睇視冬蔬旨蓄絕單微猶憐佟儼相攜處還逐江頭旅雁飛

石遺室師友詩錄卷二畢

石遺室師友詩錄卷三

侯官陳衍

陳寶琛字伯潛號弢菴又號橋隱福建閩縣人同治戊辰進士官內閣學

士有滄趣樓詩

石遺室詩話越構置弢菴閣學由江西學使者會辦南洋軍務年未  
 四十丁內艱歸里不出者二十餘年撫時威事一託於詩棄斥少作肆  
 力於昌黎荆公出入於眉山雙井在秀公朝人所云留客使盤圓石坐借  
 吳白華所居螺江有滄趣樓梅竹深秀屏風矗立千仞視匡廬五老  
 香爐諸峰殆有過之詩境亦時復相似上屏風矗立千仞視匡廬五老  
 煙波浩渺江上十數里即余所居之陶江余躬耕全性命望衡渡  
 從或夜半趁湖乘月而余將十年矣尤居在里伯兄所與山則有張  
 河是初書巖仁在彼忽忽伯兄木卷先生尤居在里伯兄所與山則有張  
 松如中書巖仁在彼忽忽伯兄木卷先生尤居在里伯兄所與山則有張  
 午葉宵韓兩御史城中三山莊入城之麓伯兄居焉石山  
 雙聯圖及花園街武陵國皆雙山布政別業每與伯兄剪燭詩夜  
 不傳兄詩所後云磨崖福溪與不衰於文今其誰龍章風委愛龍  
 與珍午前所後云磨崖福溪與不衰於文今其誰龍章風委愛龍  
 風頭相服參旄流漸東山墨踏月夜半至挾五至窮詩尋歸又云窮巷  
 思松靈翠流漸東山墨踏月夜半至挾五至窮詩尋歸又云窮巷

敲月下門奇疑正許夜深逾千金呂覽難加點五海皇華有風恨者也  
 聽水齋者公於石鼓山臨水巖下築樓數楹松蘿在天水石四壁為遊  
 暑故佳處安卯伯兄還山余適歸里公常招遊城東湯泉城南積翠亭  
 有紀遊一律送行一首書余標葉扇上為端午楹聯部取去今止記得  
 七律六句云北風吹雪作行回引得開關日來貧乏山故無共隱老  
 檢詩律敢量才古松歷切供談塵秋病留花勸櫻杯末二句忘之矣  
 閩中尚無大雪獨壬辰冬厚至三尺公有十三覃韻詩與羅仁伯兄往  
 來六七疊公詩如鏡出金如鉛出銀故伯兄題後云等是飛花著一塵  
 天牧琢句制清新漁洋秋柳殘卷雪併作他年繡藉人此外如春陰四  
 首上巳花下用韓昌黎寒食出遊韻一首直似韓冬郎惜花春盡諸作  
 及昌黎  
 感春詩

逃暑入山就晏師坐處結一小寮顏曰聽水得八十字

聽偵田水聲時復愛泉響循崖臨窈窕深入曉息夷敞老禪風煙寥枯澗草木  
 長活活隔嶺流日夜遂孤往僧閒試函篋我倦借軒棧危灘夢中遙連雨心  
 上爽獨寐慙人寬六鑿謝天養以茲傲愚溪西亭在鄉壤

七月二十五夜山中懷黃齋

東坡飲啖想平安塞上秋風又戒寒久別更添無限感即歸豈復曩時歡數

聲去鴈霜將降一片荒雞月易殘獨自聽鐘兼聽水山樓醒眼夜漫漫

失題

翠微禪夢了無痕小話紅塵宿水邨蕭瑟中年俱短髮艱難一見又離尊  
寒天聞鴈愁回首長日看棋嬾閉門可愛新霜三百橘南中風物有餘溫

黃齋自塞上和前詩疊韻再寄京師

觀棋圍又入長安金瑛三年信誓寒雨夜夢回疑婦嘆

邊夫人于講成  
次年沒京邸竹林

酒熟憶朋歡肯將龜筴從龐尹倘愛鐘魚對懶殘住慣煙波怕塵土停雲直

北奈迷漫

歐陽年丈來主國試喜晤感賦

別夢江南逐去潮却從烏石話金焦戰場極目濤猶怒時事填胸酒易消  
三徑蓬蒿容仲蔚滿山藜藿待寬饒日華轉眼開春殿天上風珂想早朝

黃齋以小像見寄感題却寄己丑

十載街西形影隨五年南北尺書遲夢中相見猶疑瘦別後何時已有髭機  
盡狎滙原自適聲銷賣藥漸無知江心憶拜張都像熱淚如潮雨萬絲

黃齋和詩見懷疊韻再寄

安排漁具號天隨鬢髮滄洲已悔遲善病無方蘇渴肺懶吟有分枚愁毳露  
蘭香悴密論服風葉秋深各自知贏與賓鴻鎮來往海天南北一情絲

水退同周彥昇黃子穆丈林怡菴蒨荔長慶寺

溪堤欹塌稻孫斜乞糶山僧對客嗟我輩且來評荔子好官猶解惜荷花京  
圻水退徵輸粟海市錢荒盼捆茶莫過湖亭懷李趙煙中城郭叫昏鴉

李蘭卿先生摹雪浪盆製箋林文忠為書穎濱雪浪齋詩訪西得之

屬題

榕園造紙埃邨書想見承平樂菽餘七十三年文采舊憶過小雪浪齋居

轉都

小雪浪齋余及  
過之今易主矣

十一月十四夜聽水齋同蘇龍待月卽送北行

樹靜泉枯谷氣寒  
滅燈不語對凭闌  
疏鐘墜澗無尋處  
佳月籠雲恣賞難  
却向山中謀小集  
試從別後憶今歡  
戒壇潭柘何能忘  
爲渡渾河取次看

山居

數竿竹外無多地  
半屬梅花半屬蘭  
留客便盤圓石坐  
借書慣就綠陰攤  
空階馴雀尋常下  
小沼潛魚自在寬  
有酒不應成獨飲  
埒頭還泥好烟巒

哭竹坡

大夢先醒棄我歸  
乍聞除夕淚頻揮  
隆寒并少青蠅弔  
渴葬懸知大鳥飛  
千里訣言遺稿在  
一秋失悔報書稀  
黎澗未算平生誤  
早羨陽狂是鏡機

泛月入山道得蘇葦江南寄詩竹坡蘇葦座主也感賦因寄

詩筒把向江天讀  
拍拍春潮月滿船  
夜夢欲因度雲海  
前遊可惜欠風泉  
別來痛逝知君共  
他日論文識子偏  
緘淚寄將頻北望  
解裝一爲酌新阡

遊方廣巖

壞雲墜地龍上扶化爲石厂佛所慮吐皎鍊水幻陰霽九天飄下千明珠十年夢想今眼見洞口突兀林岩殊烟絲攀巖動丹碧忽訝白點晴濺裾穿松踏鮮飽古綠入門繞殿相驚呼圍屏三面輕千尺鑄此積錢膏洪爐陰嵐融液作鎖乳滴灌佛頂甘醍醐燕泥倒粘雜草實脩蔓垂絡秋花疎僧誇石泐肖大士玉枝瑤樹交蓮跣日謀意構微有似誰梯險絕龜金軀靈羊鑿空定何代深書仰讀愁模糊南溪晚出賦十景數典便斷開山初溘熙布施屬盧後更遣徐謝窮追摹滄桑陵谷那堪說勘取空色賓頭盧穹樓飯罷趣解襪枕邊浙浙吟魂蘇

鼓山覓竹坡題句不得愴然有賦

小別悲同永訣看當年聞語淚先潛國門一出成今日泉路相思到此山月魄在天終不死澗流赴海料無還六丁攝取空遺墨別遍荒苔夕照間



夜到湧泉寺

絕江湖始生到寺月已午僧樓鐘未動逕自造竹所陰沈半池墨眾魚相濡  
煦怪禽隔曉鳴無風自含楚一星銜殿鴟微曉光如炬平生獨往心就佛亦  
無語

不眠

牕紙沉沉盼到明又疑殘月四更生不眠懶起渾成慣未必村鷄是惡聲

次韻答椒玉

壬辰

病夫十年巖壑姿睡眠熟閱僧茶毗鷓鴣鳧猿鶴迭招引仰視九萬奚南爲候  
蟲噓秋蛙黽底暝坐不任貝葉披君忘拳曲志繩削假內外集示等差紙筒  
拗鍊出硬語驚走木魅跳山夔晉安風雅今中衰黃鶴摩天莫敢誰頗聞人  
諛話山谷君獨不喜吾固疑齋腸嚼笋味外味一官加我曾毫釐諸家楚楚  
更自鄙苦炫微照螢比曦法門無想分別甚一笑荃蕙齊茲施月林聽梵儼

惠思茶鼎謾護泉漸漸平頭上尾葉庸已飲生頸嚙君馬醫

過玉屏山莊

五年不漲陽岐權幾樹頽柵欲過檐舊約當門惟石坐爾時插架盡牙籤官  
資到手誰能賤詩卷隨身可也添恨別祇憐花竹色江神未必管貪廉

次韻答傲玉

詩人得氣本宜秋城市塵中占一邱些子煙霞屬皮陸既佳風月愛羊求瓜  
甘忽感南皮會泉好應思顧渚遊倘踐鷗盟趁新爽江樓聽水到山樓

次韻和傲玉輿中作

越人望色走弗診和緩乃爲豎子窘忠州僂耳劇無聊鬢積千金寄憂閔吾  
生受形各有制方寸要與天地準六淫抵隙化者機漸漸羊奚比不符能甘  
瞑眩寧自諱通酪不應恣飲吮換心恐比換骨難跳擲壺中總智盡怪君持  
囊何所適蒿目人間意不忍埋名隨俗古有之神馮尻輪自控鞞誰能將身

殉盡人卞足則三孫足贖

俶玉以詩枉存次韻答之

深懷泛春愁隔雨至良訊陳詩享二客自以默相印醴醴味諫果苦澀不禁  
俊循蹊試學步馬驚躅牛駿一如水上船輯濯強之進梯米吁望洋寶唾敢  
規瑣早常市甘脆老漸厭餘餽飴蜜雜重萱可口或蒿藜始知蔽體服不必  
定種袷君詩挾兩快萬斛洗坻各屋山不斷泉風過寒陣陣側想燈影外石  
供吐瑩潤惜惜六扇屏不眠撥香燼

十一月二十九日滄趣樓雪中作 壬辰

夢中歡呼夜大雪開門失笑吾飽語錯疑江亭枯葦際四顧一白雲雲雲北  
方無梅負雪白而我手種綠江潭瓊樓玉窗照清曉羽衣縞帶紛交參少焉  
天洗罔畫出青笏屹立排屏峽齋醜入手不待勸花光雪色欺醜醜凭闌兀  
兀意忽忽墟煙不動林禽錯兩人柔麗狎多煖斷戶不成輪心越江山如此

一編成國自漢司印  
恣傲臥但有好事人兩三甯知長安數尺淨達者車馬窮步擔至尊誠祈百  
寮賀流民三軸無寸楹嗟余窮冠見南雪中興之際方劉賦上元甲子上元  
夜省憶燈下粗能談村翁九十又四五兒時亦觀鵝毛氈次年田園遂大陰  
乾嘉全盛言醞醞百年雨雪無此大或者地氣自北南幸民穰畝東不死願  
和擊壤歌和甘

恂予見和雪詩感念昔游疊韻奉答

春明夢華對雪發我筆未到君已諳少年追歡了不覺風際一瞥如優曇

度

謂仲  
文

愛冷每幽討並辨密廠臨水潭西山體體落杯底照見金爵方朝參

一夕吾齋列酒陣池上竹樹明穿屨戴遠輝子飲啖副腰腹君戶非小顏先醅

玉山頽矣尙吟瀉漏四五下寒鷄餘運明井轄各倒戴驚醒趣起追逃鷄是

時壬申歲聿暮僕指今閏玄默三雲浮水逝日月靡贏我笠戴君登擔脩門

一出十載過酒暈褪盡縑塵檻同時朝士但城北東愁聽舊曲歌何哉皖城

京口一帶水頗與安道通笑談仙衛守皖可莊守潤子輝近作皖游次公解郡亦却掃餘子

墓木都甦甦海蟾曉灑念堂先後逝生花銀海指拭倦味此詩意何深醪帝開鄉樹

總萬里更有召父實乎備兵黔西天西南寒梅孕香自春色有興來共村醪甘

俶玉和雪詩并示與含晶酬倡諸作用倒覺韻奉酬

煮雪取澀不取甘看梅賞北莫賞南南枝開殘北枝好雪澀茗苦逾醅醅時  
晴論詩過君夜瓶笙泠泠花影甦歸來對花發孤笑臍酌村醪聆農談聞君  
和作再接厲倒戟突出偏師戡含晶健者頗與牧張左右翼陵檐儘蘇黃押  
韻有家法險重全用神力擔縱橫盪決吾不逮關壁早避君舍三獵場色變  
心轉喜漫以搏虎方門鷁道山峨峨殘雪盡凍月在樹鄰鐘鐺籃輿覓句正  
遲客酒面仰向花前醅意君冷齋鼻涕尺池上巡徧千巖岷爲花銷魂從化  
笑春氣微入天心參吟成淪水細自品調符忽下存漁潭鼓山少梅吾欲補  
了了空色販瞿曇香南雪北定何是滄浪宗旨君其諳

藹仁前輩招飲環碧池館見示與傲玉鼻韻諸作依倒疊韻奉正

春初早非味已甘殘梅何論枝北南習池有酒例倒載煙景進作杯中醅先  
 生示病原不病說法能下天花疑玉龍十萬搖筆至裝點替海資叢談新開  
 林墅築詩壘老矣猶可千軍戲我來陞後行敢抗警對狐白揚敵檻芙蓉左  
 把謂芙蓉荔右啖雙勝園有池上花石勤搬擔行窩安樂得一足營窟况過  
 田文三松涼竹淨鶴夢適下視塵壙紛鴛鴦是園於公蓋舊物流風喬木聲  
 能儲淥波閱人五十載年時照見韶顏醅盤陀石符劖土出一一醉墨題鞞  
 巖空中樓閣彈指頃微旨許共詩禪參風濤隔斷湍瀨遠一鑑倒影天潭潭  
 尖又白戰動累月那管身外浮雲疊石林棹頭官裏去軒此意尙有吾宗諳

五律

再疊前韻和蘭君

元日霽雷元夜雨農家占驗吾豈諸多春一寒酒裏活關戶愁見陰雲疊南

天破例三九雪玉龍起蟄塵僧潭側生旁挺觸之靡蕉黃榕碧空相參薄陽  
涉旬溜不絕尙有冰筋排巖嵒甘藷黧爛蔗尾槁田父凍面曠生醯填街溢  
巷泥沒屨赤脚向火微呻錯大官貂襜出眺賞酒坐行炙羅兔鱸北方農諺  
衝口熟相慶宜麥逢白三三山雙塔氣葱鬱誰信比戶無儲擔邇來荒歉到  
漁採蠶戶瓊尾鴛懸檻潢池盜弄豈得已剗略煩及戈樓賊豐年爲瑞邦有  
本莫厭瓊瓊書生談君慵折腰臥林壑十年坐惜霜毛耗新詩枉和蓄深唱  
却教豚祝傾杯醺東風吹綠會有齊理楫期泛陶江南

君近就南鄉講席絕江必過子側聞

詔稱堯母壽率土同頌嶸州甘

春陰四首次含晶韻

落紅庭院書惜惜半响微陽半响陰  
燠雨添成歸燕懶峭寒能否病  
鸚鵡禁偶  
接柳眼祇生悵稍展蕉心且見侵  
莫怨東風慳與便吹猶不散  
釀還深  
青青河畔草如袍扶上秋千地本  
高消息日邊新  
嫁杏風情露井昨開桃屏



山入夢猶勝畫井水沉愁不任篙守過黃昏還伴月覺來失笑總徒勞

夢雨愁雲暮復朝似寒非暖最難料衣篝香褪孤鶯領鏡檻塵凝黯翠翹風  
日輕拋挑菜節笙歌忍憶落燈宵碧城十二知誰主斷送韶光酒裏消  
似聞鷓鴣隔花鳴百五忽忽記不清及未雨時煩作計便成煙去那忘倚無  
風簾幕仍香篆如水樓臺更笛聲還是海棠沉睡好夜燒銀燭問蠟更

上巳花下悵然有感因和俶玉用昌黎寒食日出遊韻 癸己

幽棲近水花不病臘雪孕春開特盛海棠紅過藤始華紫雲蔽天白重暎人  
稀野僻足孤賞雀啅蜂喧故無競懸知京國輸香妍祇惜楔辰欠觴詠惡風  
簸揉如捲雪陰隲歛掩日輪正明年會有艷陽天如此爛漫恐難更衰榮更  
迭固其所排斥須臾詎非命封姨狼婢少女狂誰使盜弄青帝柄追念螭頭  
賜沐初衆香得氣一陽慶液池瓊島蓬蓬春立馬諦看矍然敬南尋天霄北  
極樂西上翠微豁清鏡側帽平窺草杜天銜盃自樂堯舜聖鳳城回首十寒



食一散風花合難併滄江病臥倘天憐故遺繁英娛野性難消薄福更招妒  
稍負殊芳例遭橫情緣禪力戰勝難清淚如泉繞花迸春光向闌致可戀新  
秧貼鬪夾荷鏡批風抹月吾猶人種樹養魚是亦政止酒從教議醒狂懶吟  
翻喜當敵勁君如爲花來已遲除坐綠陰及夏令

做玉同年贈石絕肖竹根走筆謝之

癸己

捧龍蟄化幾千年霜節冰心鍊許堅自判生涯溝斷伍誰教末供硯山邊釣  
詩將石君真劇咒符充糧我欲禪恰爲錢君添一契入林殘臘約梅仙

余鍊石軒

中有大石鍊色樹梅其側

從邸報得朝邑相國凶問感舊愴賦

九徵不出出原遲正氣曾期與護持獨樂溫公寧本意見幾疏傳有餘悲老  
成漸已嗟零落 聖主終應念度支鄭重十年前一諾暑塵漲上使車時

聽水齋月下喜灌翁至

昔攜山月造茅廬今遣江湖迂筍輿一宿已成三載近肯來失喜四更初陸  
沉窈窕舟藏壑天籟泠泠樂出虛對坐均堂弄杯水算君知我我知魚

林文忠赴戍伊犁道遇所親繪像贈之曰吾老矣恐不能生入玉門

聊當齒髮還鄉也拜觀感賦

讀公奏議修公傳晚與編詩識性情功罪信心休問世死生許國獨全名盟  
鷗渤海機寤息養虎天山翼已成尙有典型勤下拜蒼茫淚更向誰傾

龔蘭州濬渠留別籌邊三圖爲含晶前輩題

百年桑梓論耆獻循吏儒林是我師時棘 詔求兵事策燹餘人誦去思碑  
猶憐大用生才斬却羨潛盤入仕遲鴻雪滿前原亦寄蕭條乍喜見鬚眉

七月廿二夜聽水齋對月

秋氣掠孤夢月窗濛若烟潺潺無盡水穆穆未明天樹影森疑象蟲聲悄入  
玄巡欄成獨笑非鬼亦非禪

雪坪聯句同叔毅作 癸己

雪坪生夏寒奇勝吾齋甲下臨無盡溪上有太古峽巖懸喬木鑿磴迤危欄  
夾谷響易聚空江光未迷眨苔深平安簞籜積凹勝搗攤書牀是籠燒茗灰  
成劫曲几滑可凭窻尊淨宜呷仙遺賭奕枰天借岷琴匣千模從意造羣宮  
誰爪掐想當春雨後側足奔流狎河勢走呂梁橫絕不可牖泊乎秋月夜列  
坐微風洽桂子落天壇馨發那由筵寂頑見佛性夷坦息世乏烏飛戀其巢  
獸逸寧思桺醉當臥陶石遊或荷劉鍾雪坪生夏寒繫澗盟須歆

叔毅墨樵相與樹二石齋前漫題

石氏好兄弟鴈行來水齋長如拄杖立少亦聽琴偕離合那可料扶攜茲自  
佳維摩長一榻風雨若爲懷

次韻答幾道卽以贈別

懶雲戀山無定姿趁鐘隨梵依耶毗江風破禪墜奇句一笑短髮奚能爲昨

來竹牕論筆勢燈花如虹薙倒披據梧倚樹百蟲絕仰睇箕斗光參差怪君  
說詩忽感事犀照萬態窮魑瘳但論風雅今亦衰君持古心將向誰排場文  
字假君手錄刺肝腎翻招疑盛年挂腹端且好幸寶子墨懷側盤陰崖陽谷  
各有向莫與寒木愁春曉晚蘭凝霜菊未秀何以贈君惟卷施江湖上下別  
後思行矣勃礪寒生漸道逢損軒煩寄訊勞苦邯鄲帶下醫

答椒玉用東坡送公擇韻見寄

悲愉集中歲秋氣無來由江濤非管絃日夕與耳謀平生歡如雲影過迹不  
留幽明且異路何論天各陬嗟君坐此同冬淚春不收嚶鳴尙求友況子雙  
鳥伴君與含真常用  
雙鳥韻倡和昨詩豈有愠逾滅斷倡酬因懷白戰人池館螢還流山  
邱零落後可語無一騶入城或詣子今興似昔不容持中冷泉遺我祗百憂  
酌之不忍啜郵致纔隔秋泉爲可莊所疏  
去夏猶以寄餉君暇可就茗倚杖看歸牛丹鉛

太自苦趁景嬉遨頭

花下

斷腸何必綠陰時  
怯雨愁風不自持  
一度春光一倩態  
饒伊蜂蝶可曾知

鼓山朱文公趙忠定題石下感賦

濟川須我友相與  
但一誠二公道義徒  
茲焉見平生志得無  
管葛身危運亦傾  
拂石諗乘哲諒此歎  
獻情

睡醒

睡醒喧傳赤白囊  
高牙不換北窗涼  
頻年醫國真求艾  
他日談瀛早藉糠  
何苦晴雷驚燕雀  
未堪晚照聒蝸蟻  
病夫不是慵觀奕  
幾道楸枰已盡忘

楊勇愨公家居所臨閣帖芝仙觀察以一紙見始感舊賦謝

瘴雲六月山熒熒  
我初謁君滄海東  
茅檐竹椽挂刀戟  
颯颯夜捲如飛蓬

援台法船扼海道易服乘漁舟  
夜渡明年事定猶屯軍都山中  
其秋把晤榕葉底  
坐歎鑄錯哀藏弓

直湘江一臥遂契闊  
聞聲又見邊烽紅  
峭帆微服礮滿耳  
年時手障鯤身雄

山川百戰付豎子天胡此醉神其恫駭餘弄筆累千紙歛抑奇崛何冲融左  
書彭畫足正氣鼎足晤對江樓中賦詩報君愧衰憊努力忠孝承門風

滬上晤黃齋三宿留別

相看短髮未全斑十五年來一瞬間可似東坡遇莘老安排浮白對青山

小阮忽忽去入朝

健庵約余相見阻風踰期至則行矣

阿瑛話舊最魂銷緝早知萬事皆前定

秋雨橫街說鬼宵

却將談笑洗蒼涼三夜分明夢一場記取吳淞燈裏別不須寒雨憶洪塘

金韶生太守屬題先德月川水部北游草

入洛年華射策天江山風月小游仙承平一種閒滋味說與愁人但惘然

客夢比潮高一尺

集中

篋中妙語耐沉吟蠡湖牛渚年時月扣遍船舷感到

今

酒坐晤日本黃葉秋造爲述受姓之自錄示先德溪邊掃落葉絕句

依韻追和

策策秋聲獨掩扉空山雨過又斜暉無人解會傷心處祇道先生避俗歸  
沈冥頗亦戀巖扉尊酒論詩月半暉長有歲寒心一寸萬年枝上看春歸

依韻奉和枚如年丈過鼇峰訪荷花之作

風雲人世朝朝變縹槩山齋歲歲新有月肯臨池上酌與花同享坐中存  
難從殘劫徵遺獻慙對涼波託幸人獨樹童童亭九曲偕寒許結後凋鄰

檢得左海先生致先尚書手札五通所言皆桑梓要務疊前韻呈枚

如丈

悠悠七十年前事蠹迹縱橫墨彩新滿腹深醞經術氣一時殷阜太平春  
流風鄒魯無餘地絕學匡劉更幾人牢落池荷秋亦老青山猶有謝家鄰

枚如丈寄示疊韻有感之作逾日復見過再疊奉和

酒壚歌哭僧房話肝胆忘年白首新願我詩才屏到老多公道氣晚逾春閉

關忍更聞塵事炳燭容同侶古人失喜登高好腰脚又攜鳩杖過比鄰

枚如丈和前詩憶及石鼓三疊奉教兼約後遊

彈指一星同聽水山中風物亦翻新靈源自瀉空巖月老樹能忘大地春戒  
酒東林誰主社尋詩南澗不逢人籃輿若續穹樓夢佛火僧鐘是切鄰

枚如丈出示見答訂遊石鼓及作陳蓮庭誅感憶又鄭生國容選菊

見惠疊韻三首四疊奉和

二十年前懸戒律老來轉喜門清新先生都在都常謂疊韻易傷詩格宜戒道愁儘度牀前月噓

暖能回谷底春三日來天氣奇煖路熟好山青入夢冬開晚菊淡如人三桑眼見渾

閒事聞笛休須愴舊鄰

聽水齋懷枚如丈

謝公健遊者老不坐籃輿石磴扶欄下虛樓掃榻居聞鐘懷太華觀瀑話匡廬  
廬今夜窗前月山莊照著書



日本館森子漸鴻枉顧劇談卽席賦贈庚子

橫流無地哭斯文樽酒江樓夜對君碩果溯源論老宿君師事成齋鹿門先生携其文集見示

同岑臭味感殷勤解裝夕訪松風址君入閩首訪松風堂隨謁李忠定祠鼓枻秋尋石井墳去秋

入石井拜鄭延平墓珍重蓬瀛一枝筆却從傾蓋惜臨分

子漸來觀文信國黃忠端倪文節遺墨因宿江樓口占二絕

此是男兒鍊性時天安末劫兩枰棋風窗讀竟朱張傳海外羈魂更可悲出昔

示所輯朱舜水張非文遺事

燭花含雨莫相催笑口論文歲幾開夢醒知君還起舞村雞聲裏聽存雷中同

發雷

畫松寄節庵

節庵老去惟添節我亦空懷鐵石腸閱十五年償一諾可憐人世幾滄桑

七月十六夜訪叔伊於損軒故居卽送之鄂

損軒詩夢嗒如煙載月重過一怕然人事可勝華屋感雁聲又入早秋天稻  
梁江海催君發蛙黽林塘恣我眠更對燭闌思伯氏白頭何日共歸田

七月十三日丹曾肖韓同舟枉存因訪叔伊玉屏山莊歸均有詩徵  
和感念寫經昔日之遊次韻并柬珍午

魚陂潦退橫空峯繞樓枯樓垂荒藤好風過江噪檐鵲失喜聯臂來詩明炎  
氛漲城散湯社容我蟄臥如溪僧五句一面語不盡痛逝相感情可勝玉屏  
山色綠沙步豈不欲往病未能峭帆滅沒暝潮急金波風穀光交騰寫經一  
去迹如掃誰信瞥眼成衰興當年泛月恣還往半夜吹火勞搜蒸汀茫展謬  
不卽枕倦倚書臥迷鷄蠅有時覓詩松影底風際循髮雙鬢鬢法門豈能離  
文字漫署不二張三乘無端荷芰自焚裂出岫冉冉輕雲升訪梅葛嶼偶雜  
機愁對病橘圍塞膝移文招隱付談笑宦味那復分溜澗嗚呼墓草今宿矣  
盧撫治行銘歐曾千編手校恐亦盡上市往往逢籤勝十年俛仰有如此世

事何限羨壘懲吾宗詩盟更忍割老宰畿赤儕學丞新歸有弟昨過我爲話  
危板猶淩兢僑居頗亦感華屋吟盡漏鼓聲琴瑟兩賢灑然步庭廡甯免百  
念來填膺詩成先後舉似我讀竟三嘆施之膝襪襪獨鶴久不舞敢整俗翻  
當霜鷹長篇惡韵苦相難琢句况費銖銖稱張侯賓館倘思舊合有庶饗供  
追徵新來開逕得三益此集唱和逾松陵

丹曾魯響見贈再次前韻答之

秋江澄碧蛟可豎蒼然山木慘蒼藤典船都尉昔開府節樓官燭羅賓朋陵  
遲岸谷欵卅載誰遣曹舍間於僧公孫繩武佐舊治遊刃一割恢恢勝零星  
竹木不足辦清嘯乃亦登高能詩成煮酒遲我至含意懇欵神軒騰我隨檣  
燕慎來往熟踈棟字憐廢興曲江謫去緋衣代流柿蔽水方蒸蒸大航百艘  
銳自任甯料白璧來青蠅塹山塹海功未竟病髮臨別霜鬢鬢兼官從此屬  
兩府寢以致寇占負乘太阿倒持漏卮注更弄假面教孫升端言發覆轉遭

一  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

擯坐見橫決誰隄膝楚材昔用古恒有要自甘苦知淄澠斲輪老手盡引去  
規矩何以貽孫曾億金毀藝歲爲底浪費畫革繙書滕猜猜一骨况羣睨門  
戶可勿非蜂懲君何所戀久縻此紙尾署押都船丞先臣心血百存一力引  
墜緒懷冰兢靈之來下昨秋賽波際祠鼓聲鑿鑿人天今昔剩一痛矯首大  
厦寒予膺鼓山獻晴足朝爽且共買布縫行滕風濤芳蔚試縱眼嗟汝絆紲  
如馴鷹吾衰款段亦懶御埋照鄉里甘無稱通家姻親語不擇敢謂史料於  
詩徵夜來望斗夢雲罕早晚風雨踰敬陵

九月十五夜湧泉寺口占

斜月花宮法鼓催風珂蕊憶掖門開廿年三破僧床睡大頂峯頭候日來

珍午招觀鑑亭荷花賦此報之并柬幼點

村夫累月不入城舊館紅遍芙蕖莖主人鈎簾忽見省放假花事要詩盟裳  
裳欲從畏火繖藥鑿經案前交橫磔禳儼索震衢郭扣門親故頻相驚羨君

書叢擁書臥百沴誰敢當墨兵等閒遊賞亦有分咫尺步邈若瞻蓬瀛爾時升  
堂媿左海風露自喜愚池清手蒔三歲再被潦魚鼈狼藉初華頰舉比避賢  
夙勇撤懼以蹇薄殃發英甯知咎徵卒不貫李旣玉折劉珠傾二生皆院中  
翹楚新死於  
疫  
他時委棄等一敗蔘地摧枉能無情花前咄咄憑子問天運如此吾安程  
碧栖書來常安健多恐笛譜成秋聲

珍午和詩感及昔遊因疊前韻奉答

液池繚碧迴團城

都人呼承光  
殿爲團城

紅雲億千承露莖金鰲車過帆流憩忍向滄

海尋鷗盟比聞

宸遊肅禁衛花光仗影波縱橫夢中猶疑香滿載絕馳道

度還自驚誰知滄桑在俄頃急雨打葉聲皆兵妖狐據殿烏鳴社咄此一劫  
灰方瀛紅梨汗竹併焦土巢痕廿載悲西清與君傷時復感舊蒿日何限魴  
魚頰風濤池館且淒厲矧攬京華霜前英葦灣往日足可惜酒人散盡朱華  
傾再來葭薈恐彌望老矣甯復舟招情君行持橐直清籟六飛河洛占歸程

秋房心苦聽候鴈莫誤變徵爲新聲

幼點風雨中見過和詩并示去夏寄太夷詞再疊酬之

去年溪流高平城今年海漲禾滅莖天方西顧那可顧且喜胡漢新成盟黃  
祥鼠舞連比戶臭腐誰遣當塗橫葦茭朱索不辟鬼却假春令桃符驚要知  
震蕩出天意風雨夜發如鏖兵荔奴諫果汝何非也殉艣艦漂滄瀛豈然孤  
艇狎浪至詩筆搖擲江天清殘燈相對話瀟晦信宿望斷晴牕積因思戰塵  
起碣館觀臺雲物猶英英十生九死脫兵際有淚如海從誰傾昨宵檐響迸  
西朔入破榻觸夢餘情愛君詩好詞更好出門泥潦今焉程曉來稍霽復苦  
暑打紙試聽蒼蠅聲

七月十五夜同幼點泛月江心三疊前韻兼柬珍午

蒸愁作詩牢如城一字動費髭數莖不如單舸就烟水鷗鷺邀我尸秋盟昨  
宵敗興夜轉午雨止猶恨癡雲橫卻留奩鏡待三五匹練切漢禽不驚山河

大地指頭在影過莫話修羅兵此江湍瀨幸稍遠所惜潮汐通裊瀛

村舍惠  
海漲甚

於城

我衝君宇間一葦還往相餉風月清頃來似嫌村酒薄挈榼救助衰顏

頽世間何者算吾有園池草木空菁英佳人良夜歲幾見不醉忍放金盆傾  
鑑亭此際正可鑑照見平子巡檐情相望村郭近三月詩筒如響誰嚴程北  
來新鴈亂心曲歸鷗怕作嘔鴉聲

天心閣雨中山礬開盡同幼點作

冶蜂癡蝶恣飛棲誰信朝來頓作泥池上綠深猶美滿雨中香在轉悵迷涼  
灣粉墮供魚暖虛榭陰沈任鳥啼斷送一生還憶昨卻持殘酒覓新題

次韻謝枚如閣讀丈中秋對月

人間何夕付休休碧海青天有盡頭一曲霓裳空自惜千年靈藥可應求雲  
山北向心長耿河漢西傾淚與流回憶前年巖下宿顛風險覆絕江舟

奉題午莊尙書洞庭歸權圖卽以送別

少伯功成遊五湖安石東山志不渝古人遭時類有託度語或更思尊鱸以  
公方之趣倘殊高牙大纛臨三吳江清海夷 帝曰俞乃睠初服爲斯圖  
詔書朝下夕移鎮川后穩送歐閩艫下車懇懇問疾苦作我髦士蒐師徒袖  
長地編歲未半頓解符綬行首塗再期連帥六受代縱有郇召膏焉敷毗萌  
朕睽失穀哺公得無戀神何愉行藏任天那喜愠正恐世難仍相須招麾來  
去本臣職但祝雲臥無驚虞中興將帥算公在雙鑠猶可雄萬夫衡湘地靈  
足英少報國莫道山林無扁舟散噴色相耳胸中八九誰能摹

入江哭黃齋 癸卯

雨聲蓋海更連江迸作辛酸淚滿腔一醉至言從此絕九幽孤憤孰能降少  
須地下龍終合子立人間鳥不雙徙倚虛樓最腸斷年時期與倒春缸

子涵留宿寓齋得詩四首

宣南春夢一痕無卻向江天話酒壚障壁醜書渾自忘怪君猶不棄鴉塗



余書數幅皆二十餘年前作

坐上何郎舊飲仙別來牢落亦華顛人生畏友誰能少太息圭庵不假年庵上

爲黃齋至契詩孫姑丈也

傷時痛逝老尙書聞說聰強漸不如別十七年千萬緒怕從公語且歸歟連孝

新行開方游匡山

絮酒哀餘敢久淹將山笑我類髡鉗如何江海三千里良覲當前失伯嚴伯嚴

僑居金陵行急不及視之

滬上晤蘇齋出視海藏樓詩卷并新刊老功詞感賦留贈

蘇齋詩如人志潔旨彌覺世兒味真源孟浪賞奇橫魯連天下士寧屑儀行  
競我讀述哀作聲淚一時迸深談因感舊悲哽語難竟考功抱古心得子足  
後勁熟聞過庭訓佛理雜儒行遺箴今刊行綺語總見性文章有嫡乳心地  
先掃淨吾衰百不就對子媿提命卅年三四面此會何日更時艱恃節堅俗

薄忘名盛子詩固自云英氣能爲病

預生招遊西湖喜晤

嫩柳初桃媚晚春  
天憐過客獻晴雲  
裁持鏡具凌鍾阜  
卻賃瓜皮上岳墳  
佳日不多聊取適  
老年難道是離羣  
積旬愁眼從誰洗  
攬盡湖光乍對君

希村穎生同泛西溪憩交蘆庵謁樊榭祠

西溪窈以曲萬綠中  
一庵低篷犯雨至  
凭檻春波藍伊人  
來往處詩響沈煙  
潭至今味道欵水  
木幽香含青山了  
可揖香火依瞿曇  
燹餘石陷壁承平  
存勝談何當蘆雪  
際月泛綠源探

檢黃齋手札愴然有感

人壽不如紙何論  
命厚薄手書積卅  
年斬若墨新著行  
藏細事耳膠漆吾  
與若所憾廿載中  
囚置一涯各會話  
何匆匆命駕復虛  
諾早知但一面悔  
不十日釀凭棺邈  
山河歸夢更安託  
發篋向風簷瞿然  
九泉作

石遺出示俶玉寫別古體詩次韻柬俶玉卽送石遺行

連床旋臨分解襪纒幾日卻持郊島心闖入浣花室七年積危苦破涕對抱  
膝維摩元不病說法愛問疾勞歌和復廢身世誰得逸故知別後思四海子  
由一老刊繁艷盡情編語彌賈山齋苒籃輿留約待取必懷哉發五噫行矣

崇四術

石遺方監督  
武昌學堂

良兒生

兩兒生及我趨庭摩頂猶期遺一經風木八年桑海換頭顱如許說添丁

日本長岡子爵譯美以影照及雲海詩卷寄贈賦答其意

踏遍裊瀛老更豪未將餘事廢風騷江山佳日張文譙壇坫中原接彩毫幽  
贊儘逾投緇雅神交猶覺錯金勞蒼茫雲水相望處唇齒知君自重搔

挈復兒登鄰霄臺

吾年似汝登高日四海兵戈望中興卅載風雲隨鴻鳥一身林壑學山僧此

懷正恐兒曹覺世事元非我輩勝西下夕陽東去水竭來凝眺最高層

十一月十六日望耕亭晚眺懷枚如丈

滿院梅開忍就看却從亭角望簷端

院致用書院時新葬

橫流泉下能終免來日山中

正大難鄉國獻徵從此絕平生詩稿失公刪山莊插架猶三萬知作空華過眼觀

次韻答傲玉

舍家來就白雲居判作山人那羨魚月上未妨籠火燼梅開差有筭醅儲半樓雪意供蒲褐一路松聲逐笱輿莫笑瞿曇風味似正須相視印如如

岱珊肖輪恒陀小純均有和作疊韻答之

萬象竚更始凋年安得留春華屬君等相爲學楚囚志士例惜日不恒或承羞試聆松下風謾謾無時休吾衰信懶拙一壑寧身謀孰無神州責躡景懷靈修

次肖輪留別韻卽送入都

已近清明尙劇寒別筵佳月得來難橫流滿地詩名賤積雨騎春客袂單當  
代猶應思舊德此才何意就卑官宣南吾及交中散花事年時未向闌

俶玉以索荔莆田詩徵和摘山寺新熟百顆以餉并致鼓山泉一品

卽次其韻

北枝隕盡賸南枝愁誦終風且暴詩烏石巖存天所赦楨珠滿摘佛之遺倘  
來結夏從禪子及未嘗新墜島夷百顆勝無聊報慰山泉還賸一軍持

俶玉以丹午所寄蒲荔三百分餉賦謝因訊特舟直州

眼明蔡譜稔蒲風筠籠初開見老紅香味不愁三日變飄搖誰信二州同載  
醪一騎繫何厚報玖盈筐亦已豐便乞斜川訊坡老可持閩產較涪戎

雨後入鼓山

兩泊江灣喜見星可曾一諾負山靈廿年算與雲泉習萬事渾隨齒髮零尙

不... 集 成 國 書 公 司 印

亦有人規柱石寺僧方庇材未應無地着巾瓶月明留得巖前濕準備虛樓

徹夜聽

疊韻酬實甫見和

海壖夢京華廿載不一至巢痕切灰盡牢落况同氣儔中識衛玠恨未飲文  
字風花尺五天飄散隨所墜昨來尋道山挾卷顧我惠詩魂類四愁感舊諷  
不置更枉長篇貽清覽絕離僞繫余晚聞道身世定誰棄縱投夸父林詎緩  
羲和轡君方鬱權奇未合例衰瘵暫蹶安足嗟萬言故可試獨念抱冰翁武

昌老猶帥南皮君師也

十一月十七日天心閣雪中吟集肖韓示長至次韻見懷之作三疊

前韻

犯寒赴詩盟人至雪亦至讀君日至作作我一陽氣君詩妙句法直逼吾正  
字坡谷世則無朱絃日抗墜廿年溷閭里自笑不夷惠道情任真率驚俗敢

標置君何篤嗜流信我言匪僞頗思就商定雞肋忍卒棄毋乃公子恭猥執  
侯生轡虛堂北風厲病肺戒增瘵流光足可惜夙抱盍一試願持鄒嶧言夫  
志氣之帥

實甫四疊前韻因及匡廬感念舊遊四疊奉和并爲石鼓之約

平生慕匡廬使轍得一至孤亭雙瀑間蒼峭作寒氣廿年積夢憶歷歷巖  
字最戀棲賢橋雷吼聲危墜維時正春暮天朗風且惠回身出五老樽酒會  
挈置蹉跎負山靈一諾得非僞而君樓其下樂志官却棄縛滕乃見招冰泮  
整歸轡吾齋石鼓腹澗水取養瘵山中亦產茶味苦頗可試巖頂風濤書南  
康舊州帥

二十七日玉尺山房吟集實甫歸有五疊之作五疊賦答

光祿有吟臺社飲數數至但期諧里耳誰料接仙氣佳聯覓雙壁斷句鍛七  
字大雅誠所羞土風庶未墜怪君亦辯此翩然肯來惠懸知運籌暇頗不耐

閉置杯盤例真率談笑謝虛僞六時花竹間萬事渾撥棄  
瑟瑟街鼓動苦促送歸轉君如長袖舞笑我類庭燎賈勇信有餘  
他題況迭試爲詩更築臺避債吾亦帥

鄭友其大舅招飲偕寒亭觀舊植梅

亭子依然屋轉新梅花亦是劫餘身淨名居士心無住却替幽香作主人  
樹樹栽成手自澆別來頻夢上岩堯此情尙有公能會置酒花時特見招  
三九欠寒翻作熱一冬無雨頗妨花先開意若相迴避桃李非時且吐葩  
坐看斜陽月未來對花摩石少徘徊平生泥爪無尋處猶臆鼈鼉數本梅

伯嚴和實甫詩見及感舊六疊次韻 乙己

一觀星再周百罹老俱至支離江海側蕭瑟沆瀣氣與子寄石人相望無隻  
字天高醉不聞愚者苦憂墜嶺南曩邂逅丈人故我惠廿年曠楚思萬事錯  
棋置山堂蛻巾履子亦屏世僞翩然江東西徃句旋復棄豈無澄清志悔攬



孟博樽霜鐘千里聲省錄及衰瘵別懷正滿抱實甫將去闕退筆更一試側聞沅

湘間歎歎話舊帥

年丈撫湘年餘庶政舉譽

八疊寄和實甫獨遊石鼓憩聽水樓見懷之作

出郭旋尋山君行詩隨至豈伊趁幽事儻蕩驗意氣可惜僕未從紀游欠數字春雲羶澗谷瞥若飛鳥墜殘僧汝何修松牌亦損惠聲泉不留宿符此一榻置雨晴坐然疑空色了真僞吾生分淪寂卜築取人棄無意晚邁君臨分願行轡翻遺一塵在令我思成瘵歸艇萬搖兀風濤宛相試壯君視此游不奪志逾帥

次韻和伯嚴

瞥眼重重結海樓別來二十四經秋天公從古憎雙鳥大厦無人問萬牛文酒寫憂艱一叢江山橫涕仗誰收豐頤瘦損殊非故不怪新霜也上頭

題幾道江亭餞別圖

城郭都非尙此亭西山偏向別杯青斯文氣類關時會去國心情雜醉醒景  
武終應行賈策侯劉差解問元經嗟予相對淞江夜挂眼葦葭已再星

失題

樓外三峯不世情四時向我敞雲屏平生浪費尋山屐何似支頭看送青  
建瓴千里走灘聲隨到雙流瀨頓平入峽海潮還出峽和沙淘盡可憐生  
菜花香後橘花香田舍家風別衆芳說向城坊猶不省野人何日獻君王  
長年手澤付緘局集古思編久不成却累人間求榻本荒濱終愧未銷聲  
敢嫌池淥照鬢髮庭樹親詩看出檐障得驕陽偏礙月故知人事不能兼

山居雜詩

難買新年半月晴今宵對月更圓成只無佳客娛良夜却少微雲累太清窮  
社賽春偏有興暗潮平岸不聞聲此身未死須勤醉自踏金波步到明  
開過山簪又一春經年池館雨聲新別愁與水平添漲詩夢隨花黯化塵觴

咏忍虛垂老日溪山應識苦吟人未須去後以蕭叔闕鷺江頭儘切鄰  
出郭襟塵條一清眼明山色耳蛙聲野風吹撥行將嘆好雨宜秋奈又晴投  
老但求長日醉避人難覓別蹊劇行憐月下蘋洲笛溪路今宵第幾程  
江舟猶刻去年痕佳月如期滿酒尊溪上一帆吹汝至詩中三昧向誰論清  
光天若私吾輩夕氣秋先覺水村跛脚船頭休睡熟過雲如馬了無存  
儂中可語本無多移坐傾襟奈嘆何淙淙轉從杖令闌夕風猶返市聲過七  
旬不見詩連牘一昨相望月在波窮薄說來還自哂年年花後實殘荷  
尙嫌涼館在人寰道暑聊除牛角山海雨遲詩松月外人風吹酒荔雲間可  
招老衲商同社轉恐新蛩趣早還連夕刺船就烟水吾儕古得是法閒  
悶就僧齋借貝多醉呼田父飲亡何潮隨峽月吟邊上雲逐江風夢裏過三  
宿巢痕如隔世一家漁具漫同波涉春君更還朝去誰凭池閣話種荷

石遺室師友詩錄卷三畢

侯官陳衍

沈曾植字子培號乙盦浙江嘉興人光緒庚辰進士官安徽布政使

石遺室詩話余與乙盦相見甚晚戊戌五月乙盦以部郎丁憂廣  
 督部招至武昌余與乙盦相見甚晚戊戌五月乙盦以部郎丁憂廣  
 目視余曰吾走琉球廠以朱提一與流君元詩紀事者余曰吾於  
 丙戌開即閉可莊蘇堪誦君詩相與歎賞以爲同光體之魁傑也  
 體者余與蘇堪號同光君舊作則棄斥不存片格乙盦博極萃於  
 談往余與蘇堪號同光君舊作則棄斥不存片格乙盦博極萃於  
 北魏遠金元史學與地不順李若農侍郎文田桐廬袁爽秋太常  
 論學最相契詞章之學若不屑措意者余嘗語乙盦君壯史學吾  
 考據其實皆爲人作計無與己事雖小道然不能無動因言詩言  
 時時足以發明哲理及此暇日盦姑事此君意不能無動因言詩言  
 深而詩功淺夙喜張文昌樂府山谷精華錄而愛艱深薄平易則山  
 深者謂功多詩功淺者謂樂府山谷精華錄而愛艱深薄平易則山  
 不如梅宛陵君乃借余宛陵集不出戶乃並記吟詠余寓廬相密  
 水陸街姚氏園入秋病逾月不出戶乃並記吟詠余寓廬相密  
 夕過君有所作亂南北分飛遂廢矣乙盦精佛典自喜其除首  
 又明年庚子之亂南北分飛遂廢矣乙盦精佛典自喜其除首  
 僧行一開元詩宗元旨祐君謂三元皆外國探險家覓新詩學莫  
 三元謂開元詩宗元旨祐君謂三元皆外國探險家覓新詩學莫  
 元詩宗元旨祐君謂三元皆外國探險家覓新詩學莫

石遺室師友詩錄卷四 卷四 一 風閣叢書甲集

頌故君詩有兩天啓...  
 云云余言今人強分...  
 其謂然故又有唐餘...  
 唱感盛中晚賦自闕...  
 那霜二首極佳惜受...  
 漁洋樊榭謂錢接石...  
 樊榭君謂樊榭尚不...  
 不謂然毅原薄植但...  
 時有美秀處耳

### 丹徒渡江

海門日上曉霞開沙路盤紆首重回形勝豈因兵技改江山曾識竊圖來懸  
 儀坤軸心全動燭渚鮫人淚亦灰堅固焦巖留片石瓜廬終與老山隈

### 寶塔灣

蕭晨煙未泮散舸趁輕鳧一往聞揚語重來識佛圖風微漁唱遠月淡曉光  
 無行色兼悲喜沙頭問僕夫

### 贈周彥昇

昔聞周北張南雅今共吳味楚尾來名字黯然成舊故江山隨分借嘲咳清

秋高館霜華入白日黃河鬢影催肯放旅懷同寂寞不妨散策小徘徊

舟發廣陵

歸程指烟水心與楚雲馳客久諳船理江清見鬢絲老慳筋力用壯惜太平  
時鼓角中宵動江湖歲晚悲

雜題

榆葉乾青柳葉黃淡雲斜日蜀東岡秋心總在無人處坐看鳧翁沒野塘  
鹿車鴉軋上堤頭南去真州北楚州不是田間無下澤冷然誰道馭風遊  
江湖祇是愛平流帆自從容榜自柔至竟海門原咫尺浪花何事白人頭  
沙禽相伴過中冷塔鐸相聞替淚聲我愧布施無半果也隨宏願喜圓成  
江洲草長蘆荻肥江上女兒黃葛衣淮東秋冷瀟西暖野鴨作羣南向飛  
獨坐鍾山喚寶公南行襟袖挾天風蒼崖白浪今猶昔八百年來見此翁  
蕪湖有懷浙西

爲政風流地臨江眺望來梅知文雅勝翹惜而書催長策紆盤錯蒼髯逸笑  
談朱雲終就召料理此樗材

小孤山

潯陽九派淪無蹟介石猶然立江嶺峨峨高髻古嚴妝俗眼還疑肖形拙大  
孤眇然湖中央小姑無端對澎浪楚人織鬼瀆男女楚客吟弄傳荒唐那亭  
之神風不颺江湖小龍崗威祥錢輪一轉世界換叢靈社鬼吁其亡匡廬南  
望山蒼蒼大湖雷轟非余詳經師閉詰有違異估客指向增眈眈碧瞳老胡  
手幾尺室有圖書諳地防嗟余四食武昌魚瞪目山川獲未識山神譏我故  
相迎峰不知名分外青風雨重陽占未改登高且上拖樓行

重陽風雨抵武昌

颯然風雨洒征衣西望江樓趁鶴飛攜拾落英隨楚俗掃除行李避周譏田  
園計左垂垂老舟楫身從泛泛歸長路定知何日盡徂年眞信昔人非



曉禽

朝氣動衆禽檐端語啾啾我心感明發起坐與之偕萬籟戰清秋意車軼堯  
垓吁嗟斂老人蹙蹙行何階徙倚就南榮陳編強差排古人終已矣來世誠  
難裁喉舌詎有殊欣憎邈相乖近前姑婉嬖視遠皆奇儻故紙諒難綜故言  
復何謂冥冥獨歸臥颯颯嚴霜來

日入

日入燭代明軒窗吹琉璃交光羅幻影鏡鏡無成虧背舍有闍盧衆芳歛暝  
姿微風定香過未見心先知視聽各有程晦明亦有宜喟然念蓮生過闕停  
車時負杖立廣階西南望參旗出門視路人各有幽求思摸象盲子愁煎膏  
智者悲清鐘鏗寺遠悟了終何之

雨夜

短檠三尺光寫此寒人影浪浪簷雨聲衆響入孤籬宵氣愴回漣鞿魂逝超

聽雲車與風馬見我城南景  
蟠藤翠後橋樓楹亞伎整遊子去不還陰蟲露  
階唳去國歲再寒清光洗眇寸心烏萬念瞥眼造陳境擊柝在遙衢秋城  
四邊靜推枕起旁皇聽鷄夜方永

城隅舍幽幽蕙楊與孫壁鮮民過去身疇昔經行跡寸草不榮春枯菱不承  
日病爲無告兒居是無依室殘夢不可思餘生幾年畢

### 送陳廉舫

昔共緇塵作漫郎十年凋鬢各蒼蒼周人貴老迎扁鵲郊圃聞歌識季梁舊  
雨客中論善藥征衣明日隔殊方  
魚魚我亦悲霜露那不吳帆去共張

### 楚澤

楚澤昔賢蕉萃地日華川上竊停來病身更覺天宇空老眼不爲蒲柳哀蕩  
蕩江湖千念盡堂堂人物百年摧蔣山青骨懸知記洹水瓊瑰有夢廻

### 趙森甫先德書冊

放士江鄉傳筆訣故家手澤綴叢編畫中意蘊無駭駭想見潭思穿被年  
包張傳法太平時晚見吳生最老師心畫總隨人代變江山空寄奮團思

梅道人墨竹

竹君風味出孤直檀欒晚節無矜持吳生盪胸渭川隘撲筆萬梢生墨池舊  
聞江南鐵鉤鎖縣梳乃自顏張遺此竹千丈扶寸耳折斂拆壁鋒端追至元  
文采龔延祐水晶宮有南宗師倪黃吳家蟲蝕木密卯豈獨王蒙持神都昔  
觀夏山圖筆與元氣相淋漓却迴鵬遊入蝸掇瘦莖滴露風參差墨玉蛻神  
五百年題字澹與秋雲漸畫人去來擬丁个骨董頗得摩絹絲付與支郎賞  
神駿驪黃牝牡坐忘時

石遺過談去後簡之

秋晚闌房窈糾思黃車五百夢占辭化神那必無天姊搏控由來授幻師辛  
淡甘鹹都自可壤垆莽眇往何之看君布衲吹毛起萬朵黃華入照時

奉呈石遺

孤雲與寒石，郢路偶相將。  
老斲知輪苦，新鋤得刃藏。  
芥根松葉味，寒月大隄旁。  
許出陳居士，披披布衲涼。

答石遺

陵陽寫本費，摩老屋橫街。  
凍夜過卅載，故心如夢見。  
瓣香何敢廢，涪疇懷抱東。  
華惜壯年鵠，鳴寥廓。老悽然，聞思只住安。  
敷地衣鉢諸師，莫浪傳才語。  
那教酬儉父，小文聊可定。  
丁生楚天萬里秋，無際且著高臺放眼明。  
漫守張爲主客圖，旁行斜上破工夫。  
白家廣大元無教，得似韓門變態無。

失題

洗樹疏花盥晚香，婆婆庭院已斜陽。  
客來策事都無對，病後觀心亦自忘。  
夕望片烟生野寺，眼拋經卷假胡床。  
年來總覺情無盡，歸路那堪日轉長。

失題

蟻屈誠何賴  
自不堪曉庭苔沁入晚  
隔日光含故紙身俱積  
陳人塊獨  
甘題襟虛勝想搖落向江潭

練魄

練魄苦不早悲懼同世情  
華髮垂素纓老逐行人行  
秋笛無緩聲秋蟿有哀  
鳴高桐百尺瘦霜月孤輪  
明黔羸居北陰命駕余遐征

月夕寄五弟

清風北陸來吹我梧上月  
石臺倚倒影零露在衣髮  
萬里羈旅遊三秋次家  
節黃華屈宋健伴我張寒  
色流光若逝水利利不容  
揭娛玩此須臾行人想  
天末

初十夜月

微月出復沒暗蟲終夕鳴  
夜光收露靜深樹閃星明  
怪石盤陀供商歌曳繼  
行赤藤吾至友危處不相傾

病僧行

病僧病臘不記年，  
臆對或自風墳前。  
蒙戎敗葉擁牀敷，  
支離魂木撐風煙。  
六師派別謬占度，  
休糧恐是金頭仙。  
毗藍紐天攝，  
不得首羅三日吟。  
相看洗心出，  
來歸佛祖縛。  
律非律，禪非禪，  
含生大期百二十四。  
百四病根發，  
全水氣爲瘡。  
木氣瘡，  
蛾絲斧性裘，  
媒寒膏梁奧，  
博物有致此理未。  
可通窮，  
竦華子中年病忘久，  
明心晦惑來無緣。  
假從毗耶示化儀，  
不爾五行同人天。  
婆娑世界一音隔，  
安有萬二千眾天龍八部相。  
周旋檀闍失莊嚴，  
忍虧無強堅貪欲。  
羸老基噴恚，  
疾牽得非夙因招。  
現果突吉羅業雖有懺悔，  
猶沈綿給孤獨園畔。  
峭山鴈王鹿女遊其間，  
小花正如普陀白高窟。  
或是毗沙刊臘休雪嶺，  
夏熟泉一瓶一鉢，  
疲往還或有造其關。  
草枯木石頑九十六道，  
淨研研六十四書文。  
複繁莊嚴劫過星，  
劫未來恒沙譬喻不可罄。  
像法五百盡末法三千延，  
病僧病久心茫然。  
蘇迷廬山芥子小石女行歌，  
木兒笑嵐風撼松藤，  
曼曼幻師

善幻五色宣畫師作畫一筆圓瘦骨秋嶮坼脩脩野鵲巢其顛後來合有棧  
伽傳

以繆篆分韻贈社耆

平生政爾無長物篆刻何曾累壯夫乞與君家助悠悠從心白白與朱朱

詣太夷新居不遇歸後簡以短章

鄂州城南沈湘多具足荇藻葭蒲荷秋霜不嚴蘊潦縮鬱綠收紫盈池陂隔  
衢湫隘萬市屋行相其背翻委佗長烟宛宛西郭突拭眼政訝雙偷婆鄭侯  
白鷗狎滄海蟠胸鬱律千蚪躡卜居面此一尺水汪汪千頃無由波朝來影  
瞥踏浪去高樓濯足吞江沱峨舸大編足快眼惜哉噫氣無由呵天西新月  
玉鈎搯朔風嘔啞鳴鴛鴦扶輿相從約苦早買酒欲醉顏非酖人生實難笑  
口稀凍野正可供婆娑新篇不抒會面左大冬如此松梅何蠟花坼香頗蘊  
藉罽茶門色矜妍娥冥濛霜淞稍濡瓦窈窕陽燄仍浮河文辭自從兒女戲

悲壯或動秋城歌作賤不聊矢詩寫報章瘦墨暈晴嵯峨

以御書雲葉瓶贈夕公賸以詩

萬物掉天運頡頏無定姿御窯二百年薪火燼停施燕市忽騰踊貴人競盱  
睢軒然駕珠玉頓爾凌官柴研研康雍辨謗欵模稽器或墨茅差估猶百  
千隨姦民內府盜夷市囊橐資海上萬金瓶桓東厲魂啼物妖志五行茲沴  
誰當推吾儕偶染指所得良殘畸式莫審年郎青况論蘇回去國雨飄蕭閱  
生一豔杏龍焙元豐春鼓捲天寶思彼物瑣且賸託貴承平遺哀我楚楚民  
賤不五幾皮

長至節前三日

阿連別我秋風時南天雨雪今泔泔衡陽鴈徂書不俱延頸翅望心煩歷念  
子行遊日安向醉歌誰與傾尊罍室幽體倦語誰屬塵簾幾疊曾舒排長安  
卜居待金布維摩方丈非輕諾城西泉甘市南鬧潭潭夏屋空盱眙朋肯臞



鼓粥後搥影瞥心似凌謔臺此時獨行或念我園花正對演茶開豈知我今  
抱寒石清愁不斷連環措丈夫失身墜官路千年調遠小鬼怡鱗金不成學  
道左嗷嗷鵝鴈紛堂階霜華攬鏡可憐白爛如孤月天之涯長庚太白曉無  
色畢昂芒角高煊煊竄身政憂蠻犂蠻泛宅那得杯湖杯百年人事老拘局  
兩地相望增哀駘虎兒作論準過秦筆勢已騁阿房哀伯姬歸甯應話我楚  
山瘦與猿狙儕郭南官衙築廣 出門君馬知駢駢關山萬重鳥道直寒衾  
思夢宵千回窗光熹微乾鵲啁江湖或盪雙魚來

寒雨積悶雜書遣懷襲積成篇爲石遺居士一笑

寒雲如覆孟漏天不可補曜靈避面久畏客牢鍵戶瞻野江海蒸縹緲霰雪  
聚閉關且何事臥聽簪溜汙斷續綴殘更啞嚙輾虛補失行鴈濡翼噤曉雞  
上炬水官厲威嚴雨師從呂鉅盡收天一氣併作銀潢杼代雲不成馬衝棘  
空飲甌河亡九里潤海溢萬家滬南朔相倚伏亢壑不均普物物固難量牋

天奈何許雌風四維來龍具不能禦了無嗚于唱亦不土囊怒翕習慣投隙  
披拂僅如縷俄焉目中賤誠若負尸挂老妻頗多智裝棉劑吳楚臧妯燕趙  
產縮胸其饑鼠固知廣川谷實有異寒暑荆南五月來炙熱劇烹煮伏金骨  
俱燥秋暴背其腐商飆一冷汰暫得寬腸肚甯復此愁霖而兼濕寒茹不憂  
竈生龜將恐血爲蠱橘枳改柯實蜃爵紛介羽嗟惟人不化何用適風土狐  
裘故黃黃掩形不如褚清川浴垢疥爲事資章甫西園蕃草木花葉故舉卑  
螭花實非梅演茶詎能苦瑳瑳老橘樹占地凍不瘳旁有南燭實浪稱仙飯  
糲名雖疏藥錄味不廁菱藟鮮若新沐風檻羣媚嫵茲族畏霜乾傲倖且  
濡滑甯知膏澤贏蝸蝸益孳乳窮陰未肯釋蹙頞唏老圃陳君泥滑滑稅興  
踐今雨幽室共槃辟高吟忽揚謝長舒汲古綆高曠尅敵弩相君筆削資談  
笑九流叙吾思古時人心門日迎拒程馬蛻形骸杯盤代尊俎莫隨氣化運  
孰自喙鳴主開天啓疆域元和判州部奇出日恢今高攀不輸古韓白柳劉

窈郊島賀籍忤四河導崑極萬派播溟渚唐餘逮宋興師說一香灶勃興元  
祐賢奪嫡西江祖尋眎薪火傳暫如斜上譜中州蘇黃餘江湖張賈緒譬彼  
邠陽孫七世肖王父中冷一勺泉味自岷觴取沿元虞范唱涉明李何數強  
欲判唐宋堅城捍樓櫓咄嗟盛中晚幟自閩嚴樹氏昧苟中行謂句弦備矩  
持茲不根說一眇引羣脊叢棘限牆闌通塗成岨嶴誰開人天眼下振待君  
拊啣嘻寄楊權名相遞參伍零星寒具油沾漬落毛塵奈何細字札銜袖忽  
持去坐令誦茗人倍文失言詰鄭侯淩江來高論天尺五畫地說三關撰策  
籌九府癘顏戴火色烈膽挾彫虎邊胸萬千字得句故難住梁鴻瓜廬身禮  
殿擊鼙鼓滄海浩橫流中澤屹砥柱可憐灌灌口味肉失脛肺那復問尖叉  
秋蟲振翅股懷哉海陵生江草胃柔臙瘡瘡濟陽跋海燕對背字季子踏京  
華尺書重圭珪太陰沈暮節病叟侷寒女出戶等夜行焉將燎庭炬百憂中  
繳繳四望眩方所賴君排偏側冰窟日譴謔消此兩森森獨彼愁處處天門

開誅蕩曷月日加午城隅卓刀泉中有鐵花駐楫括百千株夾道儼園藥樊  
口渺東望松風冷相語千載漫郎游招招若呼侶東坡眠食地固是余所住  
鬱沒老涪嶠緒山嶠踵武興來舡艇徑欲掠江濤政恐廻驅搗商羊復跳  
舞

失題

四十九年非故我東西南北塊窮民直知死定優生樂豈信文能見道真發  
篋朝衫消純采戴天陽谷又賓春妾擊脫屣終無策滿日青山送病身

臘日

寒意勒回梅蕊澀霞光四放柳梢晴東軒皓皓雙鷗立北鄉庚庚乘雁征驛  
駒寂寥書尺素粥甌迸淚臘嘉平暮年心事關諸舍惆悵吳儂口數行

季直書來索題荷鋤圖詩

普門大士多生願身世相違百態新衣冠去作木居士簑笠歸來農丈人儉

歲百家生穉稗傾身一飽不溜磷扶海垞南今谷口形謀名軒非子真

西園蠟化

恰與江梅共冷思不將繁幹惱疏枝獨來曉徑香能絕折近粧臺澹未宜淨  
海橋西孤客夢阜成門內上春時天香佛供垂垂見忙苦停辛故故疑

再題荷鋤圖

百年我亦恨枯槁小畝曾無一棋田期與白鷗分片席相隨黃犢度東阡蛙  
聲五行差可說禾采三變思諸先姚埭老民歲時紀心知不同蔡癸篇

瓶中蠟梅

嚼蠟心情重玩花折來倍蕾更枚極細裘自稱先生座黃面歸來佛者家二  
四九過消臘茗日時分裏課年華春工自慣三微積得信幽香磬口遮

山茶

我識蜀茶三十年眼食矜饒簡齋早卻來漢上對花開還似湖南被花惱主

人栽花十載，係豈知與客庭階。娛素面辛夷，玉蘭避深，色魏紫，王紅如香心。  
蓄縮紺苞，結萼樓戴，杳丹臺敷鶴翎。岸甲審名品，雪雀家鷓，徵畫圖，却倚南  
窗。啓簾幕，更展華筵，引紅燭。老夫灰死，得寒心嘉樹，穠花蒸繡谷。絕豔終知  
慰，應難先春已占芳菲。足花時起作，輕紅歌午晴，有蝶來婆娑。青松落陰寒  
奈何白雪，可和非虛過。明年花送游人去，游人憶花花處處。

再題山茶

牡丹楊子華，山茶滕昌祐。丹青齊蜀始，賞詠唐宋富。乃知一隅貴，及時九州  
淡。孤憤一何褊，韓非誠溝督。

西園絕句

青山昂頭江掉尾，殘雪在庭樹。覆臺秋葉不如春，葉綠昔人曾是昔。年來  
盡拓文窗納曙光，不除殘菊惜陳芳。蠟花正色作法供，艾葉千年聞戒香。  
但得心如境自如，方塘鑑影我知魚。

一笑禪

會風

懺除

雪堂有客堪

甫里無家可放船去著青衫百僚底那忘白帽萬花前

穀雨後一日抵里

端平橋外歸來路嘉會都中雜誦孫卜築并無三畝宅經營空說萬家村啼  
鶯春過柳飛絮放鴨波柔船到門却到故園爲寄客長懷舊德對荒墩  
急雨瀟瀟萬樹風宦遊還去別幽宮餘生愴感人間世疾痛長號罪覺躬憂  
色下堂競自飭褊心誓墓願難充清明寒食年年在永愧溪南撥糶翁  
石徑蹉然攜杖來嬖姍宗老可人哉三年難得四度見一別那堪百事哀生  
理徑須忘太上幻身猶足鬥奇侏阿婆莫忘臨歧祝東抹西塗更一回  
吳侯鬚髯極蒼古故是循良傳裏人喬木風煙世臣澤廻波應華壘池春遽  
爲遠別闕燕語爲作家書滄扇塵陵阪自尊朝市賤劇憐同願不同伸

途中偶作

百受互回轉萬緣判分馳孰居無事推飲啄甯有司當食故不飽未明乃求

衣燭微競遠慮巨謬愆初期巧算自有數造化良善嬉不覩飽食子凶歲無  
輻飢不覩冥行人危地非險噦咩哉赤水珠絕影襄城迷物故不可論浩歌  
涉江歸

謝壽田農部過訪不遇船中却寄

謝家端可著邱壑餘事還將六法傳想得維摩掩方丈辛夷花落酒杯前  
來是忽忽去寂寥寄聲鈴語入僧寮太虛爲室時相對豈必楊花趁謝橋

發京口至蕪湖

小雨拂空涼意慳渴日解駭雲斑斑船中人喧僮楚語水宿月上于湖山未  
忘塵務話京洛得躋民伍稱刑蠻趨趨風來袂開閣廬荻洲長人往還

江夜

玄蚪委空煙尾尾長風出夾雲庚庚深江魚龍夜闋寂孤客巾履身踰嶼嗚  
呼乾坤幾波蕩來復鬼魅方縱橫枯魚滴淚寄滄海濁浪日下何由清



嶼磯

落颿昔入劉郎浦  
馭風今過靈澤磯  
壇垣荒荒石數級  
萑葦騷騷江四圍  
神鴉斂翅危突煙  
潛虬戢浪輪人機  
吳侯少年不了事  
草草兵謀輸女弟  
帳前侍婢浪狎  
世上英雄能決棄  
蜀道吳江望渺然  
月下玉人方龍貴  
至今激浪擁回潮  
中有吳娥滴酸淚  
兵車會紕縱橫施  
甥舅恩深婚媾尊  
周郎計失未須笑  
還有西歐那破崙

晚望

極望瀟桐闊  
悲思六墓殘  
民援依德建  
祀古喟君難  
夜氣蒸雲合  
平湖拓漲寬  
漂流愁旅逸  
紆軫結憂端

重過小姑山

城中始教尊天鬼  
善賈多財炫報祈  
山海荒冥多帝女  
樂歌脗嚮動靈旗  
江爲羅帶當風坐  
月印粧娥攬鏡歸  
蹠踏閒情憑壯語  
彭郎眞解小姑圍

世間攙競工倖指拱手與人家國事西來老胡歌文康手摩日月天氏昂神  
通千臂不可量顧視若茵民折箠襍羣羊抱冰老人校兵返置酒樓船中飲  
歎爲將古語例今情頭目須要手足捍古強有足無足判今強有手無手斷  
長兵倍身助遠攻志虛血氣程其弓行不能持射不中有臂乃與子下同家  
具犀渠戶斷膝藏器在民民載國千人所指氣成創何況神珠加手力宗廟  
齊家獵齊足吾願編氓齊手握機關便習合形骸招的無虛如上肉恒河沙  
界火人伏彈雨槍林藏比屋挾岱擘華一舉勞裂摧獅惟所欲無足之國  
敵所蹂有手之國恣旋抽手能強心目導手天下正在十指頭公言切復切  
吾意猶未畢安得一目之民兩獸明歧舌之民壹厥聲賊國毒消鬼國曉大  
鈞一鑄形天貳負謹頭鑿齒蕩滌無留形世間萬物待回斡天地南北猶虧  
傾黃河可塞金可成祝公難老加餐飯歲歲霜郊校射行

客久

客久成駭貸庭虛斷見思乾坤多難老鴻雁入雲悲過去事無跡遠來生有  
涯中園撫霜柏念爾歲寒時

南皮公青山大閱借筇菴往觀

警戒三傳晦霧開信知人定自天回成軍三楚多君子受射諸郎有雋才馬  
足箭雲高嶺度虬髯照雪令公來視新聽眇無窮意臧密先從九地推  
年少未騎生馬駒老跨款段從駒駮森巖師子開荆楚習積機關較墨輪身  
手世間須攫搏罪言往事重嗟吁鯁生壯事終無分慚愧山前識墨圖

紅梅

江城萬雪凍木折天工不慳深色花儘作朱看無碧處偶然水靜見枝斜絳  
附夢破垂垂老翠羽巢傾念念差強擲丹心絨蜜蒂爲誰孤萼啓春華  
故著嬌紅上瘦枝小風晴日弄遲遲不趁月地矜奇夜自向霜徐得治思天

女花身無漏果老夫色相已空時紅紅白白誰差別正好香聞鼻觀知  
屈指東風有鬧春知君早已蛻仙塵餘妍競作千紅秀先醒難留一染身一  
醉未須欺酒面晚粧猶與點歌唇萬山如夢霞如海別向羅浮見麗人  
吹笛關山落照殘穠華誰信更孤寒人間久失燕支色竹外長疑淚點斑含  
采苦經春軋軋攀枝還墮雪珊瑚廣平鐵石曾相許漫作尋常素面看

新月

新歲見新月北人思北風玉鉤太肖似碧漢長冥濛流宕千生返孩提一相  
同黯然還下淚歸臥夜堂空

哀史澤山舍人

澤山始見我壬年月在甲遠巡諸兄後少儀執膺攜短鞦豐下姿童臚端不  
狎問年纔十四坐客競誇識爲言強記識過目誦不妄弄筆貌家人臧奚何  
毫頰真形揣狗馬細相肖蜂蟻意得匪授師天成冥通法幡幡復翁醉面

渥霜攝譽甥不容口長者治譜治仲書季工畫宅相日焯燁我時居客右讚  
口聽書響堅坐觀其神果然曠將爾豫章生扶寸數齒待鱗鬣別去僅十年  
來鼓橋門篋倒屣迎諸門熟視目爲眨瘦軀飄丹纓矩步掄白袷下視氣卑  
傲謹言口譎訕怪似天馬駒高衢不驥躡守窮伏閭巷經歲闕形謀帝城士  
如鯽談舌捷風箏逾久聲不蜚默焉劍緘匣頗聞萍蓬轉未遂爲蘿接長兄  
落夷道黃綬送虞翼仲兄漂岡嶂劖緘冷魚鈇慈親失歡愛逆旅日飢乏濡  
响諒不能念念掌獨搢旃蒙神州錄余季雋堂帖曉卷千佛名驚喜子同捷  
細書得屢見抄腕尙深壓稍知懸飲積毒卉米囊叫太息間闕蹤藥言孰由  
劫春闈子再舉分校季程業翽翽門生列設拜念肅厭蕭齋味足娛舊事溯  
巴峽星晚坐從容茗餘話周泐吳裝拈畫筆唐風展吟笈壘極抽譚閑閑  
見咀獵低顏狎口口弱體佻強副觀深去琴軫味雋備蚶蚶臨分瘦馬圖含  
思語悲籟薄相良可疑多材豈終壓浮浮嶺海權慘慘皋魚樸荒江日蘭浪

一  
步  
想  
踏  
踏  
飢  
惟  
煮  
字  
飽  
寒  
有  
綻  
衣  
法  
常  
憂  
轉  
清  
寧  
安  
自  
訊  
緘  
割  
開  
囊  
對  
君  
畫  
妙  
想  
疑  
枝  
葉  
心  
超  
筆  
跡  
擢  
理  
變  
物  
突  
容  
宗  
派  
盡  
察  
擬  
煙  
雲  
浴  
涇  
壘  
城  
企  
神  
僞  
虞  
山  
汰  
卑  
濕  
此  
手  
百  
年  
間  
湯  
戴  
同  
岌  
業  
畫  
師  
例  
始  
背  
胸  
若  
孰  
羊  
脚  
都  
門  
痒  
再  
見  
暮  
氣  
愧  
畫  
轟  
除  
目  
遠  
有  
聞  
新  
恩  
莫  
舒  
英  
如  
何  
庾  
郎  
貧  
竟  
挫  
劉  
伶  
鍾  
千  
里  
雍  
露  
歌  
一  
哀  
寢  
門  
臆  
胸  
中  
董  
巨  
韻  
霞  
想  
尙  
稠  
骨  
句  
裏  
溫  
李  
哀  
吟  
魂  
就  
殘  
碟  
斯  
人  
余  
望  
厚  
天  
秀  
已  
拙  
載  
鬼  
伯  
瞰  
孤  
窮  
九  
艷  
太  
凶  
揭  
團  
團  
渾  
敦  
面  
胡  
不  
刺  
其  
窄  
慘  
慘  
刻  
木  
眉  
胡  
不  
拉  
厥  
竹  
胡  
良  
殲  
奄  
忽  
胡  
厲  
壽  
胸  
貽  
胡  
僥  
毒  
狐  
賊  
胡  
佑  
讓  
婢  
妾  
長  
弟  
朽  
必  
速  
溫  
文  
歿  
必  
連  
大  
鈞  
問  
不  
對  
冥  
莫  
畫  
如  
壓  
老  
懷  
思  
舊  
事  
歷  
歷  
繩  
貫  
咎  
病  
眼  
出  
酸  
涕  
縹  
縹  
絲  
入  
躡  
平  
生  
交  
道  
口  
舉  
壤  
害  
氣  
歎  
兄  
事  
徂  
既  
希  
弟  
畜  
起  
孰  
接  
沈  
沈  
板  
板  
天  
吾  
徒  
魄  
其  
響

石道居士見示移居詩依詩奉和

已見新黃上格端  
巷泥猶漬雪花團  
車將家具書幾卷  
門掩東風且極寒  
覆

燕不妨流首慎說詩翻自解頤難倪田老見蟾蜍淚得似秋場萬穗攤  
絕迹不教行地窺翛然自在一披帷洪厓駢駢低圖畫笠澤僂僂健筵老  
籬未舒陰可想稚筍快啖鞭須移波濤兩萍禪一宿我與物生胡瑣頤

失題

嬰鴟傳言午夢通冶春門巷記模糊夕陽無限朱霞影悔不親將小李摹  
筆底春風試國香蘭根蕙箭不同芳老仙絕代人天眼也爲花身費較量  
恒河照面鬢星星老憶前遊恰故情拉伴城南隨步履舊人誰是米嘉榮  
禪榻茶煙判慧癡雨絲風片半春遲高齊下直初陽滿默記貞元本事詩

庚子三月自武昌挈眷東歸過漢上與太夷同登魯山作

崖洒巖戲離坐風盤盤湖野廣輪中山行濟勝元無具表立忘歸愴不窮春  
盡鸚鵡還惜別興來雲夢壹吞胸乘流便欲東浮海親見安期問紫紅

山外是湖湖外山亂雲不放夕陽殷江神出入交風雨楚國芬芳托芷蘭明

德到今承禹迹解紛誰昔弄僚丸長懷政作沈吟去善手無忘鄭重彈

答石遺

浩劫微生聚散看空江老眼對辛酸河山落日滄浪色兄弟危時先散官賜  
繞薊門通夢遠石窮溟海化禽難刊江鄂渚書郵返聲鼓鳴笳燭淚死

石遺寄示廬山遊詩理富於都官韻高於白傅曠代奇作絕塵而奔  
矣吟諷不倦秋曉有懷寄呈四韻

秋心周萬里之子劇相思獨往物無礙苦吟天所私三年江海別七日義言  
奇爲報匡君瀑同遊後有期

宿簡菴西堂賦

蟲臂鼠肝隨所化蓬心老去慣支離權輿黃土搏形會縱浪滄溟濯足思大  
地十生悲願海廣場一瞬幻人師明朝精衛靈前去記取龍場證道時

沈曾桐字子封又字同叔曾植弟光緒丙戌進士官廣東提學使



石遺室詩話同叔勤於瀏覽懶於握管朋好書札皆終歲不作答於權  
貴亦然乙菴常言其少日吟詠流美可人然余識之十餘年惟見其爲  
芻齋尙書題秦權一首而已

題端午橋尙書秦權榻本

量衡同一昉有虞王制尺步訟漢儒明堂月令本秦作權概二字乃樹鑿暴  
秦嚴厲尙有法崑山持論良非誣程書衡石較若一何曾黔首真相愚尙書  
銀手有如斷此權珍重陳座隅摩挲俯仰想微慨蘇均治本國關石多紛拏疇  
人西奔昔抱器制度通變譯鞅殊墩量磅計積累黍起算悉自具拉摸商權  
在握首英美奉爲科律羣步趨方今 聖人下明詔修衡度量歸同途亂名  
改作在必禁賈幣物價誰能踰尙書秉鈞宰天下如是權矣甯區區

石遺室師友詩錄卷四畢

石遺室師友詩錄卷五

侯官陳衍

梁鼎芬字心海號節菴廣東番禺人光緒庚辰進士官湖北按察使

石遺室詩話節菴與余未相見聞余有元詩紀事之作令畫下之意  
 堂脩詩圖寓願俠君先生秀野堂選元詩古衣冠人拜堂下之意  
 沈寄贈歲甲午廣雅蘇堪葉損軒黃公度皆在廣雅幕府共醉於清  
 涼山下烏龍潭之薛廬顧子戊後同寓武昌履招遊伯牙琴臺兩湖  
 爛醉轉側輿中杠折墜地戊所寓也節菴體弱遊伯牙琴臺兩湖  
 歸里又避地讀書焦山海西肆力為詩時窺中晚唐及南北宋諸名  
 院水亭墩子湖安微會館則酒量漸減矣節菴體弱遊伯牙琴臺兩湖  
 家堂與佳處多在悲慨超逸兩種如與往思逢莫問年纔見一筵門  
 老大臨水與徘徊兩湖舊種成他日重逢莫問年纔見一筵門  
 分百里天夕陽深花前絮後無人檢點青苔月色昏遠當開百年紅  
 獨短一水夕陽深花前絮後無人檢點青苔月色昏遠當開百年紅  
 淚不可乾客行頭漸白人難回少紅顏丁未服生疎鶴春色猶有安  
 危聞為未識誰家柳臨水難回少紅顏丁未服生疎鶴春色猶有安  
 大藤漸與世疎我筆一放物意還多啼風一鳥駑臨水數花諸聯若可  
 過百年人始貴我筆一放物意還多啼風一鳥駑臨水數花諸聯若可  
 入主客圖者全首如萍煙雨國歸皆綿湘舟逸詩傷存全馮臚晚坐荷  
 畫絹春日園林同孺老北郭游園歸皆綿湘舟逸詩傷存全馮臚晚坐荷

卷五

長風閣叢書甲集

公謠諸作則雄奇矣笑野 賦詩有不改言與民竟舍兒共說二句  
伯嚴謂共字俗節苦無 以易之餘謂亦用與字則質而不俚矣秋懷  
持云開解知兵氣看花 長道心長本作損推敲未罷決余謂用長字好  
用損字則意淺而蕭矣 獨雅句用杜詩此物關兵氣哭鄧鴻再見已  
為棺句從鄭子尹念我蓋棺 時汝曹扛入山一物悅化來節是嘗撰  
聯句書附余曰學未二海 富詩比兩齋清調陳左海父子所善書 前  
左海樓左海及宋陳簡齋止齋 兩先生也甚自許為推切又題余水  
街寓廬云庭前茶竹 幾竿玉簾底流鶯一串珠又使余灣集 中句書  
為附曰一月出林添綠 淨數花當戶及黃昏或疑反字余曰此即  
及是時之及君詩尚 有小泊當松下初愁及酒時句亦此例也

### 出都留別往還

淒然諸子賦臨歧折盡秋亭楊柳枝此日觚稜猶在眼今生犬馬恐無期白  
雲迢遞心先往黃鵠飛鷺世豈知蘭珮荷衣好將息思量正是負 恩時

### 望尊煙話圖同楊鼎勳張琳作

我身不願化千億登山望鄉空太息如何若上牽此懷兩客沈淪世無識窈  
窕尋幽肯不來亭中之人安在哉石白杯飲亦常事惹人片片傷心苦三十  
三天果何處單牀皎皎吾已曙向憐駿馬絡青絲絕美溪山纔一駐人間無

事不心違擁樹巖雲鳥未歸少陵空有開元憶醉病江頭對翠微

### 哭鄧鴻臚兄承脩五首

秋新葉已故揚然委階黃隻禽悲我前不知是何祥啓扉接凶問反復旋日  
暉已矣吾伯訥一瞑萬世忘不效君與民竟舍兒與娘世無此丈夫使予肝  
膽傷

雲霞念京邑數日輒一請詩貪和仲間文則同叔勁瓶醜昏更深几燭曉猶  
正商量入世事貞肅出天性權賊皆縮氣苟邪私保命盡言讖臣賢納諫欽  
主聖試觀已往事誰曰天不聽袞袞不如草階前指其佞

孤特標一槩不諧者徐孫公廷有夔龍敷奏將何言涕辭文石陞身老梅花  
村俄充割地使遂出南關門衝林穢猛虎唬木矜故猿無懼神乃靜有恥  
命益尊能使狡暴折不恤瘴厲屯辛苦稱深宮顧果迄不存孰謂山木壽

五載焚其根傷哉南海叟

謂潘孺老

頭白翻哭君

昔吾講豐湖書史畧以潤樹木句天功教士扶世運還鄉一笑捭誇我今已

僅崇雅院繼設尚志堂與近君在鄂設崇雅書院又在湖上開尚志堂終風獵芳林區區亦幾燼

離尊瀉深衷一語獨弗信青蠅正羣飛無憚不必忿賤士戴如天後世視猶

糞何以裂兕手一發不再振莫論冥冥理雨灑愁一陣

江水不可涸我淚不可乾回思細席言婉孌保歲寒懷歸苦不成再見已爲

棺莫過孟博祠壽考古所難莫飲清醒泉來視吾已單泉在湖上商榷亭木成君先題聯云休論

坡老升沈事來試人間清醒泉虛吟朱鳥影空拾丹鳳翰郵勞典不逮沈抑其誰干俯瞰九

原底仰嗚浮雲端潏然獨夜人憤慨於茲山

秋懷

羈情了無泊拋去又相尋聞雁知兵氣看花長道心百年紅燭短一水夕陽

深獨有雙龍劍時時壁上吟

湘舟雜詩

一點君山翠媚然對翠霞僧門因樹失樵路入雲差竈冷勞求藥身閑自啜  
茶飛仙有誰見天暮羨歸鴉

湘人思窈窕溝水悵西東瓊藥延年少瑤笙託恨空客行頭漸白人坐燭微  
紅喚起芙蓉夢春花一笑中

提刑署園春梅未花伯嚴以詩催之因作是解

乃園百梅歲歲花去臘雪厚堆損芽公子巡簪日幾匝一笑不到春風擗佳  
人閱世心自瘥收視反聽謂如何明知此事已成例眼前難必奚論他我攜  
酒盞奠山腹願以一言媚幽獨幾許芳華委路塵深藏窈窕甯非福嗟爾還  
存太古春世生席溷總成因浮花浪藥問何事不露文章方絕人寒煖無憑  
晴又暝冶願難強英魂醒酒喧詩競付人聞不如寂寞空山定

傷春

微雨送芳辰花開那忍看朱樓人未知催燕雙鳳炭不愁容顏改但恐時節

換門外柳何窮奈此春鶯亂

全亭晚坐示劉生振蕩楊生壽昌

閒居萬物照神魂陶器單衾與我存一月出林添絲淨數花當戶及黃昏讀  
書前輩還勞想問字諸生已在門須使九流分派別猛思江海正渾渾

春日園林

芳菲時節竟誰知燕燕鶯鶯各護持一水飲人分冷煖衆花經雨有安危冒  
寒翠袖憑欄暫向晚疏鐘出樹遲不是無端感春序樊川多日譬如絲

懷人一首思道希慶筮也

豫章出佳木南海有清淵威鳳光照世神龍潛自然感時多慷慨束物猶拘  
牽興往思友生悲來涕山川雲浮西北互兵氣東南纏殷憂啟 明主真想  
見青天音聲均一竅琴瑟偶兩絃涼颺拂金素夜淺情不眠苕苕千里曠落  
落二子賢裁詩屬寒店待札慰長年



答楊模見贈之作

君初渡南海修禮謁靈光

謂東繁陳先生

高第推于式

枚文廷式

結交為輩行樞衣

甫一歲起起公不祥二子既分逝君亦返所藏我時簡往還但親講席旁

蓋十年餘識面在他鄉四十尚僂俛不遇能有常既我珉珉篇字字剗肝腸

吾師體大雅所學造光明菊坡接學海

先生自述為學海堂學長數十年至老為菊坡精舍山長

成就難

具詳胡錫燕趙齊嬰

啓始秀踵起有廖廷相王國選譚宗浚黎永椿饒軫二

林國庶各以一詣張馬貞榆沈葆和最樸潔教廣陶福祥與楊裕芬

後來富

俊彥略記溫仲和陳伯陶汪兆銓哀哉馮孝子煇光陳生樹鏞共悲傷薪火

後來富

後來富

已親執天年竟不長

先生歿前數日以遺書付慶筮編次慶筮孝親無年死纔三十耳

巍巍崇雅樓

先生居

居

橫沙村取詩禮疏小雅不可不崇之意以名樓

肅肅傳鑑堂

集有記以先生讀資治通鑑故云傳也

心知治亂故處士

不敢揚笞筆正學術攷古定樂章所懷在明備夢寐游虞唐發揮七篇秘明白一世盲恆於侍坐時言語聞慷慨惟中有束縛同舍罕一狂亭林有異同

白一世盲恆於侍坐時言語聞慷慨惟中有束縛同舍罕一狂亭林有異同

白一世盲恆於侍坐時言語聞慷慨惟中有束縛同舍罕一狂亭林有異同

白一世盲恆於侍坐時言語聞慷慨惟中有束縛同舍罕一狂亭林有異同

二田發頌頌先生嘗語門弟子曰吾所吾友記未盡空來汝甫塘慶堃欲仿

子記書例詳述先生一生學當年松嶺側十三歎孤生同治十年先生編外

行後又欲擇年譜未及成追隨逮東執得一每十忘承先詞鄭重伯祖草思

秋祭日先生親至清溪故居以初印本焚燬前追隨逮東執得一每十忘承先詞鄭重伯祖草思

鶴廬經及壬辰程侍郎典試粵東以經通鄉學拔取庚子會試為胡文守節

忠公所薦先生年較少恒來問雅情誼日篤遂與三伯祖六叔祖為姻心慚悼祭田二十畝春秋以蒸嘗得錢百萬文為置祭田文孫如小同不

止解凡將先生長孫從游所愧一士賤不稱百鍊鋼君才甚英邁曾熬南豐

香流連天人策倘亦念畿疆還思無咎宰先生讀易處在精舍東海中鋪

六尺牀假仰不再見見亦非故房世事如一碁小者先莫量黑白苟未判敗

亂豈有央山中頭陀盃寄林散閑芳涼月隔新醉隻雁忘故創江流日如此

舊學嗟茫茫

荷花畫絹

縹緲秋江絕世姿玲瓏湘管斷腸時紅蘅碧杜長相憶玉露金風要自持欄

檻有人傷晚衣裳在水寫參差綠波駭盡芙蓉色朝攬蛾眉諷楚辭

種花詩三首并序

今年十一月三弟催漕黃州歸購牡丹數十本蒔於庭下余復補梅杏八  
株花開人閒可以忘世或譏余曰春花易零奚不松栝之嗜余未及答種  
花某者足繫跚而前曰花佳哉人生如過客草木非我有吾爲一時之觀  
不必百年之壽醉斯歌斯何暫何久千秋萬歲誰傳此叟余感其言作爲  
是詩

懷哉棲鳳宅三花親種之

芍藥海棠丁香皆  
客京師時所種

十年過幾念步春到江湄平生

何所慕堂堂蘇峨眉黃州地貧曠牡丹出新詩當春暮還歛冒兩重不欲吾  
叔故好事犯雪祈其姿水陸竹間有歸船豈一節此花自深靜名流世上兒  
貧賤思富貴富貴方可危把醖三太息其諸銘我辭

畸士宋王寃棲神九里山資緣梅千株料理茅三間花豈有今古人自分忙

開侵晨抱甕出搯搯力已殫笑余抱何事對花但羞顏有山不得隱有家不  
得還雙溪一樹月清風飄人宜白雲山雙溪寺梅花十  
佳入夜發幽字象未見彷彿如昨日風雪在  
未屏

杏花美連娟縱開賞不及佳人跨紅鳳絕世而獨立華采自然貴秀色不可  
拾裕之致殷勤芳馨滿其集廬山有一董種樹過百十杏殺換以器志在賑  
貧急神仙如可學此意吾已給夢遊以龍庵藏知共存泣余欲購廬山臥  
庵爲華堂上敬中

贈賈七十年王沒  
兩月矣思之凄然

### 魯子敬墓下作

漢家火德弱桓靈板蕩衰獻帝操政繫豪傑難羈縻仲謀骨不恒藉手父兄  
基破虜最忠勁討逆英且奇無命一再蹶孝廉非哭時臨淮有名士瑜瑾龍  
鳳馳奚不相輔漢抗議多奸欺王室不可復規模亦何爲徒使冀幸語搖惑  
英雄姿因念天子聖保邦於未危疆守苟傾蹙扁鵲非良醫何況才智士內

熱多所移羣雄日縱橫聖化日凌遲各竊功名場元首誰護之奮武已千載  
經過激我私高墳依城立春草青離離惟有江上月照此無窮悲

寄題十桂堂 有序

武昌節署園有十桂孝達尙書取以名堂題額云樹皆舊物不知爲郭華  
野孫文定阮文達林文忠何人所植名此以著封殖嘉樹之意復書魚鳥  
親人濠濮想桂山留客楚騷詞十四字爲聯託慕高遠往與香驄叔嶠吟  
眺其間木石蒼秀恒不忍去別已一月爰寄是詩達公補重陽作有寒煙  
去雁窮懷抱之句蓋用范文正漁家傲詞旨並以廣之

桂山留客酒頻傾絕世芳菲不自呈樹木盡憑天長養樓臺全向日光明投  
林空笑鴉爭暝臨水誰知鶴獨清莫羨希文窮塞主歲寒心事更崢嶸

攜酒菱湖亭上

二月春風陌上閒飄零尊酒又看山聞鶯未識誰家柳臨水難回少日顏寄

傲義皇陶令醉許身櫻契杜陵孱古人志想無尋處空有遺文落世間

題芙蓉花

酒醒見盡忽長歎木末斜陽半在欄一水芳華秋後褪傾城顏色夢中看  
滿碧雨遺荷佩黯黯紅燈服桂丸千片愁心消不盡畫簾垂地更香殘

去韻 孝達尚書招同陳

三立陳 楊 江 逢 集八旗館露臺展重陽

淵其間作

萬家烟火入登臨想見陶公作鎖心江國水寒花寂寂湖隄秋綠柳深深  
雲不散天如墨夢雨初成酒滿襟留得他年好相憶一時龍虎動高吟

左昌 夜雨二絕

點滴空階不忍聞太清何事綴微雲斷腸最是芳菲節一例摧殘竟未分  
清魂幾度託深山爲戀東風不自閒亭館淒迷燈燭亂惹他蜂蝶滿人間

同孺老北郭遊園歸

昔年芳草尙畦滕人漸安閒衆力興已見屋廬還舊日欲尋花藥共良朋  
丁未服生疏鶴春色猶妍老大籐看畫嘗茶無一事窗簾風細又飄燈

春郊試興

行春自笑忘春華落盡平原桃李花日薄空林喧野鵲路通叢芮辟垂蛇仙  
人樓閣知何世大道煙塵不是家要合城中二三友可能閒曠燭幽遐

余在家別道希旋遇於上海將歸江西賦贈一首

天風吹雨飄東西悲喜離合不可齊我行旬日君亦至軒然黃鶴無一棲丈  
夫挺挺慎所合白璧豈肯汚緇泥君於同輩最雄駿讀書學道他則迷纖兒  
細事豈挂眼吐氣直壓千狡獪廬陵後裔終奮起况兼祖德章雲霓祠堂未  
了廿年願蹉跎往昔應自悽久聞萍鄉美風俗既賤魚蟹肥猪雞桃源豈必  
無世上此心清曠多山谿君今還家我爲客羣兒笑指顏色鰲免患不懼衆  
莫知無罪猶恐古有嵇斬蛟剝兕豈余事刳肝瀝血憑人擠明年春風江上

來清酒一棹相與攜願君射策若貴董吾儕有用蘇苴黎

端居賦興

閉庭雨過書添寒柳竹青葱第一欄漸與世疏詩筆放偶緣存好酒杯寬石  
屏苔潤初安白水面萍分獨下竿惟有佳禽笑多事中年心意未闌珊

幽居一首

萬流正喧吸一月春嬋媛芳草能知暖吞風與閉門揀詩歌有木治瘴惜無  
萱徒抱千回意抽琴軫不存

豐湖夜泛

秋辛秉金鼎湖寬取月歛收書積萬想理槩放一覽疏風弄黃柳淺路犯枯  
莢軋軋雅闌林戢戢魚入摻寺近獨知門山遠微出檻佳時失恐易好境得  
在漸夷曠即無滯清明不受點游泳可以歸徑往吾豈敢

從水陸街宅步至野塘



西街幽僻獨吟身景物撩人處處新  
水暖存魚初放子日長文杏漸生仁  
玉編金軸方難得白石青溪意可頻  
大化自然開始見十年前已損心神

春日憶海西庵兼懷佛如

不敢憶家鄉故山先斷腸  
桃灣花照水柏院翠連房  
識字僧初病銜泥燕已  
香頻年讀書地明月獨棲牀

周七蟠蟬齋移居詩和韻

掇榻蝸塚墜蟲書人海安然小泊廬  
別館試花詞客宴連牆通月舊時居  
所居與在臨嶺 宿間野馬真能悟江上瓜牛恐不如  
蠻觸紛紛判一閩回黃轉綠那

關渠

游龍丈故園追悼遂與表弟鳳鏢別

鹿已添雛竹有孫再經華屋愴生存  
清光猶見當年月芳意曾題半畝園  
遺器東廂吾忍覲明珠南越世方喧  
射雕身手溼沈早不縛天驕大此門

龍王廟問朱一新疾

古槐一兩樹鍵戶臥經時秋蝶多垂翅寒蟲不吐絲  
榮乾僧代揀衣少僕能

知勿以幽憂極遭逢有國醫

東坡先生詩  
下曰卷八

花朝泛甘棠湖遂登煙水寺

雪後微添水春中尙衣裘衝船雙鷺去列岫一亭收  
細雨青苔意他鄉翠柳愁江湖應有屬隨事又淹留

晚泊

疏林春月淨遠水暮鴉遲小泊當松下初愁及酒時  
江湖非昔日魚鳥與新知夜半聽湖響舟人已解維

寄題高氏園林

一水湖南宅片紅苔上花相思盡風月雅澗并琴茶  
留客看新竹浮春製小槎祗憐夕陽下猶有未歸鴉

十六年長別江湖我獨來到門驚老大臨水與徘徊履迹棲苔徑詩題奇石  
臺南樓應更好何日共銜杯

讀葉損軒都門雜詩有簡兼寄林昭通

新筭飛一燭佳篇冷時閱俯仰四海空纏綿九愁熱十年不到地夢往風光  
折春暄觀中苔水染湖上月豪華紛滿眼上賤庶一徹陳人不厭脆苦心奈  
徒設惟有閩社英涕零已離別

同陳生衡恪觀乃園桃花

四忠祠前桃十數梅杏遞過今見花枝何薦綿交倩繁獨吸清露施明霞  
鋪黃菜風引蝶徑掩綠草泥跳蛙初疑官舍那有此彷彿已入漁人家憑欄  
圓賞能幾日綺錦年華未應失一物剛柔亦有時此花吾可看成實

先咎室憶晦若

梅花如玉綴苔枝曾照晴窗點易時南北路分何日合風雲事速獨君遲義

山護落裁詩怨根矩淪製得食悲開印長楊詞賦手上清魂夢各法其

翠微一首

更無鸞鶴刺天飛獨對斜陽憶翠微上界最諳答玉訣侍童都被縷金衣千  
株桃杏翻明錦一隊笙簫逐紫騄始信神仙原咫尺不勞雞犬說知機

訪潘儒老雷瓊館有贈

雪殘萬念入支頤羈羽沈鱗共一詩瘦固勝肥誰則覺生何如死世還疑棋  
當危局須心力花到良辰已鬢絲每恨古人吾不見掃除獨見閉門時

雲帆方丈出示宗室侍郎所遺帶時侍郎新逝感悼書此

蘇公留帶偶然耳後者文襄

楊公

一清今竹坡事過百年人始貴我無一物意還

多較量興趣難怪句想像神僕各有科心斷蘭叢霜一霎聞堂獨在夜如何

閻公謠

戶部尚書閻公掌司財賦已來整理搜剔官吏咸悚近擬裁汰孤寡口糧

以節國用貧民憤怨作是哀之意淺辭煩蕪誠聞者世無白傅聊存此心  
云爾

聖清重民命忠厚開基長

太后武且仁隻手回金湯錢刀犒勞役粟

米振凶荒廣敷

列聖德永蔭萬世昌孤寡至堪憫定例頒口糧行之

百餘載未見有所妨尙書田間來悍然噬舊章彼小兒老婦奚亦竊太倉有  
恃不謀生國庫豈債債裁之極其濫獨斷莫敢塘在官諸少年附和因誇張  
誰知道路哭已掩日月光臣聞理財用無政事不良賦稅舊有則江海今通  
商歲收八千萬較昔一倍強勇營耗天下極費最北洋江南多冗官飽食不  
較量省一營一官勝如算糶糠漏卮屬情好無告乃可戕用心既不厚行事  
亦不祥臣言若誣訕神鬼森在旁憂心日如醒長歌慨以慷

張尙書移節湖廣送至焦山長歌爲別

南皮尙書今大儒目營八表勇萬夫謀國則肥身甚懼憶昔簪筆承明廬抗

書直諫心膽盡剖折衆理抽繭如一時盛事傳都俞 宣仁之治中外

字我方待試東城居未見韓范恨有餘鯨波俄起爭叫呼天子南顧心踟躕

延英閣開羣彥趨謂并州牧宜海隅界以南交縮兵符羣兒嘻嘻皆可奴公

獨感激爲馳驅乃求將帥整師徒吾鄉馮異三尺髯充國威名復見求龍編

朱成歸版圖凱歌未奏戰者誅大官好和如一鎮小臣往疏真狂愚 上

恩寬厚還田闕豐湖學舍教可敷有祠祭范廟祀蘇范五神生祠蘇文忠公祠皆余主講

所建 衰俗思以隻手扶但願呈材貢 天衢東林之派多榛蕪識公一面記厥

初清詞竟日罪瓊署饗軍堂外事已徂及時課士洵良模端溪舊院補竹梧

廣雅宅地惟番禺千萬間厦才俊儲寬收慎選不濫竽自恨矩淺迷津塗兩

點講席無可書闈者論事所見殊別後一一猶能摹無尚 朝議誇紛鋪命

公總制移兩湖貪人祝官甚博蒲南北萬里惟我漁馬昭之心喧道途且復

辟地過須臾諸生流涕追送余紛紛歸去藏村墟我 皇冲齡文武俱惟

此大臣實貪汚白日賄賂行 皇都苦我蒸黎媚羌胡泄泄杳杳深可虞請

劍恨無漢廷朱望公愛 國不愛軀發揮忠悃章 皇謨曲江贊皇願莫虛

公有曲江風度贊皇心之句 豈復計較羣讒諛山中話別日及晡清風明月相思無此生

蹤跡依菰蘆讀書遜世胸恢疏他年稱叟當號迂旌旗已遠歸步徐獨往江

頭觀打魚

同慶筌淵若子正菊坡精舍夜談及曉

兩歇坐還好夜涼人未歸檐花飄茗椀春月曬琴徽語默各有適寂寥良所

希因懷同學友贈晦若道希 吾幸識涯圻

述哀篇

我生四歲始學書日識經字二十餘偏旁點畫不可定錯亂便倚慈母呼是  
時家在樂昌縣大人賓客無時無閒論詩品說劍術小子未解心歡娛親年  
強盛偶還里禍患竟爾乘須臾仲秋之月歲乙丑母病遽緊寒痛俱少頑那

誠壽親法自此無母悲何如五年冉冉忽長大十二隨官過湘湖天胡不惠  
降凶閔九原從父志罔渝遺言在耳痛定省忍死遂受人間污貧喪千里兼  
幼弱更有羣賊橫前途艱難待盡命不盡家鄉乞食從諸姑停喪不葬古有  
禁時無魯公猶恐誅蹉跎今日始銜土出自東郭歸北郭旭輪新升積陰散  
族黨相送還相扶先人孝惠在衆口因歎盛德憐此孤椎牛而泣亦人子親  
戚旣沒徒悲吁玉備奇經豈神驗惟憑吾志驅幽譴作詩聊告妻與弟知我  
罪疚猶呱呱

讀鄧輔輪白香亭詩柬伯嚴三百

秋葉疑疑風墮枝隱几仰天微弄髭陳子敲門踏破月誇示於我彌翁詩  
毛竦動筋骨瘦莫是渥洼千里兒嗟乎騏驎不易見時無九方到死賤  
龍蝦同一流駑駿均一軀奚以百年短負此衆類憂朝晡夕喏不自覺亦有  
載酒行江頭杜陵生來茅屋歎天寶不綱親患難異代悲哀鴻雁篇腹裏



耳想零亂

道光己酉湖湘大水集  
中鴻雁篇語特沈痛

名士之詩亦如蚶妖嬈倚市較顏色貞元盛會手難回小雅盡廢心自惻老  
柳婆婆無復春武昌一水愁鄰鄰范家叔矩漢風俗灑涕憐才聊語君

淵之

雷文正書院院長歿已一月弟粹  
客武昌聞兄歿不赴禮者少之

### 歲暮書懷

到處門符換舊題歲除風物更淒淒庭梅受凍紅猶勒瓦雪黏空白竟齊  
喚茗童煎淡菴笑開酒母酌鹹齋江樓一夕成今昔零落存魂只自悽

### 崔四

舜球

殯歸子其陰書來告葬日會哭二首

同官才俊服君賢清獻遺風在簡編直諫有心嗟不待深懷相許幸能傳雪  
晴野竇論花價月冷斜街數酒錢何意匆匆眼前事樹頭黃月已如煙  
誰解申屠推輦悲鸞飄風泊斷深期登堂拜母揮新淚下榻留賓想故人  
夢尙如平日好訂交真恨上京遲他生相見曾無定悽絕寒天祭冢時

竹坡侍郎有詩寄問焦山長老因次其韻

一朝江雨起微波天女拈花解笑多猶憶敲門立秋月欲緣詩案訪東坡  
兩打風吹臺館空紛紛勞燕已西東平生未識蠶齋面一點青燈此夜同

題李猷續屍記後

巨奸掌朝政天子居深宮奉天一府吏遂能殺陳東或云過激烈挾衆非至  
忠我思少陽生豈忘屠子龍外忱夷狄亂內憤蠹賊註明哲吾不願一手嗟  
無功此身亦何惜長嘯還太空李君弗懼誅甘入黨鉗中苦心覓遺骸得之  
郊野叢董班昔衛固脂昔曾哀融前人雖已往後死敢不從莫言世汚濁貧  
交多始終孟門雖嶄絕道義爲之崇更覽詩與跋慨然發深衷

李綱題詩  
陳鼎跋後

十六夜望月憶江生

樓頭圓月今就缺昨夜江行朝泊船歸去書囊誰與檢別來書閣我無眠西  
湖舊種應成果他日重逢莫問年尙有山禽說離恨四更風露在遙天

己丑十一月遠遊拜別先權泣賦

我生滋艱危清白幸未汚先人藏體魄九載安此墓闕祭惟癸未以外皆可

訴辛己十月安葬壬午三月嘗墓北行甲申九月請假歸惟牛竟何益戀

省乙酉十月滿歸以時祭祀中間惟癸未一年未拜墓耳

此手栽樹如依親舍傍枝葉不改素四時薦芳鮮兩弟共行步但使有生日  
歲歲敢不赴蒼狗驚浮雲老馬竟爭路京卞燄極熾攸條勢可怖避地乃賢  
者魯論實明諭夙晨肅告別獨拜意悽苦脊脊魂若逝淫淫涕如慕生事無  
一粟墓祭復非故彼壽有期頤道死兒未惡飄搖任蓬累利害輕瓦注日惜  
志士短窮守君子固詰朝賦遠遊何人志流寓靈兮鑒我哀當行屢回顧

獨夜

笛聲幽怨在天涯但憶春時不憶家一月照人淒欲絕寺牆開滿海棠花

暮過叢塚間

白楊團夕陰日收忽見火飄燐逐人衣但行不可坐世間惟二美豪傑與嫻

娜堂堂百年駛紫累一上裘無限未來人或有當初我何不上學仙徵塵乃輕墜

李智倚渡江相訪

一徑蒼苔合朋尊綠酒新何來剝豚客訪此寂寥人老柏能容世閒花亦自春淹留實長算俯仰未傷神

雨後坐衆綠廳望七星岩有懷十六男京師

羣星化爲石一一墮地險招夢納虛牖蒼翠補疏葦初陽望彌曠獨飲酒從儉室邇引蘭荃地富出菱芡啼風一鳥驕拂水數花語美景憾孤領閉門好長占佳人隔天雲思之淚爲掩

月夜一首

白月臨窗一愴神明朝鏡裏鬢毛新眼前欲語無駒卒心上相逢半故人長夜漫漫安得且野花簇簇自當春養雞牧豕平生事那有流傳到此身

江生爲性寬上人畫竹乞余題詩

一春密密一秋疏真稱幽人寂寞居  
鶯老雁慵天色暮  
瓊珥瓊腹裏足愁予  
與可襟情近士無愛將瀟灑夢西湖  
洗肝亭下千枝綠猶記論詩到口誦

竹林寺送客暮歸

鶴林招隱地相連不見山  
花放杜鵑破帽青鞋吾倦矣  
晴沙翠竹境翛然  
鼓琴人戀將離際  
采藥僧談未亂前一刹那間  
換光景平原爲沼已生蓮

晚春

江南三月落花深  
迢遞仙蹤不可尋  
寓惠曾吟坡老句  
適吳誰解伯鸞心  
微聞奏樂鈞天遠  
長自挑燈夜雨淫  
留滯江南看頭白  
百年小劫豈勞斟

夢至蓮花臺下燒香醒後有述

明月轉細路寒泉響幽澗  
松風若飄雨石倚儼行棧  
遙見墓門樹祇肅不敢  
慢流離又幾日羈孤自童  
艸老翁告余語浮生有  
葭藋同學十數子愛我敬

我親似知遠遊者蔬韭不得陳聯裾陟山亭酌酒及佳辰風義動行路鬱鬱  
能降神懷情更延望永念徒酸辛浮萍託山廬叢水似故甲燒香上墳臺既  
悲亦復喜邂逅雙溪僧頗訝形狀詭攬衣不及言晨鐘攪人起驚夢增離傷  
有生不如死

答雲閣

經年幽夢託青岑一曲瑤琴攬素音道上聞鶉天豈醉水中見蟹我何心橫  
江打槳風波熟暮雨看花歲月深欲折一枝感華髮蕭疏渾覺不勝絳

黃埔當發有憶三弟

憂端不可掇帶月獨登船纔見一筵笑俄分百里天疏蘆寒雁落淺草細魚  
牽想泊鷺湖外思兄猶未眠

過慶筮故居

秋天墜葉打空堂何止東川府涕傷軼事從添坊巷志故書猶發杜蘅香十

年不是尋常好一日能令八九狂依舊西風斜照裏更無調藥到甯牀

洗肝亭雜詩四首

說食與夢飽厥後同一無何以口腹事可縛人間姝吾神貴自然潛乃達之  
徒願拂衣上塵回念心地初

意實非神仙勇退亦可敬誰謂養生賢世網不全命歷塊易一蹶萬里我不  
慶深深隱淪者天下以爲柄

千齡一日積此日誠艱哉觴急可以緩花落還重開獨出萬物表心光自然  
回粲然若有識一點靈犀胎

燒香香已寂意銷吾如何名迹械衆生要與前沈疴美人拳不得隔此一片  
波江海日以遠霜露日以多

紀香隲楊叔嶠招同陳伯嚴張君立劉君符江孝通望雨作

咫尺湖陰盡杳冥高樓不見遠山青一聲白鳥明煙樹半角紅牆出畫屏眼

底故人相爾汝尊前斷葉幾伶俜十年磨劍悲秋慣風雨悽悽帶酒聽

與張琳論事談詩有贈並送歸省沅江

微雨灑清書兩開照孤館平子實通士兀持又夷坦暫親冰雪寒久坐布帛  
煖竦身順所止紐蘭堅不損追陪有幾日舍我一棹返千里庭開心此官亦  
閒散余情似飛絮共汝江海遠勿須怨桃花貧女嫁常晚

陶然亭題壁

冠蓋非吾願林巒終自闌亭虛先占月城近不妨山卑袂獨吟久題詩一笑  
還百年有明日倍惜此時顏

江邊寫心

獨羨南飛鳥閒看西上魚優游不在世俯仰莫憐渠佳節頻回換中情任放  
疏天涯寄芳草何處是幽居

燕子三首



燕子知何世楊花不定蹤春隨人意還酒欠道書濃得失雞蟲態沈深騏驎  
容未妨輪智叟且欲訪愚公

詩贈三能哭情捐七不堪潭龍初拜佛若鹿已生男轉處黃爲綠出時青勝  
藍無人發清弄隨地有潛庵

一簣亭春望

清明集我躬曉坐露未晞靜觀花與木各各騰生機新條送秀綠初萼抽淺  
緋春氣所盜覆一院爲芳菲和風豈不悅倘有冰雪時根本苟未實繁茂徒  
爾爲昂昂千尺松挺挺百世姿培之有其剝不伐終修奇得寸我當寶柱尺  
孟所非此亭可以睡凜然中心危

謝王二太守兄送米

侏儒欲死君弗治清談可飽吾不飢山樓曉覺叩門急行人喘汗知爲誰忍  
庵吾兄念羈獨新收官俸聊分遣尙嫌薄少意未盡那用鄰僧乞送爲我生

天幸百不死適災一賦猶五噫疏慵未寫魯公帖視此溝壑如居時艱難一粒亦民力無功坐食翻自嗤丈夫會須飽天下豈以墮屑矜其私江南百姓待澤久請從隗始鋪仁慈

冒雨行山陂上

微襟嗜奇俠登山每及雨樹深散殘瘴風尖打急鼓高雲欲同擊微徑肯獨取鴉啄柿香肥蛇竄草聲怒游人恒不覩溼陰況過午山雲不可分歸日曠如暮

余太守招集西湖書院同香驄伯嚴穰卿作

春風二月書堂開酒人六七魚貫來柳堤新水荻芽短杏花半在南湖隈明廊千步列芳草一綠映出疑瓊臺吹嘘坐氣盜胸腹我年過壯心尙孩湘人蜀客望不見實甫在家將來叔嶠返蜀且以酒力鍾詩才就中饒君勳善相術與鄒諶往返詞嘲恢遍觀坐客次壽天君子知命安於懷王侯將相豈有定敢以鄙論

貽清裁古書廿四況淪佚雌聲碎步升三台昔從湘陰相公久目光如電真  
雄哉當時不遇身手賤葛生自負徒見排誰知勦伐卅年後羣瞻容狀誇忠  
佳聞言思往愴知己曾拜榮戟趨堂階鑒量人物比劉劭謂我神采無等儕  
後山虛下司馬涕東坡每動歐陽哀邊塵不靖又幾日羣公無策驅虎豺大  
樹飄零今已矣蟲沙滿眼甯復措懷恩感事重歎息一身未暇論違乖杯殘  
相視不忍去水亭欲雨鳴寒蛙

紅梅和乙菴太夷石遺

人世未春花自開清晨能得幾人來小窗就煖初懸鏡短檻憑香獨舉杯  
繾  
繼天涯長有淚暄妍枝上欲無苔定知一念差如許寸寸相思併作灰  
丰姿豔拂女羅牆修竹天寒翠袖當雪後風前成絕代林邊水際共斜陽開  
簾酒罷剛迎面聞笛歌殘暗斷腸一瞬百年嗚一呖瓊支禁得戀春芳  
菊坡茗苕雙溪冷心夢同歸身未歸壯士朱顏兩值遇他鄉白髮看成鬪騷

情不得故人面春色難沾無母衣惆悵此花折未折眼前窈窕有依違

符坡  
精舍

先師講學處白雲山雙溪寺旁先墓在焉兩地紅梅絕佳昔年曾與變茶坐花下今變茶沒十二年余不見此花十一年矣

嫣然幽草意求親雨過花間路少人濃淡本分前後際忙閒都付去來塵  
春回處處風懷薄日曬枝枝色相真雀啅芳心還未死夜深啼血恐傷神

石遺室師友詩錄卷五畢

石遺室師友詩錄卷六

侯官陳衍

馮煦字夢華江蘇金壇人光緒丙戌進士官至安徽巡撫

石遺室詩話夢華撫部久寓江甯與上元顧石公雲齊名為全椒薛慰農吾鄉林歐齋高足丙戌以甲第三人進士及第年已四十餘守鳳陽時木庵伯兄客淮北往來多止宿官齋談藝甚洽壯年詩多悽咽之音蓋經喪亂後所作也余從何州縣同年處得其自寫雜文詩詞稿一冊詞佳者最多風格在白石玉田之間

同蘋湘湫泉登北極閣

層雲白晝暗虛閣氣蕭森瘦馬棲殘碣枯鷹下遠林湖光千頃合野色一城陰十廟今墟莽臨風感不禁

同二泉師出南郭墓祭感而賦此

墓祭禮非古後有孝者始不忍死其親春秋肅籩簋公今來南郊行行雜悲喜廢阡躡餓鯉荒圃竄驚雉松柏皆摧燒四顧但荆杞野田風颼颼吹淚墮

溝水嗟哉昔喪亂縱橫盡壁壘峨峨前朝陵半沒烽煙裏獨公舊邱壠斷碑  
尙峗轟呵護鑑在天盜賊不得毀我亦鮮民哀北望泫然起故山鬱君茫宿  
草一何靡二親喪未歸孤寄淮之涘南游四序周在遠缺守視野人豈所親  
傷心竟相委有墓廬無時豈復能爲子

次米忌日作

君沒今二年逍遙竟何之陰雲黯虛堂獨坐淒心脾側身望墟墓宿草何離  
離慨然思而母孤寄淮南陔家貧不得養忍痛與母辭去年復北征見母慘  
以悽歲暮多冰霜一一仰母慈不以我遠疏愛之如平時呼我入君室步步  
皆涕洟圖書亂無次尺寸埋塵埃不忍更檢點念是君所披強起承母歡濁  
酒奉一卮憂來易爲醉愴恍君在帷牽帷不見君始覺中腸悲收子已九齡  
不識書與詩事我有如父我乃棄如遺母也勤顧復精神不知疲渾噩亦天  
則願君陰相師俯仰一無補死友將何爲撫膺極愧憤有淚不敢垂

同漱泉上雨花臺

沈醉出門去東風吹佩裳  
相期同直諒此會有遺狂  
寺廢寒泉古臺荒宿草  
香高歌一俯仰何處是滄浪

書建康同游記後寄伯琴拂青兼送漱泉歸淮南

煙雨淒迷畫裏春  
殘山賸水斷無人  
潘郎憔悴劉郎隱  
誰向江干采白蘋  
杜宇催歸酒半醺  
數聲風笛不堪聞  
勞勞亭上空回首  
日落淮南有暮雲

送少符歸廣陵時有婦喪

收淚出門身世微  
親朋零落竟安歸  
羈孤失婦千憂集  
窮薄因人百事非  
不寐定知情忽忽  
相逢強爲話依依  
炎風熱日江城路  
我獨淒然與子違

八月十六日病中寄兄妹

殘燈黯黯夜窗虛  
回首南天一累歎  
六月音書猶未達  
半年眠食復何如  
空江積雨憂寒潦  
薄病窮秋夢敝廬  
兩地傷心苦迢遞  
獨隨歸雁下荒墟

答研孫

相逢吾與子風雨黯虛堂  
意氣摧愁病詩歌接混茫  
讀書憂太苦入世忌能  
狂千里沅湘路燈前說故鄉

十日枕上作

簟淒燈磊夜孤清  
臥病空堂月半明  
我已思歸眠不得  
亂蟲莫更作秋聲

得仲脩書却寄

一臥空江晚風前  
得子書詩歌猶磊落  
酒病未蠲除  
雨過嵐陰合  
霜清木葉  
疏荒園秋色老日涉更何如

和研孫登秣陵城之作

荒煙衰草晚蕭蕭  
倦客登臨恨未銷  
寒蝠虛檐吹雨暗  
饑鷹廢壘挾霜驕  
九  
秋敗葉辭枯樹  
百戰孤城咽暮潮  
膾有戍樓舊雉影  
更銜殘照送南朝

中秋無月感懷兄妹



去年秋正中依依在鄉里酒漿羅高堂情話雜悲喜今年來建康久客病初起月黑虛無人一室冷於水蟋蟀鳴前除落葉紛未已感此念兄妹今夕更何似歡會無百年誰能別離此欲歸不得歸相思空復爾却羨天末雲南行一何駛

是夕更悼次米

之子不可作三年空復秋建康有哀雁薄病此淹留落月半牀冷高梧一徑幽當時歌嘯地東望不勝愁

僕雅不善斷句蘋湘強僕題趙萍江詩因得四首質之蘋湘不知竟何如也

與君建業相逢日潮急空城落木時一種興亡南渡恨更披衰草覓殘碑

故園回首隴雲低日落陰崖緩狄唬萬里悲歌歸亦得秋風匹馬夜郎西

江萍

黔人癖於碑碣游屐所至日闢烟榛野蔓中

斜月如弦夢舊游麻衣彈淚下蘆溝甲子僕游於燕未幾以母憂歸輸君意氣縱橫甚徧昔

燕雲十六州

暗風吹雨夜游滌門外青溪又幾彎一臥空堂秋色晚妒君飽看六朝山

寄二泉師吳中

別久苦相憶羈孤近若何高堂生白髮寒雨下蒼波薄宦升沈易中年哀樂多布帆無恙在歸日莫蹉跎

八月二十一日之夜僕臥已久蘋湘忽出寄拂青三絕句相質效拂

青體也既復強僕效之時窗外雨聲淙淙苦不得寐亦成三首來

朝放晴僕又將強漱泉也

玉簫秋迴夢欲闌相思迢遞碧雲端淮南一夜瀟瀟雨莫倚空簾弄曉寒

陰陰涼翠沁尊邊又是棲鴉流水天記向城東踏黃葉一襟殘月澹於煙

霜前白雁一繩斜故國無書空自嗟病久不知秋色改西牆瘦盡斷腸花

久不得滋泉消息却寄

峭帆去後柳成絲  
早又霜欺病葉天  
北雁未歸書未至  
絲絲離恨付空煙  
相思相望總無端  
北斗橫斜夜未闌  
獨自西堂聽蟋蟀  
秋燈已釀一分寒

九月同少符飲四首

汪子飲我酒日落城南樓  
百語無一歡相對如羈囚  
羈囚豈所懷辛苦難自  
由失婦古云悲況子罹重  
憂酒半拚袂起涕泗咽在  
喉四時各有稟胡爲得其  
秋天地尙憺憺子也復何  
尤

天地一憺憺草木無不靡  
百里暮浩浩下見舊時壘  
野鳥聲何哀啾啾溝壑  
裏萬騎此摧藏煩冤不能  
理白日寒原昏猶聞泣荆  
杞豈無侯與王獨以征  
戰死有酒不忍酌悲風動  
淮水

淮水去不返我心重愴惻  
弟兄各異縣欲往無羽翼  
八月遣我書開函淚沾  
臆知我病乍起一一問  
眠食共此千里心相思不  
相卽茱萸勿復采憂來簪

不得兄今更何如吞聲望故園

故園丁喪亂遺民三萬強野田足耕作少少歸流亡今年盛陰潦秋穀半已傷飢寒豈不懼幸得守其鄉不見江漢上千里流湯湯脫身洪濤中顛越皆四方登高氣潛阻颯颯哀鴻翔

秋盡同蘋湘夜飲賦此示之並柬漱泉

相逢意氣莫摧殘秋盡江湖雁影單老屋疏燈霜力緊暗潮孤艇雨聲酸百年有酒難爲醉九月無衣漸覺寒更向城南望城北何時共飽腐儒餐

東省齋

早歲相逢日悲歌意氣偏憂來一爲別揮涕出幽燕望望三千里棲棲五六年南歸無復嘆故園幾風煙

一臥空齋冷秋風病乍蘇清談猶磊落高義在艱虞直諒期深友憂危屬腐儒閉關吾未得冰雪下南都

將之建康與妹別並寄仲兄吳中

冷雨淒淒夜欲闌  
荒雞破夢太無端  
百年易盡何堪別  
十日相逢竟未歡  
衰帽單車殘驛暗  
孤篷短燭暮湖寒  
只今兩地同羈旅  
莫更歸雲獨自看

答叔杞丈時同爲建康之游

征車憶昔同先子  
今日孤兒更此游  
薄宦十年存直道  
寓公三世冠清流  
詩兼騷雅何妨激  
生際兵戈迴獨愁  
歲晚棲遲猶未得  
從公短褐上扁舟

句容晚望寄兄妹

陰陰灌木泣飢鴉  
野燒孤青晚未銷  
三嶺東從句曲合  
百流西向建康朝  
荒城斜日寒將暝  
壞屋嚴風勁欲搖  
爲語故園莫相憶  
疲驢破帽正飄蕭

送研孫歸湘中

陰陰霽色赴遙嵐  
攜手荒城思不堪  
爲語離人莫迴首  
亂鴉殘照是江南  
橫笛吹寒斷雁秋  
舊時雲物此淹留  
黃陵暮雨孤帆遠  
楚竹湘煙一望愁

不... 卷...

集... 書... 印

寄井南

西津煙水正微茫萬尋遙山晚更蒼清角無聲寒雁盡江樓一夜月如霜

其二

依依昔夢斷難成雨散雲搖百感生一點歸帆影無際寒潮嗚咽下燕城

除夕寄仲兄

陳迹依依似昔年燈前俯仰重凄然四方漂泊歸無地百里艱難怨各天故國書遲勞遠望空齋酒盡得高眠吳霜莫更催愁鬢一夕離心並可憐

陳三立字伯嚴江西義甯人光緒丙戌進士官吏部主事

石遺室詩話伯嚴承家學又受業於郭筠仙先生之門少日即以古  
文詞名李亦元刑部以爲能爲陳壽范蔚宗之所爲者君以貴介廣接  
名流馳譽江漢湖湘間中更憂患益肆力於五七言歲得詩數百首  
見其遇有譏集於一夕間以七言律偏贈座客亦以豪矣詩少學  
韓刻有遊廬山作一卷皆韓體也中年論詩益惡俗流易許其也  
紗帽氣某也館閣氣所作務求沈博險麗土視金玉塵視羅綺瓊瑤  
木難吉光火浣詐馬固姑納石古刺水火失獲房之屬維然前陳與沈  
乙華頗有同嗜然請屈孽才中時有清言見竹真宰上訴者乙也詩如  
行色兼悲喜沙頭問僕夫客久請船理江清見鬢絲老樅筋力健壯惜  
太平時練魄苦不早悲歡同世情華髮垂素纒老遂行人行黃華屈宋  
飽助我張寒色病身更覺天宇華入白眼不爲蒲柳衰影催客來策事都無  
對病儂觀心亦自忘豈知我今抱寒石清愁不斂星斗無明燈火聚颺  
路一棺寒雨外衣冠數都仰天時強臥郵亭數星斗無明燈火聚颺  
支離皮骨殘背見生死親朋一念收提攜歌亭館登臨地絕好西山對  
堂勝地空憐縱歌詠諸峯猶自作光芒陰湖暗矣而何處合成愁等  
世尋半紫論夢窟詞檣樂金碧嫻娜蓬萊固險脫矣而何處合成愁等  
二客親嘗論夢窟詞檣樂金碧嫻娜蓬萊固險脫矣而何處合成愁等  
本色語時復遇之君與乙也殆詩中之夢窗也君嘗於乙也處見余  
所錄大早苦熱前後月他雨各詩急持以去蓋此數首頗殊形詭裂也

同曉敬璧元往觀日本人幻劇

六

六

風雲雷雨甲

不  
光枝銷雪鬪鳥窠物外問尋得子過穿市輪蹄聲迥香燈場冠冕影嵯峨休  
儒閣世原同幻歌哭牽腸亦已多自昔岐人誇異域曾憑跳舞警蹉跎

寓園存集和伯純

江凍結蓋壞歲始蘊一泄枿根釋雪痕柳眼碎煙縹曠池暉浮浮棧石黝揭  
揭鶴味下汗泮鴉尾擺蕞稜負嶺展雞柵覆螫蛇穴園姿頗幽映存事謬  
摘決鼓鐘應物序賓親滿英烈髭髻各有態殷闌杆輻殺燕席環玲瓏青杏  
誘高警推案啣饋豚荐俎掃庖鼈酒行瀉坎浸渴吻孰扁鑄屋椽燦燈火纒  
錯鬧談舌控絡大宙內闐闐一蝶螻張侯俯堂坳獨瞰意飄飄袖出攬興篇  
端緒麤綴列否運遘殃敗玄陸紛齟齬備駕折箭馳交途捧跋蹙蒿莠勝柱  
礎厦構危繫髮矧賢不貨軀歷抵害株檄雷劍久埋獄下玉繼泣血寔私形  
譟間枝拒見闕絕自詭面目黎冥擊肺肝熱噫吁是耶非孕拂引鳴咽猛虎  
揭井檻鬪子撲以蝶枳棘下孤鳳光儀蔽螟螿氛稜所包纏天人互顛蹶子



材實雄鶩睇腸捽唐突川海蓄涵澄高華終跨越環混挈樞機精瑩灑蘭雪  
爰止鯢鮪淵倏與萬化滅

人日顧石公廣文飲集龍蟠里至者爲繆筱珊編脩張次珊通參張  
伯純郎中徐積餘俞恪士兩觀察及余凡六人

酒人負我金叵羅一去撇捩如奔梭鉢山黯黷龍淵閉林花開謝誰婆娑我  
亦經歲對蕭寂有眼未挂青蘿坐想鼓篋校章句日拊菜肚窺飯糲獻春  
雪霽暄日麗瞥曙刺束招吟哦先生歸作風光主踴躍佳氣浮繫阿朝命籃  
輿訪古道依郭穿塚隨駕鵝枯木橋頭一笑對嘉客三五聯涪坡各晞鬢髮  
照寒水微拖遠岫明煙螺世變軒騰到夢寐不改苦徑留鴉窠呼觴促坐快  
飲啖餽鹹味與齏鹽和繆張才雅據壇坫汗隆亦頗傷軼軻徐侯能釣東海  
水胸次鬱律千蛟鼉郎中靜兀貌若愚別抱哀樂償譏訶城南俞卿最後至  
拇戰再接橫矛戈鯁生祗映寒梅柯斜睨主人醉顏酡少焉一客踴狂謔欲

開殺運持條科江南冗吏久不飽刀鋸其如饕餮何豎儲滿冠有前例可否  
巧命斃雙瞳滿堂歎呼而仰屋安知戶牖頽委娥題詩入日記軼事散歸隱  
隱聞鳴珂

園居看微雪

初歲仍微雪園亭意颯然高枝噤語語歌石活蝸涎凍壓千街靜愁明萬象  
前飄窗接梅蕊零亂不成妍

次韻李詞齋居即事

千山孕綠待啼鵲雪暉晴光對渺然想像樓臺明小水蔽虧城堞護長煙瓜  
田凍裂開鍾籥笛吹飄楊柳仰天自古江南供一擲莫教烏鵲喚朝眠

於破書堆中忽得吾友廖孫咳廣文重刊詩卷不省何時投寄末附  
近歲之作所未經見驚喜誦之系以小詩

酒榼吟筇散渺茫每從滄海覓湖湘十年相望豹藏霧萬卷叢殘鼠齧廊觸

手琳瑯驚有異堆胸歲月憊都忘也知老去矜詩格攜照青天涕數行

月夜獨步

萬瓦浮新月孤城落晚鐘行歌有人在微醉帶春慵苔色昏昏見蘿陰窈窕  
重欲呼霄鴈下影我踏從容

飲鑑園玩月

溪園眼邊物衰憊久闕賞開歲踐嘉招夙心一摩盪廊館風玲瓏何葉煙蒼  
蒼脫雪數株梅却立據鼠壤孤樓擠雲隙羣山微可仰寒月作芒棧鬱勃肺  
腑朗一水含笙歌明滅窺雙槳循梯錯賓席燈燭燦帷幌美哉映春蔬彬雅  
得吾黨轟轟癡虎頭謂石公行酒倒甕盎拔幟萬人敵突圍技無兩軍法佐觴  
政醉死敢道枉虬髯昂然來陶正林後至堅壁拒倔強撼之不爲動坐大蠻夷長  
四面環楚歌崩散各拊掌獨留照欄干戀此夜氣養歛翮棲鳥閑吹沫游儻  
上睨彼濠堂空天外割奇想

上元日雪中劉龍慧梁公約相過

癡雲抹漆暮鴉橫爆竹千街雪裏聲  
二子從容踏高履一春消息在初醒  
園池祇領荒寒味文字猶爲賈豎輕  
歌舞昇平吾老矣令辰賸有濁醪傾

董卿見訪云今歲可擺落事役重理吟詠調以此詩

喧世功名刺萬眸有人垂手聽橫流  
楚楚來自百僚底齷齪甯爲一歲謀  
塵駕疲能脫鞵鞅風懷例合貯窮愁  
更煩吟徧秦淮柳雷轉飢腸數白鷗

江行抵通州港岸

江暖孤舟下燈初萬念驕回風穿海入  
移渡觸天搖性命完聚舍光陰秀麥  
苗亭臬紛在眼吹雨冷瀟瀟

正月二十二日通州南郊外會送肯堂葬

重來城郊更尋誰海氣荒荒接所悲  
原路一棺寒雨外衣冠數郡仰天時  
斯文將喪吾滋懼微命相依世豈知  
惟待千年華表鶴河山滿目識殘碑

集通州師範學堂示季直並貽王旭莊州牧

江控海一都會廣廈環流衆象雄盡抉羣材棄糟粕上窺三代得幘幪  
寰福澤聲靈合石室文章擬議空起撫絃歌誰和汝相攜破涕問蒼穹

於江平漁船晤余翼齋陳哲甫兩觀察夜談

雨氣寒燈焰麗廳二客親胸中存姓字意表挾酸辛駕海曾探險翼齋新自美洲引過

談黔在饋貧哲甫出示所著談黔一卷多言時事還愁宵浪白飛濺過江人

驚蟄日飲集淮舫

新春幾何時寒色猶纏裹午弄秦淮漪日氣融一舸微波吹緜練抵岸絕埃  
堞嫩碧滋柳條細白浮梅朵靜數魚鬐張笑逐驢脚踏晴雲照天墟叢鴈點  
么麼吾情究安適成就嗒然坐萬岫合冥茫蒿蓬穩孤柁燈酌照寥廓管絃  
引銅娜中流揚新聲滿聽初貼妥起視星斗高歸攬箭脫奇哀樂紛莫屬物  
固有所有可城堞依尊疊江南其老我

實甫郵書且暮從閩督解官歸次前韻

東西南北人又載營帥至四海莫之容信短英雄氣一昔書告我羣彥角文字小叩而大鳴聲雅起廢墜窮荒得此樂師儒所分惠奈何寄專閩翻覆輕變置長安似奕棋流傳迹訛僞兀隨繡斧還猶痛珠珪棄龍湧山嶽欲罵無勒樽罍空迷歸年拊心悔成瘵幸留鷹爪囊汲溪可烹試期子訪毘盧呼僧話九帥

毘盧寺為竹忠襄所助建

晴望

愁霖兼日夕點滴到尊前恐改蛟鼉穴初開燕鵲天竹叢經霧解梅蕊坼春妍三徑留孤影看魚意莫傳

題張次珊通參日望樓餞別圖卷

楚中二直初放歸

兼謂高理臣京兆同致仕

薄海愴歎滋然疑更番論列在帷闥功罪所

屬知者誰亡何蕭牆煽禍起纍纍東市橫朝衣始悟餘生就善餘會有天幸

非人爲沈吟茲事五年久鳳靡鸚吡喧萬口流連帳飲日望樓煙塵莽蒼空  
回首公亦陸沈囊几間食字不飽如我頊行競錐刀稱子本漫堆世變凋容  
顏三致千金覓方術儒俠賈豎相往還異時備保與雜作休沐攜看江南山  
雪中攜叔海由甫次申飲酒樓

湖海人來氣自豪攜憑飛閣醉蒲萄瓦鱗新雪生春艷旌角寒雲捲鴈高惘  
亂心情成小聚盪愁歌吹壓羣囂蠟盤酪枕兼滋味坐對花枝拂二毛

次韻酬李審言維揚見寄

恨別傷春覺已多酒痕三歲換蹉跎庾郎食籍珍鮭菜江令毫端艷綺羅  
最諸儒嗟散落珠簾十里想經過峨峨淮海無雙士莫折瓊花照逝波

百花州湖亭眺雨

晦雨茫茫湖上亭步廊閱盡去來今浴鳥新漲荷錢滿礙馬橫隄柳綫陰岑  
亂風光支病骨追隨父老笑初心撫時留得間滋味瘦石寒漪照獨吟

江上逢龍伯鸞有贈兼訊其中表節菴

三星邂逅兩逢君，海角江頭共夕曛。  
肝肺猶如當日熱，行藏微恨故人聞。  
篋中槩本千靈吼，髻底波濤九派分。  
爲語習池醉山簡，餘生相繫祇孤雲。

送子培解南昌守印綬隨使海外

歲時閉置同新婦，鬱鬱陸沈黃綬閒。  
倏眩螭蚪光動海，起遮鷓鴣氣如山。  
探源星宿孤槎在，倒影蓬壺夕照間。  
酌取瓊漿分一滴，西江父老遲公還。

中秋夕百花洲水亭玩月

西山吐孤月，愁向故鄉看。  
柳岸露初白，荷湖香已殘。  
歲時成惡抱，簫鼓警飛翰。  
弄影摩腰腹，空憐舊酒顏。

由九江之武昌夜半羈郵亭待船不至

嵐峰長影插江流，濤白煙青頰唾秋。  
強臥郵亭數星斗，孤明燈火聚烏頭。  
支離皮骨殘宵見，生死親朋一念收。  
魂夢十年迷玉笛，茫茫開眼此淹留。



過黃州憶癸巳歲與楊叔喬居敬山汪穰卿社者同游

提攜數子經行處絕好西山對雪堂勝地空憐縱歌詠諸峰猶自作光芒  
暈夜立邀人語城郭燈歸隔兩望頭白重來問興廢江聲繞盡九廻腸

九日從抱冰宮保至洪山寶通寺餞送梁節菴兵備

嘯歌亭館登臨地今日都城隔世尋半寮松篁藏梵籟十年心迹照秋陰  
楓掃自冷山川氣傷足甯爲卻曲吟作健逢辰領元老下窺城郭萬鴉沈  
杯酒初深搖落悲孤標離色見鬚眉平生所學終能信功罪旁人未許窺  
會起臥龍襄水曲更宜騎馬習家池采薇早晚亦歸去相憶白雲無盡時

宿實甫花園山庭于晦若學使亦至

結廬峰頂四無鄰共子銜杯話苦辛投老齷齪堅自擲遂羣爪齒恐難馴江  
湖暗數千帆盡燈火初宜二客親去國懷賢紛涕笑迷離今昔隔縑庠

十桂堂坐雨賦呈抱冰宮保

藤棘垂絲桂拂廊坐閒微雨洗秋香支頤嚼茗憂危大負手看花意思長曾  
向池亭憐舞鶴祇今鳩詠答寒蛩賓僚久慣依迂叟餘事論文未可忘

酬李文石

啖餅夷門兩少年搖搖日月見霜顛江流照影知吾在寰宇尋碑覺汝賢隨  
筆欲妨孫退谷折枝旁寫惓南田銷沈心事聽秋雨吹夢橫吟到酒邊

山堂夜話贈小魯時小魯方悼亡

我來訪舊面虛帷自許黔婁淚滴髭重對秋燈分藥裹強過山館數花枝銷  
磨意氣吟仍健顛倒英雄世不知攜倚欄干摘星斗江城野動柝聲疲

連夕詩會戲呈抱冰宮保

公垂橐籥信多能流畧包纏妙悟憑辰告遠猷迴寤寐清秋逸興自飛騰尖  
叉巧闢雙聲句象罔環窺一穗燈應笑鯁生艱奏技垂頭摩腹似癡蠅

和實甫山堂雨夜遣興

屢挾江聲到此山，亭亭桂樹向人閒。  
胡麻煮茗喧殘夜，樺燭傳箋破醉顏。  
蟋蟀殷床如有約，鴛鴦啼雨去無還。  
癡兒情思同秋葉，飄颻江窗翠壑閒。

漢上旅館坐雨時方訂南潯鐵道債券

漢上樓臺兩作絲，料量鹽鼓幾攢眉。  
塞衝負擔聲邪許，拂屋旌旄影陸離。  
親駕鹿車元不遂，竟書驢券亦可爲。  
因人碌碌少成事，坐對瓶花斥酒卮。

和實甫怡園觀女優

搖江燈火接樓臺，望眼翬飀萬舞纒。  
歌泣已開新世界，神仙空謫小蓬萊。  
迷離傍地誰能辨，老大逢場意自哀。  
終竟人間聞此曲，梁塵飛盡一歸來。

贈陳石遺監督同年

勝流沈

子培 鄭蘇堪

抗顏行說子淵淵，無盡藏狼籍詩篇爲客久。  
摩挲攜具

看人強過逢江漢，頭俱白上薄風騷氣獨蒼。  
更欲用心到聖處，坐收俊語挂

奚囊

君有選刻朋輩所爲詩之意

東小魯

所不能如勝此崑夏天談道暇時賢芋魁作飯廚無肉草履尋山林挂錢捫  
腹詩書藏萬怪吹毛訾議到孤甍還防貨廡窺離客謂齊 鎚破家居自放顛

酒集琴臺作

微阜層軒拂眼新重尋松蓋長龍鱗滿湖秋落殘荷色斜日杯浮大道塵只  
有徜徉供此世未應癡妄認前人讀碑又覺名流盡數點閒鷗與我親

贈紀香隲監督

憶昔燒燈倒瓦盆老來襟抱接清溫劫餘名輩猶能數物外崎嶇未可論讀  
畫評詩有家法登臺彈淚望中原白頭都講何人識此是通儒六世孫

山堂秋集贈何棠孫

發源江水數千里犯溜觀潮往復還形勝山川此都會樓臺花竹對容顏雄  
心想逐衣冠盡高詠剛忘世事艱指看棲鳥翔未下重重煙雨瑣柴關

贈程子大太守

廿年湖海作才人今棄精糲悟道真  
儒墨紛綸規自出市朝填咽欲誰親  
運斤斲鼻天機在起舞驚心山合新  
我媿蟲魚老鹿几請捐故技何鍼神

君近設

藝所兼及刺繡

鬪園夜集

江聲推不去攜客滿山堂  
階菊園燈瘦衣塵點酒涼  
平生微自許出處更何方  
簾外聽歸雁天邊亦作行

由武昌渡江

一江橫匹練還往費吟身  
微浪吹魚出孤雲接雁新  
鸞毛閣閱世笳笛冷招人  
插眼睛川閣朋尊憶未真

贈楊範甫監督

早親聯翩好弟兄匡時興學各聲名  
歸營別校今誰比偶觸羣喧道益宏  
江

漢又逢開口笑文章幾作不平鳴  
銜杯回數游尋處種柳成林白雁橫

贈曾履初

曾二溫溫無所試胸中乃森千甲兵  
掉頭金門去飄忽插脚南紀孤枝撐十  
年翻覆世難極一室詠歎天機清日挾阿兄  
但就我丈席過酒長河傾

江樓晚望

荷已離披柳葉殷空留秋雁點關山  
加餐客子無功狀癡盼江頭釣鮒還  
嫋嫋江波初月輝樓船去眼竟何歸  
鄰歌只是牽人意博得憑欄露濕衣

登北極閣

山數百級閣百尺手挽臺城吐後湖  
雨了諸峯爭自獻煙開孤艇已能呼  
際天草樹飛光影衝潦牛驢入畫圖  
鐘梵飄殘憑檻久道人只解捋髭鬚

飄園公讌賦別分韻得菊字

蛇山首聳牙簇簇掉尾江水如轉轂  
飄園高置額頂間巖市年林成到日黃

拚倦遊還好。事時關玲瓏。數椽屋歲時。負蘆琴志。生挈妾抱書歌。當哭春風。  
邀屐踏藤蕪。蕪秋兩依簷。韻花竹我來就宿。忘主客。菽乳芋魁。每充腹。羞喜朋  
侶得聞之。紛紛送酒。且饋肉。自然談笑出酸腸。真見江湖容。老禿賤儒。醉飽  
工作計。朝吟暮吟。苦不足。捉鼻闕看北郭船簪頭。靜映東籬菊。晴霽萬仞。雕  
鶚動。條布離筵對奇服。滿眼英俊氣。何橫挂口。瀛寰意微觸。方今畫策收桑  
榆。競資同軌。控大陸。幾人出手辦茲事。自啞駮鈍信碌碌。鑿空鑄錯卒未喻。  
拚歸收豕西山麓。倚柱睨壁。駕行李衆芳所在。吁誰屬。翻思十載眠食地。鐘  
磬不改亭臺續。猥遭元老顧。樽散又荷羣賢采。邊幅士生當世無一成。兩眉  
扛喙但飲啄。千悲萬慮雜肝腑。忍拋公等問時局。野鴨蔽天霜氣淨。門外帆  
檣森符束。留語窗几。蓄丹鉛後先題。寄煩最錄。

石遺室師友詩錄卷六畢

[Faint, mostly illegible text, likely bleed-through from the reverse side of the page.]



謀野集刪卷一

番禺沈宗畸太侉校刊

太原王穉登先生著

寄前太守蔡公

明公解郡時穉登病背創甚不能臥轅下也知己之感缺然未伸至今念之  
卽頭面皆赤近讀邸報莫不錯愕吐舌柳下直道固宜黜然中公以墨得無  
已甚吾儕小人不致知第識曾參不殺人也留牀載石之事古人誇以爲榮  
有如今日安能免文法哉一麾亦烏足重輕公公直作浮雲視之耳顧君偕  
計吏行過廣平將謁明公公對顧君當戰然王生無奇哉而使渤海公若此  
詩一篇奉寄幸得比於甘棠乎後世蓋知吳民不忘蔡公矣

臥轅下 侯荆守臨淮被召百姓攀轅臥轍留之

留牀 裴潛爲兗州刺史嘗作一胡牀及去留挂於官第中

載石 陸績爲鬱林守罷歸無裝舟輕取石載之今號爲鬱林石

答江鴻臚

池草篇葱蒨如春烟不減唐樂西堂時也江郎筆生花信然然信僕畫龍不  
礙葉君但好其丹青耳足下過信葉君言竿牘筐篋儼然臨之謂能喘氣成  
雲乎誤矣左氏賦三都得皇甫公而重僕不敢當也臥病羸劣支離牀間日  
進食不半升而喘如吳牛不能已筆札之役秋以爲期

康樂 謝靈運襲封康樂公嘗於西堂思詩不就夢弟惠連即得池塘生  
春草之句以爲神助

左氏賦三都 左思賦三都未重於世因以示皇甫謐謐爲之序人競傳  
寫致洛陽紙貴

答彭穉脩

彭先生西江一柱奚取王生爲太白安能敲月哉王生何得才卽才老且禿  
亦虎豹之鞞耳投詩洵美率然奉報莫能稱刻畫無鹽顧乃自羞子念茂長

皆萬夫之雄比於足下不逮髯將軍矣

一柱 博物志南荆賦江陵有臺甚大而有柱衆木拱之

敲月 李白有敲月賦意謂卽白亦不能以才逞也

刻畫無鹽 庾亮謂周顛曰諸君咸以君比樂廣顛曰何乃刻畫無鹽唐

突西施

髯將軍 孔明與關雲長書云馬孟起富與翼德並驅爭先然未若髯之

絕倫超羣也

答大鴻臚張公肖甫

明公往歲鎮撫吳中所以推轂士者甚盛士輻湊門下魚鱗雜襲而公不勝  
屣之倒矣公不知穉登之不肖猥賜清問又下尺一之牘崇獎過當比於洞  
庭之奇既辱洞庭更辱乃公哉穉登自顧安庸無足當公者不虞公之國士  
之也何故士之謁公得候司顏色莫不人人自喜過望若覩黃星絳雲神龍

朱草然而獨稱登於公未有謁也則相扼腕夫黃星絳雲神龍朱草之爲靈  
瑞於世也者謂人所罕覩見也使衆咸覩且覲亦安在其爲瑞邪然則稱登  
之不管謁公乃公之所以爲黃星絳雲神龍朱草爾矣且謁之道二上者流  
名譽而下者要貨賂季將軍始不愛曹邱生而卒厚之欲使游揚其聲而曹  
邱之聲絳季將軍而益重豈不兩高歟不者而借頰頰勺齒牙乞竿牘奔走  
以奸諸侯竊錢刀而飽其孥此今世之謁也稱登亡賴幸有先人之敝廬以  
蔽風雨阪田以供餽粥養雞執黍以畢臚臘種荳燃箕以代薪釀秫浮糟以  
爲醴短褐可以當敝繡之華脫粟可以比兼珍之味躡屨可以視安車之適  
擁書可以等南面之榮素琴可以發清商之操丹青可以致臥游之樂而又  
高齋遠地重城以升長松含濤時卉吐芳白雲常來黃鳥不去歆羹舍菽鼓  
腹敖盪譬若侏儒飽而欲死其猶幸者家代貧窶操行潔白門鮮踐更之役  
身寡城旦之罰無是二者而又無鮮車屏泥以供出入無湛酒恩肴以備燕

享無希鞬鞠膾以奉奔走無縱橫捭闔辨惠刻深以聘游談徒以甕牖繩樞之子桑輪蓬篚之賤而欲於繡斧之尊勢嘗惠文之危法方洋曲旂之下睥睨鈴閣之側主人乎帝門者乎鬼即欲上謁其道無繇矣此望門踟躇而却返懷刺漫滅而不前也故其槁然竄伏於此若縮蝟之與寒蟬靡有他故鵲之矢螳螂之斧日尋其後而議之甚急其惡稗登於明公者不少矣幸逢明公之大貸稗登不敢置喙而辯者無他懼抵鵠之無當而畏燃犀之速禍也必如寺人孟子也者而可不已陋乎非夫所謂鼠不容穴脚窶齧者邪比聞明公之復東日夜西望惟恐赤烏之行遲間者前旌已入秣陵不幸有霜露之疾不能肉袒以請而會錢君自公所還稱公尙問王生亡恙乎果然公誠長者其無取於稗登之爲陽喬也明甚乃敢以書布其腹心如此伏惟明公省察

推穀 薦舉人如車穀運轉

曹邱生 曹邱生謂季布曰楚諺云得黃金百斤不如季布一諾足下何以得此名於梁楚間僕夷足下皆楚人使僕游揚足下名於天下顧不美乎

臄臘 臄祭也臘見伏臘注

侏儒 東方朔云侏儒長三尺奉粟一囊臣朔長九尺亦奉粟一囊侏儒飽欲死臣朔飢欲死

鞞鞞 鞞囊也鞞臂掉也鞞曲也臄與跟同小跟也見滑稽傳  
危法 法冠也

主人乎帝門者乎鬼 蘇秦云楚之謁者難見如鬼王者難見如帝  
懷刺漫滅 繡衡有才尙氣游許下陰懷一刺而無通者至刺字漫滅  
燃犀速禍 牛渚磯深不可測溫嶠燃犀照之水族盡見夜夢人語曰與君幽明道別何故相逼遂病死此喻照奸以致禍也

內袒 楚莊伐鄭鄭伯肉袒牽羊迎之

陽喬 宓子賤將適單父陽書謂曰吾贈子以釣道夫投綸錯餌迎而吸之者陽喬也其爲魚味薄而不美若亡若存若食若不食者魴也其爲魚博而味厚子賤至單父冠蓋迎接於道曰晝所謂陽喬者也乃請耆老與之共化

答屠田叔

足下得官如左太冲亦大陸沈哉雖然三都賦草在橐中便覺記室不卑耳奴還言田叔冠側注著單絞衣將一平頭往來官奴城下猶故田叔哉子陽輩誠井蛙千載而下令人欲唾其面僕漸老家益窶無他長物惟齋頭青松謾謾有秋江八月聲支離乃似僕計僕者書成當作龍鱗也足下樓居高幾尺可望見海月無僕且持胡牀箕踞其上白眼視諸卿求田問舍碌碌黃塵間如蜷蜉轉丸不覺絕倒齋額等書成無嘉木遂不命馮氏章叔能言僕近

狀故不復談

左太冲 晉書左思傳思貌寢口訥而辭藻壯麗不好交游曾有二都賦  
記室 三公大將軍皆有記室主上表章報書記

子陽輩

馬援謂隗囂曰子陽公孫述字井底蛙耳而妄自尊大

唾面 趙太后不欲以長安君質秦大臣強諫怒曰有復以此言者老婦  
當唾其面

答張孺愿秀才

稽康懶作書僕自謂過之遂無尺一致足下然足下風度皎然在懷章叔至  
承足下近狀甚善僕且老矣不能復雄飛吳兒憤憤尙見妬謂其眉如月也  
僕攬鏡自照直狼籍半額耳今歲建樓居欲盡納城西山色倘臥而見翠微  
不差老作元龍豪士態足下以謂孺毅或當擊節邪

稽康 康絕交書自謂簡與禮相背懶與慢相成故人稱稽康懶



雄飛 趙溫爲京兆丞笑曰大丈夫當雄飛安能雌伏遂棄去

吳兒 北人謂南人爲吳兒

眉如月 古語女惡蛾眉士惡多才

元龍 許汜曰昔過下邳見陳元龍無主客禮自臥大牀使客臥下牀劉

備曰元龍湖海士豪氣未除君求田問舍言無可采臥百尺樓上臥君

於地下何但上下牀之間

去聲

與陳所敬都護

明將軍以舌鋒清海氛勝十萬水犀精甲奇功與甘延壽陳湯傅介子相亞  
設遇漢武帝卽冠軍侯不難致乃節旄落盡僅得一都護文法吏復索癩而  
詆之使去將軍今且歸臥田間髀肉生幾許金僕姑安在射秋風雁一發飲  
羽聲如裂帛雲中令妻子輩撫掌大笑差勝執兵謁白面生時也頃聞將軍  
買石如平泉美箭香草貫以清池載酒問字客子雲集僕聞之幾欲神往廉

將軍馬伏波並一時之雄及其老也猶對使者食肉披甲據鞍示矍鑠希寵人主之前此其念何殊雞肋哉明將軍視之真腐鼠耳然僕願將軍善飯如廉頗也

水犀精甲

夫差共衣水犀甲者三千人

冠軍侯

上將曰冠軍侯言功冠諸軍之上也

索癩

魏證云今之刑賞或由喜怒怒則洗垢索癩猶言吹毛求疵也

髀肉

劉備歎久不鞍馬髀肉復生

金僕姑

矢名

妻子輩撫掌大笑

賈大夫貌惡娶妻三年不言笑御以如皋射雉獲之

妻始言笑見左傳

平泉

李德裕有平泉莊多置花石戒後云鬻平泉者非吾子孫有與人

一木一石非佳子弟也

載酒問字 揚雄善譏奇字劉棻嘗載酒就而問之

矍鑠 輕健貌馬援自請征蠻帝愍甚老援據鞍顧盼以示可用帝見而笑曰矍鑠哉是翁

答范堯卿司馬

東海有兩司馬也而賢不肖平時籍甚耳中矣往識張司馬矢矯如神龍顧於明公未有謁也意缺然如望蜀蓋中心藏之者又十年而不虞公之臆問亦有王生也將無田叔輩頰頰邪田叔之嗜羊棗而私於不肖猶可以溷乃公過矣捧書敬誦字字明月幾欲剖腹乎不肖之報汝南公甚愧於智氏之國士而僅託於絮酒炙雞白馬素車之下風此其事曾足多乎聞公之獎賞則慚怖欲死異時或以田叔故而獲執鞭於公卽不肖之自幸不減乍識張司馬時也

籍甚 陳賈傳云名聲籍甚猶言狼籍甚盛也

望蜀 光武賜岑彭書曰兩城若下便可將兵擊蜀人苦不知足既得隴

復望蜀

剖腹 唐太宗曰賈胡得明珠剖腹藏之

絮酒炙雞 徐稭不就薦舉薦者死以綿絮漬酒裹炙雞至葬所奠之

白馬素車 張元伯范巨卿二人交善張死范隔千里夢張告之范白馬

素車而往果死

寄陸大學

足下朱汗五花第自惜障泥不渡耳誰得阻其驥騰而使僕緩頰邪大司成  
目如九方皋當求足下於驪黃之外湖上之役假晷刻數息歸對兒女子依  
依牀簀間安用鬚髯如戟哉足下其辛努力無徒事此爲也

朱汗五花 良馬也

障泥不渡 晉王濟善解馬性嘗乘馬不肯渡水曰必是惜錦障泥也解

去乃渡

九方臯 伯樂謂秦穆曰臣有所與者九方臯善相馬公使求焉還報曰已得之在沙邱牝而黃也使之往視曰牡而驪公不悅伯樂曰臯之所視者天機也得其精而忘其粗在其內而忘其外馬至果良也見列子與小陳觀察誕生

觀察公頃何似學圃五舟之間秋樹如沐翠色滿衣裾矣一部清商樂已教成吹明月上花枝顧不令兒乎盡一石哉樂甚樂甚寒齋梧枯經雨濯濯僕挾一編箕踞樹下倦則擲去聽秋鶯殘弄澀如老妓歌桃葉半嗚乎咽則大愉悅以爲不減江州琵琶絃上聲公聞之當大噓謂王生不知漢大耳

翠色 右丞詩山路元無雨空翠溼人衣

兒乎 淳于兒云兒心最歡能飲一石

桃葉 王獻之愛妾名桃葉故作歌云桃葉復桃葉渡江不用楫但道無

所苦苦我自迎接

江州司馬 白樂天左遷江州司馬秋夜聞長安妓女彈琵琶感之因作  
琵琶行宛然琵琶哀怨之聲

答龍龍安

獲公尺一何翅十部從事邪而况其縈縈也其寵施之過當不肖曷以報國  
士哉郎君英英如明月珠子夜光的礫異時當觀其照乘耳以書請善化公  
護其外家惟謹想其枕獲高矣烏薪遠貽寒士之廬煦然挾纒予以卒歲不  
憂黑貂之弊手瘡甚搨管流血被腕欲書近作奉覽且不能俟文生北還當  
繕寫盈卷

十部從事 劉宏每發手書丁甯欽密故人皆感曰得劉公一紙書勝於  
十部從事

明月珠子 魏惠王謂齊威王曰寡人國小尚有徑寸之珠照車十二乘

威王曰吾有賢臣四將照千里豈特十二乘哉

烏薪 炭也

答徐孟孺

足下問道於盲而懇盲者答之縷縷其猶不忘視也僕則奚害其無乃貽足下之嫻笑足下之文如山龍虎雉矣而綴之毳罽火浣也者人猶且訾之况僕所綴緼麀邪足下翦而雉之勿俾狐白而鰲然見一斑乎僕不佞不敢給足下秋暑甚盛居者喘月客子魚鱗座上而趣媚竈不稍緩須臾僕安得有生氣足下之使乎在則走蘭若而吾伊蓋筆不得下者凡兩日而後強爲雌黃也抑非白圭之玷歟足下方病瘡見僕伎倆如此鬼不乃更擲揄哉

盲者 韓王偃降匈奴曰僕之思歸如妾人不忘起盲者不忘視也

山龍 謂繡裘之文也

毳罽 織毛以爲布細而貴者罽音計

火浣 梁冀有火浣布或有汚以火燒之垢盡火滅粲然明白

雉之 周禮有雉氏掌山澤芟除草菅雉音替

狐白 以狐腋之白為裘最貴品也

雌黃 王衍善元言凡理有未安隨即更改世號口中雌黃

病瘡 昔有病瘡者見杜詩手提觴餒血模糊之句而愈說者謂病瘡乃

鬼之所為者

與錢平甫

客子困人如中酒走湖濱而避之僅獲息肩半响快然真入清涼國中也歸聽譙鼓已三聲急持高枕欲臥乃復為人索祭文苛於虎翦西窗下燭伸紙攢眉宛似兒時習公車業畏昔菴先生榷楚狀既罷去不覺絕倒還復自嘲為人吹簫給喪事邪書為足下解頤匡鼎說詩殆不及此

清涼國 見釋典



吹簫 吹簫以給喪事見周勃傳

解頤 漢書有云無說詩匡鼎來匡說詩解人頤

與王廷尉

大廷尉前驅入郡稍露其綬吏人莫不啞然而驚乃肯停轍過臨王生此其  
意何殊結鞶哉欲持輕舸而東辛苦微桑尙無暇竟爲毛君所先甚愧之毛  
君談詩沾沾自好一旦欲捧檄而出賢者信不可測邪雖然微廷尉綬類鮮  
不按劍也者而公請游揚其聲勿讓曹邱輩也

結鞶 張釋之爲廷尉有王生善黃老言廷會公卿命張結鞶張跪結之

按劍 鄒陽書明月之珠夜光之璧無因至前莫不按劍相盼見人之不

可無先聲也

與吳京兆幼元

使乎芳訊不遠百里寒餽甘美香流齒頰髮器精織光鑿婦眉霜梳黃雀並

江鄉佳味僕既乏蚯蚓之廉徒切螭蚺之懼口腹之微以累故人不勝顏之厚矣劍裝西指白雲僕方葺治垣屋瓦礫在前斧斤在後比之足下何翅蘇合螭蚺邪請以一杯醉善卷先生爲道王生良苦狀

口腹 閔仲叔客居安邑家貧甚日買猪肝一片屠者或不與安邑令勅吏常給之仲叔知之歎曰我以口腹累安邑耶去之

蘇合螭蚺 唐任圜曰若捨李琪而相崔揚如棄蘇合之丸香丸而取螭

蚺之轉也

與安緒卿

望足下過臨月哉生魄矣竟乏山陰夜興邪新築松壇可禮斗松風入耳如春江帶雨潮僕聽之不減陶宏景足下請一坐其下何必元亮北窗涼颺此亦羲皇不遠耳遲之遲之

月哉生魄 望二日爲哉生魄朔二日爲哉生明

山陰夜興 王子猷居山陰雪夜訪戴安道

宏景 陶宏景居茅山喜松風故多種松樹每聞其響欣然自樂

元亮 陶潛高臥北窗涼颺時至自謂羲皇上人

遲之 猶希望之見漢書

與吳幼安

爲足下書郵者周郎邪并拜燈惠之及其伴頭有勞焉而足下書云杜君竟荒唐何物小子哉子雲之席問字常滿則豈徒以舖餼乎不肖將畢兒婚乃先治室牖戶未綢繆而棄已稿侍兒家人攢眉蹙額告世者嘈嘈耳中且不顧而葺藥欄花木扶疏雲英生石上矣建松壇樹白石塔庀材鳩工難如聚沙磨杵不肖意欣欣得無慙甚歟高篇見寄輟負畚而讀之悠然濯清冷也青霞君慕足下如渴其先中丞與大僕府君同德比義而相頡頏足下甯獨閔龍門之樞不容一文舉哉

奇 盛上器音本

閔樞 言好美如孔文學不當閔其樞使不得入也

與談參軍

子鳴之信茫然中夜起撫枕徬徨不能眠五內如割且視玉歷歲不在龍蛇  
賢人當不死乎欲走走下而問諸覓小舸如瓜者不可得心益焚如養之材  
甚都竟爲棘猴所掩足下請一下其榻無爲坐百尺樓上傲然視之

龍蛇 鄭元夢孔子告之曰今年歲在辰明年歲在巳既寤合讖云歲在  
龍蛇賢人嗟知命當終也

下榻 陳蕃守豫章不接賓客惟徐孺子來特設一榻去則懸之

與吳光祿

王君以不見善卷先生如未入荆溪也者而欲收之桑榆耳居亭主人則有  
公在無憂寄食乎公家伯仲如魚鱗不減烏衣子弟然甯令王生橐餒哉舍

旂公之白眉他曷望焉

桑榆 光武云失之東隅收之桑榆

居亭主人 以宅假人者謂之居亭主人亭又作停

寄食 韓信未遇時嘗寄食於漂母

烏衣子弟 晉王氏子弟多居烏衣巷言其貴介多人也

白眉 蜀志馬良字季常眉有白毫諺云馬氏五常白眉最良

與吳孝甫

不佞之友洞庭君懷橘郎也木奴三百樹未足當封侯遣母得無太侈乎其  
餘裝而之江上易青錢足下請爲售之如歸道細君者取諸陸郎之餉齒  
頰洞庭霜矣陸郎故英英詩壇且拔幟足下試並驅未知鹿死誰手耳張甥  
善易不減京房家貧欲授經以餬其口足下爲覓一青氈地束修以上請從  
郎君始

懷橘郎 陸績六歲時謁袁術懷橘遺母術奇之

封侯 食貨志江陵千樹橘其人與千戶侯等故杜詩云此郊千樹橘不

見比封君

洞庭霜 東坡詩書後欲題三百顆洞庭須待滿林霜

鹿死誰手 石勒自比高光曰若遇漢高當北面事之遇光武並驅中原

未知鹿死誰手

京房 漢京房以治易名家

與顧嗣海

足下以僕故置酒而會衆賓瀟肴層俎以迨卜夜吹參差歌宛轉客且樂甚而主人觥籌無算矣別去又恍然者累日閭者有邈上之役不入門而過之承足下欲臨存我須俟月之生魄當掃松壇石與足下談共指河漢西流不然而或先之也者僕且未返足下徒有題鳳字而去耳

鳳字 呂安訪嵇康不遇題鳳字門上而去謂其爲凡鳥也

寄王鴻臚伯成

星輅南下不相聞而過東望盱衡者久之暴客入王先生齋頭青氈亡恙乎  
餘不足問陳生兀在几上公起白骨而肉之陰德十倍於宏農君第無玉環  
爲贈不及華陰雀哉雖然哀王孫者豈望報邪

白骨 左傳吾見申叔夫子所謂生死而肉骨也

宏農 劉昆守宏農廣行德政虎北渡回

華陰雀 楊寶幼見黃雀被瘡置廂中采黃華飼之既愈飛去脚環以報

與潘方伯仲履

樵豎矇然使孤桐被薪惡足深罪時無中郎時能識囊下者於是世無焦尾  
矣然使君得不自悔眉如遠山乎安能免於入宮邪解組後復何爲秋石棧  
蘿何足事使君以此爲藍田虎耳惜僕善病不獲載醕醪醉使君歌野鹿來

相與耳熟

中郎 蔡邕字在吳時聞爨下桐爨知為良材取以製琴是曰焦尾

眉如遠山 卓文君眉不加黛望如遠山

入宮 鄒陽書女無美惡入宮見妬

藍田虎 謂猶將軍賦剛射虎於藍田也

野鷹來 劉景升好鷹嘗登臺歌野鷹來曲

與錢丈叔寶

鼠子更接彼哉者談真劉景升兒也豺虎并不食矣雖然非我族類而責其  
心之不獸僕焉得為智乎姑任之俾其貫盈必有用之於社者耳世皆欲殺  
之夫而公與從游又禮貌之甯令通國之人不駭哉公請度之毋為僕所蟻  
幸甚

劉景升兒

曹操嘗謂生子當如孫仲謀如劉景升兒子豚犬耳



族類 胡傳非我族類其心必異

貫盈 書商罪貫盈

與郁文叔

足下望錫僅乃得隴不能不失聲也僕猥瑣無狀一二射工蟲含不潔而蒙之喪氣具死屑毀譽謗之後忽奉溫獎甘樹而蘇塙壤不勝色起矣五旬不下半榻出見綠樹濯濯海榴一蕊半藥殷殷綴其間但惜無人面相映又淒然九迴耳

射工蟲 博物志云江南山谿中有射工蟲長一二寸口有弩形射人影不治則殺人此喻譖人者

半榻 庵名

九迴 馬遷報任少安書有云腸一日而九迴

與凌光祿

舟中伏枕兩見月之初弦歸臥齋頭謝客客來輒持石支兩白板如泄柳然  
客或以爲猖狂譙罵交口王生自挾一編高坐匡牀聽松間雨如瀑金昌澄  
醜色皎然若寒潭印月冷吸一觥快如嚼雪南面王樂不及此何暇與羣僮  
爭月日短長哉酒渴思新葺惡甚不可言又恨光祿君各紫筍一筐而令馬  
卿病不起安得持輕橈過君牀頭竄取畧盡古今美麗大半乃爲沙吒利所  
有僕輩苦逡巡措大閒不如作沙吒利差強人意耳

泄柳 魯繆公往見泄柳閉門不納

新葺紫筍 皆蒸名

馬卿病不起 相如病渴故引用之云云

沙吒利 沙吒利番將歸唐韓雄有美妾柳姬劫而奪之故詩有曰美人

已屬沙吒利

措大 秀才稱措大以其能舉措大道也

與安茂卿

叔貞稱足下之念我百倍骨肉淒然者久之李少卿降虜胡服辮髮衽且左矣霍子孟上官少卿且欲請之歸太史公廷諍其冤遭腐刑之辱而不悔誠諒其心彼固欲得當以報漢也卽僕今日之事乃數之矣係臂守宮奚足問直謂其心可剖耳茂卿足下僕不良苦哉而足下毅然請爲僕之史遷良苦茂卿矣荆卿劍術之疏拊膺自咎酒人勾踐將何以誨我乎

係臂 晉武帝以絳綵繫所選女子臂

守宮 蟲名卽所謂守宮砂也

與胡原荆侍御

海天閣前別時公與僕皆醉曹然若夢中念公言苦如藥灑然醒矣兼程趣歸兒子亡賴黃口孱稚而彊作古押衙敗乃公事甚帷而召合浦還者使前顏色黯淡不可復識服茅山道士藥後想當然耳僕擁之泣非烟非霧若見

李夫人帳中魂也嗟乎原刑足下當是時即使公昔日之繡斧在能不化爲繞指柔哉王生也者奈何欲俾陽爲土木乎春風銅雀僕將老矣諸公有鳴鼓相攻者僕請肉袒援桴而助之三搥令四座動容掩鼻而悲耳

古押衙

劉振女無雙許婚王仙客值亂沒入掖庭仙客尋見古押衙與

以茅山道士藥一丸私傳無雙令食死父贖尸還仙客遂復活爲夫婦

答吳幼安

損芳訊之及不勝遑然積病十旬猶未起竿牘報問一切罷絕以重嵇生之懶秋水時至將放舸入秦淮挾足下共過長干寺中索桑門伊蒲饌聽諸沙彌談小品不覺舌端生蓮花也乃聞足下復生女郎以爲不憚已不藉縱縈上書矣此紅顏小媛幸稍娛目前何不足君所乎一馬得失不能福禍塞翁而足下附麗其事比於合鏡還珠也者過矣過矣羣口紛紛類牛鳴介葛盧來朝尙不省王生耳中聽松風瀑布且無暇而暇及汝南兒月旦哉以一身

爲萬物芻狗漆園生奈何不譏倒置之民乎大珠編的的走盤焉用鄙言魚  
之目而冠其首將毋損其夜光邪

桑門伊蒲 伊蒲塞僧名

緹縈 溘于意有罪當刑歎曰生子不生男緩急終無益少女緹縈上書  
願爲官奴以贖父刑漢文憐之除肉刑

牛鳴 介葛朝魯聞牛鳴曰是生三犧皆用之矣蓋識牛聲也

芻狗 天地不仁以萬物爲芻狗見老子

倒置 繕性篇云喪已於物失性於俗者謂之倒置之民

答永嘉王中丞

捐書報問談雁蕩間媿媿雲氣滿函中矣丹砂之惠知公之欲勾漏我也間  
者積病十旬不善飯飯而不當廉將軍案頭遺糝醫師醉二豎甚亡當或者  
乃辟穀乎則豈非公之大造哉表叔李君狷士也少攻二南聲籍其數上公

車皆罷髮且短矣而淪於一尉雞肋之味幾何不忍舍去傷哉貧耳然政得永嘉則有公之二天庶幾可者恐其猶有蓬之心在乞公護視之月飽南溪之流一石使其肝腸滌清他無望於永嘉也

雁蕩 山名在樂清縣東奇秀甲天下

勾漏 邑名出丹砂葛洪嘗求爲其令以便脩煉

蓬心 蓬非直物言心被牽制如蓬之曲也見莊子

與顧鄧州

秋暑灼人勝於炮烙一雨飄飄涼颺襲衣袍而僕病者蘇矣秋草五色映日而綺丹者的的不減春華之萼病久亡賴頽櫛俱廢以左手牽轆轤右手抱瓠甕汲鳴泉而灌之得附麗於園公仲子之流足自愉快里中兒見鮮車怒馬則門闕而驚其疇不椰揄蓬蒿仲蔚哉二三墨者差可語而魁公尤白足方建小阿蘭若短牖疏檻翠微之色如染僕捫蝨其中則忘牛羊下來也顧

其聚沙良苦視鉢中徒有一朵青蓮耳持僕疏而叩公公如不吝以黃金布地者當掃除落葉以紅氍毹覆之矣

蓬蒿

張仲蔚隱於扶風杜門不出蓬蒿滿宅

白足

釋曇如足白於面人稱白足和尚

氍毹

毛褥以爲席地者也又東坡詩披香殿上紅氍毹

### 與顧君錫

首夏致書不得報知足下之在灑上也音問缺然以至今日雲中雁嗷嗷矣僕積病半載幸不死與寒松並支離耳足下頃何似秋風秋月蕩舟黃浦之間採芙蓉滿把娟娟如美人紅妝則豈不念以一束寄王生乎魁上縑流之秀禪藻燁然僕方外椒蘭也建蓋頭數椽所費不過貴人一玳瑁筵乃其難若聚恒河之沙茫然無畔僕疏而扣之十方足下福田不可不一布其種

椒蘭

猶云親友也

玳瑁筵 劉楨賦云布象牙之席重玳瑁之筵憑彤玉之几酌撩碧之樽  
十方 釋氏謂一切法界爲十方



太原王穉登先生著

答余君房

往來不入寒廬門樹皆稿然已得兩函書文甚休美更辱風雅之音則又大  
喜過望也三時積病幾不起起而遭吠聲之狺狺足下聞於原荆所者大都  
已悉以爲馬牛則馬牛耳豈然對羣狙爭無兄與妻孤女否邪木也而魏駟  
也燭也而齊盜也僕得浮沈其間顧不幸與君房足下鵠不日浴而白請敬  
佩乎斯言聞司馬公之計不勝泣然詞壇失是公執牛耳者誰乎束生芻俛  
之條風至而黃鳥鳴請將以馬策扣西州門與足下相向失聲問坐中淚下  
誰多耳

馬牛 老子謂士成綺曰巧知神聖之人吾自以爲脫焉昔日子呼我牛  
也而謂之牛呼我馬也而謂之馬苟有其實人與之名而弗受言不以

毀譽經心也見莊子

無兄與妻孤女 直不疑無兄而人誣其盜嫂第五倫三娶孤女而人誣其搥婦翁謂誣不爭而自白也

木也蠋也 尤原爲郡學生犯法見斥林宗慰之曰顏蠋岷梁甫之巨盜段干木晉國之大駟卒爲齊之忠臣魏之名臣慎勿恚恨責躬而已原後欲報諸生愧其言乃止

與翟德甫

稿然病廢僅有骨支牀耳久不聞問以爲公不記有王生乃一函至自談君所者一何纏繞不忘如昨哉僕老謬無狀與世抵牾然世厭君平君平亦厭世岳有五未遊其一州有九纔履其四則又何敢託君平也公比益自豪都人士無不嚮風慕義爭先掃門孟公之座酒食相屬顧未知錦衾角枕之旁尙能置在阿君否買田陽羨故自佳第恐林巒蕭寂不足易裘馬風流北山

之文尙煩王生貯思耳

君平 嚴君平隱於成都賣卜得百錢則下簾老子詩云君平既棄世世亦棄君平

與王侍御懋復

中丞宋公之西也以一札慰藉王生則公之河潤深矣然稊登不敢作陽喬負公并書不報得無太懶與公方有事崗志斯亦牛刀之割耳用昭顧以及稊登豈其晉之乏才而楚是借乎陳君良便奉候起居惚兮恍兮掛一漏十蓋病夫之語囁也而公幸寬其禮法哉

語囁 喟嘆呻呼寐聲也出列子

答朱在行

謁天竺先生還衣上白雲猶冉冉乃拜新粟之貺紅葉作薪青蔬充饌人天香供無以易此老居士塊然不能妙解佛義爲施者作福但合掌世尊懺悔

可耳

懺悔 釋氏以悔過爲懺悔

與凌使君

廷尉公客如雲最善遊山人也以其節俠不徒以其詩故詩亦婉美足傳矣  
既薦之使君而復口授稗登俾佐之以舌然使君愛士不亞結襪公何假稗  
發言得無蛇足哉乃復附麗如此誠不欲泯廷尉耳子可索鄙文詩使君不  
屬子庸而徒煩野鴛可大噓抑使稗登他日何以藉邪

誠不欲泯廷尉 言揚其下士之美也

野鴛 庾翼書少與右軍齊名後右軍過之翼不服與人書云兒輩厭家

鷄愛野鴛

他日何以藉邪 謂藉重也

答施觀察

公書稱東山之雲抑何有味其言哉政恐蒼生不忘安石耳荔子之惠太夥  
召客噉之皆爲楊梅左袒詹錄君稍誇樹下時風味差勝然大要不相河漢  
如公云櫻桃者安敢當是欲射干而類芷邪久不見吉甫見童將軍亦不談  
公索書穉登書如老鴟世固有負丸者不謂明公亦同之也今託游山人附  
往大小箋六枚山人形骸土木惟穉登與王廷尉識之不淺公請爲游揚無  
令楚材而晉用之

東山 謝安石高臥東山徵辭不就士大夫相謂曰安石不出如蒼生何

左袒 漢太尉勃令軍士爲劉者皆左袒

射干類芷 干香草芷藥名

老鴟 東坡詩詔黃新溫字如鴟

負丸 蜚蠊負丸見前

楚材晉用 惟楚有材晉實用之見左傳

答何方伯振卿

王掌故以公尺一來漫賦北堂之賞不意遂隕霜也以爲愉怛欲從公受詩公且廢而讀禮矣純孝感孚富有紫芝白兔之祥異時天語旌門請濯其榻待之僕老且妄庸不足比數又善病不能贏糧遠游把公名山記時時依牀快讀衆壑冷然皆響矣頃君西游道乃出公邑中途以其橐爲魚腹公乃贈我一篇不勝瓊玖之望也

紫芝白兔 蔡邕廬墓時有紫芝白兔之祥

與朱在充

旅食沙中勞足下野宿者再三迄今感不去心且不去口矣修譜之役未嘗獲罪於君家父兄何遽得譴於其子弟蜂螿螫人乃能次骨由此畏蜀如虎耳還家一日便偕青浦君而西伯梁溪城下遣力持記渡江踞門屏而謝燈夕之期相見不遠足下不輕爲然諾僕何惜三斗醕醪

畏蜀如虎 賈誦魏平謂司馬懿曰公畏蜀如虎奈天下笑何

與傅令公書

跋然道左而窺使君行春也烟姿柳色霏微綠綬間仙令哉才愧子安不懶  
作賦輒成一篇題扇頭奉揚仁風恐不堪使君懷袖耳玉歷烏薪拜命之辱  
歷占甲子新禦春寒貧里生獲之不勝暴富乞兒矣乍毀二山人集成敬上  
功曹儻簿書之暇得賜覽視幸甚

子安 唐王勃字

乞兒 禪宗雜毒海云暴富乞兒休說夢誰家社裏火無烟

答呂明府心文

公乍識河陽而遽去之薄黃綬如秋雲高風與彭澤而兩圍廬葱蒨又十倍  
柴桑間宜其不屑雞肋哉僕積病獲落擯斥於時門庭蕭寂題風者再竟不  
交公一臂則豈非大幸乎損書幣之拳拳益自愧悚拙詩先往二篇諸景不

及窺才睹其目便應接不暇矣秋深南邁當過公燃鬚半日一一題破蒼苔  
而後去不然請投其轄

柴桑 陶潛自號柴桑居士

應接不暇 王子敬云山陰道上行山以自掩映使人應接不暇

燃鬚 杜詩云吟成五個字燃斷數莖鬚

投轄 陳遵每宴客輒投轄井中使不得去

轄車軸頭鐵也

### 答屠青浦長卿

長篇投贈靈光炯然貧里兒乍得明月大珠比屋皆驚中夜傍徨枕不敢高  
計惟有剖腹耳僕么麼不當蠅蚋而足下謬稱猶龍也者得無自謂邪青浦  
麥穗似漁陽兩歧華又若河陽也文人善吏事足下信無雙哉廉吏五斗不  
飽其孳橐如趙壹而諸侯游客望青浦為蜀道銅山屠先生良苦聞間者稍  
謝客客舌鋒楚龍淵也獨奈何不許其一割乎宿瘤無鹽老寡婦稿然東壁



下安能全匹半額競新妝足下乃附麗於東山安石之事所謂善哉謔兮者  
邪兀兀齋頭撰媚竈文丙夜而寢且日不得休不如吹簫賣漿乃得醉飽將  
微足下之靈不朽先子足下何以命之

么麼 微小也

兩歧 張堪守漁陽麥秀兩歧

河陽 潘岳令河陽種兩縣花

趙壹 漢趙壹以倨傲獲罪友人救免爲窮鳥賦謝之

全匹半額 馬廖疏城中好大袖四方全匹帛宮中好廣眉四方且半額

引此言不能投時好也

丙夜 三更也

吹簫賣漿 伍員鼓腹吹簫乞食吳市薛公隱於賣漿者家

答李解元

許君以門下尺一來若明河珠斗照臨幽崖孔北海亦知人間有劉平原幾欲失筋許君謬獎僕以誤門下門下幸無過聽其不鄙而進之使得比數於小兒德祖乎猶且踰分門下獨行有道皎然絕代朱霞素霓非尋常塢壁可藏如其嫻於雕龍不過衆目所悅知鳳文而不知鳳德者何足稱門下也昆陵僕之桑梓亡足當賢人之駕頃經術之士還如魚鱗則賴門下金口而木舌之異時裹脫粟半鍾從門下游聞齒牙餘論不覺野狐涎滿地矣

北海 劉備爲平原令孔融爲賊圍急求救備曰孔北海亦知人間有劉平原邪

失筋 曹操從容謂劉備曰今天下英雄惟使君與操耳備方食失筋

小兒德祖 禰衡善孔融楊修嘗曰大兒孔文舉小兒楊德祖

金口木舌 謂木鐸也

與沈少卿

拜函教之辱者而再感不去心大司空之推穀不肖也則以足下故不肖醜  
謬無似寒如死灰乃賢伯仲交口而嘯其燼惟恐其不燎揚也此其德甯可  
背乎今歲淫雨傷稼脫粟貴於明珠農家日啖麩麥屑不得飽麩麥價如粟  
也則啖菽今菽又且貴矣不肖善病絕不善食食不過薄糜半甌蓋兼旬不  
當廉將軍一餐差類辟穀士顧不堪數口之嗷嗷恐不敢傲然邱中之雲壑  
者乃不忘起也則此鄰非我有足下往所致司空旨謂處之督郵之間不勝  
過望且引領跣踵欲裝而西無如橐中之稿何比間關走闕下又虞其不好  
瑟也使不肖爲觸藩也者大司空及足下計安所出乎

間關 車聲見詩經

不好瑟 齊王好竽不好瑟

觸藩 謂近退兩難也出易大壯上爻

答沈道卿憲

隱伯以函教至良感縉縵僕且弄孫安得低首屈膝以遂新貴南山之南枕  
且高矣公比休嘉東山之雲朝夕在袖而隱伯以參差佐之何減一部清商  
哉研以田我履以載我拜命之辱餘不敢受受殮返璧僕有辭矣二額題上  
與聞幽暢之閒尙欠王生一榻何時請公下之

南山之南 漢法真隱居不仕謂太守曰若欲吏我真將在南山之南北

山之北

少答元殿下

君侯以一身攝二大國此其鴻烈盛美使枚叔馬卿之徒持筆以陪後乘猶  
不足奉揚休明乃委諸么麼王生不已秦無人乎走城西蘭若攢眉半日爲  
君侯撰此序卑之無高論哉不堪覆王家醬瓿無示西園文學使其彈丸我  
也幸夫

醬瓿 揚雄作太元劉歆譏之曰後人以覆醬瓿耳

西園 魏氏鄴都之西園也文帝爲太子時每月夜集文人徐幹等游於其中

### 與馬姬

二十七日發秦淮殘月在馬首思君尙未離巫峽也夜宿長巷聞雨聲且起不休輿夫泥沒軒良苦見道旁雨中花仿佛湘娥面上啼痕耳陸先生大有俠骨遂以君屬之必能出君於險幸勿過自摧殘使王生乞茅山道士藥恐無益千全軀千萬自愛

巫峽 在蜀道最險此喻姬未脫於厄也

### 與陳侍御

捐錢刀之貺歸付金昌酒樓可供千日沈湎矣與于好別桃葉渡頭泣下如霰左右皆泣莫能仰視賴陳先生不侵也輕爲然諾此好頭顱可無恙王生且東屬陸君游說其間第恐此君爲秦武陽乎主臣僕亦何惜爲田光先生哉

錢刀 顏延之與淵明情款送錢二萬陶悉付酒媪就求飲焉

秦武陽 秦武陽年十三殺人不敢忤同荆卿入秦刺政至陛色變謂未必能爲姬報仇也

田光先生 曾薦荆卿於太子丹恐丹疑之因自剄

與范司馬堯卿

不承休問遂久鸞音鳳吹安得天風吹下乎東山白雲想無恙公杖履其間  
樂甚龍蛇虎鼠奚足挂公喉舌直須問長柄葫蘆有子乎不肖貧次骨且老  
矣又喪孫不意造化之厄臣乃如此厄則厄耳其猶有屋上青山在甯能折  
腰向人爲小草哉故知五斗長安者誘我邪

長柄葫蘆 陸士衡入洛詣劉道真無他言惟問東吳有長柄葫蘆得種  
來否陸大梅來也

小草 桓溫問謝安遠志何以又名小草安曰處則爲遠志出則爲小草

引此言其不欲出也

與汪長文

大雷之垠玕青幾千晦足下嘯嗽其中意氣自得不減雲中君哉章叔來自足下所乃不得一札不能無望焉足下頃何爲彈琴讀書山獵魚釣何所不自娛安得如王生兀兀手腕欲脫作傭書奴也喪孫後遽然衰颯五斗長安已無志生老謬思舐犢耳甯能復問人間爲小草耶

舐犢 楊彪子脩爲操所殺操見彪曰何瘦之甚耶答曰悔無日碑先見之明猶老牛舐犢之愛

答包明臣少府

書至自章叔所者抑何倦勤有致哉間者游馬姬家姬乃不忘包先生此姬名娼而爲髡奴蹕躡幾殆僕老謬不能重於公卿徒挾一魚腸欲爲姬報仇所與偕者秦武陽乎事安得濟去而効申胥之哭有賦無衣者矣當不令此

姬獨死死則不免茅山一丸累公公努力也所委敢不敬承當借他人利銖射之如弱公微繳不敢貽公之羞

申胥 子胥覆楚申包胥如楚乞師哭秦廷七日水漿不入於口哀公感之爲賦無衣

與張以孚駕部

與司馬口含雞舌貴甚乃不忘老王生情高結襪佳哉張公子乎索書人蠟如燭二跋未得休韋仲將頭幾白矣十一簿號皆題徧且日遂東不復造衙齋握手游山人類窮鳥幸門下假其羽毛無使爲蟲號寒耳

雞舌 漢尙書郎口含雞舌香言欲其奏對芬芳也

章仲將 章仲將善書魏宮觀成詔題其署奏曰用張芝筆右伯昏又得臣手然後可逞徑丈之勢

蟲號寒 東坡讀孟郊詩作曰何苦將兩耳聽此寒蟲號



與恩公

夜雨如麻旅思蕭寂爲悅公撰疏并偈子成今題上僕爲桃葉牽情未能去  
羶行之夫愛慾纏擾安得吾師慧鐸割之雖然僕作維摩詰觀此姬聊同散  
華人耳乞得談參軍畫華奉充法供

散華 維摩室中天女以天花散諸菩薩卽皆隨落至大弟子便著不隨  
天女曰結習未盡故花著身結習盡華不著身蓋已證佛果而華不爲  
染也

與顧茂儉

足下註誤遂不免於吏議行路之人猶且太息乃不肖忍忘之哉蓋日夜悲  
憤思報足下足下亦以不肖爲忘之忘之豈王生耶以兩太史之金鍼而不  
能下燕將魯連先生不易與若不肖落落誠類忘足下則病且懶耳不肖  
無所逃罪矣足下之與不肖且不忘降虜之李陵獨忘子卿邪知足下之

言激我也激我而自託於梁溪氏之子不撻我市朝故事急矣不得不求救於孫將軍孫將軍於不肖風馬牛當婉轉求濟其濟則君之靈也不濟則請從包胥氏之子

風馬牛 牝牡相誘曰風左傳齊伐楚楚子使與師言曰君處北海寡人處南海惟是風馬牛不相及也

寄姜司成書

北還右目遂昏自分廢棄不敢復游大人使僕而才也不過爲習鑿齒蕭疎之流如苻堅所稱半士者醜已甚矣况僕之妄庸無狀已病其形又病其心者乎蓋散髮箕踞岑牟短後不登公卿之門者三載矣往公橫遭吏議削奪官爵免而歸田歸田自樂耳小人承望風旨求悅政府非陛下之意今其蒼狗白衣安在哉撰一詩欲持贈去歲嫁女今歲髡瘍肉皆憤起憤而流血者兩月幸不死又不戒於榜人眩幾折災悔層疊不堪出門比謁公公在柳上

去入秣陵一二知己皆星散僅晤王元馭亦憊憊病甚類曼倩陸沈金馬時  
留三日敗興馬首東矣過丹陽走問門者行李在善權玉女間也念久莫可  
待歸而臥齋頭思公不能已則遣奴馳問公公幸善飯邪他不足問僕年未  
四十而皮肉枯腊右關脫一齒時時噴飯飯落案間腕弱不能舉物弄柔翰  
如穀樓煩彊弩早衰若此此豈長年者而欲提鉛執槩與少年生角遂不已  
左乎江田幸有歲脫粟易飽鼠雀殘粒逮及病夫兒子輩獲免菜色明年黃  
鳥時當裹一石糗走馬華陽買酒割彘肩飲陶宏景墓下公如同心也者則  
願爲執鞭

岑牟 賤服

蒼狗白衣 浮雲變態喻小人變詐也

柔翰 左思詩弱冠弄柔翰筆也

與潘觀察

邦憲公之變天豈惟降凶朱氏蓋大不幸於貴邑也張尉歸稱公不能以口  
恩莫可泐僕自不喜於人而好爲人解紛每不恤其舌李天佑者故將軍輸  
將三上而不負鍾石法當受賞乃不惟不賞也同事者汚以墨而戍之李北  
人無他宗族業皆蕩盡妻子傭以糊口道見諸將軍拜而乞或笑或罵或譙  
呵掩袂過之又或賜一錢一縷則擊額謝舊戲下目李北人皆烏烏泣也僕  
不識李生面而心冤其事李生舊有牀頭金客爭爲游說今其死灰則皆溺  
之李亦不自意其復然也公如亮僕借一言於開府公而脫其械僕誠爲李  
生幸甚異時相屬拜公牀下兩人皆茫然久之通姓名曰吾王生若李生當  
相顧絕倒矣

解紛 魯仲連曰所貴爲天下之士者爲人救患難解紛

糊口 鄭伯曰寡人有弟不能和協而使糊其口於四方

與韓衝州汝成

積十載不見僕頭顛斑然不知公作何狀鬚髯當如戟邪三十爲郡年少官尊不足爲公賀乃政得子鳴作部民龐君稅駕於任棠魏君憑軾於干木千古風流具在二美子鳴之兄珊爲邑諸生尤宏雅所謂有道君子也河東賦成借公口噓之五十老孝廉便得送上天矣奏計入都過吳門欲與平原君爲十日飲東方千騎肯爲王生一停否童君感大夫恩如九鼎僕亦歎韓先生千載人也

龐君 漢龐參爲漢陽守郡人任棠有奇節參候之棠不與言以薤一本水一盂置屏前抱兒當戶下參思其旨曰水欲吾清拔大本薤欲吾擊張宗抱兒當戶欲吾當門恤孤也

魏君 文侯每過段干木之廬必軾

河東賦成 杜贈田舍人詩曰揚雄更有河東賦惟欲吹噓送上天  
與馮觀察化之

前旌入越時凡三造請則以張邵武故也既不獲而乃借開之爲重開之示使君書九鼎邵武矣此君負氣寡合不值中郎者曩下耳使君幸卒此德明故多奇士匪直竹箭乎山人沈明臣清通高亮典略塞胸明月夜光不脛而走檢校刑部尚書屠本峻孝廉有道桃李不言郝隆邊韶腹書經笥秀才楊承錕蒼刺赤鬪天矯驂驪一鱗一毛盡含雲霧邵武弟邦侗敏達韶俊國士門風蓬生麻中遂與麻等包生轅春健憤破轅志在千里未見其止要非凡流此數君者東南之巨美滄海之奇琛使君羅而致之必能俾益休明仰贊鴻烈又僕受知故相國文榮公次心鏤骨亦使君所見明知今其夫人僅同恤緯遺孤大恪任子起家可稱式穀儻微君之靈稍賜庇覆不滅覆僕也使君能諒僕之無他不則請從魯連先生東海矣

竹箭 東南之美非直會稽之竹箭也

健憤 石季龍幼挾彈彈人其父怒之母曰健憤須走車破轅良馬須逸

軼泛駕然後能負重致遠言不癡不慧者非異器也

恤緯 緯橫絲也寡婦織帛常苦緯少左傳子太叔曰益不恤其緯而憂宗社之殞爲將及焉

魯連東海 魏使人說趙帝秦魯連往見曰秦棄禮義上首功之國也彼卽肆然爲帝則連將蹈東海而死耳

### 與陳侍御

客歲有秣陵之役懷刺及門而緇斧出按譙不能奉顏色居無何聞公有西河之戚欲削牘奉慰起居竊自念陳先生達如漆園司馬豈其不能一彭殤齊修短而徒取摧殞爲乃不敢妄爲喋喋聞者晤盛君原濟知公趨召之者再三則公果善病乎鍾情玉樹若此哉盛君通儻特達醫名絕代試進一刀圭嗟然無恙公能頰狗王生言抑情自愛僕雖老謬請得借此薄號而爲七發矣

玉樹 謝安器元等嘗曰子弟何預人事而欲其佳元對曰正如芝蘭玉

樹欲使生於庭階耳

刀圭 藥劑也

頰 音俯低頭也

七發 枚乘作七發諷吳太子恣然汗出霍然病已

與鄧孺孝

僕不慧而受操觚之役是責盲者以指南也且也有足下之命在其猶觀大  
巫然故次且久之始屬草甚不當足下旨足下其鄙棄之使不露其媠母也  
者幸甚不然僕則猶可足下之辱此亭也將無爲羊裘公絕倒忽然炎暑箕  
踞松間且不堪聞督學公課諸生公車文流汁成漿宜足下之釣雪哉

媠母 帝妃賢而貌甚醜

辱此亭云云 以亭名釣雪故云



羊裘公 謂嚴光也

與余少宰丙仲

今歲長君之西不及奏記借其口代薄號不知鯉庭燕寢間一挂王生齒州  
乎國寶方開東觀羣召羣儒校讐會典以余先生董其役甚盛甚盛日頃得  
之潘方伯所方伯之子士遠歲鞋有鳳毛能當方伯公心公甚愛之欲微門  
下之靈爲其兒乞河潤獲以雌黃廁諸生之後此在明公一嘘耳憶不肖當  
嘉靖間嘗從事史館日竊大官殮錢蠹魚乎羣籍甚無當潘公子奈何垂涎  
於此無乃以爲不龜手之藥乎門下幸不拂其惓惓抑門下與方伯公同年  
生又良厚卽屋上烏猶將及之而況其駒千里邪以老王生居閑何故誠知  
明公非忘布衣者耳

歲鞋 鮮好貌

鳳毛

宋謝鳳子超宗有文詞爲新安王母作誄奏之帝賞之謂鳳曰此

兒殊有風毛

不龜手 見莊子言手之不皴也

屋上烏 武王克商謂太公曰奈商之衆何對曰愛其人者兼其屋上之烏憎其人者盡其儲胥

與朱參戎浚之

戲下建牙行萬里迺冒老幸臨王生生者悠不能樹螿弧爲明將軍先驅徒令唾壺缺耳女兒痘一夕魁然若三月櫻桃醫師云幸甚無恙然不肯半晌離阿翁僕何得走問水軍艦中將軍得無笑僕兒女子態邪許再過當在何日請出一斛麵生令將軍耳熱無然不相聞而去若銜枚然使僕不能歌大樹壯行色也

銜枚 軍禮大司馬銜枚而進

答大司馬張公

不意清門遭變天降凶閔司馬夫人倏焉驟鸞奪此良配使公白頭不諧哀  
痛摧剝楚毒奈何伏惟達人大觀彭殤一致上謝莊叟猖狂之歌下免荀生  
惑溺之詠毋曰情之所鍾正在我輩邪損惠教札良荷記存秋懷十二篇篇  
篇元勝枕上讀之如松風瀑布不覺去疾孔璋之檄頭風下牀子美之詩瘡  
鬼退舍以今觀之非欺我矣郎君落落快士當是千載人雲柯扶疏雖有節  
目無傷珍幹非榼桷間物也王謝子弟何必盡皆青紫要須有門風耳大器  
晚成不在早就良材求用於十年之後良馬求用於十年之前智者不背時  
以毀節豪士不違機以狗名朝榮雖好豈易彼夕秀哉不肖惡疾纏綿髮枯  
齒凋寶刀無色壯志盡落復何意人間事邪喪妻五載房帷尙空生有兩男  
子大者木魯可使荷耒種豆南山小者七齡稍有頭角且能強記數行若芝  
草無根則此子或堪寄以門戶然恐嵒嶮無松柏也霜降日短海國多寒高  
枕加餐用慰衆望

情之所鍾 王衍喪幼子悲甚山簡弔之曰懷抱中物何至於此答曰至人忘情最下不及情情之所鍾正在我帶耳

榼桷 進學解大木爲梁細木爲桷榼榼梁上柱桷椽也

暗牖 小阜也鄭子太叔語

與歐楨伯

足下握蘭南省秣陵詞客無不願爲執鞭也者僕不能買秋風欸段一觀北海賓僚之盛則豈勝搔首乎自江都別後幾十寒暑足下五斗長安僕一頃南山豆耳種豈燃其與佩刀騎馬誠貴賤殊等然雄飛雌伏各自適也負未沙中不幸無歲徒藉摺拾自給安在明所踰二旬屈指舊游未嘗不稱歐光生空望澄江練如安能褰裳濡足耶會在明之猶子沿牒入都方有事於司空省中題一詩扇頭奉寄因聲致君家李記室久不覩其一斑遂當十倍方回耳

握蘭 謂尙書郎

秋風歎段 馬也

搔首 謝靈運詩搔首訪行人引領冀良觀

一頃南山 楊惲免官家居作歌曰田彼南山蕪穢不治種豆一頃落而

爲其

方回 賀方回唐人長爲長短句

與傅明府伯俊

拮据沙上裙拾洪濤之餘僅得脫粟百斛安能不歎侏儒飽死邪米艘須窮  
督之不然以雀鼠耗者半矣傷哉貧也而學田舍翁使君當蟲沙我耳係生  
爭脫虎口我諸舅含笑九原能無結草爲報青浦公以使君不許其請意不  
能無望焉何不借之而西大不落寞客島中成一詩以代攀轅遣力先投記  
曹月生潮上始獲渡江當於昆陵待前旌矣家弟乍辭漁獵恐不堪贊使君

畫諾則望假其羽毛

拮据 手口共作者也

田舍翁 宋武帝嘗欲無度衰顛盛稱高祖儉德帝曰田舍翁得此已爲過矣

蟲沙 穆王南征君子化爲猿鶴小人化爲蟲沙

假其羽毛 西京賦所好生羽毛所惡成瘡瘡言好者譽之而使生羽毛惡之而使成瘡疾也

畫諾 漢宗資爲守委任功曹范滂故語云南陽宗資主畫諾

與胡江陰

江干蕭寂披讀使君函中五色書不勝照臨我哉而又僅嘉惠安能不汗浹背也沙中污邪才半洛陽負郭乃爲海若所侵躬身刈穫不踰斗符恨不爲精衛以函谷一丸填此衣帶耳後車不著王生而與文叔偕漢帝安得聞長

者之言哉一詩題扇頭聊助解頤

沙中污 謂田地之劣地也

洛陽負郭 蘇秦爲從約長歎曰使我有洛陽負郭田二頃安能佩六國

相印

精衛 赤帝女游東海溺死神化爲精衛鳥常取西山木石以填東海

與郁文叔

胡令君後車不載王生而載足下我不勝妒甚雖然王生無他奇不堪裨渤海如故王生也匍匐拮据以事沙中阡陌乃其所入不盈五秉何若立談賜璧作諸侯說客乎然恐說難如韓非耳東方生餒欲死足下何以策之安得驅雞入白雲也初六日渡江與足下別且欲謁令君令君門者如鬼乎請足下爲樊舞陽

驅雞入白雲 言仙去也劉安故事

樊舞陽 樊噲封舞陽侯此云門者難見欲其如噲排闥直入鴻門爲沛

公羽翼也

寄馮開之

青浦君言得足下書奉檄而喜大異掩關而壁時賢者不可測哉馮家郎安  
得作腐鼠態今歲以波臣不靖侵我上田錢罇奔鍾而過在明家苴塞罅漏  
拮据力作僅獲遺稗二三十鍾皆取諸魚龍滲漚之餘未足糊口方是時使  
馮先生而客我從者幾菜色矣青浦江陰及我敝邑府君並以人計至闕下  
月飲亡何不知捐馮先生濁醪幾十石異時太史安自尊而傲諸侯大夫司  
馬子長對中牟漁陽想不作此俗狀公見二三君將云何請以傑直之暇持  
一胡牀夜出長安馳道單絞庠續起舞行酒月下鳳凰樓宮漏丁丁二十尅  
猶恐不得諸君耳熱也

遺稗 脫禾也



中牟 魯恭爲中牟令有異政

漁陽 張堪拜漁陽守勸民耕種

曝直 謂京官連入直也

胡牀 庾亮在武昌諸佐吏乘秋夜登南樓飲不覺亮至亮曰老子於此  
興復不淺便據胡牀而與談詠

單絞庫幘 謂便服幘巾

謀野集刪卷二終

感舊集小  
傳拾遺

羅  
博  
羸  
書  
齋

會 通

家 家

通 通

照 字 號 十 四 號

漁洋山人感舊集小傳卷一

德州盧見曾輯

侯官陳衍補遺

錢謙益字受之號牧齋一號蒙叟晚自稱東澗遺老江南常熟人萬厯庚戌進士及第官禮部尙書有初學有學等集

古夫于亭雜錄余初以詩贊於虞山錢先生時年二十有八其詩皆丙申後少作也先生一見欣然爲之序又贈長句騏驎奮蹴踏萬馬暗不驕勿以獨角麟儷彼萬牛毛蓋用宋文憲贈方正學語也又采余詩入所撰吾炙集所以題拂而揚謝之者無所不至余嘗有詩云不薄今人愛古人龍門登處最嶙峋山中柯爛蓬萊淺又見先生著作新白首文章老鉅公未遺許友八閩風如何百代論騷雅也許憐才到阿蒙今將五十年回思往事真平生第一知己也 吳駿公偉業梅村集致復社諸子書弇州先生

專主盛唐力還大雅其詩學之雄乎雲間諸子繼弇州而作者也龍眠西陵繼雲間而作者也風雅一道舍開元大歷其將誰歸至古文辭則規先秦者失之摹擬學六朝者失之輕靡袁川毗陵扶衰起敝崇尚八家而鹿門分條晰委開示後學若集眾長而掩前哲其在虞山乎 金孝章俊明牧齋詩鈔題詞託旨遙深庀材宏富情真而體婉力厚而思沈音雅而節和味濃而色麗其於歷代百家都不沾沾規擬而能並有其勝斯固杜老所云別裁偽體轉益多師近風雅而攀屈宋者歟晚乃禪悅簡棲心空味外妙香熏染益振新暉冥想靈泚有非塵步所能追跂者矣

程嘉燧字孟陽江南休甯布衣與牧齋爲友謚之爲松圓詩老有耦耕堂松圓浪淘等集

漁洋詩話明末七言律詩有兩派一爲陳大樽一爲程松圓大樽遠宗東川右丞近學大復松圓學劉文房韓君平又時時染指放翁此其大略也

程警句如瓜步江空微有樹秣陵天遠不宜秋梅殘燭燼西窗雨雪滋香  
濃小閣雲古寺正如昏壁畫層湖都作水田衣夢裏楚江昏似墨畫中湖  
雨白如絲遠雁如塵飛水面亂帆疑葉下吳頭迴風凍雨皆成雪出霧危  
巒半是雲多年華髮絲相似三月春愁水不如澗飲斷虹明積翠湖飛片  
兩亂斜陽羽聲變後寒風急虹影消來白日過城上雪聲遊子屐縣南風  
色酒人家嶽寺夜眠春澗雨浦樓寒醉雪山風皆不愧古作者 按虞山  
稱孟陽以唐人爲宗熟精李杜二家五言近體約而之隨州七言近體放  
而之眉山而朱竹垞謂其格調卑卑才庸氣弱錢之稱許固爲太過朱之  
矯枉亦未爲得中也

吳兆字非熊江南休甯布衣有金陵廣陵姑蘇稿

漁洋詩話吳兆非熊程嘉燧孟陽皆以布衣稱詩有名萬歷啟正間吳五  
言學謝眺何遜程七言律最多名句七絕尤佳門人汪徵遠汪洪度請余

選定爲新安二布衣詩 朱竹垞彝尊明詩綜桃園客云非熊詩如清猿  
夜嘯斷續悽人曹能始云古詩學謝靈運沿及盧駱近體學岑嘉州 詩  
話非熊詩清而能麗綺而不靡最見賞於石倉其風調亦相儷

林古度字茂之一字那子福建福清人孝廉章子崇正間移居金陵自卜生  
壙於乳山年九十餘康熙初卒有詩選

漁洋詩話林茂之客來詩客來自何處爲言南山頭昨夜片時雨新添春  
澗流入白門詩白門迢遞夕陽間千里闕天一日還依舊客情無別事逢  
人都問武夷山芳草詩春風吹百卉草色徧相侵到處沒馬足有時驚客  
心遠連空漢上寒漾碧波潏獨有明妃塚青青恨至今雪夜東胡彭舉詩  
今歲山城雪偏於昨夜深同爲閉戶客故自絕相尋同喻仲宣鷺峯寺聽  
秋鶯詩物候推移傷客魂啼鶯何意戀山村不因落葉人間滿猶道啼春  
在寺門潯陽別曹汝載詩扁舟客思共閒餘分手那堪卽到初明月中秋



九江水愁人無暇作鄉書又依然一茅屋宛在千竹林春雪消溪岸江湖  
上水門雲樹見楚色詩篇聞越吟黃鳥漸啼去清風時下來右皆與曹能  
始吳非熊倡和時作刻意六朝未染楚派者也 居易錄茂之年八十餘  
數自金陵過訪每集諸名流文宴紅橋平山堂之間予親爲撰杖甲辰除  
夕以詩屬予刪定不減數千首皆曹能始鍾敬伯譚友夏諸前輩所丹黃  
余爲存其風華近六朝者刪其甲子後詩殆盡愚山見之曰吾與林翁久  
游處非君選不知其本色乃如是君之功林翁大矣 池北偶談茂之居  
金陵年八十餘貧甚冬夜眠敗絮中其詩有恰如孤鶴入蘆花之句方爾  
止寄詩云積雪初晴鳥曬毛閒攜幼女出林杲家人莫怪兒衣薄八十五  
翁猶緼袍

○漁洋詩話閩清林初文 孝廉古度之父也嘗有送人詩云不待東風  
不待潮渡江十里九停橈不知今夜秦淮水送到揚州第幾橋以示梅禹

金鼎禹金激賞之宣城有老儒邱華林嘗以詩質禹金但爲分句讀而已

見之大恚曰林詩二十八字正得二十八圈吾詩字數不啻倍之乃不得一圈耶聞者笑之 池北偶談施愚山分守湖西製芒帳題詩其上寄林翁茂之一時名士多屬和名曰詩帳或題一絕句云斗帳殷勤白芒裁使君親自寫詩來孤山處士朝眠穩朝日烘門懶未開

邵潛字潛夫自號五岳外臣江南通州布衣

漁洋詩話邵潛萬歷間詩人錢牧齋亟稱之性孤僻凡數易妻晚竟無子僑居如皋年八十矣苦徭役余適以按部至縣詰且首謁邵邵所居委巷乃屏輿從徒步而入邵曰適有酒一斗能飲乎余欣然爲引滿流連移晷始別縣令聞之立除其役 池北偶談邵潛夫性傲僻不諧俗人多忌之所著友誼錄循吏傳諸書多可傳者陳其年云古今文人多窮未有如邵先生者聽其言愴然如劉孝標所自序也 有學集邵潛夫詩集序通州

邵潛夫以詩名萬曆中爲雲杜李本甯梁溪鄒彥吉所推許潛夫詩和平  
婉麗規摹風雅自以七葉爲儒行歌採薇而絕無嘲嘲噍殺之音讀潛夫  
之集者追思本甯彥吉士大夫儒雅風流彷彿在眼於乎其可感也

吳偉業字駿公號梅村江南太倉人崇禎辛未進士及第官國子監祭酒有

### 梅村集

香祖筆記梅村詩話云嘗與陳臥子共宿問其七言律詩何句最爲得意  
臥子自舉禁苑起山名萬壽複宮新戲號千秋一聯然予觀其七言殊不  
止此如九龍移帳春無草萬馬窺邊夜有霜左徒舊宅猶蘭圃中散荒園  
尙竹林禹陵風雨思王會越國山川出霸才石巖上賓居柳市養嬰別業  
在藍田七月星河人出塞一城砧杵客登樓四塞河山歸漢闕二陵風雨  
送秦師諸聯沈雄瑰麗近代作者未見其比真冠代之才一時瓊亮獨有  
梅村耳 池北偶談吳梅村祭酒辛亥元旦夢上帝召爲泰山府君是歲

病革有絕命詞云忍死偷生廿載餘而今罪孽怎消除受恩欠債須填補  
縱比鴻毛也不如時浙僧水月能前知拏舟迎之至曰公元旦夢告之矣  
何必更問老僧遂卒 計甫草 東梅村詩鈔題詞虞山之言曰梅村之詩  
殆可學而不可能而又非可以不學而能者也其始書先生稱其精求於  
韓杜二家吸取其神髓而仗助之眉山劍南斷斷乎不能窺其籬落識其  
阡陌也夫虞山暮年之詩心摹手追於眉山劍南之間顧稱述先生詩如  
此則其自遜爲不如可知誠非今之驕已凌物者可及也

盧世權字德水別號紫房山東德州人天啓乙丑進士授戶部主事知世將  
亂無仕進意請歸養母母歿服闋補禮部旋改御史巡視漕運移疾歸入  
本朝卽家拜監察御史徵詣京師以疾不起卜居平原自號南村病叟有尊  
水園等集

公爲予曾祖贈中憲大夫公諱世滋之胞弟光祿公諱宗哲之曾孫也早

負海內文望與虞山錢宗伯牧齋齊名詩以老杜爲宗著讀杜私言杜詩  
胥鈔牧齋亦云予爲讀杜箋應盧德水之請也精華錄論詩絕句杜家箋  
注太紛拏虞趙諸賢盡守株苦爲南華求向郭前惟山谷後錢盧然與漁  
洋宗派不同故所選止一首程工部正夫尊水園集序憶先生曾自評其  
文曰予四十年學文只受用得一個快字余曰固也先生四十年學道亦  
只受用得一個真字先生笑而不答蓋先生之快如秋隼擊雲夏龍掣電  
又如光風霽月之下天水空中攬柁懸帆一夕千里何樂如之乃先生  
之真則豈弟慈祥活潑坦蕩義理可爲豐年性情可當化雨與先生交卽  
不覺醇醲自醉至於立身大節明白周正嗚然與日月爭光而自放於酒  
則其作用之大晦迹於羣倫也故曰必傳之業以人則必傳而況其文乎  
以文則必傳而況其人乎又曰公稱詩一遵少陵顧其詩亦頗類青蓮田  
司農綸霞選公詩爲讀本曰南村若有先生在小子當爲灑掃人從曾孫

見曾謹識

圖鈕秀觚牒德州盧世維營杜亭設子美像自稱杜亭亭長著杜詩肯鈔  
役竣告祭詩曰十年曾有約三歲始能成

徐波字元歎江南蘇州人有謚簫堂染香菴等集

池北偶談吳中詩老徐元歎康熙初年七十餘尙在居天池落木菴與中  
峰靈巖二高僧善牧齋寄詩云皇天老眼慰蹉跎七十年華小劫過天寶  
貞元詞客盡江南留得一徐波落木菴中紅豆貧木魚風響貝多新常明  
燈下須彌頂雪北香南見兩人波自撰頌菴生壙志云喜登陟而筋力遽  
衰未廢吟而發言莫賞又嘗爲落木菴記云崇正癸酉與竟陵譚友夏在  
其弟服膺署中曉起盥漱見予白髮盈梳曰子從此別計必住山請擇嘉  
名以名其居服膺出幅紙請作擘窠大字友夏爲書落木菴今三字揭諸  
菴門松栝數株撐風蔽日元冬霜夜蕭蕭而下雙童縛帚掃除不給齋廚

爨烟皆從此出事之前定如此乙酉後有七月望後寄碧上人詩楚鬼微吟上峽遙中元法食可相招憑師爲譬興亡恨雨打秋墳骨亦銷寒碧少游鍾譚間此詩蓋爲二公作也

○漁洋詩話宋元憲景文兄弟少賦落花詩得大名刻畫可謂極工然沈石田青樓粉暗女子嫁朱門烏啼賓客稀更不刻畫而有言外之意唐人高閣客竟去小園花亂飛則尤妙徐元歎有一首云花意寒欲去登樓送所思將分春雨恨似與遠人期野水斷村路孤烟生竹籬吾徒從此逝忍見豔陽時妙亦不減唐人 遺民詩居落木菴斷炊絕粒靈巖退翁分鉢中餐以周之他有所遺不屑也著浪齋新舊詩 按湧喜齋叢書刻有浪齋新舊詩一卷

龔鼎孳字孝升生時庭產紫芝因號芝麓江南合肥人崇禎戊辰進士 本朝官禮部尙書謚端敏有三十二芙蓉齋定山堂過嶺等集

漁洋詩話龔端毅送人詩云軍中轉粟青天上使者論功大夏西 池北

偶談先兄考功嘗云合肥公流水青山送六朝才子語也 王丹麓 今

世說宗伯天材宏肆數千言可立就詞藻繽紛都不點竄為 孝陵所賞

識嘗在禁中歎曰龔某真才子也 梅村集芝麓詩序先生之潛搜冥索

出政事鞅掌之餘高詠長吟在賓客闐咽之際嘗為予張樂置飲授簡各

賦一章歌舞談笑方雜沓於前而先生涉筆已得數紙座客未散傳誦者

早遍於遠近矣身為三公而脩布衣之節交盡王侯而好山澤之遊故人

老宿殷勤贈答後生英俊宏獎風流傾囊橐以恤窮交出氣力以援知己  
其惻怛真摯見之篇什者百世而下讀之應為感動而況於身受之者乎  
曹溶字覽躬號秋岳別號金陀老圃浙江秀水人崇禎丁丑進士官戶部侍郎有倦圃詩稿  
池北偶談曹侍郎秋岳好收宋元人文集嘗見其靜惕堂書目所載宋自



柳開以下凡一百八十家元自耶律楚材以下凡一百十有五家可謂富矣

■己未詞科錄丁憂未與試者十四人曹溶字潔躬一號倦圃居邑之金陀坊晚號金陀老人又號鋤菜翁前明官監察御史入國朝官至戶部侍郎出爲廣東布政使左遷山西陽和道裁缺著有崇禎五十宰相傳一卷明漕運志一卷金石表一卷倦圃蒔植記三卷劉豫事蹟一卷粵遊草一卷續獻徵錄六十卷靜惕堂詩集四十四卷 橋李詩繫詩與合肥襲芝麓齊名人稱襲曹 忍菴文集禾之西南隅名范蠡湖者宋勸農岳珂著書其所迄今金陀遺蹟猶可考少司農曹秋岳先生於此潛流學園珂號倦翁先生因顏其園曰倦圃 嘉興縣志會修明史舉博學鴻詞再舉堅辭不行卽家輯著天崇兩朝紀畧郵送史館晚而學道以微疾卒 香樹齋文集續鈔予嘗惜吾鄉曹倦圃先生聚法書數十年自大禹峒嶼碑

以下凡八百七十餘卷自爲表示後迄今散佚不傳一字

姜琛字如農山東萊陽人忠肅公瀉里之子崇禎辛未進士官禮科給事中  
有敬亭集又著紀事摘謬傳甲乙以來殉節諸賢曰正氣集自題己亥後詩  
文曰饌飪集

池北偶談萊陽姜如農如須兄弟齊名時稱二姜如農崇禎末謫戍宣城  
衛鼎革後兄弟遂卜居吳都不歸鄉里給事死遺命葬宣城以爲故君未  
賜環不敢首邱吾友張杞園作祠記書其事南北名士多歌詠之 明詩  
綜黃九煙云先生詩發乎性情本乎忠孝名實交孚纏綿盡致錢幼光云  
先生詩大抵取法於柴桑浣花其志同其調不覺其同也詩話公晚歲始  
爲詩風格一本杜陵其自序云托哀鳴於異鳥感音節於候蟲可謂善於  
喻物者矣 按崇禎壬午先生擢禮科五月中條上三十疏以言事觸首  
輔怒與行人司副熊開元同下北鎮撫司獄備極拷掠幾死者數矣甲申

正月議戍宣州衛聞京師陷思陵殉社稷慟哭而南之戍所未至以金陵  
 赦留吳門不肯歸會馬阮用事避地徽州祝髮黃山自號敬亭山人戊子  
 奉母歸萊陽山東巡撫重其名遣使招之先生故墜馬以折股給使者而  
 夜馳還江南自號宣州老兵欲結廬敬亭未果病亟遺命葬宣城戍所口

吟易贊歌一章嘔血數升而歿子二安節實節附錄徐昭法枋山集誌銘

既葬先生有二十七齒僅存三齒落二十四齒安節實節平時與而歲之  
 既葬宜州而痛先生之臨歿悲歌思二觀之邱墟於是復奉還而歸地  
 節字學在墓側長子安節移家廬墓宜州安節字勉中有永思堂詩鈔實  
 妻附來器今世說學在少不事舉子業獨習為五七言詩存壺別書畫及  
 生仲子學在居其先為文文公清瑤瑛又先為畫詩飲酒出其所  
 其山洲島間曠最為吳中勝處學在讀書  
 其小勞列古蹟鼎及茶鑪酒壺諸小物

姜垓字如須號仁石山人給事中塚之弟崇禎庚辰進士官吏部考功司主  
 事有貧簪集仁石山人稿

池北偶談姜吏部垓南渡後流寓吳郡與徐孝廉枋友善一日行圍門市  
 姜顧徐曰桓溫一世之雄尙有枋頭之敗徐應聲曰項羽萬人之敵難逃  
 垓下之誅相與抵掌大噱市人皆驚 明詩綜詩話如須官行人見解舍  
 碑有阮大鍼姓名特疏請碎之重書勒石思陵允之乃削去阮大鍼名字  
 徐昭法詩所云擊奸穹碑碎是也甲申後避地吳門卒葬西山之竺塢詩  
 篇溫潤而恂栗葉處士襄序之 魏叔子禧文集姜公墓表公詩沈鬱離  
 憂無愧三百篇之旨

感舊集小傳終

新校心毛詩州  
木鳥獸魚  
疏

蔡榮署



此後何家  
亦如彼  
亦如彼



序

兒時學治詩毛鄭外兼受陸機毛詩草木鳥獸蟲魚疏

陸機各本作陸機疏氏玉裁阮氏元均考

訂作機今證之古籍如倭刻唐釋藝琳一切經音義隋杜臺御玉燭寶典等書所引並作陸機與段阮說正合機生於三國去古不

遠兩漢以來先師古說略見於此顧世藝善本近習見者明毛晉陸疏廣譽

本 國朝王纂漢魏叢書重刻說郛本均紕繆觸目山陽丁氏安以二本不

便學者援據古籍作陸疏校正二卷譌文賊字均有匡補而淮別仍復錯出

如宛彼鳴鳩條譌奪多至十數字言采其莒條齊民要術引一名莒根正白

其文一名莒絕句根正白絕句丁本云要術引作一名莒根誤以根字屬上

讀此其失之大者其餘淮別亦略與毛王二本埒玉爰以尋暇不揣荒劣矧

諸經疏衆諸類書凡所徵引爲比量異同刊補譌洗彌月以來匡訂數百十

處其有顯然譌誤而古籍無徵引者謹闕所疑不敢馮臆擅改以詒金根之

讀此疏舊本百三十三題丁氏據齊民要術引增投我以木瓜一題據經典

釋文引補浸彼苞著駟駒牧馬野有死麕三題玉又據倭刻隋玉燭寶典注  
引補手如柔荑四月秀夢二題據宋嚴粲詩緝引補隰有榆一題據通志引  
補燕燕于飛一題據韻會舉要引補鶉之奔奔一題舊本又誤析山有栲爲  
山有栲蔽芾其樗二題誤合爰有樹檀隰有六駟爲一題今均爲改正統得  
百四十有二題校既畢顏之曰新校正用宋林億校素問例且別於丁本也  
光緒丙戌夏上虞羅振玉



毛詩草木鳥獸蟲魚疏卷上

吳太子中庶子烏程令吳郡陸機元恪撰

方秉蘭兮

蘭卽蘭香草也春秋傳曰刈蘭而卒楚辭曰緹秋蘭以爲佩

王丁本無以爲佩三字據宋嚴

樂詩經引及毛本增孔子曰丁本無孔子據詩論

洵疏引及毛本增蘭當爲王者香草皆是也其莖葉似

藥草澤蘭但廣而長節節中赤高四五尺漢諸池苑及許昌宮中皆種之可

著粉中故天子賜諸侯藍蘭藏衣著書中辟白魚

王丁本無下有也字詩疏引及毛本無

采采芣苢

芣苢一名馬舄一名車前一名當道喜在牛跡中生故曰車前當道也今藥

中車前子是也幽州人謂之牛舌草可繫

卽煮字詩采苢疏引誤作芣王本此下又有與煮同三字乃附注誤

入正文據作茹大滑其子治婦人難產

爾雅釋草疏引作產難釋文引作生難詩疏詩編及各本均作難產

言采其益

今藥草貝母也其葉如栝樓而細小其子在根下如芋子正白四方連累相著有分解也

中谷有蕓

蕓似佳住各本誤作蕓玉案爾雅釋草蕓蕓郭注今莞蔚也葉似佳方莖白蕓無疑今方莖白華華生節間舊說及魏博士濟陰周元明皆云菴蘭是也據郭注正

韓詩及三蒼說悉云悉毛本益母各本作蕓益母也據詩中谷故曾子見益

母而感爾雅疏引及毛本改案本草云爾雅疏引及無云字益母蕓蔚也一

名益母以上九字各本作蕓蔚故劉歆曰蕓臭穢臭穢爾雅疏引及各本

即莞蔚也

集于苞杞

杞其樹如櫛一名苦杞一名地骨春生作羹茹微苦其莖似莓子秋熟正赤

莖葉及子服之輕身益氣爾各本無爾字據爾雅釋木疏及大觀本草引補

晉采其蕒

蕒今澤鷓也其葉如車前草大其味亦相似徐州廣陵人食之

蕒與女蘿

蕒一名寄生葉似當盧子如覆盆子赤黑甜美女蘿毛云松蘿也各本無上五字據詩

補引今兔絲蔓連草上生黃赤如金今合藥兔絲子是也非松蘿松蘿自蔓

松上生枝正青詩經引作松蘿自蔓松上而生

有蒲與荷

蒲深蒲也周禮以為菹謂各本無上十字據齊民要術引補蒲始生取其中心入地者名菹

大如七柄正白生嫩之甘脆澀而以苦酒浸之如食符法上本無上三十四字詩韓奕引也

丁本大美今吳人以為菹又以為酢各本無上十字據要術引補荷美菜江東呼荷其菹

茄其葉蓮莖下白弱此下似其華未發為茵蓓已發為芙蕖其實蓮皮

裏白子為的的中有青長三分如鈎為蕒味甚苦故里語云丁本苦如意是

也的五月中生生啖晚至秋表皮黑的成可食

或可磨以為飯如粟也飯藝文類聚引作散如粟也初學記引作如粟飯輕身益氣令人強健又可

為糜幽州揚豫取備饑年其根為藕幽州謂之光芴為光如牛角牛毛本節斗太平節

覽引及王  
丁本作牛

### 參差行菜

行一名接余白莖詩緝引葉紫赤色正圓齊民要術引作其徑寸餘釋草疏

引詩浮在水上在詩緝引根在水底莖與水深淺等各本餘字據要術引補大如釵股上

青下白翳其白莖謂王本以苦酒浸之為菹各本餘字據要術引補脆美脆爾雅疏引作肥據

要術詩緝爾雅實引改可案酒其華蒲黃色各本無上五字據要術引增

### 于以采蘋

蘋今水上浮萍是也其蟲大者謂之蘋小者曰萍季春始生可糝蒸以為茹

又可用苦酒淹以就酒

于以采藻

藻水草也生水底有二種其一種葉如雞蘇莖大如著長可四五尺各本無

齊民要術引補其一種莖大如釵股葉如蓬蒿謂之聚藻扶風人謂之藻聚為發聲

也扶風人以下文左傳疏引及各本並此二藻皆可蠶熟王丁本奪熟字爾雅釋草疏左傳疏

同詩緝引作藻聚生故謂之聚藻也要術詩緝引及毛本均有按去腥氣米麪糲蒸為茹嘉美揚州人饑荒各本無人字據可

以當穀食也王丁本無也字毛本有又詩緝引作荆揚人饑荒以當穀食用饑時

蒸而食之

薄采其茹薄毛本作言王丁本作薄

茹與苧菜相似齊民要術引作與苧相似葉大如手赤圓有肥者著手中滑不得停也

各本無也字莖大如匕柄要術引作莖大如著皆可生食爾雅引及各本作莖及可

潤滑美要術引作淪江南人謂之蕓菜各本作江東人謂之蕓菜或謂之

水葵諸破澤水中皆有

葦葭蒼蒼

葦水草也堅實牛食之令牛肥強青徐州人謂之蘆

蘇各本誤作葦據韻會釋草疏引改充

州遠東通語也葭一名蘆莢一名蘆蘆或謂之荻至秋堅成則謂之荻

齊民要術

引作至秋堅成即刈謂之蘆

初生三月中

要術詩緝引作三月中初生

其心挺出其下本大如箸上銳

各本齊

銳語合引作荻

而細有黃黑勃著之汚人手把取正白噉之甜脆一名薏薏

各本齊上二十

衛字據要

揚州人謂之馬尾以今語驗之則蘆蘆別草也

葦竹猗猗

王丁本誤作漪漪今正

有草似竹高五六尺洪水側人謂之葦竹也

詩淇澳疏引無上十七字釋文引有五案此文與下葦竹一草

名文殊而義複蓋諸家所引文詞偶異其為衍文無疑沈傳既久刪之駭俗姑仍其舊

葦竹一草名其莖葉似竹青綠色高數尺今淇澳旁生此人謂此為綠竹淇澳二水名

王本脫上五字詩疏引及毛本有

苕之華

苕一名陵時一名鼠尾似玉芻生下濕水中七八月中

月詩苕之華疏就引誤作今日正華紫

似今紫草花可染露以沐髮卽黑葉青如藍而多華

隔有游龍

游龍一名馬藜葉粗大而赤白色生水澤中高丈餘

食野之萃

萃葉青白色莖似箸而輕脆臆詩鹿鳴疏爾雅釋草疏引作肥始生香可生食又可蒸食

于以采繁

繁皤蒿凡艾白色爲皤蒿今白蒿春始生及秋香美可生食又可蒸食今白蒿

下十七字詩緝引作春始生可蒸香美又可蒸及秋名曰蒿韻會引略同一名游胡北海人謂之芴勃故大戴禮

夏小正傳云繁游胡游胡芴勃也

菁菁者莪

莪蒿也一名蘿蒿詩菁莪疏引此下有也字生澤田漸洳之處葉似邪蒿而細科生三月

中莖可生食又可蒸食香美味頗似藁蒿

言刈其蕒

萋萋蒿也其葉似艾白色長數寸高丈餘好生水邊及澤中正月根芽生菊  
莖正白生食之香而脆美其葉又可蒸爲茹

食野之蒿

蒿青蒿也香中炙啖荆豫之間汝南汝陰皆云葭也葭毛本  
作比誤

食野之芩

王本無此條丁本列  
卷末茲依毛本列此

芩草莖如釵股葉如竹蔓生澤中下地鹹處爲草眞實牛馬皆喜食之皆詩  
鹿鳴

疏引  
作亦

采采卷耳

卷耳一名冢耳一名胡冢趣菜各本無此四字據日本刻  
附玉燭寶典七注引補一名芩耳葉青白

色似胡荽白華細莖蔓生可嚮爲茹滑而少味四月中生子如婦人耳中瑤

今或謂之耳瑤草鄭康成謂是白胡荽幽州人呼爵耳呼爵耳詩卷耳疏釋  
文爾雅釋草疏引作



謂之  
爾耳

### 贈之以芍藥

芍藥未審今何草

五字詩濼洧疏引及各本均列非是也句下今改列此今文義方洽又毛本奪此句詩疏詩緝引及王丁本有

藥草芍藥無香氣非是也司馬相如賦云芍藥之和揚雄賦云甘甜之和芍

藥之美七十食之

之丁本作也毛本作之

### 采葑采菲

葑蔓菁

詩谷風疏爾雅釋草蔬及御覽引作蕪菁毛幽州人或謂之芥非似本此下又有一作蕪菁句乃附注誤入正文

菘莖粗葉厚而長有毛三月中蒸饈為茹

鹽爾雅蔬滑美可作羹引誤作蕪菁滑美可作羹

詩緝要術御覽引改幽州人謂之芴爾雅又謂之蕙菜今河內人謂之宿菜

### 言采其蕨

蕨山菜也初生似蒜莖紫黑色二月中高八九寸老有葉淪為茹滑美如葵今隴西天水人及此時而乾收秋冬嘗之又云以進御三月中其端散為三

枝枝有數葉葉似菁蒿長粗堅長不可食周秦曰蕨齊魯曰臚亦謂厥又蕨

之上據齊民要術引各本作蕨也山菜也周秦曰蕨齊魯曰臚初生似蒜葉紫黑色可食如葵文未全

### 言采其薇

薇亦山菜也各本無亦字據詩緝引補 莖葉皆似小豆蔓生其味亦如小豆藿可作羹亦

可生食今官園種之以供宗廟祭祀

### 言采其藿

藿一名藿河東關內謂之藿各本無此句據齊民要術引補太平御覽引作河內關中謂藿為藿 河內謂之藿

丁本奪此句詩緝引及毛本有幽州人謂之燕藿幽州人要術 一名爵弁 一名藿各本無上

術御覽引補 其根正白可著熱灰中溫噉之可詩緝 飢荒之歲可蒸以禦飢漢祭

甘泉或用之其華有兩種其華毛本作其草丁本作其 一種莖葉細而香一

種莖赤有臭氣以上十四字各本及御覽引作華葉有兩種一種葉細而花赤

一種葉大而花白復香

薄言采芑

芑菜似苦菜也莖青白色摘其葉有白汁出脆可生食屈詩芑芑疏引及本注肥蠶關會注引

及毛亦可蒸為茹青州人謂之芑各本無人字西河雁門芑尤美毛本無引

及丁胡人戀之不出塞丁本作土人詩疏引及毛本作胡人

誰謂荼苦

荼苦菜丁本作葉據齊民要術引及毛本改生山田及澤中得霜甜脆而美所謂堇茶如飴

內則云濡豚包苦用苦菜是也

匏有苦葉

匏葉少時可為藥又可淹鷄極美故詩曰幡幡瓠葉采之烹之各本無上十

引補苦菜疏今河南及揚州人恆食之十字毛本作揚州人恆食之據詩疏引至

八月葉即苦各本及太平御覽引並同詩疏及故曰匏有苦葉

印有旨苕

苕各本及太平御覽引並同詩疏及故曰匏有苦葉

茗茗饒也幽州人謂之魁饒蔓生詩詁集疏引作夏生莖如勞豆而細葉似蒺藜而青

其莖葉綠色可生食食齊民要術引作啖味如小豆藿也各本奪味字據要術引補

言采其莫

莫莖大如箸赤節一葉似柳葉厚而長有毛刺今人縲以取繭緒其味酢而滑始生可以為羹又可生食五方通謂之酸迷子如楮實而紅各本無上六字據韻

會引冀州人謂之乾絳河汾之間謂之莫吳越呼為茂子各本無上六字據韻會引補

莫莫葛藟

藟一名巨蒞詩葛藟疏引及各本同易釋文齊民要術引作巨荒似燕莫燕釋文引作莫亦延蔓生葉如艾白

色其子赤亦可食各本無亦字詩疏引有酢而不美幽州謂之摧藟釋文引幽州下有人字

視爾如苳

苳一名苳苳一名荆葵似蕪菁華紫綠色可食微苦澀各本無澀字據詩緝引補

北山有萊

莢菜也

莢也各本械草名據太平御覽吳作韻補引改

莖葉皆似菜王芻

七字各本作其菜可食據齊民要術引改御覽引又

作紫菜皆似生菊亦誤蓋王芻生菊形近致誤

今兗州人蒸以為茹謂之菜蒸譙沛人謂雞蘇為菜

故三蒼云萊菜黃此二草異而名同

各本無蒸沛以下文據要術引補

### 取蕭祭脂

蕭狄今人所謂荻蒿者是也或云牛尾蒿似白蒿白葉莖粗科生多者數十莖可作燭有香氣故祭祀以脂熟之為香許慎以為艾蒿非也禮士度記曰士蕭庶人艾艾蕭不同明矣各本無上十六字據太平御覽引補郊特性云既奠然後熟蕭合馨香是也

### 白茅包之

白茅包之

四字疑衍文

茅之白者古用包裹禮物以充祭祀縮酒用

### 可以漚紵

紵亦麻也科生數十莖宿根在地中至春自生不歲種也荆揚之間一歲三

收今官園種之歲再割割便生剝之以鐵兩刻字時東門之若竹刮其表厚皮自脫但得其裏級如箭者鬻之用緝謂之徽紵今南越紵布皆用此麻

印有旨顯

融五色作綬文故曰綬草

南山有臺

臺夫須舊說夫須莎草也可為簑笠都人士云臺笠緇撮或云臺艸有皮堅

細滑緻可為甸笠以禦雨是也丁本脫上五字毛本有南山多有

茹蘆在阪任毛本誤作其

茹蘆茅蒐舊艸也一名地血齊人謂之茜徐州人謂之牛蔓今圃人或作畦

種蒔畦王本誤作陸故貨殖傳云后茜千石亦比千乘之家

白華菅兮

菅似茅而滑澤無毛根下五寸中有白粉者柔韌宜為索漚乃尤善矣丁本作

及曝尤善也據詩白華管分  
疏爾雅釋草疏引及毛本改

### 蘇蔓于野

蘇似栝樓葉盛而細其子正黑如燕奠不可食也幽州人謂之烏服

毛本無州字

本有烏服詩  
緝引作烏服其莖葉鬻以哺牛除熱

### 匪我伊蔚

蔚牡蒿也三月始生七月華華似胡麻華

王丁本華此字爾雅釋草疏引及毛本有而紫赤八月

為角角似小豆角銳而長一名馬薪蒿

### 隰有萋楚

萋楚今羊桃是也一名銚芑

各本春此句補葉長而狹  
據詩緝引補桃而光尖長而狹  
華

紫赤色其枝莖弱過一尺引蔓於草上今人以為汲灌重而善沒不如楊柳

也近下根刀切其皮著熟灰中脫之可韜筆管

### 芑蘭之支

支毛本  
誤作女

芟蘭一名蘿摩幽州人謂之雀瓢丁本奪人字爾雅釋蔓生葉青綠色而厚

斷之有白汁詩緝引作摘食之甜脆各本奪此句補為茹滑美其子長數寸

似瓠子王本奪受生以下文王本有王本別有毛弱恆受於地有所依緣則起十二字乃鄭箋中語誤歸入今刪

浸彼苞根

根童梁禾秀為穗而不成則蕪然謂之童梁今人謂之宿田翁或謂守田也

大田云大田各本不根不莠外傳云丁本作口馬不過根莠皆是也

言采其蕞

蕞牛蕞今人謂之羊蹶各本作揚州人謂之羊蹶齊民要術引似蘆葍而莖

赤而莖赤詩緝引可淪為茹要術詩緝引滑而美也要術引作多啖令人下

氣氣要術引幽州人謂之蕞揚州謂之羊蹶句一名蕞各本無此句

浸彼苞菁毛王本無此條

菁似蘊蕭青色科生



手如柔荑 各本無此條今據後刻  
玉燭寶典三注引補

正月始生其心似麥欲秀其中正白長數寸食之甘美幽州人謂之甘滋或謂之茹子比其秀出謂之白茗也

月四秀萼 各本無此條今據玉  
燭寶典四注引補

夏小正四月秀幽幽萼同耳即今為莠也遼東謂莠為幽莠

椅桐梓漆 各本誤作梓  
椅梧桐今正

梓者楸之疏理白色而生子者為梓梓實桐皮曰椅今人云梧桐也 今人注  
漢志注

引作則大類同而小別也桐有青桐白桐赤桐 有文類聚引此下文  
白桐二字已本無宜琴瑟

今雲南牂柯人績以為布似毛布 布大觀本  
草引作服

有條有梅

條楮也今山楸也亦如下田楸耳皮葉白色亦白 亦字詩終南疏爾雅  
疏詩緝引同丁本作皮色

白菓亦白材理好宜為車板能溼又可為棺木宜陽共北山多有之 共詩疏引  
誤作其梅

卷上  
十  
一  
風  
雷  
甲  
錄

樹皮葉似豫章豫章

爾雅疏引及丁本奪上二

葉大如牛耳一頭尖赤心華

赤黃子青不可食枌葉大可三四葉一葉木理細緻於豫章子赤者材堅子

白者材脆荊州人曰梅終南及新城上庸皆多樟枌

終南詩疏引作江南上  
屬下詩疏引有司字

終南山與上庸新城通各本山字據詩疏引補故亦有枌也

### 北山有枌

枌楸屬其樹葉木理如楸山楸之異者今人謂之苦楸溼時脆燥時堅今永

昌又謂鼠梓今正漢人謂之枌

### 常棣

常棣許慎曰白棣樹也如李而小如櫻桃正白今官園種之

爾雅釋木  
疏誤作宮

又有赤棣樹亦似白棣葉如刺榆葉而微圓子正赤如郁李而小五月始熟自

關西天水隴西多有之

### 爰有樹檀

檀木皮正青滑澤與繫迷相似又似駁馬故里語曰斫檀不諦得繫迷繫迷  
尙可得駁馬繫迷一名挈蓋故齊人諺曰上山斫檀挈蓋先殫

隰有六駿此條與上隰有樹檀條各本誤並為一今正

駁馬木名各本無上二字據釋文引補梓榆也榆毛本誤作快據釋文詩緝引改各本又

文引其樹皮詩緝引木皮青白駁犖遙視似駁馬各本駁犖字據御覽詩緝引補下章云山有苞

隰隰有樹槩皆山隰之木相配丁本釋之字詩緝引及毛本有不宜謂獸

柞械拔矣

柞械櫟也各本奪上二字據通志草木略引補三蒼說毛本誤作王蒼據通志引及王丁本改械卽柞也其華繁

茂其木堅韌有刺今人以爲梳亦可以爲車軸各本奪上二字據通志引補其材理全

白無赤心者爲白栲丁本奪爲字白又譌作曰據詩阜矣疏爾雅釋木疏引及毛本正直理易破可爲犢車

軸爾雅疏及詩緝引作輻又可爲矛戟爾雅疏引作於

隰有杞械

手詒書不... 豐源印書局承印

棟葉如柞皮薄而白薄毛本作厚據爾雅釋木疏引改其木理赤者為赤棟一名栲白者為

棟其木皆堅韌今人以爲車穀

### 隰有柎

柎櫨也葉似杏葉各本無葉字據詩緝引補而尖白色皮正赤爲木爾會引其理多曲少直伎

葉茂好好詩緝引作盛二月中葉疏花如練花如練詩緝引作花開似練又各本練作棟據詩山有樞疏爾雅釋木疏引改

而細蕊正白蓋樹丁本蓋下多此字爾雅無衍文今刪今官園種之正名曰萬歲既取名

於億萬其葉又好故種之丁本奪之字詩爾雅疏詩緝引及毛本有共汲山下人或謂之牛筋或

謂之櫨材可爲弓弩幹也

### 其灌其柎

柎栉葉如榆也木理堅韌而赤可爲車輶今人謂之芝櫨也各本奪上七字據詩緝引補

### 其樛其栝

樛河柳生河旁爾雅丁本作水據詩阜矣疏釋木疏引及毛本改皮正赤如絳一名兩師枝葉似松

楛橫節中腫似扶老

毛本作節中腫可作杖以扶老據詩爾雅疏詩緝爾雅翼引及丁本改

即今靈壽是也各

審即字據詩緝詩疏釋文引補

今人以爲馬鞭及杖弘農共北山

共爾雅翼引作郡誤

甚有之甚釋文引作皆

### 山有樞

樞其鍼刺如柘其葉如榆淪爲茹美滑於白榆榆之類有十種葉皆相似皮

及木理異爾

爾爾雅釋木疏引作矣

### 山有栲

山栲生山中

各本奪上三字據詩緝引補

與下田栲大略無異

各本奪大字據詩緝引補

葉似差狹耳

吳人以其葉爲茗方俗無名此爲栲者似誤也今所云爲栲者葉如櫟木皮

厚數寸可爲車輻或謂之栲櫟許慎正以栲讀爲稭今人言栲失其聲矣

本作耳據爾雅釋木疏引改又各本誤析此爲二條以山栲以下二十一字爲蔽芾其櫟條葉如櫟以下三十一字爲山有栲條奪中間十七字今據詩

山栲疏爾雅疏引改

### 集于苞栩

栩今柞櫟也徐州人謂櫟為杼丁本奪人字據玉燭寶典十一注或謂之為

栩其子為阜或言阜斗其殼為斗或言阜斗玉燭寶典引作成謂之櫟其殼

可以染阜今京洛及河內多言杼斗斗爾雅疏引及丁本作杼或云橡斗此下寶典引有

謂櫟為杼爾雅疏引及毛本改五方通語也

無浸穫薪

穫今椰榆也其葉如榆其皮堅韌剝之長數尺可為繩索又可為甌帶其材

可為杯器

無折我樹杞

杞柳屬也生水旁樹如柳葉粗而白色木理微赤其材堅韌各本無此句故

今人以爲車轂今共北淇水旁魯國泰山汶水邊純杞也太平御覽初學記

其下維穀

穀幽州人謂之穀桑或曰楮桑荆揚交廣謂之穀詩鶴鳴疏引作中州人謂

之楮桑殷中宗時桑穀共生是也引詩緝今江南人績其皮以爲布又持以

爲紙謂之穀皮紙長數丈潔白光輝引詩緝其裏甚好其葉初生可以爲茹

榛桔濟濟

楮其形似荆而赤莖似著詩釋文引作木莖似上黨人織以爲斗筲箱器釋

文韻會又揉以爲釵引詩疏釋文詩緝兩雅翼韻會故上黨人調問婦人欲

買楮否曰窻下自有黃土問買釵否曰山中自有楮

揚之水不流束蒲

椒柳有兩種皮正青者曰小楊其一種皮紅各本此下多正白二字者曰大

揚其葉皆長廣似柳葉皆可以爲箭幹故春秋傳曰董澤之蒲可勝既乎今

人以爲箕籩之楊也

椒聊之實

椒聊聊語助也椒樹似茱萸其鍼刺莖葉堅而滑澤蜀人作茶吳人作茗皆

合煮其葉以爲膏今成臬諸山間有椒謂之竹葉椒其樹亦如蜀椒少毒熱  
不中合藥也可著飲食中又用蒸雞豚最佳香香丁本作各據爾雅引及毛改東海  
諸島上亦有椒樹枝葉相似子長而不圓甚香其味似橘皮島上靈鹿食此  
椒葉其肉自然作椒橘香也

山有苞櫟

苞櫟秦人謂柞櫟名本無此字據詩緝爾雅引補爲櫟河內人謂木蓼爲櫟木丁

木爲即椽斗也言有棟彙自裹各木無上十字據詩緝引肅椒檄之屬也其子房生爲棟

木蓼子亦房牛故說者或曰柞櫟或曰木蓼也爲以此秦詩也宜從其方  
土之言柞櫟是也爾雅疏解雅彙引補正東海及徐州謂之木蓮其葉始

生食之味辛其椽子八月中成摶以爲燭明如胡麻燭研以爲糞肥如胡麻

糞各本無東海以下

六月食鬱及奠王丁本無六月



鬱其樹高五六尺其實大如李色正赤齊民要術注引作正赤甘要色丁本無正字毛本有食之甘術引

作菓櫻莫實大如龍眼黑色今車鞅藤實是各本無莫櫻莫以下文據要術注引補

親栗屬也各本本作榛據玉燭寶典十一引其字或為木榛各本無此句據

要術引作或有兩種一種樹大小皮葉皆如栗各本其一種之皮葉皆如

所謂從木其子小形似籽子表皮黑各本無上三字據詩味亦如栗所謂樹

之榛栗者也其謂此三字其一種枝莖如木蓼各本及實典引改

李各本無此字據藜生高丈餘各本無字其殼如李殼中玉如李子玉各

無其殼以下文作胡桃味膏煨益美亦可食噉各本無上八字據實典引補

漁陽遼東代郡上黨皆饒各本奪漁陽代郡四字據實典引其枝莖可生熟

如蕪燭明而無燭者代之各本無上十六字據實典引補山有榛之榛枝

葉似栗樹子似橡子味似栗甜莖可以為燭各方皆有栗周秦吳揚特饒吳

本草綱目卷之六

一覽 藥部 果屬 栗

越被城表裏皆栗唯漁陽范陽栗甜美長味

漁陽類證本草引作淡陽初學記爾雅吳淑事類賦引及

本陽

他方者悉不及也倭韓國諸島上栗大如雞子亦短味不美桂陽有莘

栗藪生大如杼予中仁

杼類證本草引作杏

皮子形色與栗無異也但差小耳又有與

栗皆與栗同子圓而細或云即莘也今此惟江湖有之又有半栗作栗其實

更小而木與栗不殊但春生夏花秋實冬枯為異耳

### 標有梅

梅杏類也樹及葉皆如杏而黑耳實赤似杏而酸亦生噉也

初學記羹類引作不可生噉

煮而食各上十二字據要術引補

曝乾為腊置羹臠齋中

宜丁本誤作齊

又可含以香口亦螢藏

而食

各本無上五字據要術引補

### 蔽芾甘棠

甘棠今棠梨一名杜梨赤棠也與白棠同耳但子有赤白美惡子白色為白

棠甘棠也少酢滑美赤棠子澀而酢無味俗語云澀如杜是也赤棠木理韌

亦可以作弓幹

唐棣之華

唐棣馬季長云

各本無上四字據玉燭寶典六及詩緝引補

與李也一名爵梅

各本及埤雅引均作符梅寶典引作

鬱甚即符

今人或謂之鬱幽詩云食鬱及奠

各本無上十三字據寶典引改

或謂之車下李

各本及埤雅引作一曰車下李詩緝引作一名車下

所在山澤皆有

澤各本作中據寶典引改

其花有赤有

白

各本及埤雅引作或高者不過四尺

各本無此句據寶典引改

子六月中熟

有熟丁本作成實據爾雅釋木疏寶典引及毛本改

大如小李

各本不作大如李子可食據寶典引改

正赤有甜有酸率多

澀少有美者復似一類名有不同或當家園及山澤所生小異耳

各本無正赤以下文

據寶典引增齊民要術引又有承花者曰募其實似櫻桃莫麥時熟食美北方呼之林思也二十三字各本並無

隲有樹

棧一名赤羅

羅爾雅釋木疏引作蘿

一名山梨也

各本無也字詩晨風疏爾雅疏引有

今人謂之楊棧其

實如梨但實甘小異耳

詩爾雅疏引作實如梨但小而酸耳詩緝引作實如梨但小而酸耳

一名鹿梨一名鼠梨

齊郡廣饒縣堯山魯國河內共北山中有令人亦種之極有脆美者亦如梨之美者

南山有枸南山王本誤作北山

枸樹山木其樹如櫨一名枸骨高大如白楊所在山中皆有理白可為啣及

櫨各本無上二字據組會注引補板枝柯不直有子著枝端各本無有字據詩南山有萃疏言民要術引補大如指

長數寸噉之甘美如飴八九月熟江南特美各本無有字據詩南山有萃疏言民要術引補今官園種之謂之

木蜜蜜丁本誤作密古語云枳枸來巢爾雅翼引作枳枸來巢言其味甘故飛鳥慕而巢之本

從南方來要術引作江南來能令酒味薄若以為屋柱則一室之酒皆薄七字詩緝引作一室

內之酒皆少味也

顏如舜華

舜一名木槿一名櫬一名曰榘一名曰及各本無此句據玉燭寶典五引補齊魯之間謂之

干蒸今朝生暮落者是也五日始生華各本無生字故月令仲夏木槿榮至

莫輒落明日一復生如此至八月乃爲子如葵子大華可蒸齋爲茹滑美如  
莖亦可苦酒淹食

各本無至莫輒落以下文據寶典引補

采茶薪樗

樗樹及皮皆似漆青色耳其葉臭

唯筍及蒲

筍竹萌也皆四月生唯巴竹筍八月九月生始出地長數寸以苦酒鼓汁

浸之可以就酒及食

投我以木瓜

毛王本無此條丁本要術注引補

楸葉似柰實葉似小瓜黃似著粉者欲噉者截著熟灰中令萎薦淨洗以苦  
酒鼓汁蜜之可案酒食密封藏百日乃食之甚美

隰有榆

各本無此條據詩緝引補

榆白粉也

毛詩草木鳥獸蟲魚疏

電報印書局承印

毛詩草木鳥獸蟲魚疏卷上畢

毛詩草木鳥獸蟲魚疏卷下

吳太子中庶子烏程令吳郡陸機元恪撰

鳳凰子飛

雄曰鳳雌曰凰其雛名鸞鷟或曰鳳皇初學記引補一名鸞鷟一名鷟各本

列雌曰皇句下今依初學記引列此文義方治其形鴻前鹿後蛇頸魚尾龍身燕頤雞喙首戴德頸

揭義背負仁翼挾信心抱忠足履正尾繫武非梧桐不棲非竹實不食朝鳴

日發明晝鳴日上翔夕鳴日滿昌昏鳴日固常夜鳴日保長得其屢象之一

則過之二則翔之三則集之四則春秋居之五則沒身居之據爾雅釋文曰各本僅鳳雄曰

鳳雌曰皇其雛為鸞鷟或曰鳳皇一名鷟非梧桐不棲非竹實不食二十九字毛本非竹實不食下多非醴泉不飲五字

鶴鳴于九臯

鶴形狀大如鵝長初學記引及丁本此下多脚青翼翼初學記太平御覽引

鳴疏春秋左傳疏引改高三尺餘赤頂赤目左傳疏引作赤頰赤目喙長四寸餘丁本

卷下

一

三尺一作多純白亦有蒼色亦詩左傳或蒼色者今人謂之赤頰各本無今字即常

夜半鳴故淮南子曰五字各本傳淮南子雞知將旦鶴知夜半其鳴高亮

學記引聞八九里離者聲差下初學記御覽引作今吳人園囿中及士大夫

家皆養之雞鳴時亦鳴

鸛鳴于垤

鸛鸛雀也似鴻而大引鴻韻會長頸赤喙白身黑尾翅樹上作巢大如車輪卵

如三升杯望見人按其子令伏徑舍去一名負釜一名黑尻一名背窻一名

阜裙好水將陰雨則鳴各本無上七字又泥其巢一旁為池含水滿之取魚

置池中稍稍以食其雛若殺其子則一村致旱災

馱彼晨風

晨風一名鷗似鷗青黃色燕頰鈎喙嚮風搖翅乃因風飛急疾擊鳩鴿燕雀食之



歛彼飛隼

隼鷓屬也齊人謂之擊征或謂之題肩或謂之雀鷹春化為布穀者是也此屬數種皆為隼

有集維鷓

鷓微小於翟也走而且鳴曰鷓鷓引作首鷓然其色如雌雉尾如雉尾

而長其頭上有肉冠冠上彙毛長數寸如雄雉尾角也各本無上三字據詩有其尾長三字據詩

緝引其肉甚美各本無其字故林慮山下人語曰林慮爾雅釋鳥疏引作林

四足之美有照兩足之美有鷓照者似鹿而小也各本無也字

關關雉鳴

雉鳴大小如鷓各本作鷓據詩關雉爾雅疏及詩緝爾雅翼引改深目目上骨露出幽州人謂之

鷓作鷓丁本楊雄許慎皆曰白鷓似鷹尾上白各本無上十三字據詩爾雅疏及爾雅翼韻會引補

鷓鳴在桑

鳴鳩鵲今梁宋之間謂布穀爲鵲鵲一名擊穀一名桑鳩按鳴鳩有均一之德飲其子丁本條上三字釋文引及毛本有且從上而下莫從下而上均下如一

宛彼鳴鳩

鵲鳩斑鳩也

各本及準雅詩經引作一名斑鳩據爾雅釋文引改

桂陽人謂之斑佳

各本無此句解釋文引有

似

鵲鳩而大項有繡文斑然

此詩句各本列今雲南鳥句上繡詩經引列此文義較洽

鵲鳩灰色無繡領陰

則并逐其匹晴則呼之語曰天將雨鳩逐婦是也今雲南鳥大如鳩而黃啼

鳴相呼不同集謂金鳥或云黃當爲鳩聲轉故多移也

今雲南以下文毛王本同丁本作今雲南

鳥大如鳩而黃當爲鳩聲轉故名移也中書十四字

又云鳴鳩一名爽又云是鷓

翩翩者鷓

鷓其夫不

各本條上二字據詩釋文引補

今小鳩也一名鷓鳩

鷓釋文引作浮

幽州人或謂之鷓鷓

梁宋之間謂之鷓揚州人亦然

春令在原

脊令水鳥一名渠梁各本無上六字大如鷓鴣雀長脚長尾尖喙背上青灰色

灰兩雅釋鳥腹下白頸下黑如連錢故杜陽人謂之連錢各本及韻會引作杜陽御覽引作杜

黃鳥于飛

黃鳥黃鸝留也或謂之黃栗留也栗詩葛覃疏引作栗又幽州人謂之黃鴛

豐時疏成謂之黃鳥一名倉庚一名商庚一名鷩黃一名楚雀齊人謂之搏

黍關西謂之黃鳥此黃鳥詩緝引作鷩黃韻會引作鷩黃毛本當其熟時來在

桑間當爾雅釋鳥疏玉燭寶典八引作常太故里語曰黃栗留看我麥黃甚

熟不實丁本奪不字據通志亦是應節趨時之鳥也詩疏引毛本補自此以下

詩言黃鳥皆是也各本無此句或謂之黃袍

鷓鴣鷓鴣王丁本正

鷓鴣似黃雀而小其喙尖如錐取茅莠為巢巢爾雅釋鳥似麻紮之如刺機

然縣著樹枝或一房或二房幽州人謂之鷓鴣或曰巧婦或曰女匠關東謂之工雀或謂之過羸關西謂之桑飛或謂之縹雀或曰巧女

### 交交桑扈

桑扈青翠也

春秋左傳疏引作竊脂青雀

好竊人脯肉脂及筋中膏

王本脫冑中二字據爾雅釋鳥故引及毛

本故曰竊脂

左傳疏引作故以名竊脂也

### 弊允彼桃蟲

桃蟲今鷓鴣是也微小于黃雀其雛化而為鷓故俗語鷓鴣生鷓言始小終

大者始為桃蟲長大而為鷓鴣鷓小鳥而生鷓鴣者也

各本無上二十八字據詩小雅疏爾

雅釋鳥疏引補

或曰布穀生子鷓鴣養之

各本無上十字據太平御覽引補

### 值其鷺羽

王本作振鷺于飛今正

鷺水鳥也好而潔白故汝陽謂之白鳥

通志引作鷺

齊魯之間謂之舂鉏遼東樂

浪卓揚人皆謂之白鷺大小如鷓

鷓太不御覽引作鷓倭刻唐釋蘇琳一切經音義八引作鷓

青脚高七

八寸尾如鴈尾喙長三寸餘毛本無餘字據一切經音義引補丁本作許頭上有長毛十數枚各本

無長字爾雅釋鳥疏引有長尺餘一切經音義引作頂及背毳毳然與衆毛異甚好將欲

取魚辟則弭之今吳人亦養焉好羣飛鳴楚威王時有朱鷺合肖飛翔而來舞則復有赤者舊鼓吹朱鷺曲是也然則鳥名白鷺赤者少耳此舞所持持

其白羽也

維鵜在梁

鵜水鳥許慎曰鵜鵠也一名汙澤一名淘河各本無上四字據太平御覽引補形如鵠而極

大鵜詩侯人疏引作鵠爾雅釋鳥疏詩緝引作鵠其鳴自呼各本無此句據詩緝引補喙長尺餘直而廣口中正

赤頰下胡大如數升囊好羣飛若小澤中有魚便羣共抒水滿其胡而棄之令水竭盡魚在陸地乃共食之故曰淘河

鴻飛遵渚

鴻鵠羽毛光澤純白似鶴而大長頸肉美如雁又有小鴻大小如鳧色亦白

手... 卷四

今人直謂鴻也

鳧與雁

此條丁本列在木據毛本列此

鳧大小如鴨

通志弄

青灰色

各本無灰字通志引有

卑脚短喙水鳥之謹愿者也

蕭蕭鵙羽

鵙鳥似鷓而虎文連蹊性不樹止樹止則為苦故以喻君子從征役為危苦也

翻彼飛鵙

鵙大如斑鳩綠色惡聲之鳥也入人家凶賈誼所賦鵙鳥是也其肉甚美可為羹臠引詩嘉門疏又可為炙漢供御物各隨其時唯鵙冬夏常施之當詩疏引

尚作以其美故也

流離之子

流離臬也

鳥爾雅釋鳥疏引誤作尾

自關而西謂臬為流離其子適長大還食其母故張

矣云鶴鷄食母許慎曰梟不孝鳥是也

燕燕于飛各本無此條今據通志引補

燕齊人謂之乙

鶉之奔奔各本無此條今據韻引會補

鶉性澹不越積草能不亂其匹

麟之趾

麒麟者瑞獸也各本無上六字據慧琳一切經音義十一引補鬣身牛尾馬足黃色圓蹄一角角端

有肉一切經音義引此句音中錄呂本一切經音義韻會引及各行中規矩遊必

擇地詳而後處不履生蟲不踐生草不羣居不侶行不入陷窞入詩緝不權引作解

羅網王者至仁則出則詩緝引作乃今并州界有麟大小如鹿非瑞應麟也丁本無毛

本有詩緝引作非瑞應之麟故司馬相如子虛賦曰各本無子虛二字據詩緝引補射麋脚麟謂此麟也

于嗟乎騶虞

騶虞義獸也各本無上三字白虎黑文四字各本作即白虎也尾長於軀不

食生物不履生草帝王有德則見帝王丁本作君應德而至者也詩疏引作

釋文引作有至信之德則至

有熊有羆

熊能攀緣上高樹見人則顛倒自投地而下毛本無下字藝文類多穴

而蟄始春而出脂謂之熊白羆有黃羆有赤羆大於熊其脂如熊白而麓理

不如熊白美也

羔裘豹飾

豹赤豹毛赤而文黑謂之赤豹毛白而文黑謂之白豹

獻其貔皮

貔似虎或曰似熊一名執夷一名白狐其子為毅遼東人謂之白熊太平御覽引作

屬熊



狼跋其胡

狼牡名權牝名狼其子名微有力者名迅其鳴能小能大善為小兒號聲以

誘人

喻春秋左傳疏引誤作暗

去數十步

太平御覽引及各本步下有止字詩還疏爾雅釋獸疏左傳疏引無

其猛捷者按

雅疏引作健

人不能制雖善用兵者亦不能免也

免御覽引作克

其膏可煎和其皮可為裘

裘

母教揉升木

王丁本本作教揉升木據毛本正

狻獬猴也楚人謂之沐猴老者為猥長背者為狻狻之白腰者為獬胡獬胡

狻狻捕於狻狻其鳴噉噉而悲

野有死醫

毛王本無此條丁本據釋文引補

醫藥也青州人謂之麇詩緝引作青州謂之麇存秋傳云六麇興於前是也

駟駟牡馬

毛王本無此條丁本據釋文引補

牡馬隲馬也

卷下

六

一風星開靈昏甲能

一書漢印書局

### 有鱣有鱣

鱣出江海各本無鱣字據玉樹寶典十一 三月中從河下頭來上鱣身形

似龍說頭口在額下背文腹下皆有甲從廣四五尺四五尺寶典 今於盟津

東石磧上釣取之盟津寶典詩緝引作孟 大者千餘斤可蒸為臠詩緝引作

又可為鮮蘇詩疏引作鮮 其子可為醫各本無此字寶典詩緝引 鱣魚形似鱣而

色青黑頭小而尖似鐵兜笠口亦在額下丁本等亦字寶典詩 其甲可以磨

冀魯雅疏引作序是 大者不過七八尺益州人謂之鱣大者為王鱣小者為鱣鱣

一名鱣初學記引作一名鱣案作鱣是 肉色白味不如鱣也今東萊遼東人

謂之尉魚或謂之仲明魚仲明者樂浪尉也溺死海中化為此魚又河南鞏

縣東北崖上山腹有穴上爾雅疏引作二 舊說此穴與江湖通鱣從此穴而來北入

河西上龍門入漆沮故張衡賦云王鮪鮪居山穴為鮪謂此穴也

### 維魴及鱣

魴今伊洛濟潁魴魚也廣而薄肥恬而少肉肉各本改恬詩緝引作甜細鱗魚之美者漁陽泉州及遼東梁水王丁本太平御覽引作漁陽泉初魴特肥而厚尤美於中國魴故其鄉語云丁本脫云字毛本有居就糧聚水魴似魴厚而頭大魚之不美者故里語云網魚得鱖網御覽引作買不如嚼茹其頭尤大而肥者徐州人謂之鱖或謂之鱖幽州人謂之鴉鷄或謂之胡鱖

魚麗于罾魴禮

禮也王本無上三字詩緝引及毛本有似鯉頰狹而厚太平御覽引及王丁本似鯉魚句

下今據毛爾雅曰鱖魴也許慎以為鯉魚

九罭之魚鱖魴

鱖似鱖魚而鱗細於鱖也各本鱖作鯉太平御覽引作說赤眼多細文

魚麗于罾鱖魴

鱖一名黃揚各本及時魚賦疏引無今黃頰魚是也各本無上二字據似燕

頭魚身引詩形厚而長大王丁本無大字詩頰骨正黃土丁本考頰字詩

魚之大而有力解飛者徐州人謂之揚黃頰通語也王丁本卷上十一今江

東呼黃鯨魚亦名黃頰魚亦丁本尾微黃大者長尺七八寸許曰吹沙也似

鯽魚狹而小體圓而有黑點一名重唇筴紗常張口吹沙故曰吹沙各本無

詩疏  
引補

### 象弭魚服

魚服魚獸之皮也魚獸似豬東海有之一名魚狸其皮背上有斑文各本無

學記引有又背腹下純青今以為弓箭步又者也箭初學記其皮雖

乾燥以為弓韃矢服經年海水將潮及天將雨其毛皆起水潮還及天晴其毛復如故雖在數千里外可以知海水之潮氣相感應也

### 鼉鼓逢逢

鼉形似水蜥蜴各本無水字玉四足長丈餘生卵大如鵝卵甲如鏡甲甲作

燭寶典二引有

寶典引及  
王丁本改今合藥鼉魚甲是也藥丁本作樂誤其皮堅厚可以冒鼓釋文韻會引作皮堅厚宜冒鼓

成是貝錦

貝水中介蟲也龜鼈之屬大者為蚌小者為蚌蚌丁本作貝其文彩之異大小之

殊甚衆古者貨貝是也餘蚶黃為質蚌雅釋魚以白為文餘泉白為質黃

為文又有紫貝其白質如玉紫點為文皆行列相當其大者詩巷伯疏爾雅

字常有徑一尺小者七八寸詩疏引作常有徑一尺六七寸者今九真交附

以為橋盤寶物也寶史記百十七正義引及王本作寶

益斯羽各本無羽字今補

爾雅曰益蝮蟪也楊雄云春黍也幽州人謂之春箕春箕即春黍蝗類也長

而青長角丁本奪上二字爾雅釋蟲疏引及毛本有長股股鳴者也或謂似蝗而小斑黑各本無

下十二文僅青色黑斑四字據詩其股似玳瑁文左傳疏引作其股狀如玳瑁

五月中以兩股相搓作聲作切御覽引及各本作搓聞數十步江東人呼為

蚍蜉各本無此句  
據詩緝引補

啜啜草蟲

草豨常羊也一名負鑿各本無此句  
據釋文引補大小長短如蝗也丁本奪也字詩草豨  
疏爾雅釋蟲疏引有

釋文引如蝗下  
有而青二字奇音青色好在茅草中作聲各本無上二  
字詩緝引有

趨趨阜螽

阜螽蝗子蝗子太平御覽一切經音義引作蝗也又各本此下  
有一名負鑿句乃啜啜草蟲條下文錯列在此今刪今人謂蝗子

為螽子充州人謂之蝻丁本人下多亦字詩  
草蟲疏引及毛本無

六月莎雞振羽王丁本無六  
月字毛本有

莎雞如蝗而斑色毛翅數重其翅正赤丁本奪其字詩七月疏爾雅  
釋蟲疏埤雅引及毛本有或謂之

天雞六月中飛而振羽索索作聲幽州人謂之蒲錯各本奪人字詩爾  
雅疏爾雅翼引有今絡

緯是也各本無此句  
據詩緝引補

去其螟螣及其蟊賊

螟似好妨而頭不赤騰蝗也賊似桃李中蠹蟲各本無似字詩赤頭身長而

細耳或說云蝻螻蛄食苗心爲人害害爾雅釋蟲許慎云吏冥冥犯法即生

螟冥冥王丁本作吏乞貸則生蠶吏祇冒取人財則生蝻本改人爾雅疏引

民舊說云螟騰蝻賊字毛本有一種蟲也如言寇賊奸宄內外言之耳故捷

爲文學曰此四種蟲皆蝗也實不同故分別釋之各本及詩大田疏爾雅疏

有疏引

螟蛉有子螺贏負之王丁本無螺贏負之句毛本有

螟蛉者捷爲文學曰桑上小青蟲也似步屈其色青而細小或在草萊上各本無此句據慧琳一

宛疏爾雅釋蟲疏引作菜今螺贏所負爲子者是也各本無此句據慧琳一

續音義螺贏土蜂也引作蝻誤一名蒲盧一切經音義續音似蜂而小腰故

許慎云細腰也引細腰下有蜂字取桑蟲負之於木空中引作拊或書

簡筆寄中七日而化爲其子里語曰呪云象我象我

下

七

一

蟋蟀在堂

蟋蟀似蝗而小正黑有光澤如漆有角翅一名蛭一名蜻列女傳引作青楚

人謂之王孫幽州人謂之趣絨趣謂玉國寶典六引時督促之言也里語曰

趣絨鳴趣詩緝引作促各本作趣絨爾雅疏詁會引改嬾婦驚是也

蟋蟀之羽

蟋蟀方土語也通謂之渠略似甲蟲有角大如指長三四寸甲下有翅能飛

夏月陰雨時地中出今人燒炙啜之燒太平御覽引作啜美如蟬也燮光曰是糞中蠅

蟲隨雨而出詩蟋蟀爾雅釋蟲疏引作燮光謂之糞中蠅蟲隨陰雨時為之朝生而夕死

如蜎如蜩

鳴蜎蟬也宋衛謂之蜎御覽引蜎下有唐字陳鄭云蜎海岱之間謂之蟬蟬通語也蜩

蟬之大而黑色者有五德文清廉儉信一名蜎切一名蚘蜎會引蜎青徐謂

之蜎蜎楚人謂之蜎蜎會引作名秦燕謂之蜎蚘蜎會引及丁本作蜎誤



伊威在室

伊威一名委黍一名鼠婦在壁根下甕器底各本無器字爾雅釋蟲疏引有土中生似白魚者是也

蠨蛸在戶

蠨蛸長跼亦名長脚丁本爾雅釋蟲疏引及荊州河內人謂之喜母母太平御覽引作子

此蟲來著人衣常有親客至當丁本誤作滯有喜也幽州人謂之親客亦如蜘蛛為

網羅居之丁本蘇為字詩東山疏爾雅疏御覽引及毛本有

碩鼠

樊光謂即爾雅鼯鼠也許慎云鼯鼠九技鼠也今河東有大鼠能人立交前

兩脚于頸上跳舞善鳴疏引作號食人禾苗人逐則走入樹空中樹空丁本作空

樹據詩碩鼠疏爾雅疏引及毛本改亦有五技或謂之雀鼠其形大故序云大鼠也魏國今河

東河北縣是也各本無國字詩疏時緝引有詩言其方物宜謂此鼠非鼯鼠也太平御覽引作非今

之鼠也子本作非今大鼠又不食禾苗本草又謂蟻姑為石鼠亦五技古今

方十名鳥物異名同故異也引作記

為鬼為域丁本誤作

蜺短弧也五詩何人斯疏引及各本作孤春秋左傳疏引作孤漢書

有之人在岸上影見水中爾雅翼及左傳疏引見射影也南方人將入水先以瓦石投水中令水濁然後入或曰含沙射人入

人肌人肌左傳疏引作度肌其創如疥

卷髮如蠶

蠶一名杜伯河內謂之蚊幽州謂之蠶

胡為虺蜴

虺蜴一名蝮蝮水蜴也丁本無水字太平或謂之蜺蜺或謂之蛇醫如蜺蜴

丁本無水字太平

或謂之蜺蜺或謂之蛇醫如蜺蜴

或謂之蜺蜺或謂之蛇醫如蜺蜴

青綠色大如指形狀可惡

頰如蝥蟥

蝥蟥御覽引及丁本作  
姁蟥毛本作蝥蟥

生糞中爾雅曰丁本奪曰蝥蟥蟥也蝥蟥蝥也

魯詩

申公培魯人少事齊人浮丘伯受詩為楚王太子戊傅及戊立為王胥靡申

公申公媿之歸魯以詩經為訓以教無傳疑者則缺弗傳各本奪上五字文  
支離不可讀案陸

氏此文與漢書儒林傳所叙正同  
今據漢書補此五字文義方洽是為魯詩於是蘭陵王臧代趙綰皆從申

公受學臧為郎中令綰為御史大夫皆以明堂事自殺其他弟子如同郡臨

淮太守孔安國膠西內史周霸城陽內史夏寬東海太守碭魯賜長沙內史

蘭陵繆生膠西中尉徐偃膠東內史鄒人闕門慶忌治官皆有廉節稱申公

卒瑕丘江公盡能傳之以授魯許生免中徐公而韋賢治詩事江公許生至

丞相傅子玄成亦至丞相及兄子賞以詩授哀帝至大司馬由是魯詩有章

氏學而東平王式以事徐公許生爲昌邑王師其後山陽張長安東平唐長  
賓沛褚少孫亦先後事式爲博士由是又有張君褚氏之學張生兄子游卿  
以詩授元帝爲諫大夫其門人琅琊王扶爲泗水中尉陳留許晏爲博士由  
是張家更有許氏學初薛廣德亦事王式以博士論石渠授龔舍廣德至御  
史大夫舍至山陽太守時平原高嘉亦以詩授元帝爲上谷太守傅子容少  
爲光祿大夫孫詡以父任爲郎中以世傳魯詩知名王莽時逃去不仕又有  
曲阿包咸師事博士右師細君習魯詩亦去歸鄉里世祖即位徵詡爲博士  
至大司農咸舉孝廉除郎中至大鴻臚永平初任城魏應亦以習魯詩爲博  
士徵拜騎都尉卒於官

齊詩

轅固生齊人以治詩孝景時爲博士竇太后好老子書召問固曰此家人言  
耳太后怒令固刺筮帝憐之以利兵與固筮應手倒後帝以固廉直拜爲清

河王太傅固老罷歸已九十餘矣公孫弘亦事固授昌邑太傅夏侯始昌始昌授東海剡人后蒼蒼爲博士至少府蒼授諫大夫翼奉前將軍蕭望之丞相匡衡授大司空琅邪師丹高密太傅伏理詹事潁川滿昌由是齊詩有翼匡師伏之學滿昌又授九江張邯琅邪皮容皆至大官其後伏黯傳理家學改定章句作解說九篇位至光祿勳以授嗣子恭恭以黯任爲郎永平中拜司空恭刪黜章句定爲二十萬言年九十卒又蜀郡任末廣漢景翬皆以明習齊詩教授著述而卒

韓詩

韓嬰燕人景帝時爲常山太傅嬰推詩之意而作內外傳其言頗與齊魯間殊淮南賁生受之燕趙間言詩者由韓生河內趙子事嬰授同國蔡誼誼至丞相誼授同國食子公與王吉爲昌邑王中尉食生爲博士授泰山豐吉吉授淄川長孫順順爲博士豐爲部刺史由是韓詩有王食長孫之學豐授山

陽張順授東海髮福皆至大官建武初博士淮陽薛漢傳父業尤善說災異  
讖緯受詔定圖讖當世言詩推爲長後爲千乘太守坐事下獄死弟子擬爲  
杜撫會稽澹臺敬伯鉅鹿韓伯高最知名撫定韓詩章句建初中爲公車令  
卒官其所作詩題約義通學者傳之曰杜君注撫授會稽趙曄舉有道時  
又有光祿勳九江召馴聞中令巴郡揚仁山陽張匡皆習韓詩匡爲作章句  
舉有道徵博士不就

毛詩

孔子刪詩授卜商商爲之序以授魯人曾申毛詩作魯身申字丁本無此授魏  
人李克克授魯人孟仲子仲子授根牟子根牟字丁本有授趙人荀卿  
荀卿授魯國毛亨亨字古通亨作詁訓傳以授趙國毛萇時人謂亨爲大  
毛公萇爲小毛公以其所傳故名其詩曰毛詩萇爲河間獻王博士授同國  
貫長卿長卿授阿武令解延年延年授徐敖教授九江陳俠爲新莽講學大

夫由是言毛詩者本之徐敖時九江謝曼卿亦善毛詩乃爲其訓東海衛宏從曼卿授學因作毛詩序得風雅之旨世祖以爲議郎濟南徐巡師事宏亦以儒顯其後鄭衆賈逵傳毛詩馬融作毛詩傳鄭玄作毛詩箋然魯齊韓詩三氏皆立博士惟毛詩不立博士耳

毛詩草木鳥獸魚疏



羅崙游賞

小志

署蘇寶壺



小  
册  
讲  
解  
每  
册  
一  
元



蘿菴游賞小志

番禺沈氏晨風閣校刊

會稽李慈銘純客

柯山下俯鑑湖湖之南有山特起高與柯等而上沃多桃李廣長俱不及半里特深秀濃致山半有石疊起人鑿級爲路巨山之腹而坳焉有僧寺臨其上則蘿菴焉菴屋不過十餘間後有竹岡大數十畝竹之隙可以窺山後諸村寺僧善種花牡丹高十餘尺山茶一樹可得百餘花皆大如椀寺門左攬大湖湖光直射寺右俯桃花林口值山之小峯林木蒼茂蓋最一山之勝者也予於咸豐甲寅之春養疴於庵之黃葉院山中之景之色之聲無不鑿也朝莫晴雨之變無不悉也是可以名平生之賞矣同治壬戌客居京師涕淚幽憂中間取昔來游賞之事一一志之冀假虛漚以沫枯魚設寓食以起餓隸後有覽者不其悲乎烏呼自幼而壯遊之事可盡也一石一水一樹一卉隨所記憶略詮次之名以蘿菴在予之遊賞惟蘿菴爲可名也菴老自序

道光庚子予年十二歲秋日先司馬公挈之遊皋步吼山將入山竹樹翁翳  
山石深懸天光水色枯合一綠巨巖壓前森阻無路舟從林隙蛇曲而進數  
折則洞門豁然若神啓焉舟劣得入數武有一奇石白山突起半空側蔭於  
水摩舟而過黑影嶄嶄嘆爲險絕岩口登岸有樓翼然臨之前明陶文簡公  
讀書處也予時不知文簡爲何人登其樓疎敞軒舉天光朗然顧穆然有  
清風仰止之思焉先君子竹村公題詩壁間其一聯云雅有清名在國本微  
嗟禪學累宗風抑揚蘊藉可謂盡石簣一生矣惟記一寺在高處前有泉窪  
然一泓寒若古鑑司馬公手掬之以洗予目清涼沁人寺後有石柱二皆斧  
鑿所餘者削立百仞對起若峙其有頭陀巢其顛飲食皆以修綆上下之  
聞其不出巢三十餘年矣午飲於巖下一廣軒中忽水際有聲蹙蹙逾頃始  
定坐客或言魚躍或言石墜先君子賦詩云潭深匿石根空山響魚躍一坐  
嘆絕歸舟中司馬公紀遊詩聲字韻云四山樹合添雲色半壁泉飛作雨聲

先君子和云竹磴陰時攬石氣雲梁斷處落鐘聲予追和云僧宿雲尖分鳥  
地鹿穿竹罅導泉聲咏花明禪院云一徑雲香鋤藥影半房山色誦經聲  
庚子春日全家至木客山掃墓道出偏門外時春事正盛村落如繡見一人  
家屋宇極新好門前宅左皆臨湖宅後護青竹短籬籬內對植碧桃垂柳各  
一萼艷絕塵適權人以事停舟先大母因命僕媪輩携予及薛氏外妹往遊  
焉叩籬門入其家人皆笑延之徑登其堂堂之左右兩廂皆翼以紅欄而流  
水繞之水邊娟篠十餘竿庭中鍊幹海棠夜合花各十本時馬纓猶未作花  
越中此樹及西府海棠頗少予此次猶初見也後十五年乙卯二月相地塘  
南渚村偶至一處村舍陂湖宛如鏡地而重門深閉籬落竹樹不可復識惟  
見牆缺綠陰一角映帶湖光山色漸已因賦一絕云重門寂寂鎖春風携手  
前遊似夢中恰是粉牆低處見鳴桃竹裏試花紅

幼時每歲春中全家至滴渚山掃墓是日必先至亭山先王父殯宮故西偏

村落環繞殆徧錦繡細樂徐行畫圖中望者以爲神仙中人瀟渚山多桃花  
奴婢多折取之一日回舟至三山前時薄暮風雨斜作予所居舟以有客須  
經偏門因溯快閣直上而他舟皆進鍾堰去望之煙雨空濛畫船散綴烏篷  
青幌如在霧中船頭桃花滿束漸遠漸明此景迄今二十餘年思之猶在目  
前也自壬寅大母見背後戚屬漸散上河風景非復褻觀矣予撰秋夢樂府  
有云全家畫舸東風軟及滴滴花兜團扇滿雙雙燕繡生衣蒨又云水裏青  
春畫裏青山回頭天上神仙眷誦之輒至低徊欲絕云

辛丑八月宣宗六旬萬壽越中張燈特盛時太平日久海內富樂越人漸習  
華侈與蘇杭埒極力繪日月之光報功德之盛城中江橋筆飛坊至東昌坊  
大街十里廛肆鱗櫛各出燈樣以工巧相尙鸞迴鶴聳雲實日華又盡出奇  
器寶物青鼎綠彝玉屏珠簾以及古書名畫珍禽異獸瑰草奇花之屬無不  
護以欄柵夾道列觀入夜則星火漸繁笙歌迭起而各寺廟中復結綵臺舞

樹標雲轟雷敷金散絕絳天百仞繁耀綴空遊人多飾香車寶馬一片光明  
錦繡中釵鈿咽衢掛襦薰巷真謝康樂所謂路曜便娟肆列竊窕者予時與  
諸弟各以健僕一人肩之而遊每過一肆主肆者輒抱入欄內爭進茶果至  
三更而歸蓋吾越繁盛之觀極於此矣至九月英夷陷甯波犯餘姚越人會  
皇四遁久而始定自後乙巳十月孝和睿皇后七旬萬壽慶節鐙事已減曩  
時再至庚申六月文宗三旬萬壽則越中已爲賊所擾烽火危急不能復舉  
此議而予亦已客京師矣回首紅綉跳地之樂曷勝泫然

甲辰九月司馬公挈予至州山吳氏園看菊花主人吳百臺者少極饒販賣  
餅餌以爲生嗣爲關吏傭以勤謹爲吏所愛竟得代其職積資幾百萬金老  
而歸營居墅園亭極其華美喜賓客延禮文士蒔花釀酒尤好種菊畝園丁  
數人專司之購求佳種不遠千里花時則設重錦幔許人縱觀有能詩者卽  
出佳楮求品題侑以美酒是時年幾八十矣長齋奉佛間亦爲五七字句闕

司馬公至驥履出迎清談娓娓園中廳事四面環合其庭皆廣十餘畝列花  
四庭中重金疊紫高出檐外計至數十萬花多罕覩之本盆盜清潔蔽以絳  
幔圍以錦欄地衣皆以紅錦華麗絕塵濃薰噴鼻如唐宋時洛陽人家賞牡  
丹也爾時曾以二絕句紀之久已刪去不復記丁未九月再侍司馬公往訪  
則主人已歿菊種盡枯破甕籬落闕無復問老圃秋色者矣司馬公賦詩  
云黃墟人已遠秋色爲誰來

甲辰十月侍司馬公遊蘭亭山水秀發朗然玉映有王謝子弟清華蘊藉之  
觀乃知右軍所取者其風流相似也其時事館已圯竹圃亦就荒惟林木條  
條拂風蔭水猶覺晉人吐屬去今不遠耳予時賦詩云佳稌未追三月事名  
山如見六朝人司馬公稱賞之徧示坐客下山時司馬公見予騎驢迴轡榮  
筵有自得之趣指謂客曰此子在驢背上頗有詩意

丁未九月再侍司馬公訪吳氏菊花花既無存主者導登其樓四面皆近山



環列是日小雨軟青沃翠簾几皆鮮山下臨溪列種水楊柳嵐氣濛合欄陰  
轉明蓋州山之得名者以此地四山廻合如一小州爲吾越之最勝處而吳  
氏宅又州山之最勝處也下舟至秋湖泊而飲酒秋湖在州山柯山之間左  
繞直步山右通湖塘紅樹滿堤傍山圍繞湖勢圓而水碧如古鑑焉雨聲漸  
緊秋色益奇蒼渾之中彌見清艷司馬公舉示坐客曰吾輩城居得山水之  
趣少間理遊楫必以好風日絕不知山水雨中之趣且春雨猶能領略從無  
有賞秋雨者今日此遊可不恨黃花落寞矣因賦詩有云小艇紅菱攬雨氣  
半山黃葉見風痕秋深野店多醅酒野熟人家早閉門并命予作詩卽呈二  
絕有云白舫青簾眞不負一尊秋賞雨中山又云翠滿湖菱紅滿樹此行原  
不爲花來

丁未十月從司馬公遊平水顯聖寺是日微陰山色澹然紅葉未脫繞寺竹  
陰曲折幾一里許青籬白澗暗泉徐鳴最爲佳境寺門林影參差萬山玉峙

鐘魚梵唄悠颺入雲寺中殿宇高潔僧房俱極爽塏殿左廂有塔藏佛牙相傳能放光云

戊申十月侍司馬公泛舟鑑湖往來魯墟三山間午泊杏賣橋飲遂侍登岸散步過畫橋憇一村奄田父漁叟多相隨從司馬公最愛紅樹嘗賦一絕句云鑑水家家多種柏稽山處處盡栽楓老來檢點閒風景霜滿江天樹放紅越人多能誦之晚年腰脚尙健甚而不喜爲笏鞶笻屐之遊多於江村浦舍間紅舄青衫悠然往返而三山畫橋尤近鄉佳處鴉相最多故每樂之忘歸焉陸放翁居魯墟（放翁家訓言先太傅在朝四十餘年晚歸魯墟舊廬一椽）其遊跡不出三山間集中近遊雜興諸詩此處作也杏賣橋亦取放翁詩爲名然深巷明朝賣杏花乃厲臨安時所作不當以名越地畫橋長數十丈闊丈餘兩邊白欄柱刻畫精工港瀆周匝村深隱紅樹萬行遠近無際湖中有山特起曰龜山形不甚高廣僅百畝上有石亭覆之三山之東爲陸賀

庄亦傳爲放翁居處蓋其諸子分宅今邑志訛爲麓河庄或曰綠荷高宗南  
巡嘗駐蹕其地建菱宮焉自三山西去爲壺觴村亦曰湖雙又曰湖桑祁忠  
惠越中園亭記以壺觴爲村庄絕秀處（忠惠著越郡名園記四卷近年邑  
人杜澂君煦爲之刊行中有壺觴爲山陰最佳處之語）

己酉九月初旬寓杭州遊靈隱山 卽虎林山唐時避諱改爲武林山舊圖  
經皆然有指杭城內一小山爲武林者誤 舟至金沙港登岸有一禪院院  
後水軒臨湖繞岸皆旱夫容花院僧賣藕粉絕佳山路甚平夾岸修竹古松  
石徑齒齒約六七里過南高峰北高峰是日天氣晴和鳥聲林影如在春中  
至靈隱寺門前一溪涓涓溪側冷泉亭山霏溪淥陰映如畫小憩亭上買素  
麪食之寺前茶檣酒旆飯戶餅家皆治蔬筍待客極香潔之味交易於巖光  
鐘唄中雖應接極忙而無囂塵喧雜之苦蓋山林之韻勝之也立對飛來峰  
踴青躡翠意象不窮烟霞之光頃刻百變因遊一線天呼猿洞諸勝惜峯石

俱遺楊髡鑄鑿胡佛髻肇徧於洞壑爲可厭耳冷泉亭唐時在大溪中今溪  
狹如帶僅能隔峯畋焉寺宇極高廣歷遊其羅漢殿轉輪殿寺僧將迎甚恭  
於丈室進茶果皆鮮美出寺復遊飛來峯比下山已見斜陽帆影雲棲歛飯  
僧歸矣下舟絕湖至對岸飯於五柳居吃醋燒魚甚美殆宋五嫂魚羹遺法  
也予登冷泉亭賦詩有山翠撲寺來亭光適爲接十字全首已刪去嗣於癸  
丑之春更足成之存甲集中又效太白體賦飛來峯七言古風一章亦刪去  
是月中旬侍司馬公泛西湖至淨慈寺岳王墳蘇公祠聖因寺諸處又至湖  
心亭及三潭印月湖心亭攬全湖之勝四面皆窗湖圓合如鏡亭欄檻已欹  
動梯亦危仄三潭印月則亭舍已空欄柱間有存者潭鼎峙湖中刻畫天然  
空明無底荇藻交互碧影若浮惜不於月夜觀之司馬公口占三絕云老戀  
西湖水前游已十年青山無限意凝待故人船面面環明鏡湖亭幾度登朱  
欄今亦老猶許白頭凭盡道湖如月空明一翠涵天心孤月在多事著三潭

舟中舉眎予曰詩中理雖淺要於老年得此徵語非口頭禪也予亦有紀遊五古五首久刪去

庚戌五月泛舟由徐山出麻陂灣至柯山所經村落皆吾鄉西偏之深秀者是日雨後薄陰重翻獻明曲港導隲樹陰夾岸田水四流梅里一尖翠出新類賦五律一章紀之有云隨村看稻葉沿水聽蟬聲詩久不存近年補作二絕云曲曲陂湖雨後行田居五月有餘清稻苗風裏欹篷坐手卷農書聽水聲梅里山尖眉翠新山村落樹爲鄰綠陰夾岸林塘午一路蟬聲不見人（辛亥重九日偕王孟調遊臥龍山麓遇周雪甌與其僮數十人飲詩渠夕陽山翠間相視大笑亦可紀也）

壬子二月西郭昌安門外各村社戲極盛蓋自己酉庚戌連歲大水庚戌兩遭夏秋之潦較已酉更大而成災辛亥遂爲樂歲故民間盛爲賽社以報之予每於薄暮讀書之暇蔬麥風起時與羣從輩小舟駛漿出沒於橋梁船

坊間遇有佳劇暫或駐觀社酒村豚逢著便吃嘗賦五律四首紀之亦都刪去僅記一首結聯云綠楊春一色誰信有荒村王孟調謂非放翁以下所能也（是年壬子四月司馬公見背歲餘無遊跡至癸丑九月始與孫子九周叔雲等舉社會於蘭亭予之比匪破家實始於此自是論世日刻讀書日浮競聲名習非議鄉之素望頓衰矣附記於此以戒後人勿干禁以結社勿違親以徇人也）

甲寅二月二十日予以羸疾避靜於柯山綠蘿僧院三舍弟從焉是日初時予挈一童一僕肩襆被書簾上山借寺之黃葉院以居時湖南山桃李盛開白雲養晴時鳥學哢嘉樹拭沐芳草荐新晚立石橋流水間花光夕陽艷映襟袂竊以爲神仙不過也

三月十五日友人邀赴武林尋春西子湖遂束裝別蘿菴時潁陽下山桃花淨盡綠陰漸成乳燕殘鶯點綴山翠徘徊渡口爲悵惘者久之賦買陂塘以

寄意云便年年仙源依舊天涯老盡崔護亂紅都向風前嫁憔悴空枝無主  
難遣處那樹上流鶯分付他何處傷情漫訴但嫩綠陰邊雨絲繚繞流水學  
人語 還記得鈿繡釵薰盈路枝頭紅萼齊吐傷春只有花同我回首都憐  
遲莫嗟我誤悔不勸啼鶉暫爲留春住知花怨否勝千萬垂楊和愁和恨泥  
我畫船渡填成時坐黃鸞鴨脚船扣絃歌之覺曉峯送恨夕浦歛愁時兩舍  
弟相從遂與擊鼓吹笛而歸山下居人觀者謂自季真放翁後當不見此風  
調也

三月二十二日客錢塘偕同輩兩人步出錢唐門游西湖小憩斷橋碧天劣  
晴韶晝初永靜水如語薄雲不峯寺呈林隙塔表烟際四山暝潮音在松  
六橋截陰湖光亂柳隨步履堤上涼綠畫人殘紅過屐至平湖秋月亭品茗  
俯欄而語水吐魚沫檻生霧沁仰面視天急雨已注遂促步至聖因寺雇舟  
僅留小舫兩三皆以迫暮不肯行乃冒沐而歸潮氣貫白巖霏劃青村瀑盡



飛浦絮忽裹菰蒲萬葉齊鳴樹間樓閣千層半入雲裏酒幔作波梵鐘接暮  
予笑謂友人曰此所謂晴湖不如雨湖也林淑納帆百十如鷺瓜艇持繳三  
兩若鷗俄頃兩齋整裳入城

次日再出泐金門坐舟至聖因寺茶於禪室出寺往游孤山歷放鶴亭巢居  
閣下山復吃茶於平湖秋月亭遇舊友陶某再過聖因寺時湖事未闌遊人  
尙盛暖箏細笛寶馬香車交織於山眉湖眼中予與諸子坐寺殿蒲團上新  
粧炫服照耀琳宮花散錦敷錯於掛屨覺湖上春光盡在吳娘襟上矣戲賦  
詩云衣香綈佛篆髮影滿經幢

次日復出錢唐門至望湖樓下看牡丹登樓清話湖水繞樓如相答問再遊  
聖因寺出詣高宗行宮抵六一泉覓歐公像不待茂草一區清流瀟瀟而已  
二十五日返至蕭山遊江寺祇園寺凌氏蘭園江寺旁有夢筆橋

二十七日輿社中諸子舉社會於州山吳氏園談讌甚盛予有句云園林詩



酒深春宴絲竹湖山一代人酒畢返舟詣柯山一路山色濃蔚林采晶碧夕陽晃晃金翠萬層是吾鄉山水中極著色畫也

四月初一日夜家慈與孫氏從姊禮佛諸山菴寺予與從弟楷別舟從行次晨抵西陵旭日未出也重霧不曉淺河欲潮烟柳兩行接纜皆白露風萬覺黏天失青早食後將遊湘湖以道不便而止乃溯下江行午後返經青化峯下倚舷濯足一路詠詩亂山突青曲水掬綠橋鎖仄港時通落花塔遂過颯若挾高樹危岸陡勒輒作峯勢長林隨轉忽見村影老柳支屋漁舟在門鳴機韻花舂杵隔竹俄而夕陽掛客涼波罨天已過夏漈橋鍾村諸處抵芷塘泊舟家慈將以詰朝登越王崢此爲水步也拭脚整襟登岸遊嘶溪狹環墅峰凹受江晚磬忽流暝柳將夢花氣十丈釀爲冥烟樓陰百尋絮以孤樹裴徊久之而返

次晨侍板輿登越王崢謁歐兜尊者道場平地行三里許梅林夾道綠陰如

甯仰行約五里起青伏翠磴繞溪環兩岸高松古栢中通石路一線盤陀直上山花異色綴滿高下宿露未晞晨旭百采山人謂予此地奇秀不可名狀今日多霧惜未能豁雙眼耳歐兜尊者靈跡甚著有短竹林斷尾魚皆尊者生時每食所棄筍膾也越人禱子尤有驗予生時大母曾禱於此故賦詩云丹嶂千尋幽眼明彩霞晴拂板輿行清溪石黛扶筇影翠磴雲花踏屐聲古竹鳥啼西子社平蕪馬跡故王城靈山來證瞿曇夢佛火蒲團似隔生山中有盤馬崗洗劍池皆勾踐以甲楯五千柄此時遺迹也日加已偕從弟各采松花斗許而歸

四月十二日興教寺上人澈凡舉玉版會同社赴之十餘人丈室就齋畢行散寺後竹圃時夕陽在山返映叢篁綠陰晚開十畝如鑑諸子或衣紫花布或著青道袍倚石藉草好風徐起雅枝嫩篠娟娟拂人

更十日梅天餽飢陰中偕孫子九社友茅畹生司訓程子實秀才沈瘳生外

弟遊登項里山平地行二里許四山環繞一溪盤迤平野中松樟數百株拔翠千尺與羣峯相錯峙昇巽行其下衣上縷縷生紫翠痕度溪橋經竹籬長僅半里尤碧潤翠鮮將至翠微寺則重崗隆起老樹交互未至寺百餘武兩作而歸經項王祠祠前古樟一樹大數百圍中空劣容三兩人又經清溪十八橋溪水淺僅蹄洶矣雨後返舟至壺觴村樹色睽睽莫能景狀望遠近山景與雲光相上下祁忠惠公越中園名記以壺觴爲山陰最佳處予謂此處村莊固秀惜太散漫不及湖塘之蒼最州山之蘊蓄喜其離城不十里隱而不僻可與清水閘並爭勝會耳王荊公詩云村落田園靜人家竹樹幽此爲得之

七月十四日偕王孟調泛舟東浦湖中梅後梅諸村暮抵柯山遊七星巖不  
到此兩月餘矣風亭月館漸有布置便覺山水竹樹亦次第改觀固居人之  
好事亦鄉土之承平沈休文所謂不蓄壤開水髮髡林澤者也回舟出村外

看晚霞抵丁港已月上矣至湖中大湖風起翦行甚駛出青湖看月尤快  
偕平子鼓棹詠崑蘇大江東去水調歌頭兩闕殊飄飄有吹臺遺世意也  
十月中偕孫子九遊瀉渚寶壽山欵寶壽寺在山之坳因峯爲址竹樹綠  
紅深翠若翳佛殿雷轟僧廊霧疏山門清涼聖境四字明季孝節先生余公  
增遠所題筆法古秀肖其高逸按邑志孝節先生有弟□國變後居瀉渚山  
寺中爲僧歛食每深夜行荒山鳴魚高誦或慟哭而歸終餉於死云或即居  
此寺故若水爲之書榜以誌因緣歟寺僧延入丈室進茶果數十品晦堂品  
乳冬籟蕭寥遇寂生元因寒悟淡空山色相豎拂了然寺側鐘樓高及百尺  
士人言蒲半一振四山若奔故百年來空懸不響久矣補偃寺僧送出門外  
時晚陰欲雪高松十數慄慄拂天古碧黝然若非人境子九徘徊久之謂極  
似武林韜光入門處也予有詩紀遊云凝冬入幽寺人與山氣深雀啣動松  
梵磨跡明苔陰言偕晦堂侶證此清涼心經簾掩茶夢蕭寥生衆音拄杖一

點背妙義誰能尋蒸飯誰能熟坐覺鍾魚沈出門雪將下慘慘空山林

四月初七日夜月甚好坐白華絳跏趺下施八尺簞試曼生壺啜上甗新焙  
茶花陰滿席與家人談鄉里故事晚風愴至在若近若遠宛已夏景矣人生  
隨事知足守分待時何有居心不淨者耶

初十日薄暮偕弟姪姻戚數人詣村中酒樓小飲凭窗望西偏巖峯茶望諸  
山夜色隱現水聲潺潺過樓下若勸其飲酬者酒家熟巨燭進杯行數巡忽  
已若醉隱几少寐聞行舟雅軋聲亦鄉居樂事也予生近市塵頗以衣冠自  
處蹤跡不入屠沽家今日思使我有身後名不如卽時一杯酒

十二日午臥大酣逾時起因至門首閒眺時積雨嫩晴萬綠怒出覺山水村  
郭一片大地俱不足供其發洩因悟人生到極得意時方是可憐

十八日午後驟晴天無粒雲蒼涼清快忽覺盡爲吾肺腑中所得急欲讀書  
以盡其趣時賓客滿座卽起謝曰君輩可去佳日難得且各掩幃共追斯情

客或曰此等佳日一年中亦數得之何爲自苦兼犯不情予曰佳日已難得所尤難得者吾今日之心之閒耳君既不去聽我語書

二十日邀同社七八人遊湖桑村清水圍壘釀村柯山寓山州山柯亭盡日而返舟中論山水予曰看曉色宜山看暝色宜水又論山陰會稽西邑山水優劣予曰山陰如美人會稽如名士

六月初七日坐舟至魯墟大湖忽雲合風雨驟至泊於涼網橋下四望諸山驅走烟霧間變滅萬狀碎旬所至惟見萬綠飛舞一白混茫而已頃許解維夕陽見西羣沐齊出濕雲失隊斷雨孤飛出青田湖則雲脚所屬石火隱隱莫名其處矣日崦嵫抵家

後二日傍晚偕兩弟及孳生赴柯山舟出青田湖看山際落霞直射水底百丈上下响轉錦采十里內外氣盡金光亘浦傳明接林散絳真奇觀也湖窮入小港一路樹多於山蟬多於樹環舟行送者天柱鵝鼻以下諸山歷歷見

暝烟起伏處梅里一尖忽近忽遠與三十里爲向背云

八月初二日客杭州下午雨霽借魯容生徐芸臺諸子出錢唐門湖水方溢買舟至湖南淨慈寺塔影接波寺綠在樹望蘇堤柳烟濃霽如春裏湖諸山亦倦沐作態予常論浙東山如嵇阮諸賢風神翛然塵外之外或面目古拙彌覺娥媚浙西如干謝子弟塵拂犢車流麗自喜雖取質清雅亦由修整爲多耳

後二日又至西子湖閘橋怒瀑奔騰下注如撞百石鐘心目爲眩少停步入昭慶寺緣裏湖山下折行出段家橋飲於平湖秋月亭歷蘇公祠品茗於祠後曲室名瀛州者故相阮文達所建也欄外荷花數百畝清芬掬人可望湖樓訪孤山放鶴亭山徑幽峭古綠盎然紅芙就零遺艷獨絕傍晚復回至段橋夕景忽明秋烟自媚湖葑洲樹沙鳥風颯蒼艷之中次第變滅遠山深際白氣如沍林宇隱然絕似吾鄉州山諸處也

八月十九日晴午出錢唐門入襄湖遊石佛寺佛約數十丈就山石爲之自頂及肩而止然莊嚴不及吾鄉下方寺高大不及柯山普照寺也寺亦荒圯有沁雪泉僧以泉煮茶酌客味不甚佳出登葛嶺過瑪瑙寺亦破屋數椽支欹山翠中而已望葛仙寺在嶺半不及遊下山買渡至西冷橋小飲於平湖秋月亭遂歷聖因寺六一泉至鳳林寺聽鐘聲吟詩擊木徘徊久之寺鄰李文襄祠欲入不得謁鄂王墓及廟將詣花神祠諸峰隱隱已暝色動矣乃返遊行宮小坐文瀾閣下出循外湖歸紀以二絕云破寺秋花瑪瑙泉湖光如雪塔如烟師匠蟬蟋俱零落留得寒山祀葛仙小隊笙歌載酒從兩行畫舫映芙蓉鳳林寺外斜陽路獨向松陰聽梵鐘

九月初一日甫自武林歸下午乘微雨後掉小舟訪族人於快閣出偏門山意親秋湖痕熨雨渺然一葉如見故人霜林竦竦已整頓雁天風景矣回首錢塘又不禁倡樓蕩婦之笑也



十一月十五日借雪甌平子凌晨坐簾昇登高盛山折至寶山謁宋六陵古木刁蕭丹碧間出惟阜陵有享殿思陵崇陵茂陵尙繚以土垣其徽宗祐陵理宗穆陵度宗紹陵及孟后攢宮不復可辨去崇陵數武有土隆起斷石之碑者仆其前蓋亦弓歛處也是日朝暄山氣溫霽而俯仰之際萬象森溢蓋自來陵寢被禍之慘無如楊髡事者賢如顯仁遭呂雉之污德若寶慶離五虎之殃而唐玉潛林霽山謝皋羽一流人其事與辭皆千古獨絕者予弔以短古一章平子讀之謂鬼語幽幽逼豎毛髮詩今存集中有云玉魚銀雁昏復朝朱鳥苦竹魂蕭蕭血淚一掬古不化夜夜風雨空山號尤爲孟調所激賞者也

是日下午坐舟至瓦窰頭借二子登岸行十餘里遡昌安門一路看會稽山恨若有速其步者過一村蒼坐水檻看風尤有意致立危橋上四望陶山在夕陽中一髻孌然紫翠縷起更遠更紅非畫工所能彷彿也入城聞戒珠寺

鐘矣

丙辰正月十三日日下昏後步至荷花蕩蕩側數十武得一小橋左顧有僧  
菴修竹百本望夕陽中山雪濃致融散至理內則逾時始歸適魯容生孫蓮  
士至遂酌茗茗與談雪理名論互出入夜不竟

二月十五日午陰有小雨數點庭前凌霄花開未盈十數新種小桃一樹乃  
盛放春紅至千百朵詢之瀉渚山人及柯山客俱云彼中桃李尙未含萼也  
而此樹僅三尺綽約新枝已離離著花滿矣臨風獨艷撫之卷然遂設几其  
側書影茶香相爲媿媚家人謂其有癡癖云

二十六日春晴初暖偕羣從泛舟至瀉湖舟行煙浦村橋杳深近顧西晷鸚  
哥渚山氣如花發正春暄極麗時也日午泊丹鳳皇山側一村菴前飲微醉  
登岸度石橋至隔湖緣堤行百餘步踞一小橋旁修竹數叢隱茅菴一椽路  
狹而窄往往逢人溪童牧子時側身過橋以留予坐臥地頽然自適煖風撲

水夕陽接樹青簾畫舫點綴鷗鷺難以簫鼓聲雖或不合節奏而悠揚波上  
自覺人物舟楫飄蕩有嬉春態耳

三月十八日清晨放船至漓渚適山人賽獄神鬧溢一市因坐石橋觀之旌  
旆幢葆幾周五里亦山鄉大觀也午飯後肩輿上山杜鵑花蔓絡山半隨折  
一枝無不娟絕可愛時值春夏之交鮮翠萬狀行五六里返坐山家杜姓者  
曾大父守墓戶也進茶果爲盡一器起行里許時正夕陽往來松陰中緣坡  
轉步輒入深際山下迎神者簫鼓時作往往見采旗出深綠間足爲巖壑添  
色薄暮下山復至市中閱鏡里許返舟山人送晚飯魚肉鵝鴨各數盃并餉  
酒極醇飯畢坐山下人家門首看迎燈約三里許夜半開船抵家五更

次日濕陰小雨偕杭州李試鶴山人及沈瘦生遊荆塘湖憩陳家墓湖狹而  
曲折繞至墓前圓轉若鏡重湖復映竹樹深鬱傍有茅屋兩間縛二巨竹爲  
橋通往來隱隱聞人笑語在水聲中水色深碧隔岸山倒影如綠玉一片不

可剖禽馨魚味官若相接心神清懷坐不能久而云

十一月望前一日偕蓮士及東陽程子實秀才櫂船出西郭門四十里至湖塘已日崦嵫矣時天氣暄甚如三月初解重衣登岸路入林深勢與山起重陰密秀掩其疎柯意行若冥暖翠可卽十餘武登一小嶺石溜急景徑蟠局塗松徑涼吹稍覺颯颯有秋意下俛大湖鏡徹十里烟光起滅近遠不常隔岸鱗瓦萬家比若列雉人煙竹樹涵於空明蓋所謂琉璃世界焉蓮士顧謂極似爲湖煙雨樓前惟略少風帆點綴予謂秀州道上何處覓一石一山此殆非相賞意耳逾時下山望山下數家依一古寺修竹屏翳晚靄往來雞犬柴門深隱蘿薜爲之行立歎羨登舟不三里至三家村王姓家予近議賃廡地也時月出林際枳籬蠅蝻翳映帶場圃竹陰霜葉微明積畦入室清華水石參差廣延十畝盜盜皆新稻香上人歎賓鷄黍芬臠食畢烹茶剝棗縱談田事二更始出門返舟月色如晝全湖景狀依約可盡仍迂道由柯橋溯盛聖

湖進西郭門至金斗橋上岸已覺清涼山寺曙鐘動矣同蓮士連臂踏月街  
陌晶晶光不可唾冬夜之月常苦爲寒氣所蒙今夕竟霽微雪表略無霜意  
蓋山水之興非得佳月不足助其清發也

十八日侍家慈坐舟至湖塘看新宅回權經柯山小泊卽行是日有風自南  
來頗大而撲面和善僮能解醒行大湖中坐船頭吹笛吟詩猶有紫裘少年  
意致自丁港至魯墟十里看夕陽木落山多稼收野闊鏡攝餘映天傾積光  
歸鳥行舟各極妍景而庫篷五兩中弟妹相隨山水映發婢煎葑葉童采蘋  
花又可爲閒居奉母人添一幅畫圖矣

丁巳二月既望後二日偕社友數輩遊南鎮時春事初盛正平生着屐時矣  
午刻抵禹廟下小憩碑廡間靈詭所區金碧森動是階肅象却繹攝觀卽上  
會稽山謁鎮祠香火漸稀遊跡蓋寡不禁相顧愴歎吾鄉山水富極寰中而  
民俗儉勤不事遊宴稍作點綴惟禹穴及蘭亭去城稍遠地亦稍僻遊者罕

及之禹廟既接武鎮祠又與壘峰連壤禱大士者無不假道於此往往與  
簾花寶馬擊鐙佩環筇屐錯雜於溪聲谷吹中觀放翁禹廟詩十里烟波明  
月夜萬人歌吹早鶯天花如上苑常成市酒似新烹不值錢蓋曰唐宋已然  
矣二十年來漸卽寥落然珠簾雀舫翠管銀鬕自東郭南門直際覆圖山下  
奪路據津無問烟水而紅亭松竹間茶檣釀戶餅師臙娘列坐待客下至陳  
百戲談九流寶寓花寓草寓人物者百貨盆湧地不容趾有衆中喟然搖首  
謂今昔頓殊者則一二白髮人也白烽煙滿江上聚軍百萬仰食浙人吾越  
遂承其敝加賦橫征殆無虛月又因之以旱蝗賊盜民力竭矣遂令勝地蕭  
寥變觀園寂農桑未起士女閉門而喟然今昔者俯仰之間已屬之我曹矣  
白塔朱樓之地其有滄桑相弔者乎

仲春之末居柯山爲花事也裙屐之出蓋無定時二十七日韶晝未滿遲日  
媚晴借瘦生至湖南山微雨夜過碧泥軟鮮穿桃塢數重上竹坡得李花數

十株玉映綺房亂敷絳海傳明比艷韻絕當風亭午返步至第五橋看水屏  
山萬疊盡作波光齊樹百重助其色畫榜晚至七星巖榭樹作花有中閨嬌  
女掠鬢弄光之態晚上竹下連石陰翠暝筠浮愛不能釋次日下午薄陰  
多風滴瘦生往蘿菴取路至廟橋吹帽落水匆匆而返二十九日小雨留寒  
午後略佳復借瘦生詣蘿菴過橋雨作疾趨湖南山桃花在濯曉曉益明村  
尾巖腰暈烟滴綺將至菴見隔溪數家烟樹一曲李花更多夕霏雨光若爲  
遠近隨叩菴扉與退院老僧共坐蒲團吃趙州茶聽晚課而罷

三月三日晨起密雨已後忽晴午飯畢放舟湖柯山橋至侯山簾榭而上尋  
小隱山園遺址臨水起坡磴道修曲翠骨牙出靈構化蕪徧撫巖石惟得小  
隱山及支雲共五字而錢君佺一叙已不可見詢之里老云斷碑繁縷數十  
年前頗有訪拓者今苔封泥沒盡矣山在鏡湖中廣周一里高不及十丈形  
圓而瘦勢纖若傾登其巔列峒環青迤邐屏幃湖流折縈霏如林帶林屋交

拒窮山成秀方塘圓渚刻畫其間川緝釣遊地交樵稼鷗帆競景橫笛緣風  
上塚之時彌繁綺矚村庄向背互出桃花近郡之區斯最勝矣山趾有前明  
相國錢文貞公父墓墓左一碑盡刻文貞自檢討至少保封誥倪文貞元璐  
余忠節煌姜尙書逢元三公所書右一碑則沒字矣文貞爲翰林時嘉譽蔚  
然忤閹屏居峻而不詭泊晉揆席清節彌劬難進易退可謂邦之正人徂謝  
於壯烈季年有贈官而無諡易名之典補自江南思陵闕政蓋可知焉相國  
少時曾誦此地丙舍之卜有所來矣今華表以外更無隙地寢邱不守鸞  
及隴阡文貞父名九疇爲儒學士母傅氏亦邑人所當知者去墓數十武爲  
國朝湖南按察使贈巡撫傅公弼父墓墓右一碑刻嘉慶十二年傅公官  
辰永沅靖道加按察使銜上諭深褒其苗疆勞績末有傅公自述先德之言  
傅公勤能以廉尸祝湘服振於旣序爲國名臣未五十年子姓零替予常求  
其重葺文集不復可知墓版題其父號蕉兩白楊侵隧宿草不除道碑未立



無由徵名蹟云有春日溯柯山至侯山尋小隱園遺址經明相國錢文貞公  
先塋訪讀書處不得九古五首存集中

次日春陰偕羣從赴鷺湖掃松地有狀元橋張文恭公所建也儒林峻規遺  
愛桑梓虹梁百尺仰接素風中欄而立山靜水深不勝淑人君子之思焉午  
刻泊舟鳳皇山側一社廟前廟題梅溪公祠宋龍圖閣學士王忠文公也柱  
聯有萬年諫草傳金匱三賦文章爲鑑湖之語鄉僻小村得此名士社公令  
人歆艷龍圖初仕播分越侔采邑桐鄉故當不沫廟中禁演荊釵記予謂以  
忠文之蘊藉豈管身後是非自是里中父老情深香火愛惜衣冠不令僂侏  
輕褻耳吾鄉有兩鳳皇山一在城西六十五里至小而具山形此在城南七  
里許亦僅部婁與諸弟踞頂望之春腔繡錯晴川練修西菩破塘諸山朗列  
日際然較之侯山妍靜略同蒼撮爲遜矣

清明日下午偕羣從泛舟官瀆本名工官瀆越絕書謂句踐王官所居者也

水彌百頃魚霖散綴如浮瀉然春綠蕩蕩攪於一葦平原修靜田事尙閒彌  
望樓宇連蔭竹樹而光紅牆朱楔錯峙雲表皆西郭外吾家園墅也遂由支  
港出三家村（此在西郭外又一二家村與湖塘異）看玉茗班演戲日莫趁  
村舫上梅仙橋一坐看菜花而歸

次日夜三鼓偕孫子九僧澈凡周菽耘等赴雲門登舟熟睡翌晨耳畔聞水  
聲遂醒已至若耶溪口矣淙淙四來清滿一枕篷窗略啓覺翠壓襟睡睫所  
沾綠合無罅榜人泊舟一古廟前遂偕諸子起登岸行數里靠檣烟浮時亂  
衣色將至顯聖寺斜行田間入村落徑溪竹深曉潤欲雨旋登一小嶺短松  
夾路溪聲狹幽聽賞逾時返舟早飯飯畢進棹至平水步上竹輿行三十里  
列嶂紆暉層巘貞景或遇澄池方沼嵐霏水色相雜彌奇下見竹簞行溪澗  
中落花碎鋪時有往來相度至化山傳燈寺峯勢忽開喬松夾峙砥塗交陰  
森彌一里古平陽觀也順治之末爲宏覺禪師敕建者方丈不染和尚治饌

相欵傍晚自傳燈寺步至志公塔晚鐘未歇泐水作鳴過石橋山徑斗起巖  
翠爲深一路夕陽參差異花滿地紅紫百眩香氣勃色觀香聞殆絕思議  
塔外翼以月垣刻鏤工巧緬其規製稱乎紫衣矣是夜宿不染房松月在窗  
時聞猿嘯泐響四起遠和鶴吟頤道之心斯爲樂焉次日飯後以肩輿遊化  
山陟嶺數重環十餘里秀延麗矚愈習愈佳回憇葛仙翁釣石拔地一卷洞  
壑崑磴之屬悉具古翠班剝藤蘿蚪蟠舊在大溪中故有釣石之號今溪水  
涸盡而苔迹不枯焉經盤古廟至雲門寺訪智永禪師墨池筆塚及辨才塔  
午飯於雲門方丈又步出寺里許謁雪嶠禪師塔遊廣孝寺看經院勝刹所  
結靈氣不窮丹霞映蔽翠靄互鮮宜爲逸客憑衿羽流棲寄矣傍晚仍返傳  
燈寺宿次日歸家

七月二十六日偕族伯鏡人中書秋舫臬掾遊柯山宿兩初歇山光樹色綠  
逾初夏一路惟聞放田水聲而已予常謂天地開聲之至清也泉聲太幽溪

聲太急松濤聲太散蕉雨聲太脆簪溜聲太滯茶鼎聲太嫩鐘磬聲太迥秋  
蟲聲太寒落花聲太蕭颯雪竹聲太碎細惟田水最得中和之音此陶泉明  
所以有過師丈人之歎也出青田湖後港淑甚狹秋菱太盛擇園行水實  
已饒口腹可辦傍午至七星巖泥滑石澀不便屐齒仍返舟小飲復移就隔  
岸詣蘿庵霽景乍呈山沐始理日下昏回舟願望諸峯蒼翠泂泂夕陽俱濕  
重九日邀子九問寺池沈氏菊花未開遂同訪湖上紅葉行經臥龍山下值  
古寺廢園必徘徊焉吾鄉園亭勝蹟多在此問陽和張氏林墅尤盛有所謂  
芸芝亭霞外樓嘯閣硿園蒼霞谷萬玉山屏嶺花閣者所園有鱸香亭壽花  
堂霞爽軒酣漱閣諸勝萬玉山房內有融真堂張文恭與朱羅兩文懿讀書  
處也今皆不可復問而古木蔽虧老屋交拒繡其囊搆多據勝區見一人家  
流水繞階背山而宅機聲人影魚鳥相因覺圭華之地有濠梁之風矣出常  
禧門至兩塘道上丹楓絳柏正承曦景奇采屬樹上下通紅近映屏山俯臨

鏡水政如珊瑚寶籜亂插高髻蒼翠錯峙以疎益妍徧登孫氏湖樓茶香菱熟往往留連一路看山至鐘堰愈媚愈清常若不足以夕照西墜子九別去予自跨湖橋買舟歸

十七日夜初更自湖上快閣坐舟歸雲斂月出山疎水明老木不霜寒墟微火如讀王右丞輞川與裴秀才書也

二十九日至馬家步登九里山是月小盡秋色已深冬意未上眺望之美清絕人寰以七言四語寫之云霜樹紅疎連嶂雨秋城綠抱一湖烟寒陰茅屋家收稻野水蘋花客倚船可謂善於題目佳景矣其全首存集中然非幽情夙勝不能耐此清寒子九常擬予云王敬和好洒託蓋知言也

二十八日下午進城偶過光相寺古西寺也城中此寺爲最古間一日復過寺離郭門僅一里連楹接厦皆吾宗之第宅故繙流依附視同香火在其北連合真壇壇祀斗宿先大夫素奉道常齋醮於此寺外爲光相橋過橋則闕

闕矣寺門落照古松條然鐘聲徐來塵念頓息常謂善遊不在擇地善悟不在深求但得色觀稍清靜根具足隨緣止願觸處安心此寺境接巖塵景皆夙習今茲兩過未嘗入門而衰草盈階暮禽相值便覺禪機不遠靈賞無窮支竺參禪王許接席矣

十月五日薄暮偕瘦生坐七星巖卷石前芭蕉樹下俯觀潭水冥然若忘大有樹下坐禪之意

戊午二月十二日置酒七星巖招諸友看桃花飲畢客散遂留居柯山自去冬大雪湖南山桃李居人多斧作薪花事遂寂而七星巖新枝向日居然代興粉展煙霏春溢洞半地密景稠亭榭相簇較之湖南雖計樹不侔而得境爲勝西偏春事移於此間矣連日綸陰多雨流連信宿朝夕忘歸清遊之作畢臻其最時有社友尋春滬上狹邪迷復適寄書來誇烟花之勝因作一牘答之云月之望日拜手書忻悉道社無恙甚善別後浹月無少著作足以相

告願念春事可懷未能端坐屑屑米鹽轉入俗障自用悼快迺券同人各去  
巾幘遂於春分後五日置酒柯山道俗畢集是日微陰養晴宿雨過潤桃李  
競吐若與爲期草綠茵柔甚便屐齒湖山之秀極於一醉所恨阿戎不來信  
物敗意耳酒闌花暝遊屐各散鄙意惓惓未忍言去遂留山中者兩日自朝  
至暮時而在山之南時而在山之北或穿籬覓樹或隱竹據石或隔溪看雲  
或背花臨水或聞鳥聲久坐或循柳陰獨行每至夕陽墜樵晚風在笛則携  
酒一壺棋一局求一能領者相與躡蘿磴坐藤崖下視菜花萬斛高下積黃  
牧童行歌各隨歸犢當此之際胸膈塵穢洗滌殆盡樂趣所及無非天機殊  
覺春融日長歲豐物茂悉允洽於方寸之地沂水濠梁去人不遠又其地多  
老人龐眉皓髮時時往來益信山林之中其人多壽得於雲烟供養也惟是  
行樂及時漢臣以爲勸俯仰陳迹皆賢以致悲吾家元膺有言一年春物惟  
梅柳閒意味最深至鶯花爛漫時則春已衰遲使人無復春意言哉斯言誰

能賞之足下樊川之夢應尙未覺然故鄉之樂殊足相傲寫以寄時始知鑑湖博士自有替人名士風流故富不墜耳計書到日己及尾春枇杷花前發之一笑不宣

三月朔至南門外水天一色奄觀龍舟競渡是日重陰而景旌葆半江蔽翳失采又人舫蟻聚地不容楫遂拔舟至李家漫泊而飲時遠風起萬綠中山水草木黏天作油碧色舟踞野廟古渡旁有大樟樹二蔭迥十畝時見鰲吐人歸瓜皮襪渡汎汎湖光橋影間攬得夕陽細雨當更添燁景耳上岸散步得短竹一籬陂池靜映鵝兒數十浴翠如空日加申解纜雨斜斜作矣  
立夏日晡後夕景艷開綠淨如拭欲作近遊苦不得侶立門前久之遂默然意行至荷花塘度村橋看夕陽中諸山復循野田細路入一村落流水曲折穿行籬間瓦屋數椽前匯方沼老樹當門前後掩閉低蔭數畝遊鱗皆綠時東風轉勁夾徑菱麥葉葉飛舞又顧見蠶豆滿畦離離而實前日柯山人送



一盃來雨夜煮而食之味猶在齒舌間也

二十四日密雨如織午後始止傍晚送客出門新漲灩灩傍岸漸暝片雲亦霏粘樹猶濕漁者三兩舟以巨網網魚遠村近郭烟水之觀皆在其上又有小船五六列載鷓鴣乘水而行生滑如溜恨不卽一試之耳

二十六日傍晚偕程子實再過荷花塘至塘南村人家綠牆多種蕖蕖花開如雪香清而幽俗名野蒿薇蓋牆蕖之轉譌也細蕊叢生沿風引故歷慈雲菴而歸晚蛙閣閣矣春旬未終已饒夏景逃暑之苦漸逼此聲

六月十二日炎夏中忽得陰雨遂呼妹婿鄭郎及羣從詣七星巖巖中有廳兩楹軒窗欄檻皆作舟形登高望之宛如溪中一舫今村人環以竹籬列植秋卉夾之梧桐雖髣髴田園而牽船就岸之風頓乎渺矣下午返櫂欵風送涼益以虛涼殊有蓮榜菱謳之意

九月十六日客杭州出錢唐門至湖樓下喚船渡六橋登岸歷白蘇祠登望

湖樓經水仙王祠陸宣公祠吃茶於平湖秋月至聖因寺觀石幢所列貫休  
畫十八阿羅漢像貫休畫法原於道子故應真面目變相爲多然靜攝形觀  
秀合佛慧衣錫之製細入毫芒古色離奇固不類猗猗胡狀矣返至段家橋  
坐地看夕陽不覺入晚遊人盡散鞭楫之影約略湖煙疎柳間而已

自後二十七日二十九日十月初二日初四日初十日十七日十八日皆在  
湖上短游寓目所得皆奇片賞在心隨時可記尤難忘者二十九日乘晚幽  
尋裏湖之濱樹色蒼黯亭陰碧寒山水互幽淡然獨立枯景可語元晤無同  
出憩蘇祠謁後室秦淮海像烹茶於一半句留軒檻外荷池蓮葉已盡不能  
少作秋聲俯仰蕭寂而已初十日日晡後西風大起出錢唐門湖邊殆無一  
人徑至蘇祠坐右廂中吃茶三碗讀易一卷塵慮盡消清譚爲贅庶幾參往  
山之偈讀攀雪堂之風流晚菊寒泉悠然色界竹陰明月長在人間性情既  
忘山水都寄遂復溯風而返松榭萬株溢澗吼谷寒山夕磬一響孤懸已導

人出林際矣都茲兩事非冷煖壘鶴不能共此病襟也

己未三月一日舟出杭州北新關沿途翠竹白沙江村如畫直抵臨平三十里皆桃花林也時及清明春暄極美綺日養景芳風引韶浙西十庶豐昌物力容物農圃之隙多務花樹行旅所至以爲遊觀於是新水綠生晴山黛展羣鵝競浴社燕初來村屋桑齊漁庄荻短蠶豆方莢油菜出華則緋桃萬株坼芭迸萼焉予以川途甫啓仙源忽迷接陌暈光沿流過影青簾白舫半綴胭脂斜柵平橋悉通罨畫浦樓疊錦江步連霞松瀑虛亭團以香霧茶烟古寺合爲綺陰蓋至鷓唱相緣炊烟四起花深日午蜂蝶羣飛往往枝入篷窗樹交帆席艷侵人面香醉客心而皋亭之山浮青聳翠綠花向背與春淺深絳而迴峰繡迤西嶺溪童圓笠時出烟梢野老癭壺或懸風柳宜乎白雲映帶不乏隱居翠羽往來疑通仙窟矣若夫孤花出屋參差竹籬落英散波點酒柴採梨樹間白麥畦觀青酒韻風帘舛香雨竈田園人物觸景窮妍則又

三吳之常觀非稱半山之奇麗也

蘿菴游賞小志終

勉齋集

己酉初秋  
夢榮



曾 勳 不 休  
水 恒 萬 物 無 常



勉憲集敘

儀交四方君子則周子季貺爲最先季貺中州名家子有志節能文章定交之始相眎莫逆也別六七年儀游閩中季貺來官斯土得昕夕過從盡讀其文辭同聲之應如廢瑟焉儀填詞工不及季貺而先已弃去每誦其勉憲詞婉篤微至如衛洗馬渡江時傾倒一世令人招悵不能自己賢兄叔昉侍御詞名藉甚少作二卷季貺屬儀審定因取勉憲詞並列焉當使四方君子知填詞中有儀虞機雲爾甲子人日譚儀仲儀譔

後  
集  
四

皇式圖書公

甲午人日...

...

...

...

...

...

...

...



勉意集目錄

詞一

朝中措

疏影

浣溪紗

柳梢青

淒涼犯

金縷曲

高陽臺

金縷衣

也

卷

三

目錄

一

展風閣叢書甲種

消息

浪淘沙

齊天樂

摸魚子

壺中天

聲聲慢

減字木蘭花

蝶戀花

洞仙歌

喝火令

減蘭

前調

百字令

菩薩蠻

減蘭

漢宮春

念奴嬌

鳳皇臺上憶吹簫

長亭怨慢

卜算子

免

是 集

虞美人

浣溪紗

蝶戀花

虞美人

甘州

琵琶仙

陌上花

集成圖書公司印

勉熹集

祥符周星詒

詞一

朝中措

泊三板橋感舊

畫船明月客衣單日暮水生寒  
白板垂楊門巷紅樓臨水  
闌干而今寂寞淡烟疏雨人在天邊  
正是熟梅時節那堪重客江南

疏影

題童二樹先生梅花

斜斜整整正曲池雪後閒庭烟冷  
玉蕊寒香水北籬南橫

枝幾樹開粉當年花底千回醉想舊事花猶能證恨匆匆  
似水流年蕩得舊遊如影 忽地披圖憶起歎公孫老去  
苔鎖三徑粗服亂頭繁蕊濃枝渾似小園下韻硯池淡墨  
春長好替寫出消魂風景悵花時亭館清寒門掩月黃人  
靜

浣溪沙

無題

弱柳籠烟媚嫩晴落紅庭院晝冥冥風前凝立不勝情  
飛絮時光新燕語賣花門巷簸錢聲傷春情緒怕黃昏

柳梢青

題白桃花便面

新燕泥巢小桃開雪深掩重門幾折雕闌半池春水一樹  
亭亭 月黃庭院冥冥正飛絮時光暮春淡墨衫兒鬱金  
裙子獨坐調箏

淒涼犯

冬夜宿杭州林氏友梅堂寄陳季存家叔子

可憐天氣陰陰地寒雲盪得窗黑坐無聊賴待眠又怯布  
衾如鐵誰家橫笛更聲聲做成淒切怎支持黃昏庭院衰  
柳黯寒色 遙想梅花底窗孕燈紅簾涵烟碧詩成一笑  
徧江邨漫天風雪應也懷人正載酒西湖獨客夢醒閒館

裏急雨打破葉

金縷曲

三月二十一日約李定伯

星設

蔣讓卿

川

游西湖雨阻

不果倚聲解悶

庭院陰陰地更那堪輕烟細雨撩人愁思寒食清明都過了飛絮冥濛千里儘力做淒涼天氣我是傷春蘇玉局十年來嘗盡愁滋味者時節惱人意 六橋楊柳春烟裏有多少衣雲扇霧粉香脂膩芳草畫船桃葉槳蕩亂夕陽烟水旖旎殺湖山春事也要湔裙中冷路偏妬花風雨遲游騎把酒祝好開霽



高陽臺

湖上餞春

坐綠鶯慵銜紅蝶瘦時光過了清明在  
再年華幾番醉裏  
曹騰六橋烟柳牽愁慣牽不叶住些子殘春任綠陰如水  
忽忽蕩得無痕  
湔裙拾翠湖南路有棟花開雪梅子成  
陰無賴啼鵲鷦催歸去聲聲東風吹遠天涯夢倚闌干芳  
草黃昏惱情懷千里斜陽花亂江城

金縷衣

春盡後二日泛舟至南湖興教禪院

柳絮飛殘矣惱閒情綠陰似水暗將春替中酒情懷無賴

甚况又落花天氣打雙槳來尋烟寺湖氣嵐光三百頃碧  
濛濛亂潑烏篷底染襟袖滿寒翠 入門苔徑悒悒地占  
城南一湖風月七分烟水庭院重來渾以昔只有人添憔悴  
問鷗鷺可還儂憶當日少年今老大滿青衫濕遍江湖  
淚潦落盡舊情味

消息

初夏詠新綠

春歸幾日做將漠漠沈沈如許陰逼燈涼濃圍窗暗院落  
冥濛地篩烟嫩翠漬苔新綠等箇涼蟬來住夜深時賺他  
燕子難覓殘花紅處 悒悒者樣如雲似夢蕩得簾波無

際人倚闌干，滿身冷翠閒。把瑤箏、理月痕溶曳，篆烟搖漾。  
兜起那時情緒，回首處、芳樹斜陽碧雲千里。

浪淘沙

中秋月夜同叔子

池館鎖秋煙，月上疏簾。草蟲涼絮夜燈寒。二十一回圓過，  
了又是今年。涼意滿松關。跂足高眠。青山無恙酒杯寬。  
攜手出門成一笑，好箇江天。

齊天樂

題蔣平伯韜光圖

芒屨來踏韜光路，滿山亂潑空翠。絮漬衣香，花沾帽艷，好

簡清明天氣小樓人倚正窗孕江雲罨沈花雨殿角斜陽  
濛濛松影漾幃戶 仙人丹竈何處賸鮮泥苔甃月淘煙  
洗萬竹篩煙羣山流翠雅稱先生風趣要移家住問紅樹  
青山可還儂許話向東風倩閒鷗寄語

摸魚子

送陶海琴

良翰

游吳門

正江干蘆花飛雪漫天畫出離思西風吹瘦官河柳颯颯  
蕭蕭如此君且住君不見寒煙衰草山無數送君此去算  
越角吳根岸唇沙觜誰與共秋醉 離歌起月冷霜嚴天  
氣淒涼最是羈旅銷魂嗚咽城頭角催發天涯行李留無

計看渡口斜陽紅送人千里阻風聽水有落木關河飄蓬  
身世冷雨一燈淚

壺中天

秋日過青未了閣故址才媛徐昭華讀書處也

西風黃柳認當年畫閣有人曾倚背手循簷閒步徧直恁  
冷清清地敗檻欹苔壞廊堆葉畫出淒涼意花前凝立夕  
陽闌角紅膩 當日趁月抽琴凭春灑翰多少閒情味一  
自讀書人去後風景蕭條如此惟有青山彎彎一線猶學  
眉痕翠傷心臺榭芭蕉搖得秋碎

聲聲慢

臨平山下夜泊同平伯作

荒蘆飛雪衰草平煙蕭條水驛停船回首斜陽亂鴉禿柳  
家山敗戍更籌數遍擁青綾兀是無眠難消受是霜嚴夢  
瘦月冷人單底事頻番載酒寄相思都在斷雁江天如  
夢浮生能消幾度陽關聽風阻潮滋味嘆飄零嘗到今年  
歸未得濕江湖秋淚滿衫

減字木蘭花

秀州夜泊寄懷叔兄

破窗燈滅漏了滿船零碎月霜雁啼秋孤枕淒涼泊秀州  
江湖載酒別後情懷君曉否香燼金鵝淚比敲蓬落葉

多

蝶蠻花

題繼叔重司馬

振

小紅樓閣填詞圖

綠縹羅窗涼似水閣外梧桐搖得秋痕碎幾折闌干人獨  
倚篆煙碧漾簾波膩無限無聊無賴意譜入香絃字字  
相思淚煙水斜陽紅萬里閒情少箇涼鷗寄

洞仙歌

叔重招飲郡齋聽諸郎絃索卽席倚聲

嫩涼庭院正月痕零亂花影冥濛蕩簾幔者淒清庭院已  
是無聊那堪聽入破歌聲幽怨蕭蕭還颯颯笛脆絃清

六

便不天涯也腸斷何況未歸人飄泊江湖中年近心情頓  
懶數舊夢新愁總如塵腕珠淚青衫尊前河滿

喝火令

旅夜酒醒寄懷內子逸莊

香燼煙餘綠燈涼焰不紅薄寒時節酒微中消受四更殘  
月五更風 旅夢驚閒笛鄉愁寄斷鴻朦朧花影那簾藥  
料得相思蹙損瘦眉峰料得殘粧卸了閒坐倚薰籠

減蘭

平望寄逸莊

霜風淒緊寒重孤蓬眠不穩撥盡殘灰無數閒愁逐雨來



許多心事寫到家書無一字  
舊恨如絲訴與閒鷗倩寄

知

前調

自題江湖秋舫填詞圖

中年飄泊西燕東勞無定著  
最是難堪殘月霜鳥叫上船  
錢唐過了望裏杭州城郭到  
從此孤篷越樹吳雲愁殺  
儂

臨平山下古壘蕭蕭更鼓打  
節過重陽水闊雲低雁叫霜  
淒涼何限入破鈿簫誰訴怨  
月照吳船船裏燈邊恨萬

千

九

十

詞

七

一

寒雅遠浦荒戍煙昏涼月午衰柳長安孤燭單衾夜泊船  
黃壚重過腹痛一杯遙酌汝何處招魂秋水寒潭落葉

深

癸丑歲金十四次  
廉歿于長安舟次

地名醉里十里斜陽紅柁尾蘆荻悠悠短笛漁舟劃碎秋  
鯉魚風裏眉樣一痕初月細三塔灣頭一角高城畫秀  
州

宣公橋畔水上紅樓簾半捲花影天斜側帽筵前聽琵琶  
愁懷難遣簾外月黃偏灩灩裊盡爐煙風緊鴉啼傍曉

天

平湖十里愁緒無端閒觸起回首關山如此煙波也可憐

闌干倚徧酒色那如鄉思釀別盡銀釭客夜寒更陪許  
長

寒雲秋樹又到湖州城下住煙柳長堤綠得冥濛一色齊  
鷗波亭子人道蘆花深處是些事銷魂零落朱闌膩夕

曛

蓬窗風緊燭冷衾寒眠不穩湖號鴛鴦爲底長宵夢不雙  
碧雲千里人向畫眉橋上倚落日高樓畫角西風整頓  
秋

一堤霜樹樹外亂山青可數颿挂西風曉日明湖萬頃紅  
漫天蘆絮眼淚青衫多過汝楓落吳江那許愁人不望

也

卷

卷

八

陸風閣書齋中集

鄉

月柔風軟水檻湘擘三面捲消受年前檀板銀鬢二月天  
今朝重過人去樓空煙柳鞦韆亂閒情碎雨零煙乙未

亭

丁家巷裏一載冶游情旖旎夜夜魂銷王壽清歌吳繡簫  
畫船雙櫓又到蘇州腸斷路重惱分司禪榻茶烟漾鬢

絲

山光水色風景依稀渾似昔少了燈船閒殺山塘七里烟  
屋荒人靜歌板酒旗零落盡月黑風尖小隊銀刀結束

嚴

畫來黯淡苦竹荒蘆秋意慘展向江天舊恨新愁一惘然  
愁  
山淒水楚况在淒涼煙浦路不信扁舟載得江湖爾許

百字令

蘇州感舊

蒲帆六幅被東風吹到闌闊宮闕三板橋頭風景換杜牧  
重來淒絕絕滿路斜陽碎紅零亂何處尋陳蹟消魂門巷蘆  
花糝徧晴雪 記得楊柳闌干桃花幺幕好箇春三月燈  
影悵悵風細細低唱淺斟時節羅帕題紅繡衾偎翠容易  
都成憶淚珠千斛量來多過霜葉

菩薩蠻

題陳味梅秀才

馮 詩

梅窗覓句圖

梅花一樹垂垂好碧羅窗子茶煙裊滿地月朦朧闌干幾  
折紅珠簾閒不捲庭院東風軟步徧小回廊新詩字字  
香

減蘭

丹陽弔古

雲陽古壘孫策當年鏖戰地伯業消沈嗚咽寒潮夜打城  
我來馮弔漠漠邊雲屯白草戍鼓瑟瑟野馬連羣戲北

風

漢宮春

十一月初九日對雪聞素神兄詞歸里作此柬之

冰雪關山有西風漠漠吹爾東還江南千里寒色白壓征  
帆夜城霜冷卸歸裝安穩高眠曾否憶荒邨兄弟紙窗燈  
火清寒 記得斜陽握手正金閨門外衰柳穆穆如何一  
別如雨便又殘年漫空粉絮糝梅花香逗虛簾何日與閒  
庭共醉蒼茫窅素江天

念奴嬌

韓蘄王墓

靈巖山下弔蘄王才武一時英物浴血京江摧敵膽醜虜

幼

意

集

詞

十

晨風閣叢書甲集

何難殄滅三字冤沈徧安局定半壁無心北小朝廷裏無  
端老卻豪傑 今日荒冢埋煙白楊嘯雨英氣猶難滅閱  
盡興亡千古恨滾滾馬頭明月曾向錢唐賈宜人墓把酒  
澆忠骨江山滿眼一坏雙占吳越

乙巳歲時嫌其猶率先大游郭拾亡烟壺具什裝完好不  
忍忘其相愛之情殊補卷末詞  
不足存聊誌永痛丙辰夏末配

### 鳳凰臺上憶吹簫

春日偕蕤客過春雨樓亡婦舊粧樓也

病絮吹香驚花颭影畫樓捲幰輕陰鷺曲廊尋徧兜起閒  
情堂上簸錢年紀東風裏弱柳腰身悠悠地手按裙帶不



解傷春 消魂細簾鏡檻相過問當年時煙冷空庭悵碧  
雲天遠花散珠塵只有簷前新柳閒偷畫舊日眉痕凭闌  
處亂愁分付芳草斜暝

長亭怨慢

客春申江三月矣蘭情寄夢絮語唾香于此領略興復  
不淺今將行蓋有不能去諸懷者倚此贈別紅豆樓  
主人當陽關三疊歌也

暮無賴鯉魚潮信解送天涯斷腸帆影漠漠尊前漫天飛  
絮溼香粉莫悲無主還勝我飄零命但到化萍時卻尚有  
團圓緣分 暗搵徧青衫淚濕脈脈一襟離恨紅樓從此

縹緲隔碧雲千頃算未必載酒還來便來了尋春孤艇怕  
人面桃花門巷綠陰難問

卜算子

別意

已分不成留歸計今朝準何苦東風抵死催颯颯吹帆影  
楊柳滿天花不抵離人恨芳草斜陽極目寒人遠天涯  
近

虞美人

疏雨江頭墜歡天際客愁雲亂別淚潮來倚聲誌恨時

泊舟崑山驛下四月十一日也

翦風絲雨消魂路脈脈情誰訴屏山獨對篆煙微羨殺天  
涯燕子作雙飛 相思相望煙波隔極目平蕪碧閒愁拌  
向睡中過可奈孤衾偏是醒時多

浣溪紗

單燭寡歡孤枕不夢濛濛影事著想消魂矣

風緊燈殘恰五更消魂剛是酒初醒柳花香裏憶三生  
滿鏡月痕拋髻態一衾花影墮釵聲不多時別便零星

蝶戀花

憶夢

金鴨香消良夜靜  
蜀葉流蘇斗帳櫻桃嫩  
花氣濛濛薰夢

醒繡衾消受星前冷  
髻鞦斜慵未整  
語恨人紅上梨  
渦暈雙笑羅幃迴  
月影鬢雲香裏春  
眠穩

虞美人

秀州道中病起寄人時初夏十四日也

慙慙無賴朝還暮鏡裏  
雙眉鎖擔愁惹恨費相思  
算是不曾負了日長時  
篷窗病起心情惡  
別緒添蕭索斷腸怕  
聽說雙橋孤枕落花聲  
裏雨如潮

甘州

泊舟長安鎮小病未可枯坐無聊倚此遣愁藥爐沸青  
油燈墮白孤枕寂寥難爲懷耳

似天涯飛絮一襟愁漠漠散東風記無情雙槳春申江口  
載恨忽忽門外馬嘶人去殘夜月朦朧情緒渾疑夢脈脈  
濛濛別恨朝朝暮暮不堪清鏡裏愁損眉峯嘆情長緣  
短冰淚濕綃紅問何日相思能遣算憶來事事總愁儂要  
除是今番莫見前度休逢

琵琶仙

臨平道中有寄

煙樹關津東風裏一片傷心愁碧乳燕飛趁楊花寒汀散  
晴雪寄別恨香絃譜遍憶江上那人初別落月單衾斜陽  
雙槳心事愁說休回首驛路消魂正梅子廉纖雨時節

掩盡一襟紅淚覺眼棱生纈暗惆悵尊邊人遠拚今宵夢  
趁回汐怕又殘檝定燈酒醒荒驛

陌上花

懷紅豆樓主人

厭厭雨裏重門苔鎖碧深池館瘦盡燈花簾外一絲風颭  
離人別恨生如草似水并刀難翦采芙蓉欲寄天涯極目  
水長雲遠 月圓看又缺香衾舊夢別後如何都斷費盡  
閒愁鏡裏鬢絲霜滿而今翻悔當時錯多事者回重見算  
相思僅是逢伊前度也還堪遣

勉意詞印本絕稀丙申夏五廣生重刊鷗堂詞入五周

先生集 外祖僅以竊擴詩一卷見付此集謂是少作  
斬不與也前年廠肆無意以百錢得之今日重讀哀絃  
曼聲似竹垞其年兩家亦異日續皇朝詞綜者所不廢  
也 戊申六月廿三日外孫冒廣生志

角 一 一

建 國 公 司


勉 意 集 詞 一



芙蓉莊紅  
墨錄

灑墨山房主人署





芙蓉莊紅豆錄

昭文徐兆璋輯

(支溪小志卷四往蹟志二第宅園林)芙蓉莊一名碧梧紅豆莊在古湫濱西雲和令顧松菴公別墅小橋流水曲折幽勝有右丞藍田輞川風景周遭可里許繞池植芙蓉數百翠葉紅葩掩映水際莊之取名以此松菴係東江嘗移閩中荔枝植於莊上側生紫紫沈石田文衡山爲賦新荔篇焉又有紅豆一本大可合抱贈君孫曲江吹光所植與碧梧相錯故又爲碧梧紅豆莊錢牧齋僦居其地十餘年名紅豆莊錢歿仍歸顧莊與草堂遺址相屬今久廢而莊前白石平橋堅好如故其兩門鐫杜句者僅存一焉按莊始於天順間爲松菴公所構其後休菴東江一江曲江漸斥而大凡歷五世更二名始歸錢氏錢氏居未久仍歸顧庾信依宋玉之居相如還趙氏之壁中間鳴蹕只十餘年耳王柳南隨筆中嘗辨之未能詳也邑志直云錢氏所創失考

甚矣

(柳南隨筆卷五)芙蓉莊在吾邑小東門外去縣治三十里白茆顧氏別業也錢尚書爲憲副臺卿公外孫故其地後歸尚書莊有紅豆樹又名紅豆莊樹大合抱數十年一花其色白結實如皂莢子赤如櫻桃順治辛丑是花盛開邑中名士咸賦詩紀事至康熙癸酉再花結實數斗村人競取之時莊已久毀惟樹存野田中耳今樹亦半枯每歲發一枝訖無定向聞之土人所向之處稻輒歉收亦可怪也唐詩紅豆生南國又云紅豆啄餘鸚鵡粒未知卽此種否俟再考之

按松菴名立字成夫以從事起家官至雲和縣知縣臺卿名玉柱嘉靖壬辰進士官至山東按察司副使所謂一江公也一江父湘號東江仲子耿光號曲江顧氏世系可考者如此

(支溪小志卷四往蹟志二第宅園林)胎仙閣在芙蓉莊前人有胎仙閣紅

豆花詩

(有學集卷十一紅豆三集)遵王敕先共賦胎仙閣看紅豆花詩吟歎之餘

走筆屬和八首 草木爲兵記歲華平泉花木盡泥沙未應野老籬前樹湧

出金輪別種花 花房交絡帶香纓竊白輕黃暈不成記取中央花蕊處流

丹一點自分明 寂歷香塵界畫簾小闌綈兒供香嚴笑他紅豆閒桃李都

與兒郎插帽簷 紅豆春深放幾枝花神作意洗妝遲應知十二箋注本按

箋注本年渲染只待催花數首詩 香海花依小劫除也將花劫算箋注本

沙夜摩天上人應笑誰放人間頃刻花金 尊檀板落花天樂府新翻紅豆

篇取次江南好風景莫教腸斷李龜年 老去羞花懶賦詩拚將才盡爲人

嗤車箋注本 中大有司花女愁絕吟紅閣筆時 卻恐明年花信遲都將好

句定花期春工解道能雕刻一瓣應標一句詩

按蒙叟此詩作於辛丑爲順治十八年遵王名曾蒙叟族子陸敕先名貽

典著有元要齋集漸于集遵王詩階見有學集中敕先詩見支溪小志祇

錄存一首

(有學集詩注卷十一紅豆二集)錢曾紅豆樹二十年不花今年夏五忽放  
數枝牧翁先生折供胎仙閣邀予同賞飲以仙酒酒酣命賦詩援軍作斷句  
八首 白檀濃柱綠雲叢最愛當心一縷紅應是花神高品格不隨桃李嫁  
春風 弄雪攀枝未足誇胎仙閣上卽仙家誰言廿四橋邊月偏照揚州玉  
藥花 奇種應栽切利天香雲湧出玉生煙滄桑歲月何須記一度花開二  
十年 天寶繁華迹已陳淒涼往事欲沾巾秋風南國多愁思腸斷當筵唱  
曲人 燭夜花傾端露濃仙人庀酒有奇功憑將紅豆新開葉添入修羅釀  
法中 好風吹夢落塵寰羣玉山頭覓往還八百樵陽有名記琪花先許到  
人間 書樓簾額夕陽斜密葉層枝曲曲遮衣錦城中春萬樹光風久已屬  
吾家 天酒三杯花一枝懽騰暫作有情痴後時結得相思子報與金籠鸚

鷓鴣知

(支溪小志卷六藝文志詩)

陸貽典

紅豆花詩和韻

花前今昔事難陳

不飲真辜頭上巾試問湘潭歌一曲相思至竟爲何人

(馮班鈍吟集卷中)和牧翁紅豆花詩八首

廿載方看白玉叢人間桃李

幾回空何因結得相思子應爲當心一綫紅

洞府春秋世不知濃香淡色

發來遲莫言滄海揚塵日只是仙人罷弈時

香粉生光月影微分明玉女

瞰窗扉侍兒應待珊瑚實擬向金籠打雪衣

方丈蕭蕭翠影遮隨緣說法

住毘邪默然不語支頤坐香散天風一樹花

摘得仙花似粉姿更看綠葉

似仙衣香風一陣前庭起三素雲中玉女歸

雞犬桑麻共幾家仙村不合

種凡花漁舟若向當時見枉煞溪邊兩岸霞

遼鶴休言世事非一枝重見

雪霏微無緣夢裏成蝴蝶長向花間冉冉飛

容易非時不肯開人間地薄

偶能栽但令斟雉人常在堪向花莊醉幾迴

三

展風閣書中

(有學集卷十一紅豆三集) 紅豆樹二十年復花九月賤降時結子纔一顆  
 河東君遺僮探枝得之老夫欲不誇爲己瑞其可得乎重賦十絕句史之同  
 人和之 院落秋風正颯然一枝紅豆報鮮妍夏梨弱棗尋常果此物真堪  
 薦壽筵 春深紅豆數花開結子經秋只一枚王母仙桃餘七顆爭教曼倩  
 不偷來 二十年來綻一枝人間都道子生遲可應滄海揚塵日還記仙家  
 下種時 秋來一顆寄相思葉落深宮正此時舞輟歌移人既醉停鶯偏唱  
 右丞詞 朱啣啣來赤日光苞從鴉火度離方寢園應並朱櫻獻玉座休悲  
 道路長 千葩萬藥業風凋一掬箋正本 猩紅點樹梢應是天街濃雨露萬  
 年枝上不曾銷 齋閣燃燈佛日開丹霞絳雪壓枝催便將紅豆與雲供坐  
 看南荒地脈迴 炎徼黃圖自討尋日南花果重南金書生窮眼疑盧橘不  
 信相如賦上林 旭日平臨七寶闌一枝的皜殷流丹上林重記虞淵簿莫  
 作南方草木看 紅藥闌干覆草萊金盤火齊抱枝開故應五百年前樹曾



裴儂家錦繡來

按前詩詠花作於夏五此詩詠實作於秋九遵王敕先均有和章遵王詩  
附見有學集中敕先詩見海虞詩苑祗錄存三首

(有學集詩注卷十一紅豆二集)錢曾奉和紅豆詩十首 苞含奇瑞應離  
明似借丹砂點得成留取他年記仙曲瑤臺月下贈飛瓊 絳雪枝頭佳氣  
開長筵光映紫霞杯登真宴上羣真笑不放良常日月催 佛燈禪室妙香  
薰排日繡經到夜分應供淨筵紅一點諸天長護吉祥雲 萬國兵塵草木  
前止留紅豆向江天水村路與仙源接花合花開不計年 南方花木竟如  
何異卉奇葩浩劫過錄記紅蕉餘北戶日南天地已無多 葉落秋槐御苑  
西江潭殘曲意蕙迷承平佳話難忘卻紅藥春風印紫泥 桑海茫茫度劫  
遲欲將歲月算花期麻姑定指人間笑三見前朝結子時 高枝遮護摘來  
難仙東須應供玉盤多事笑他劉子駿上林草木借人看 秋院蕭晨香母

微疏牕佛日影暉暉蓮花國上真無恙一顆相思寄雪衣  
異種流紅照坐隅廿年一子世間無若教修靜當時見寫入神仙芝草圖

(海虞詩苑卷五)陸貽典東澗先生邨莊紅豆樹二十年復花時當季秋結

子一顆適八十懸弧之月有詩紀事奉和十首桐君桂父莫相誇奇樹常

思洞裏花大似麻姑曾擲米還留一粒變丹砂火中生樹本菩提布葉連

枝會有期紅綻一枝遲度曲人間盡道是摩尼山中無歷不知時頗訝花

開結子遲更待一回紅滿樹何人不省是期頤

(支溪詩錄卷二)顧茂位次鄧丹邱芙蓉莊午日韻悼也祖鞭猶未策中

州繫馬垂楊憶虎頭記得當年風雨夜相思花發滿南樓以甯有繫馬垂楊小像紅豆即相思

子也尤伯祖曲江公移自樊城栽於南樓之佛閣順治己丑歲其花盛開子曾為之一宿按陸敕先詩紅豆樹順治辛

丑開花距前花時二十年矣此詩第一首注順治己丑盛開距辛丑僅十二

年錢尚書猶未居其地也乾隆間樹已就萎別發新枝至道光甲申又爛然

盈樹遊人雜杳時予在浙東頗以不得見爲恨越乙未八月始訪其處寒水  
平池石橋橫臥樹在村農徐姓者屋後大可合抱徐云每數年中亦必有一  
二次開花但不多且不結子耳

按茂位號春江爲玉柱曾孫以甯名茂志其昆弟行詩共六絕句皆悼以  
甯而作今錄其詠紅豆者一首春江自注紅豆於順治己丑盛開實與胎  
仙閣倡和詩中二十年復花之說不合趙氏允懷附記亦未能辨正竊疑  
己丑乃辛丑之誤錢尙書已儼居其地花開時春江曾爲之一宿故有風  
雨想思之感也

(支溪小志卷五雜志三軼事)紅豆樹在芙蓉莊嘉靖中顧曲江耿光從海  
南移植大可合抱花開時雪英爛熳奇香郁烈結子名相思殷紅如火齊子  
美所誇鸚鵡粒也順治十八年樹又花距前花時二十年矣康熙三十二年  
再花結實數斗村人競取之時莊久廢樹在野田中枯槁無生意乾隆元年

復發枝今已萎

（支溪詩錄卷二）顧鎮芙蓉莊紅豆樹歌 田園就蕪三徑荒秋風破我芙

蓉莊莊中紅豆久枯絕村人猶記花時節花時至今七十年我生已晚空流  
傳一竹纖芽發故處孫枝勃窣兩三樹此樹移來自海南曲江族祖諱耿光手植

世澤覃錢家尚書我自出庾信曾居宋玉宅紅豆花開及壽時尚書誇誕賦  
新詩我嘗讀詩感胸臆鳩占中間僅一息今得神明復舊觀古根不蝕精神  
完昔在我祖辭徵辟封邱老檜撐穹碧再生再死却不灰忠義由來往性所

植始遷祖細二公元初被徵不就手植栽上棺四百餘年枯而復榮者再後來此樹復類之俯仰徘徊見先澤

告我雲仍好護持莫尋斤斧相戕賊吁嗟乎莫尋斤斧相戕賦 先生有紅

豆莊圖今不知所在茶餘客話曰虞山紅豆昔爲著書之所今年顧古湫鎮

繪紅豆村莊圖同人題詠甚衆董東亭潮七古一首尤擅場果邱見而賞之

鐫玉印贈之朱文曰紅豆詩人云

按支溪小志稱乾隆元年復發枝卽虞東所詠一宵纖芽發故處也距順  
治辛丑花時已七十五年矣

(粟香二筆卷八)吾郡董太史潮字曉滄號東亭少孤育於外家陳氏占籍  
海鹽能詩善書畫尤工駢體年三十五卒有詩十八卷以詠紅豆樹得名故  
名紅豆詩人集今集已不存近購曾賓谷都轉朋舊遺詩合鈔存詩八十首  
芙蓉莊紅豆樹歌注係虞山尙書錢氏舊物歌云芙蓉莊前紅豆樹風枝雨  
葉搖秋暮百年兩度見花開記取流丹花藏處衛尉珊瑚十丈紅敲殘拋入  
絲雲叢裝成絳樹巢朱鳥銜出金盤耀燭龍植根本自羅浮洞曲江顧耿當

日親移種後來池館屬王孫奇葩頗得尙書重尙書垂老閱興衰身是前朝  
舊黨魁銅輦秋衾悲昔夢玉欄晉井泣枯槐上林珠樹烏啼夕瓊枝璧月俱  
陳迹白首還家江總持絲窗擁髻樊通德美人名士總飄零著作空歸野史  
亭剩有閒情娛種植藥欄花影照娉婷胎仙閣畔湘簾下最憐此樹婆婆也

種柳金城已十圍關情不獨桓司馬繡佛堂參大小乘化城文字現心微攜  
 將絳雪充雲供幻出丹霞映寶燈一枝的爍梢頭迸拈來正值懸弧慶曼倩  
 休猜闌苑偷飛瓊擬作瑤臺贈火齊熒熒列壽筵吉祥雲擁護花天西京儻  
 記虞淵簿定數開期二十年金樽檀板饒歡譙風流過眼如飛電藤蕪河東小  
 字碗晚豆花殘淒涼都入尙書傳花木平泉漸已荒誰尋綠野舊時堂到公  
 石在埋秋草長史齋空種白楊燕子樓頭秋月白寒塘霜老芙蓉色切火難  
 留子駿書哀音莫問翻風笛荆棘叢殘總不分空餘老樹倚斜暝陰風幹拆  
 鶴鶴室夜雨根穿蠅蟻墳埋沒年年依敗壠栽培無復春泥壅南國秋來發  
 幾枝天工不斷相思種繁華何處問前因零落還歸舊主人盼到東風消息  
 早萬枝香雪壓穠春

(支溪小志卷六藝文志詩)金德瑛門紅豆樹 紅豆即相思本是兒女樹  
 不知鑽石心腸人種之所思在何處六陵冬青豔無色塵世滄桑歸不得細

柳新蒲杜老吟一心寄花花久植山莊老叟鬢如絲敬詫奇徵花發時此樹此花如有知苑枯究竟問爲誰

(又)湯大紳

藥園

紅豆樹

紅豆凋殘碧樹枝江東空誦尙書詩誰知卉木多情甚重翠還因顧愷之有美河東燕婉時拈來紅豆記相思風華銷歇枯還苑絕似冬青樹一枝

(文溪小志藝文志補遺)楊大琛

山

紅豆樹歌

有宋遺民元處士手栽嘉卉臨軒祀花房交絡最高枝流丹顚顚相思子遺民老去隨雲煙白雪清風憶曩賢宋玉故居歸庾信閨閣風華亦爲最此時庭院點猩紅鸚鵡啄餘重珠貝俄然滄海已揚塵江令歸來鬢似銀絳雲遭炬俱成燼珍木無花不受春名園從此成荒圃牧豎樵翁俱作主名葩伐去六十年望裏蒼涼滿荆楚前年復見抽新株葉扶疏結實腴仍似勻圓垂火齊依然的皜綴珊瑚前人精爽寄花木不與尋常較苑枯孫枝斂抑承先步不比尙書自矜譽年年

封殖保天和願拜韓宣美嘉樹

按支溪小志所錄金槍門湯藥園楊謙山紅豆樹詩疑皆為虞東題圖而

作

(王應奎柳南詩鈔卷十)錢宗伯村莊有紅豆 生意久盡僅存朽株今歲

忽復萌生雜條伊枚參差鼎立村人傳播詔為奇事因賦短章 荻花蕭瑟

野塘秋無復平泉一石留此日思人還愛樹新枝漸喜綠陰稠 珍重情深

樹一枝情深樹見  
太白集名莊名集屢標奇膏流斷節還重發知有精靈暗護持

不斷生機在舊枝忙看結子綻相思詞場添得新題好又為思公一賦詩

風亭月榭總邱墟宅相猶傳屬魏舒莊為憲副一江顯公別墅  
後歸於錢錢願之出也嘉樹尙餘紅

豆在有誰封殖繼尙書

按柳南詩雖未編年然以錄詩次第考之此詩列在己巳元旦之後己巳

為乾隆十四年與支溪小志乾隆元年復發枝虞東紅豆樹歌花時至今



七十年皆不合疑柳南所謂今歲忽復萌生者當在丁巳而非己巳也

(陳文述頤道堂詩選卷十) 紅豆山莊紅豆樹歌 絳雲樓閣停雲暮秋墳  
鬼唱尙書墓白苧江上辟疆園春風猶賸前朝樹尙書華望豔神仙家傍琴  
河第七絃南部煙花詩卷重東林姓氏黨碑鐫晚思碧巘辭丹闕別選林泉  
散巾髮幾番把酒祝東風一枝種出珠江月一度花開二十年蕊香幢結夜  
摩天胎仙閣上題詩處惆悵朱櫻寢廟筵夏五開花子秋九一粒金丹紅在  
手天家雨露萬年枝玉盤擎出爲君壽更種河東柳一株美人小影字蘼蕪  
不勞幻術三升豆便抵新聲一斛珠鸞篋絕頂爭何急手弄燕支紅一捻得  
句應從葉上題編詩便號花間集豈知轉眼敗河橋花月傷心郭四朝不幸  
才人丁未造滄桑兩字最魂銷萬歲山前振擘鼓紅棠夜冷鶻啼雨十三陵  
樹盡飛花冬青九廟悲無主伎師猶識沈東陽人說尙書壽太長大好池臺  
不歸去落紅拋盡舊山莊魏收佳傳從君始謝安空爲蒼生起白楊作柱掩

星霜紅粉成灰葬羅綺拂水苔深沒斷碑春來猶發兩三枝六朝遺事南朝  
夢人說尙書初種時劫火焚餘名更重前身合是梁江總地下應憐宛轉條  
人間不斷相思種一事爲君喚奈何飄花零葉付悲歌卞家琴裏人如玉辛  
苦龍沙送紫駝

按雲伯以嘉慶十四年署常熟知縣二十三年再署縣事此詩據集中編  
次先後考之蓋第一次攝篆琴河時所作

(王衍梅綠雪堂遺集卷五)玩紅豆感河東故事 海南紅豆賽珠紅冤殺  
江南嫁晚風丁字簾前春的賺絳雲樓下雪玲瓏天花戒體逢魔女碩果殘  
牙冷褚公一樹章臺好楊柳禁雅頭白坐當中 記曲拋箱賸悽悽曉鶯啼  
斷禿鶖啼銅駝落日何曾哭鐵馬秋風不解嘶布袋裝回彌勒佛冰牀熱透  
敬兒妻朝朝擊鏡嗟吳髮卻是愁眉畫得齊 橫江簫鼓靖軍符獨對楸枰  
撥槁梧一著下差成瞎眼廿年多活此殘顏黃花瓦閣沈鸚鵡綠草金閨怨

鷓鴣有个白頭圓指點吳宮晉殿宋行都 若論才調最風流煙柳絲絲曳  
石頭半壁江山呼牧豕深閨屏帳護牽牛桃人土偶生前定舞榭歌臺劫外  
遊浪說妖花爲己瑞猩紅一顆結殘秋

按律芳此詩在嶺南作據目錄編年第五卷壬申至丁丑爲嘉慶十七年  
至二十二年以其詠河東故事錄附雲伯紅豆樹歌之後

(孫原湘天真閣集卷二十八)芙蓉莊看紅豆花詩 吾鄉芙蓉莊紅豆樹  
自順治辛丑花開後至今百六十又四年矣乾隆時樹已枯鄉人將伐爲薪  
發根而蛇見遂不敢伐閱數年復榮今又幢幢如蓋矣今年忽發花滿樹玉  
藥檀心中挺一莖獨如丹砂莖之本轉絲卽豆莢也辛烈類丁香清露晨流  
香徹數里見日則合矣王生巨川邀余往觀爲乞一枝而歸葉亦可把玩玲  
瓏不齊王生言至秋冬時丹黃如楓也道光四年五月記 詩仙當日隱雙  
臺綠樹晴搖白雪堆紅豆莊人去久春風花又爲誰開 我聞密室照花

光相映瓊函素面妝曾是美人親采擷香賸粉耐思量  
百年彈指劫灰  
寒籬落金輪湧現難已較蟠桃花信近三千年可廿回看  
休問花前白髮  
明平泉花木已榛荆世間惟有情堅固枯盡根株又發生  
澣卻紅妝蘊素  
芬花房羞避朝暉天生一種傾城色只似胎仙閣上雲  
顏鬢絡索繫香  
纓傅粉塗黃總有情不是中心丹一點相思那許得收成  
露沁辛香數里  
傳情根發越太纏繇天風吹過華鬢市諸佛蒲團盡破禪  
無心玉藥世應  
稀葉也多情翠不肥卻較花枝含豔色秋來解作絳雲飛  
乞得春深玉一  
枝雙紅公案慰相思歸家兒女爭傳看勝比瓊林插帽時  
檀板金尊迹已  
陳江南樂府又翻新風前柳眼分明甚省識看花大有人

(又)紅豆花歌 前十章意有未盡申以此詩 世間惟情死不滅情取久  
長不取密但看相思一樹花百六十年緣再結自從詩老騎星辰輞川花木  
皆飛塵蟲穿鳥剝一枯樹野人磨斧摧爲薪天公夜敕馬援神蟠踞靈穴周

三輪冬心下蟄春氣應遁出劫火回輪困樹不輕花情內斂情偶發舒花數  
點轉緣枯後鬱積深發露情機無所掩千枝萬枝玉雪堆十里五里香風回  
百歲老翁詫奇事誰見死樹能花開四方觀者絡繹來野田便是花瑤臺花  
前細說花氣數陣陣劫灰飛上樹胎仙名開數枝櫻絡垂主人方盛花何衰胎  
仙已頽樹易姓地運衰時花轉盛花衰花盛兩度春前人後人思各新花盛  
前人不如我花主我不如前人焉知婆婆婆花下客非卽前度看花身手采一  
枝笑不止平生眼福竟有此所惜此三回甲子多少傾城與名士書眼未親  
相思花空抱相思浪生死

(又卷二十九)去年芙蓉莊紅豆花求一實不得黃堯圃得之郡城口口寺  
惠然以八顆見寄報之以詩以志永好

一笑開函看珊瑚失豔姿閒徵左思賦高唱右丞辭情比投桃重緣偏得寶  
遲與君盟永好把玩輒相思 去歲胎仙樹花繁實鮮留卻思百年上僅結

一枝秋紅豆詩序云九月降時結子纒一類東澗賓筵散西園佛果修由來惟得物不在有

心求

(又卷三十七小銀河舫吹笙譜)霜葉飛 紅豆山莊 問吟紅處滄桑換

詩情猶逗高樹一灣流水半莊雲畫出殘詩路巨木在荒邨自古花開誰寫

相思句縱喚作相思拋散淚珠圓斷夢不記前度 聞道素髮悲秋珊瑚擊

碎庾郎枯樹同賦寢園何處薦朱櫻飽啄憑鸚鵡又轉眼胎仙化羽東山絲

竹風吹去賸驚時霜柯老認得探枝絳雲仙紅豆詩序云河東在探枝得之

(浚儀世集卷四)趙同鉅紅豆村莊弔錢牧翁尙書有序 紅豆村莊在邑

之東鄉明尙書謙益所居也莊廢已久今爲農家屋而老樹巋然獨存去秋

作花邑之士女多往觀焉蘭莊徐君遠瀼載酒招客命畫工圖其風景而歸

丐余題詩 巍巍甲第倚雲邊廣設林泉樂暮年半壁江山存社稷一家樓

開賽神仙緣深紅粉情添豔名遜黃花節未堅今日不須提往事莫門頽砌

臥寒煙 勝地從來歎不常 恩恩陵谷又滄桑 殘花敗柳收全局 朕瓦峇甌  
占一方 已等蘇臺走麋鹿 尙留嘉樹當甘棠 蕭蕭斜照烏衣散 王謝門庭久  
矣荒 顧氏芙蓉映水明 係爲顧氏芙蓉館 歸牧翁改名 換栽紅豆太多情 爲誰手 播相  
思 種笑爾身擔獨活 名一代 鴻材偏失計 百年喬木竟虛生 樹猶如此 人何  
在 贏得花前歎息聲

(趙允懷小松石齋集卷一) 支谿雜詠 壬申二首之一 一 猩紅未落萬年枝 曾讀尙  
書絕妙辭 南國今無閒草木 芙蓉花下獨相思 紅豆壯一名芙蓉壯 錢尙書  
有詩 今紅豆久不花 惟芙蓉

數枝  
耳

(又卷二) 紅豆花詩 甲申 吾鄉紅豆樹 自順治辛丑開花 不過數枝花 主人  
開樽譙客 極文酒之盛 越今一百二十六年 道光甲申 又花乃爛然盈樹 花  
形如扁豆 花其香辛烈 瓣白蕊黃 中抽紅絲 一縷 時予遊定陽 家書來頗詳  
述之 怪道相思 易斷腸 本來名卉 是同鄉 春風南國 銷魂種 又吐紅心 一

紅絲 萍蹤絮跡恨何如下水輕帆我所需不得見花須見子秋風把酒覓  
紅珠 攜樽聞說謔遊頻踏徧青矜陌上塵獨我天涯無賴煞暗思前度看  
花人 尙書臺樹總荒煙遊侶還應話劫前地下有人聽不得花開偏是甲  
申年

按順治辛丑至道光甲申爲百六十又四年天真閣所記蓋得其實閣鄉  
云一百二十六年者誤也

(吳震拜雲閣樂府卷二)疏影 芙蓉莊紅豆樹順治十八年作數枝花子  
一顆後枯乾隆五十年重生且旁茁一株道光四年花始再開花形亦如尋  
常豆花耳而莖綠蒂紫瓣白鬚黃丹心孤挺莖蘊其中自三月作花至五月  
未盡也 繁華盡歇賸舊時大樹遺恨南國仙鶴歸來若到花間胎仙名夢  
已無跡匆匆百六春風過再喚醒枝頭香魄卻笑他孤蘊丹心何似絳雲顏



色 還倚新妝鬪影但留素豔在誰忍攀折生死當年開落今年獨向斜陽  
悽絕秋心枉結相思果問可有同心開出甚此花開不常開開在甲申二月  
（郊綸遠閣坡詩鈔卷三）紅豆花詩 村莊逸事話誰聽聚散情如水面萍  
忍使心腸如鐵石卽今顏色尙丹青綠堪再續仙還苦春到無歸夢不盡我  
自懷人怨遲暮粉痕香影太零星 茫茫陳跡忽翻新一繫相思亦捐神十  
畝園荒誰是主百年花發不關春啄餘鸚鵡知何日愛比甘棠到後人堪笑  
村兒訛作解頻將鐵樹問來因 浪蝶狂蜂枉去尋枝高那許俗塵侵十分  
綺思題雙夢一縷紅絲綰寸心不信人閒春易去但看葉底子成陰徘徊白  
石橋頭路過眼繁華暗溼襟 海南華望海東看天遣名材落苦寒好與商  
量來日會只愁發洩盡情難滄桑樂府聲安在金粉南朝事已闌欲折一枝  
頻縮手豔情生怕不團圓 轉從愛海得淒涼老去何心對冶妝到底鍾情  
惟我輩難忘生意滿江鄉留芳煞把愁根護破戒先將綺語防應共白榆天

上種手書一疏乞花王 故家喬木已無存  
愁指芳菲薛荔村 難得風華傳  
作手那因灰劫斷 情根芬芳尙著三  
生迹 皮相空餘六代痕 欲觀名箋題錦  
字 江郎老矣總休論

披闌坡此詩亦爲道光甲申紅豆又花而作

(徐康前塵夢影錄卷下) 先叔父鴻寶公嘗攜弟子張陸兩生同至平橋書肆小憩書賣出河東君詩四本卷帙甚薄丹黃殆遍係河東手錄底本中有與松園老人倡和及主人紅豆詩甚多索價四金訂以少頃攜值往取詎叔父歸舍旋赴會文之約二鼓始返翌日遣弟子持賣去取書賣復云昨日令師去後卽有人來如數付價取去人海茫茫無從蹤跡叔父爲之悵然者累日

按柳如是詩張南溲已刊入佚叢甲集而紅豆倡和之什闕如亦一憾事據徐氏說知麈尾完帙尙在人間不知胎仙奉和之篇果能蹤跡及之否

此錄補遺否也

芙蓉莊紅豆錄終

芙蓉莊紅豆錄

十三

長風閣藏書



遼東行部記

己酉秋日

吳仲書端



Handwritten text in a rectangular frame, likely bleed-through from the reverse side of the page. The characters are faint and difficult to decipher, but appear to be arranged in two columns.

遼東行部志

金王寂著

明昌改元春正月十有二日丙申予以使事出按部封僚吏送別於遼陽瑞鵠門之短亭是日宿瀋州在有唐時嘗爲高麗侵據至高宗命李勣東征置安東都護府於平壤城以領東其後或治故城或治新城實今之瀋州也又韓穎瀋州記云新城卽瀋州是也至於唐季不能勤遠遼東之地爲渤海大氏所有傳國十餘世當五代時契丹與渤海血戰數十年竟滅其國於是遼東之地盡入於遼予因念經行之路尙隱約有荒墟故壘皆當時屯兵力戰暴骨流血之地於今爲樂園久矣弔亡懷古亦詩人不能忘情也因賦一詩云季唐遺百六邊事失經營大氏十傳世遼人久弄兵戰場春草瘦戍壘暮煙平今日歸皇化居民自樂生丁酉次望平縣望平本廣甯府倚郭山東縣也朝廷以廣甯距章義縣三百餘里路當南北之衝舊無郡邑乃改山東爲

望平治梁魚務以適公私之便是夕借宿僧寺寺中宰堵波其上有大定二  
年春顯宗御題下云皇子楚王書卽是當是未正春宮之號從世宗自遠至  
燕於此駐蹕時所書也方將瞻拜其下懷想天日之表不意已爲僧寺掃去  
令人歎恨不已因作詩以紀其事云解鞅招提日已西強將懶脚汗丹梯深  
藏舍利天龍護高出枝撐野鶴棲尙憶雲章留素壁豈期俗物掃黃泥低徊  
搔首無人會風樹蕭蕭鳥自啼廣甯本東陽羅郡渤海時爲顯德府僚世宗  
兀烈以其父突欲歸中原被害迎其喪歸葬於山之南改顯德曰顯州奉先  
君以節度使治之奉先者以山陵在其側故也戊戌次廣甯宿於府第之正  
寢以驅馳渴甚斯須得秋白梨其色鮮明如手未觸者予問驛吏曰其法  
大概候其寒煖而輒易其處食之令人胸次灑然如執熱以灌也爲賦一詩  
醫巫珍果惟秋白經歲色香殊不衰霜落盤盂批玉卵風生齒頰碎冰漸故  
侯瓜好真相敵丞相梅酸謾自欺向使馬卿知此味莫年消渴不須醫己亥



以文祭廣甯公云伏以醫巫閼維朔之鎮山廣甯公有唐之封爵威行千里  
血食一方職司雖異於冥陽類應不愆於頃刻某祇服王命周按部封雪孤  
窮無告之冤去乾沒橫行之蠹仰祈英鑒洞照徽衷期使事之告成賴神休  
之陰相尙饗庚子予昨晚以簿書少隙攜香楮酒茗致奠於廣甯神祠且訝  
其棟宇庳漏旁風上雨無復有補完者予謂贊者曰醫巫閼天下之名山也  
況其神位置尊顯而此邦之人獨不加敬何也贊者曰人非不敬以其神不  
妄作威福視之平平耳予笑曰淫祠妖鬼厭飫血食而茲神故乃如此因賦  
長韻以發其不平之氣云千古廣甯廟口楣榜舊題名乘中祀典秩賜上公  
圭百鬼輿臺賤羣山部伍低地封連薊北天遣鎮遼西檜影森旌節松聲殷  
鼓鼙雕梁通蜴蜥畫棟落虹蜺象古蟲書薜庭卑蚓篆泥垂楊空叟叟蔓草  
自萋萋香火何嘗到性醜不見攜覘巫俱掃迹樵牧漫成蹊物理多徼幸人  
情固執迷城狐爐鵠尾社鼠案豚蹄居士爭求福彭郎爲娶妻吾生多坎軻

末路易推擠白玉甃云潔青蠅奈爾棲人言何恤是神鑒自昭兮扼腕聲悲  
壯垂頭氣慘悽虺蛇伏歷馬進退觸藩羝苟不登槐府何如釣柳溪乞骸謀  
已決掣肘事仍睽仰視威靈在潛通辟蠶齊遲遲歸未得殘日亂鴉啼辛丑  
夜久不寐步月中庭偶得一絕句云晚來潑火雨猶寒捲盡纖雲轉玉盤想  
見梨花深院落秋千影裏數歸鞍壬寅得故人王繼昌予做書爲乃父乞哀  
詞予以埋沒簿書殊無好懷漫賦二詩以寄之天上玉樓應斷手便騎箕尾  
去堂堂夢回失大槐安國事往墮無何有鄉命也使然濡末路天乎或者付  
名郎舊遊磨滅今餘幾橫涕無從醉一觴吾家碧樹忽先摧已矣誰能賦七  
哀石椁正逢王果墮玉棺獨召子喬來山巔鶴去那容挽床上琴忘更不開  
想到靈芝夢遊處更無長樂曉鐘催癸卯是日得海山文集乃遼司空大師  
居覺花島海雲寺時所製也故目其集曰海山師姓郎名思孝蚤年舉進士  
第更歷郡縣一日厭棄塵俗祝髮披緇已而行業超絕名動天下當遼興宗

時尊崇佛教自國主以下親王貴主皆師之嘗錫師號曰崇祿大夫守司空  
輔國大師凡上章表名而不臣興宗每萬機之暇與師對榻以師不肯作詩  
先以詩挑之曰爲避綺吟不肯吟既吟何必昧真心吾師如此過形外弟子  
爭能識淺深師和之曰爲愧荒疎不敢吟不吟恐忤帝王心本吟出世不吟  
意以此來批見過深天子天才已善吟那堪二相更同心直饒萬國猶難敵  
一智甯當三智深二相謂杜令公劉侍中也後遇天安節師題松鶴圖以進  
云千載鶴棲萬歲松霜翎一點碧枝中四時有變此無變願與吾皇聖壽同  
師自重熙十七年離去海島住持縉雲山興宗特遣閣門張世英齎御書并  
賜香與麻絲等物書云冬寒大師法候安樂比及來冬差人請去寺望不賜  
違阻末云方屬祁寒順時善加保攝詳其始終問訊禮如平交非當時道行  
有大過人者安能使時君推慕如此然亦千載一遇豈偶然哉甲辰次閩陽  
新縣閩陽遼時乾州也承天皇太后葬景宗於先塋陵之東南建城曰乾州

取其陵在西北隅故以名焉本朝以其縣去廣甯府五里陵州爲馬縣去歲又以縣非驛路移東南六十里舊南川寨爲縣治居民蕭條亦無傳舍寄宿於僧寺主僧老且痺謂予曰淵唯識令至再四意淵公初遊海山其後駐錫遼西住六和寺前三日復經於此再宿乃去且留棄繻以示其信予視之果然淵公者蓋予祖父之孽子也早天祝髮聽天親馬鳴大論幾三十年所往攜抄疏不下兩牛腰一日頓悟向上路遂語諸僧友曰佛法無多子元不在言語文字乃以平生所業束置高閣自是遍歷叢林求正法眼藏又數十年今已罷參矣但不得一見爲恨乃作詩以爲他時夜話張本云了卻三根椽下事一瓶一鉢閱東州暹齋生厭樹生耳罷講似嫌石點頭起滅無波真古井往來觸物信虛舟門人定喜歸期近松已回枝水復流乙巳次同昌舊名成州長慶軍節度使始建於遼聖宗女晉國公主粘米以從嫁戶置城郭市肆故世傳公主成州者是也是夕假宿於南城之蕭寺僧屋壁間作山水四

幅初疑其真卽而視之乃粉墨圖染勒畫而成者因作二頌遺主僧智垣他日遇明眼人當出示之畫真猶是妄何況畫非真正做夢說夢知是身非身幻出丹青手今人一念差如觀第二月猶見空中花丙午次宜民縣宿福嚴院宜民舊號川州長甯軍節度使或謂白川州故至今地名白川本朝天會間改川州刺史其後遭契丹之亂殘滅幾盡由是復降爲縣予行宜民道中是日熟食節山林間居民攜妻孥上塚往來如織撩人歸思殊無聊賴又念壯歲獻賦上都嘗出此途今四十年矣雖山川依然而蒼顏華髮殆非昔日感今懷昔漫作詩以自遣云蹤跡年來遍朔南消磨脾胃困征驂居民勝日一百五倦客流年六十三水性依然人自老樹圍如此我何堪餅無儲粟猶歸去待有良田已是貪丁未飯罷寺僧出示畫十六羅漢像予觀其筆意高遠殆非尋常畫師所能到視其背有跋云熙甯九年二月入內高班張俊送到羅漢十六軸又旁有小帖子云待詔侯係慶等再定及第一品審知宋朝

之舊物非兵火流落安得至於此耶戊申次胡土虎寨胡土虎漢語渾河也水邊野寺舊名額殿宇寮舍雖非壯麗然蕭灑可愛因留詩壁間云斷橋環曲水蕭寺枕橫波佛壁書螭篆僧牕網雀羅天高延月久地潤得存多粥飯催行李驅馳奈老何已西行約四十里過小崗若曰建福臨洮總管蕭卡之祖所創也其上有浮圖高出於兩峯間望之巍然玉立可愛馬上口占一絕句云林野初疑盤野鶴巖頭俄喜見枝撐地偏絕勝臨平路開與行人管送迎是日宿懿州寶嚴寺懿州甯昌軍節度使古遼西郡柳城之域遼聖宗女燕國長公主初古所建公主納國舅蕭孝惠以從嫁戶置立城市遂爲州焉舊名廣順軍庚戌移宿於返照菴是菴蓋僧介殊之故居也予嘗兩過甯昌皆宿於此故北軒有予自平州別駕審刑北道假宿寶嚴時北軒雜花爛熳所恨主僧行脚未歸不得款接晤語爲留三絕句且圖他日重來不爲生客實大定甲午暮春二十有二日也寨路飛沙沒馬黃解鞍投宿贊公房主人

何事歸來晚滿院落花春草長桃李山僧手自栽不應容易向人開綠苔滿  
院重門鎖爲問東風底處來樹頭樹底花開盡擺撼春風略不停耐久何如  
種松竹歲寒相對眼終青大定丁酉予貳漕遼東以朝命按治冤獄復寓於  
此是時始識殊公過從者連日臨分時殊乞言甚懇因用前韻是歲四月十  
二日也李子青青小未黃綠陰如染可禪房腹搖鼻息平生定更覺空門興  
味長僧者道機元自熟楞嚴座掩不須開擁爐諦聽談無上天雨花隨塵尾  
來枕簟清和消永日軒窗明快喜風停道人不掃階前地愛惜莓苔一巡青  
明昌開元之三月予又以使事按部經此自甲午抵今凡十有七年雖屋宇  
依然而主僧示滅久矣北軒花木蕪廢殆盡感念存亡令人氣塞遂復用前  
韻此與劉夢德三過玄都觀留詩况味殆相似焉梁上遺經古硬黃前身智  
永後身房葛洪澤畔中秋月此夕相逢話更長穠李夭桃滿院栽當年留宿  
正花開而今樹老僧行上前度劉郎又獨來露電浮生何足恃風燈短景若



爲停卻尋舊日經營處。撲地揚花策已青。辛亥僧上首性潤。邀予啜茶於東軒。壁間有張潭王樂之皇統乙亥歲遊山詩碑。中有遊輞川間山神詩云。古棧松溪曲繞崖。亂山隨步翠屏開。不知摩詰幽棲後。更有何人曾到來。代山神答詩云。好山好水人誰賞。古道荆榛鬱不開。一自施僧爲寺後。而今再見右丞來。按公自序云。頃在闕下。閱摩詰所畫輞川圖。愛其山水幽深。恐非人世所有。疑當時稍加增飾。贊奉命來長安。暇日與都運劉彥謙總判李願良同遊此川。將次藍田望玉山。已覺氣象清絕。自川口至鹿苑浮雲積翠之氣。上下混然。宛如在碧壺中。雖顧陸復生。不可狀其萬一方。知昔之所見圖本。乃當時草草寓意耳。時公方爲行臺尙書右丞。以王摩詰亦唐之右丞也。故尾句及之。又鹿苑寺詩云。前旌臨輞水。一雨霽藍關。予戲謂坐客曰。前旌之說。大似松下喝道。至其次云。怒浪平欺石。晴雲猶戀山。予曰。賴有此耳。坐上爲之絕倒。然觀其遊高冠古詩中。有人間無此景樹下。悟前生之句。平淡渾



成意趣高遠向使生晉唐間必當升陶彭澤之堂入草蘇州之室矣蓋公胸中自有一邱一壑故信口肆筆絕無俗句自公仙去於今三年未嘗見如此人物縱有亦未易識也悲夫壬子飯糲素於經國閣座有老衲悟公出示法書數幅皆古銘文衣銘曰桑柔登苦女工難得新捐舊後必寒几銘曰安無忘危存無忘亡熟惟二者後必無殃杖銘曰輔人無苟扶人無容又杖銘曰身之疲杖以扶之國之危賢以圖之觴銘曰樂極則悲沈湎致非社稷爲危鏡銘曰以鏡自照者見形容以人自照者見吉凶櫛銘曰人之有髮旦日思理有身矣有心兮胡不如是枕銘曰或枕或欹有安有危勿邪其思凡此七銘皆人之服食器用且夕不可闕者求其源蓋出湯之盤銘使行住坐臥見之愀然不敢懈墮豈小補哉故併錄之亦將以自補耳癸丑飯罷登閣上有熾聖佛壇四壁畫二十八宿皆遼待詔田承制筆田是時最爲名手非近世畫工所能及予以九曜壇像設殘缺乃盡索行橐中得十千付寺僧溥公令

補完之徘徊登覽顧謂溥公曰此寺額寶嚴人復呼爲藥師院者何故溥公曰嘗聞老宿相傳此遼藥師公主舊宅也其後施宅爲寺人猶以公主之名呼之今佛屋昔之正寢也經閣昔之梳洗樓也感其事而作一詩富貴利那頃興亡瞬息中當年秦女第浩劫梵王宮翠閣鉛華歇朱門錦繡空給園與祇樹千古共高風甲寅僧溥公出示故人王平仲所集和蒙求始末皆用齊韻至於對屬事類親切不減前書向其弟乞予爲序將毀木行世予辭以不能亦且不暇將俟他日平仲才學俱優卒不爲世用而遂與草木共盡惜哉乙卯觀銀字藏經上題云高麗王王堯發心敬造大晉開運三年丙午二月日又大般若波羅密多經一部卷首云菩薩戒弟子高麗國王王昭以我國光德四年歲在壬子秋敬寫此經一部意者昭認將冲幼獲嗣宗祧機務旣繁安危所繫是以每傾心於天佛固勤力以祈求所感必通事無不遂故欲報酬恩德輒有此願謹記予按宣和六年徐競撰高麗圖經進首著高麗王

王氏宗係云王氏之先蓋高麗大族當高氏政衰國人以王建賢共立爲君長時後唐長興三年也請命于明宗封高麗國王石晉開運二年建卒子武立乾佑末武卒子昭立自昭而下凡十一傳至于堯堯之襲封歲月雖不可考然以其父運立于趙宋神宗元豐六年運立四年卒堯子立卽是堯立于哲宗元祐二年也今銀字經郤云大晉開運三年丙午高麗王王堯發心敬造以予考之堯卽建之十三代孫也既建卒于開運二年豈有堯造經于開運三年之理耶斷無是理也况堯父名運雖高麗用中原正朔在本國亦當迴避此必妄耳昭之所書經云以本國光德四年歲在壬子秋敬寫此經據圖所載昭之父武卒于乾祐末按五代史劉知遠卽位之明年改元乾祐終於三年而已既云武卒于乾祐末是必乾祐三年可無疑也計昭之嗣位當契丹嗣聖滅石晉之後終劉漢之後昭未嘗朝貢至郭周廣順二年昭方遣廣評侍郎徐逢來今經之跋文云以我國光德四年既當時高麗未臣中國

宜止用本國年號也然光德年號當更考於他書則眞賢可立判矣丙辰寶  
嚴僧上首溥公出示墨竹四幅且求頌焉余以紛紜領中草草作此云橫  
枝出叢林獨得迴光照慎勿作長竿寒魚不受釣右弄晴法雨漬雲梢點點  
甘露滴舌本自清涼西江不須吸右洗雨風過卽安閑風來卽招颺青青白  
眞如塵色終不染右披風尊者老不枯魁然挺高節求心已無心斷臂猶立  
雪右甘節丁巳晨發潞州是日大風飛塵暗天咫尺莫辨驛吏失途至東北  
山下橫流洶湧深不可濟乃問路於耕者郤立謂余曰我非力田無以爲生  
官人顧不得安閑耶乃熟視一笑而去予媿其言作詩以自責云逆風吹面  
連朝暮蓬勃飛塵漲烟霧前騶杳不辨西東駐馬臨流不能渡却尋山巖間  
津焉山下野老方耕田舉鞭絕叫呼不得俯首僂驅烏犍可憐野老頭如  
葆龜手扶犁赤雙脚爲言生理固須勤盍避今朝風色惡已而野老笑迴頭  
我自家貧仰有秋官人富貴年如此胡不收身覓少休我初無意聊相諫不

意此翁反見誚莫嗔瀟吏笑吾儂自揣吾儂也堪笑是夕寄宿於靈山縣之佛寺戊午早解鞅於慶雲縣縣本遼東瀛州皇統間始更今名予方解衣盤礴從者携束蒲以獻曰適得雙魚可食也發視之氣息奄奄然卽命貯之盤水中少頃植箸鼓蠟頗有生意予歎曰爾相濡以沫相煦以濕苟延斯須之命何如相忘於江河哉迺命長鬚持送于遼河之中流圍圍然洋洋然幸不爲校人之欺也戲作小詩以祝之云我哀濡煦輟晨羞持送東城縱急流此去更飢須閉口莫貪香餌弄沈鈎己未晚達榮安縣昔在遼爲榮州借榻于蕭寺僧舍壁間有施食放生記乃木墨蠟石本裝飾成軸三復其文辭理俱妙大概假賓主問答云有大沙門於佛誕施食放生真時一居士謂沙門於曰聚食施食真汝慳貪取生放生真汝殺害彼餓鬼等以慳貪故彼畜生等以殺害故不應利彼而隨墮彼云沙門卽應之曰以實不食實施少分食作無數食一切餓鬼無不能食以實不生放今日生令無盡生一切畜生無不

能生此其大略也餘不具錄其後云至和二年四月八日嘉禾陳舜俞記熙甯七年五月十日眉山蘇軾書予以宋史考之至和二年神宗朝乙未歲也熙甯七年神宗朝甲寅歲也又按三蘇文集熙甯四年冬東坡通守餘杭七年秋移守高密以九月二十日辭天竺觀音去杭至密今此記云熙甯七年五月七日蘇某書卽是猶在杭時也東坡忠厚不妄許可如歐陽永叔作韓魏公德威堂記范仲淹作狄梁公神道碑皆公手書自餘非文章議論有大過人者未嘗容易作一字今陳公所記施食放生事坡公持爲之書者意可知矣公往在廣州時率錢數不舉之子在僮耳時臨江放垂死之魚以是觀陳公之記意必有愈於心者故爲書之其字端謹大小頗與枕中經相類眞所謂傳世之墨寶云庚申以軍民田訟未判爲留再宿午飯後信手取故書追眼乃韓文公集開帙得詩云居間食不足從事力雖任二者俱害性一生恒苦心三復其言掩卷爲之太息非韓公飽閱窮通備嘗艱阻斷不能作是

語予丁年茲仕凡四十年俸入雖優隨手散去家貧累重生理索然汗顏竊  
祿則不免錦鳴漏盡之罪謀生勇退則其如啼飢號寒之患行藏未決悶默  
自傷爲作五十六字云舉家千指食嗷嗷不食誰能等繫匏掠剩大夫湯沃  
雪定教窮鬼漆投膠舂豕已老不成繭社燕欲歸猶戀巢莫待良田徑須去  
移文聊解北山嘲辛酉次歸仁縣宿南城道院歸仁在遼時爲安州本朝改  
降爲縣抵暮得季弟元微書及未央宮花頭瓦硯詩壬戌追念吾友高公無  
忘天德辛未歲嘗爲歸仁簿予時赴會甯御試過此高公館予甚勤於今四  
十年矣公大定丙午爲尙書右司郎中扈從之金源是歲公之夫人與子相  
繼而歿婢僕死者又數人公自是絕無生意期月之間一夕暴卒公平生知  
我最深故予悲傷不能已也且作詩以傷其不幸云晚景桑榆方見用秋霜  
蒲柳已先彫虞兮命矣甘爲土鯉也天乎竟不苗奇禍一門曾未見旅魂萬  
里若爲招傷心此地鸞栖棘不見搏風上九霄癸亥次柳河縣舊韓州也先



徙州於奚營州後改爲縣又以其城近柳河故名之予宿僧舍觀其榜曰澄  
心菴予以周金剛公案戲爲短頌以問主僧云心動萬緣飛絮心寒一念如  
冰過去未來見在待將那個心澄僧雖嘗講經絕不知個中消息問之茫然  
卒不能對也甲戌以妙香供旃檀金像乙亥次韓州宿大明寺韓州遼聖宋  
時併三河榆河二州爲韓州三河本燕之三河遼祖掠其民於此置州故因  
其舊名而改城在遼水之側常苦風沙移于白塔寨後爲遼水所侵移于今  
柳河縣又以州非衝途卽徙於舊九百奚營卽今所治是也日路傍見俗  
謂雞兒花者予爲駐馬久之吾鄉原野間此物無數然未嘗一顧今寒鄉久  
客忽見此花欣然有會於心退之所謂照壁喜見螭者亦此意歟其花形色  
與鷄絕不相類不知何以得此名也爲賦一詩花有雞兒號形殊意卻同封  
包敷玉卵含蕊啄秋蟲影臥夜棲月頭駢曉舞風但令無天折甘作白頭翁  
丙子老兵白遼陽來得兒子欽哉安信又附到葛次仲集句詩亞卿平日喜



作此是亦得遊戲文章三昧者至於事實貫串聲律妥帖渾然可愛自非才  
學該瞻豈能自成一家如此其卽事云世路山河險權門市井忙田家云雀  
語嘉賓笑蟬鳴織婦忙贈釋子云有營非了義無事乃真筌送別云世界多  
煩惱人生足別離又云寂寞憐吾道淹留見俗情晦日云百年莫惜千迴醉  
三月惟殘一日春春望云楊王盧駱真何者許史金張安在哉寄口達云舉  
世盡從愁裏老何人肯向死前休秋郊鷹目云不堪回首還回首未合白頭  
今日頭其偶對精絕多此類東坡所謂信手拈得俱天成者亞卿有焉丁卯  
予臥榻圍屏四幅皆著色畫大曲故事公餘稍憩各戲題一絕句胡渭州云  
相如游倦弄琴心簾下文君便賞音犢鼻當年卜偕老不妨終有白頭吟新  
水云徐郎生別一酸辛破鏡還將淚粉勻縱使三年不言笑祇應學得息夫  
人薄媚云深知歲不利西行鄭六其如誓死生異類猶能保終始秦樓風月  
卻無情水調歌頭云牆頭容易許平生繩斷方悲覆水瓶子滿芳枝亂紅盡

東君不管儘飄零丙辰子晝寢夢到故山幅巾藜杖盤桓于柳溪之上既寤予意謂造物者責以漏盡鐘鳴夜行不休故神報如此作詩以頌云管聞勞生佚以老不謂區區老更忙自笑頑軀體青紫誰求絕足鑿驢黃苦無長策裨神主大有閑山著漫郎夢到故鄉猶可喜幾時真箇是還鄉丁巳次胡底千戶寨宿溫迪罕司獄家胡底漢語山也以其寨居山下故以爲名路旁有野花狀如金蓮而差小其葉瑣細大率如魚藻土人謂之耐凍青生於祁寒撥雪而見之已青靑然予携以歸置之坐上終日相對傷其背時失地爲賦一詩耐凍雖微物嚴冬不敢侵蕊嫌官額淺色勝羽衣深戲點人間鐵閑鋪地上金臘梅甘丈行霜菊許朋簪風雪窺天巧泥沙惜陸沈分無春借力徒有歲寒心採掇香盈把歔歔淚滿襟栽移損生理汝勿念知音戊午次南謀懶千戶寨南謀懶滿語嶺也以其近分水嶺故取名焉借宿於朮勃輦家屋壁有兩橫幅畫江天風雪水鴨鴻鵠相對於枯荷折葦間其鴻鵠水禽毛羽

毫髮可數似有生意乃命拂去塵埃上有繩頭細字髣髴可見云前翰林賜  
緋待詔劉邊七十七歲寫生既稱前翰林待詔是必宣政間人因本朝混一  
之後流落於漢北時所作也予且觀且歎爲賦一詩云枯荷不禁風水鴨行  
且飲折葦半欵雪鴻瀾相對寢風雪意未已寒氣猶懍懍屋煤昏細字熟視  
僅可審翰林前待詔年過七十稔想見宣政間紆朱給官廩權門收短幅軸  
玉囊古錦縱非列神上猶足入能品丹青雖由學精絕固天稟蛟螭失江湖  
魚鱗初不淦蘭蓀遭踐履生意羨葵荏當年方得志驕侈無乃甚晚爲口腹  
累吮墨博凡飭畫工屹如堵見此當歛衽我欲與題跋材非曹與沈興廢故  
置之投床就高枕己未次松瓦千戶寨松瓦者城也寨近高麗舊城故名之  
是日山行始見水碓予躊躇良久且歎其機巧而傷其大朴之散也作詩以  
紀其事云世人多機心技巧變淳古水碓誰始有石白而木杵決流注其尾  
尾抑首自舉其法如權衡輕重司仰俯浮沈刻漏箭動息記里鼓木牛轉芻

粟探弓殪貔虎碾確出一律枯樺何足數我昔居村落升斗給爨釜晨吹課  
婢僕繭足辭艱苦是時此未識自笑愚且魯細思乃詭道抱甕應不取文公  
巧者傳信矣無浪語食焉忘其事殃禍嘗因覩耕鋤瀝汗血猶水旱風雨况  
爾飽無功天意恐不與庚申宿特撥合秦特撥合漸地也晚登小山山南杏  
數株方蓓蕾矣忽憶舊年京洛聞才元宵後時有賣花聲今春將盡方得見  
此爲賦三絕句云柳色含煙凍已迴杏花迎日暖如開須知造化無南北更  
遠春風也到來杏梢如怯曉寒輕相對無言卻有情憶得上都春睡足隔墻  
時聽賣花聲朔漠杏花初破蕾南州梅子已垂枝寒鄉倍費生成力但得陽  
和莫恨遲辛酉宿闢羅寨渤海高氏家闢羅漢語煖泉也以山間流水一股  
經冬不冰故以是名寨予方解衣盤礴忽聞簷間燕語亟視之蓋自春山行  
未見也因念燕以炎涼兒女之計不免羈栖于萬里之外可嗟也有詩云平  
生便靜今衰老黃雀傍簷嫌噪忽聞燕語絕可憐亟出披衣任顛倒尼南

似說經歲別念我窮愁如慰勞飛雲軒在容借不故里故園聊一到不然爲  
我達一信問訊平安卻相報黎明與汝當遠別汝可低頭聽吾告稻梁多處  
足羅網閉口忍飢無抵冒芹泥深累要安穩艾葉儻來休急躁明年按部定  
經此與汝相期永爲好臨行叮囑主人翁千萬莫將天物暴壬戌次卻畏千  
戶營卻畏漢語清河也宿耶塔刺虎寨漢語火鎌火石也是日曲折行山溪  
之間溪上有挑菜女三四輩皆素面潔服絕無山野塵俗之態中一人植立  
於道側尤非尋常八字眉可比也馬上漫成四詩手攜藍子滿新蔬霧鬢風  
鬢立暝途約束前驅休問口羅敷嫌笑使君愚薺芽蒲笋遶溪生采掇盈筐  
趁早烹想得見郎相斌媚飯籬攜去餉春耕踏青挑菜共嬉遊不識風前月  
下口落日緩歌攜手去新聲爭信錦纏頭羞將明媚鬪春妍顧影徘徊祇自  
憐消得風流黃太史國香流落嘆隨緣癸亥次和魯漢語木孟子也是日子  
以疲鴛長路困於跋涉自念躍馬食肉壯年之事今老矣尙作此態宜乎不

勝其勞迺作詩以自慰云深撿烏帽障黃塵餽肉消磨浪苦辛按樽澄清須  
我輩據鞍矍鑠奈吾身祇憑忠信行蠻貊豈有文章動鬼神南轍淮陽北遼  
陽可能無地息勞筋庚子次鼻里合土千戶營鼻里合土漢語范河也是日  
方作書命取筆硯主人攜一瓦龜其闊六寸長則倍之至首尾蓋足皆具去  
其蓋則水貯其間墨磨其背然予未嘗見也因作龜研引村家瓦硯伏靈龜  
意謂天產非人爲足趺首尾如欲動蓋畫八卦從庖犧別陽貯水濡毛雖削  
背如砥磨玄圭中邊俯仰皆中規十手對面窻容遲得非匠氏中野觀壞碑  
揉泥想像得意生新奇我知此物雖異制其所由來非近世陶泓乃祖爾苗  
裔中表羅文爾其弟何不捧玉堂閣老金蓮底夜草麻辭拜房魏又不隨春  
房場屋集吏計衡石低昂較才藝胡爲乎流落朔漠之窮鄉何異越人章甫  
逐臭之都梁苟不覆醬餗將支折脚之木床惜也不爲世用而令人悲傷嗟  
予與汝兮此生齟齬雖欲自效兮不知其所明日啓行則吾將以佩刀易汝

徑攜以歸要注蟲魚於環堵硯分行當渡遼鼓柁於洪波汝勿念枯魚之過  
河倏然踴躍兮如陶壁之飛梭迴首脊脊兮蹴踏於蛟鼉使予瞻望不及兮  
涕泗滂沱嗚呼汝轉棄予兮予將如何幸止次咸平宿府治之安忠堂咸平  
禹別九州其地則冀州之域舜置十二州卽幽州之分周封箕子始教民以  
禮義秦併六國置爲遼東郡及高麗旣強侵據其地唐高宗命李勣東征高  
麗置爲安東都護府其後爲渤海大氏所有契丹時旣滅大氏卒入於遼遂  
爲咸平府兼總管本路兵馬事昔予通漕遼東居此者凡二年以是遷移區  
併粗得知之是日口易傳於山下民家旁有古城甚大問路人云此高麗廢  
城也予駐立於頽基極目四顧想其當時營建恃以爲萬世之計後不旋踵  
爲人所有良可歎已乃作詩以弔之句麗方竊據唐將已專征謂李勣也國破千  
年恨兵窮百戰平信知宗子固不及衆心成試望含元殿離離禾黍生壬寅  
吾鄉人王生者見訪生善星水初爲人擇葬來比因循不歸餘二十年矣今



再見之其貧如舊所異者蒼顏華髮耳予欲勉其歸以短詩贈之憶昔分攜如隔世相逢驚見兩茫然松楸河朔三千里萍梗天東二十年白髮可憐浮海粟青囊不博買山錢明年會約同歸去里巷追隨作散仙癸卯予公餘塊坐因念舊年逐食於此嘗遊李氏園時牡丹數百本方爛熳盛開內一種萼白蕊黃者風韻勝絕問其名曰雙頭白樓予惡其名不佳予乃改曰並蒂玉東西後復往則羣芳盡矣所謂玉東西者雖已過時其典型猶在並立久稍休於小亭亭中有几案几案置小硯屏乃題絕句於硯屏上今不知在否因詢其家李氏子取以示予醉墨宛然計其歲月十有七年矣甲辰數日前李花方破蕾予命以瓶貯之既而爛開今日已復飄零方歎息間適有獻桃花者於是以桃易李挑以新泉清而沃之欣榮轉甚照映李花粉光如玉予謂桃李之品素不能低昂今一爲棄物一爲珍玩者無他蓋時與不時耳因物感情爲賦一詩且以雪李花之恨云江陵二月李花飛安東三月花尙稀春



寒要勒開未得枝上的  
鑿團珠瓊秘壺滿插猶嫌窄  
紅紫紛紛厭俗格朝夕  
調護易新泉約束不容纖手摘  
縞裙練脫正可憐遽爾玉減春風前  
已恨色衰甘棄擲  
桃花無賴鬪芳菲  
李被桃欺休懊惱  
豈有先開不先老  
桃花得意能幾時  
咫尺離離開更好  
乙己予晝寢既覺觀臥屏上  
三僧圍碁於松下  
二老者對奕一癯者旁觀  
一小僧洗滌茶具一童子負韋山笠  
立於坐側衣裾體貌種種不凡  
至於勝負之態似見於顏色  
惜乎不知畫手爲誰也爲題一詩於屏上  
云人間龍象風骨奇癯者精悍老不疲  
得非石林洪覺範參寥佛印相追隨  
茶瓜卻去香火冷曦馭不轉松陰遲  
口鉗未欲作詩債坐隱聊爾逃禪癡  
黑矜驟勝見顏色白負少屺方低眉  
宣州一著太容易瓜葛爭道真兒嬉  
吾聞老瓚有道者寒涕不收從垂頤  
又聞作止俱是病况此念念傾人危  
何如四脚碁盤一色子一局展轉無成虧  
丙午問囚既罷因詢於吏予舊識王本者  
今在何地吏曰棄家久矣今居松山尹皮袋之舊居  
又問尹皮袋

何人也吏曰本陝右人居此山者凡五十年無貴賤少長均以尹皮袋稱之自稱曰得得或問得得之說渠云知得來處知得去處世以此爲逢人有數約雖風雨不愆一日山下渤海民家召飯陰置蠱毒既覺輒嗽新泉危坐數日所苦良已既而復召復去門人妻先生者事尹歲久切戒之曰今中毒凡五幸無恙當辭以不赴尹曰予不諾其請則是家必不滿意也後竟爲蠱所困乃閉目不食嗽水凡七晝夜晨起謂妻先生曰汝嘗吾冀滅否妻有難色尹笑曰汝尙有此爾乃自取以砥之曰無礙矣吾將行上矣妻且泣且懇曰願師見教尹曰少吃鹽莫吃醋別人愛你你休作踣跌而逝後數歲有人以尹書遺妻先生者吾待汝於華山汝宜速來妻卽往焉後不知其所終尹屍三十年兀坐如枯株亦不腐大定丙午歲咸平集真觀劉道士載歸不觀火其屍而葬之有讖無不爲歎恨也且又說初奉迎出故山時冠服儼然及臨風衣袂飄揚翩翩如飛蝶焉獨幅巾宛然無纖毫敗朽市民郭氏者以新巾

易之秘藏於家晨昏香燈奉事彌謹初道友往來見時得瞻頂自後其家頗厭人事託以羽化焉丁未登霞山觀宇文叔通撰劉司空神道碑劉公名宏字子老山燕王仁恭之七世孫也仕遼任懿州富昌軍節度使收國初以闕境歸附本朝懿之生齒數無踰履之喪公之力也古人謂活千人者必封如公又豈止活千人而已則劉氏之昌也無疑矣四月戊申朔以先考諱日飯僧於禪會齋罷易衣於方丈壁間有著色維摩居士像其隱几示病揮犀語道俱有生意詳其顧盼領畧是必與文殊對談之際惜乎兩幅之失其一也予因以兩偈贊之云不悟維摩其病卻將天女相猜要識本來面目化身金粟如來登玉座餘半席香積飯惟一盃可笑曼殊空利區區卻爲食來已酉宿清安縣治之生明堂清安世傳遼太祖始置爲肅州本朝降爲縣驛卒曰堂之北軒有櫻桃正發予亟往視之迺朱櫻數株長五尺許每枝才三四花憔悴有可憐之色予問其故答曰此方地寒經冬畏避霜雪輒埋於地以是

頓挫如此予因念丁未歲嘗假守淮西廳事之後朱櫻四合璀璨炫目晝夜  
飲其下月色如畫疏陰滿地笙歌間作都不知曙星之出也感懷今昔爲作  
詩云前年守淮西官府頗雄壯園池通遠近亭榭分背向炎方得春早二月  
花已放白紅與青紫奪目紛萬狀得非造物者爲出無盡藏朱櫻結嘉實炫  
耀極一望錢王錦繡樹金谷紅步障予時籍清音坐待佳月上老妻勸我飲  
稚子儼然行長腰蘆花白兵廚薦新釀肴核既狼籍膾炙庖夫餉口茲長短  
句付與雪兒唱眼花亂朱碧世事齊得喪兒童雖見諂官守幸不曠年來客  
遼海黃塵沒飛鞅芳時因奔走安得有佳况一從出山谷風色如挾纒春歸  
櫻始華生意未敷暢冬藏苦冰雪所幸今無恙我將話南州人或疑誕妄遼  
枝三嘆息迴首一悽愴退坐想繁華蕭然覺神王庚戌復歸咸平經西山崇  
壽寺昔予守官於此寺已荒廢今十有五年頽毀殆盡又非曩昔之比低徊  
感愴遂留詩於寺壁云紫霞山寺久不來往昔破碎今摧頽一鉢殘僧飢藜

百身古佛眠莓苔門楣金烏經兩泣殿脊鐵鳳含風哀安得使君鞭紫馬  
咄嗟檀施隨緣來辛亥謁先師宣聖廟學生呂陽衙作尹等陪位禮畢少憩  
于營道堂程考諸生月課既而話及與予友善者楊王李三秀才相繼下世  
又當時春秋二仲同來者轉運副使郭重元幕客趙彬趙莘亦成鬼錄念念  
不覺惘然因成一絕句舊僚郭趙身爲燼先友王楊骨已枯莫笑哢嗃翁不  
達人間鬪在不如吾癸丑謁侍御史范元濟於西塔寺既別登九曜閣有蔡  
正父所撰弘理大師碑甲寅宿桐山縣銅山遼之銅州也本朝改爲東平縣  
焉



姹  
掩  
封  
清

奇

己酉孟秋

羞翁



淡 香 齋 集  
卷 之 一  
詩 十 首  
一 寄 某 人  
二 寄 某 人  
三 寄 某 人  
四 寄 某 人  
五 寄 某 人  
六 寄 某 人  
七 寄 某 人  
八 寄 某 人  
九 寄 某 人  
十 寄 某 人





自序

庚申仲夏薄游武陵公餘兀坐無以排遣偶記姽婁將軍已事衍爲填詞每成一折卽郵寄回家索六兄爲余正譜鈔寫成帙置篋中且十年幾忘之矣頃因刊桂枝香掇得原本並以付梓時六兄遠官營管余亦將理裝北上每檢斯編不勝風雨對牀之感顧安得弟與兄偕歸田里展紅氍一丈命伶人歌此由以娛親儻亦萊衣之樂哉至姽婁事雖見紅樓夢全是子虛烏有閱者第賞其奇弗徵其實也可

妮媿封傳奇目錄

目錄

第一齣 花陣

第二齣 莠謀

第三齣 哭師

第四齣 完節

第五齣 殲寇

第六齣 證仙

婉孌封

江都吳 仲羞翁校刊

破題

南呂引子滿江紅蔓草孤烟正黃昏愁雲圃結恰有個靈祠報賽荒墳題碣帝子  
璇宮風月陣將軍玉骨胭脂血剩女貞一樹又開花淒涼色 兵初發霜戈  
折馬初發霜蹄決竟成就王之忠蓋妃之貞烈兒女英雄悲往事江山代謝  
傷詞客奈銅琶鐵板度訝時燈如雪

衆庸奴暗招真狗盜

勇元戎明收汗馬功

賢藩王死配忠臣廟

女將軍生膺婉孌封

卷之三

三

三

三

三

三

三

三

三

三

三

三

第一 七陣

大石東風第一枝二內侍引生王服上桂殿雲深蘭宮春曉東風吹綠垂楊

引子昇平無事朝回花磚影測宮牆美人金帳笑將軍好武何妨看重重黛繞珠

圍溫柔外別有仙鄉集句西閣珠簾捲落驛人荒無警詔書稀尋閒識得軍中樂

白羽猶能效一揮孤乃恆邸親王是也恩邀鳳籙質秉龍章譜承朱氏嫡枝藩列青齊

重地成吟五步愧無曹八斗之才有美一人恰比黃四娘之號淑妃林氏侍櫛多年美

酒羊羔黨太尉未能免俗刀光燭影孫夫人可與談兵當姦海宇又安止好宮中行樂

因命林四娘帶著宮女演習陣圖少女可比少男好色且兼好勇業經操習數月聞已

步武分明今日天氣晴和孤欲前往大閱並加林四娘一個封號以專責成著人前去

傳宣想必來也玉樓春宮女引日宮妝上亭亭玉立天人樣劍佩珠冠趨彩

仗蛾眉淡掃爲誰容好畱顏色凌烟上人見介妾妃林氏見駕願殿下千歲

生牛身旦千千歲旁坐介生卿專司閭政總領羣姬連日操演陣圖不知已

經熟習否

大石(念奴嬌序)(日)趁芳時試馬怕繡鞍香重花枝抓住游鞦粉黛三千嬌

滴滴妾叫無端領袖宮嬌思想束了雲鬢著了弓鞋女兒混寫英雄帳(合)

惟願取軍成娘子陣演鴛鴦(日)殿下昨傳令旨今日在御園大閱宮婢早已伺

候請卽扈駕同行(生)吩咐啓馬者(衆擁生日)同下雜扮四太監花帽繡衣執旂四

宮女戎服引老旦雉尾花冠小旦滿救上(老旦集句)淡紅花帳淺檀蛾風送宮嬪笑

語和(小旦)三十六宮春戲馬廟堂今不用干戈(合)我等乃左右翼長是也大王傳旨

今日大閱姊妹們須小心伺候者(衆應介老旦小旦)警蹕聲來想必大王娘娘到

也(衆擁隊生日)上跪接介生高坐日旁立介生集句)碧瓦桐軒月殿開香車寶馬玉

人來當場擊動漁陽鼓軍令分明數酒杯你看旌旂敵日戈戟凝霜煞好一小戰場也蘇

妃卿且傳令開操者(日)領令旨左右翼長傳令開操(老旦小旦應介)且擊鼓衆擁陣

介

妮嬖封

破題

南呂引子（滿江紅）蔓草孤烟正黃昏愁雲團結恰有個靈祠報賽荒墳題碣帝  
子璇宮風月陣將軍玉骨胭脂血剩女貞一樹又開花淒涼色 兵初發霜  
戈折馬初發霜蹄決竟成就王之忠蓋妃之貞烈兒女英雄悲往事江山代  
謝傷詞客奈銅琶鐵板度歌時燈如雪

衆庸奴暗招真狗盜

勇元戎明收汗馬功

賢藩王死配忠臣廟

女將軍生膺妮嬖封

第一齣 花陣

大石引子（東風第一枝）（二內侍引生服上）桂殿雲深蘭宮春曉東風吹綠垂楊昇

平無事朝回花磚影測宮牆美人金帳笑將軍好武何妨看重重黛繞珠圍  
溫柔外別有仙鄉

(集句) 西閣珠簾捲羨驪八荒無警詔書稀等間識得軍中樂白羽猶能效一揮孤  
乃悔邱視王是也恩邀鳳籙質秉龍章譜承朱氏嫡枝藩列青齊重地成吟五步愧  
無曹八斗之才有美一人恰比黃四娘之號淑妃林氏侍櫛多年美酒羊羔黨太尉  
未能免俗刀光燭影孫夫人可與談兵當茲海宇乂安正好宮中行樂因命林四娘  
帶著宮女演習陣圖少女可比少男好色且兼好勇業經操習數月聞已步武分明  
今日天氣晴和孤欲前往大閱並加林四娘一個封號以專責成著人前去傳宣想  
必來也

(玉樓春) 宮女引旦(卅上) 亭亭玉立天人樣劍佩珠冠趨彩仗蛾眉淡掃爲

誰容好留顏色凌煙上

(入見介) 妾妃林氏見駕願殿下千歲(生) 平身(旦) 千千歲(旁坐介)(生) 卿專



司閫政總領羣姬連日操演陣圖不知已經熟習否

大石過曲

(念奴嬌序)(旦)趁芳時試馬怕繡鞍春重花枝抓住游韉粉黛二千嬌

滴滴(妾呵)無端領袖宮嬪思想束了雲鬢著了弓鞋女兒混寫英雄帳(合)

惟願取軍成娘子陣演鴛鴦

(旦)殿下昨傳令旨今日在御園大閱宮婢早已伺候請即扈駕同行生吩咐啓馬者(衆擁生旦同下雜扮四太監花帽繡衣執旂四宮女戎服引老旦雉尾花冠小旦滿杖上)(老旦)(集句)淡紅花帳淺檀蛾風送宮嬪笑語和(小旦)三十六宮春戲馬廟堂今不用干戈(合)我等乃左右翼長是也大王傳旨今日大閱姊妹們須小心伺候者(衆應介)(老旦)小旦警蹕聲來想必大王娘娘到也(衆擺隊生旦上跪接介生高坐旦旁立介生集句)碧瓦桐軒月殿開香車寶馬玉人來當場擊動漁陽鼓軍令分明數舉杯你看旌旗蔽日戈戟凝霜煞好一小戰場也林妃卿且傳令開操者(旦)領令旨左右翼長傳令開操(老旦)小旦應介旦擊鼓衆擺

陣介)

(前腔) (換) (生) 歎賞昔日吳宮阿誰教戰尙須係武苦推詳輪與金閨傑繡閣  
銷鈴細講休讓錦繡風高金山鼓急壯心不爲粉脂降 (合) 惟願取軍成娘  
子陣演鴛鴦

(日擊鼓衆擺陣介)

(前腔) (換) (旦) 蒙獎纖軀弱質一心妙用不堪籌運戎行 (怕此那) 書生習氣  
伏案把兵書死講須仿誰與當熊誰曾持節承恩長得侍賢王 (合) 惟願取  
軍成娘子陣演鴛鴦

(日擊鼓衆擺陣介)

(前腔) (換) (如) (合) 瞻仰錦轡星馳珠旗電掣叱咤時聞口舌香風乍暖滿園草木  
齊芳堪賞柳拂鞭梢鴛翻弓影怕從閒裏負春光惟願取軍成娘子陣演鴛  
鴦

(日) 軍容草草甚不足觀待妾妃親演一番以供欣賞何如(生) 自勞妃子(旦) 換戎妝介)

中呂過曲

(古) 輪臺(生) 洗紅妝珠袍小束細端相(旦) 舞刀介(生) 刀光掩映嬌

樣模(旦) 舞鎗介(生) 鴻翻魚濛這玉腕銀鎗舞的似梨花月上(旦) 射箭介)

(生) 雁鏃初號雕弓細響纖楊穿處巧相當(旦) 放彈場(生) 墮野雉介(生) 雉

翎錦散飛丸疾赴不隄防(衆) 舞籐牌上日持短刀破介(生) 短兵猝接角聲

乍咽鼓聲忽壯(軍) 牌委實的難破也鐵壘更銅牆(衆) 搥陣日穿陣介(生) 還凝

望萬花飛舞從天降

(旦) 卸衣福介(生) 卿素習六韜夙諳三略宜加勇號以雙殊勳著封爾爲姬媵將軍以專閭內之政(旦) 叩首介(叩) 謝大王(生) 趁此良辰擺上筵宴侍女各參軍中之樂孤與將軍賀功者(旦) 送酒生正坐(旦) 旁坐老旦擊得勝鼓小日彈琵琶衆各執樂器席地坐介)

(前腔)(換)(合)飛鴈名花作隊玉成行恍惚似畫鼓鞞門琵琶氍毹醉臥沙  
 場不羨那葡萄新釀趙女當前吳姬擁後漫道軍中氣不揚將軍爭長姬媼  
 頭銜兩字當趁入旂落日營門新月凱歌齊唱(撤席介)殘角送斜陽(行介)  
 塵飄蕩蹋花歸去馬蹄香

(尾聲)(上)招搖飛到彗星旁(日)榮封喜沐恩波降(主恩高厚何以酬之)請  
 看我身邊長劍吐寒芒

第二齣 莠謀

(中呂)菊花新(雜扮四嘍囉引淨上)貪如封豕毒如豺亡命偷生伏草萊彷彿  
 宋江才製一頂衝天冠戴

俺乃寇魁是也久懷異志竊據山岡做了一寨大王招集四方匪類本想揭竿起事  
 因青州城內有個恆王此人文武全才不敢逕去送死寨中有位荷軍師足智多謀  
 人稱他是個甚麼諸葛亮不免喚他出來一同商議軍士們(雜)有(淨)快請荷軍

師(雜應介)

(前腔)丑道服上皇天要把殺機開生了區區應運來仿佛臥龍才製一頂綸巾兒戴

(入見對坐介丑)大王呼喚有甚軍情(淨)俺久想與山下兵只因恒王駐在青州阻我去路軍師有何高見除却此人(丑)當今嘉靖皇帝任用匪人恒王獨立難支甚不中用青州一班紳士與在下多是故交待我修書一封託他們作個裏應外合(淨)他們都是受過國恩的怎肯與我們出力(丑)於今世界非錢不行只要捨得銀錢就叫他子弑父弟弑兄都是肯的呀

(中呂) (默環著)據花花大寨廣有錢財彩緞多攜金銀多帶書中把我利害說與他們聽則把筆尖揮灑名士濟南多爭看一個個黃金暗買管教他納頭便拜那怕他藩王有備神機運妙算排到後來破了城池把這些狗男女打的打殺的殺除將所得的銀錢全數獻出並要他祖宗掙來的家私獻來買命呀少

不得碎骨輕敲腦箍輕戴

(淨) 妙哉此計必能成功只是哩囉們全無紀律尙須軍師教訓一番(丑) 領命  
(立高處介)(淨) 旁立衆走陣介)

(前腔)(丑) 向青州地界一湧前來製了旌旂備了器械作氣要推山倒海  
先布虜聲把一夥怕死的官兒赫壞一路上也說不得甚麼秋毫無犯了裹竹  
些少年無賴搶掠些人家嬌艾(合) 心腸狠殺運開剝盡良民視如草芥

(尾聲)(淨) 草頭皇帝原無礙(丑) 儘著咱暗地安排(合) 不曾見一個官  
兵來理會

### 第三齣 哭師

(雙) (北新水令) 儀仗引生上莽蛟涎一綫噴江湖算將來紅羊刦到大旂殘  
照數戰鼓濁煙消寶劍橫腰情誰人畫出凌煙臺

(集句) 威雄八陣役風雷落日愁登大將盡家散萬金酬死士安危須仗出羣才本

藩深宮教戰正爾歡娛不圖禍起蕭牆秀民作患庫無一月之餉城無一旅之兵平時武備不修今日悔之無及昨紳士們進了招撫之計就有兩個毛賊自願投誠亦不過暫保目前並非長策爲此召集他們一同商酌長史何在(雜)有(生)即召紳士進見者(雜)扮紳士四人入見旁坐介(生)小王謬列藩封猝逢賊警難戰難守無餉無兵昨據爾等所言此賊雖有投誠之意但未經敗挫即肯歸降爾等可保其不復反麼

(仙呂入)  
(雙調)  
南步步嬌(雜)不須勁旅勤搜討臣去說明利害口舌輕輕掉兵戈禍便消但請殿下親去受降回紇見汾陽馬前拜倒那時呵凱唱奏金鏡臣等便抽毫把露布從容草

北折桂令(生)便就是撫了三苗怕厝火添薪禍根未消旦夕偷安這城狐尙叫社鼠猶跳(雜)他們決志投誠斷不再反臣等願以全家相保王請勿疑(生)靖烽煙但憑談笑又何妨敵血荒郊準備了大隊旌旄準備了小隊弓刀

(衆)殿下見了寇魁須以好言撫之(生)如果是傾心泥首自有個好開交  
小  
王明日出城招撫爾等須小心防護者(衆應介掩門)先生下衆作態齊下

(江南兒水)日宮妝上鐵馬紛紛鬧金戈處處罵女兒家越俎憂廊廟這青州  
呵一座空城誰與保我大王呵一柱擎天誰人靠我空抱愁懷徹昏曉恨不把  
賊貪狼一星摘了

妾乃魏權將軍林四娘也幸侍賢王倏逢亂世近有跳梁小醜直倡青州當兵餉不  
足之時作苟且圖全之計這些紳士其心叵測所言未必可從大王升帳商量尙未  
回宮好令人焦灼也(內侍引生上)到此躊躇不能去諸君何以答昇平(相見介  
旦)商議軍情可有頭緒否(生)紳士們紛紛議論說寇賊已經投誠籲請孤家出  
城招撫(旦)哎呀寇賊甫經起事如何就肯投誠大王輕入賊巢恐中詭計紳士的  
話怎麼聽得呀(生)也顧不得許多了

(北雁兒落帶得勝令)不隄防豺狼徧地陣怕的是鴉鵲同巢鬧明知他機牽



陷阱牢拚把這頭向刀山掉不料本朝的事一壞如此奈深宮聲色惑當朝望  
孝陵風雨哭先朝這些紳士之言明知無兵無餉除了此計別無良策可施這不是  
要君而行麼劣紳衿生成泮水鴉熱夫妻打散同林鳥倘若平安而返功高唱  
刀環同笑倒若是逆賊心懷不軌孤必不能生還矣名高撥餘燼有魂招

(旦)妾聽得這些紳士呵

(南僥僥令)活現奸邪貌生非患難交赫赫科名皆混鬧把廉恥與良心都  
昧了

依妾愚見大王以不去爲是不然以萬金之體入不測之鄉倘有疏虞悔之何及  
生)孤去相機行事料也無妨就此出宮去者

(北收江南)咳玉鞍金鐙待親敲把身家性命渺鴻毛(旦)妾妃拜送殿下(拜  
介)同泣介生)亂時小別免不得淚溼紅綃(行介)向虎穴走遭心又早壯了  
我龍章日角福力仗天朝(內侍同下)

(南園林好)(旦)則望那潑荏苒氣吞不驕大王呵俊竹帛大名白標這寇賊  
久蓄逆謀都是養癰貽患所致滿眼是豺狼當道愛錢的文官是小兒曹怕死的  
武將是小兒曹

(泣介下淨引衆上)如鬼復如賊擒賊要擒王俺寇魁是也前用苟軍師之計花些  
銀錢買活青州紳士裏應外合將恒王賺出城來埋伏中途殺他個措手不及遠遠  
望見恒王來也大小嘍囉埋伏者(衆應介暫下)

(北沽美酒帶太平令)侍從引生戎服上度惡木轉山坳行一步一僣僥紳士  
們隨侍前來一出城時連影兒都不見了此番恐中了詭計也欺負俺失運王孫擁  
節旄恰便似海鰲上釣恰便似引虎離巢這些狗男女想是勾通反賊的呀買人  
心銅山可靠嬰法網鐵面難饒孤乃帝胄天潢受恩深重偷事有不測也只得致  
命遂志矣餘一劍致身須早料在天的祖宗含笑寇魁呀寇魁任你雪刃霜  
刀這鬼門關拚來投到

(下內喊殺介衆竿上懸首級引淨上)好了好了恒王被俺殺了將他首級到青州城下招撫百姓去去(衆繞場行介)

(南尾聲)(合)引羊入俎憑機巧把四海英雄號召你看那青州城早被愁雲遮住了

#### 第四齣 完節

(老旦小旦素甲上)痛哭六軍皆縞素身留一劍答君恩我等乃婉孌將軍部下左右翼長是也大王誤中詭計深入賊巢猝不及防捐軀殉難城中官紳商議就想獻了此城婉孌將軍聞得此信已將作內應的擒斬數人並傳集我們即刻出城迎敵只得在此伺候者(四女將素衣跳舞執械上)

商調  
引子

(風馬兒)(旦孝衣執鎗上)痛哭王孫竟不歸東南半壁雖支歎將軍灑上真兒戲拚把珠顏玉骨一例付寒灰

(集句)禍稔蕭牆竟不知甘言巧計奈嬌癡出師未捷身先死天地塵昏九鼎危我

乃魏攬將軍林四娘也壽民作亂狗黨潛通大王成致命之忠小醜作跳梁之計在城紳士紛紛納款投降我雖擒斬數人但羽黨太多眼見孤城難保咳想我林四娘雖是女流之輩常抱節烈之心身受重恩死當殉節與其閉門待死不如殺賊捐軀爲此傳集妃嬪殺上前去從令碎身粉骨亦所甘心想我大王呵

過曲

(金絡索) 鶻號黑月時龍鬪紅塵裏列祖神宗含笑迎孫子這國場氣壯

恨壓山低鳳蝶千秋輝姓氏 大王平時以忠義自許氣概激昂今日果做出這番事業出來正氣還天地他報國輕生一劍知(淚介)頻揮涕鈍嫺娟徒自哭空幃可憐他一箇魂兒可憐我一箇身兒何日在陰司會偌大世界一片茫茫何處是未亡人立足之地不如殉主一死倒也斬斷葛藤大王呀你且在鬼門關略等片時妾妃就來隨駕的呀

(前腔) 如生學唱隨不死真無味泉路非遙緊緊來尋你任黃沙白草冥風暗吹嫩花魂靠定黃旗底 此番出戰呵攀龍志遂原無悔汗馬功成未可知

衆姊妹們（衆應介旦）你們隨我出征若能殺賊報仇固是美事倘變生不測喪在沙場你等死在九泉不要埋怨我呀（衆）將軍說那裏話來我等報主捐軀拚著一死就是碎屍萬段不敢埋怨將軍（旦）好呀干城倚不枉我平時教戰學吳姬怯生生一箇身兒軟丟丟一箇屍兒打彩子葬沙場裏

（老旦小旦綁二雜上）啓將軍這就是騙大王出城的紳士請將軍發落（雜）娘娘饒命呀（旦）咳你這些狗男女呵

（前腔）名姓達天堦張口談文史見了朱提帖耳兼搖尾喬妝理學詐託賢基綱常氣節空談耳愧煞你讀書講道鬚眉氣不及我巾幗英雄義勇師我朝待你這些酸丁那些不好設立膠庠體二百年來養著誰人生世上呵流芳的也是一箇名兒貽臭的也是一箇名兒像你們雖倖生何異死左右翼長將這斯斬首祭奠大王者（老旦小旦斬二雜介場上先設靈位同祭拜介）

（前腔）（旦）清酒奠三危素妝提一旅鐵甲錚錚灑點皆紅淚剩俺寡婦並

泣孤兒不願做人願做鬼會不見玉顏空死處燁火青青夜守屍 行介旦  
潛師起早辦從容就義時我這劣將軍一命絲絲他們勇宮嬪一命絲絲報  
主恩如是耳

衆 前面已是賊營了(旦)奮勇殺上前去 賊衆上混戰賊敗下

(前腔)(旦)紛紛蟻蟻師擾擾豺狼輩禁不起玉手輕敲打破蜂巢壘(引衆  
下淨引衆上)正想前去攻城女將忽來劫寨幾箇女子幹得甚麼事來囉囉們小心  
截殺者(老旦小旦)上戰敗被殺介(旦)上戰敗圍介(旦)咳賊子呀少不得天兵掃盪  
靡有子遺刀頭添輩無名鬼(衆喊殺介旦)引頸拚來尋箇死這死字提他  
要赫誰(戰介)力竭矣怎能力戰透重圍(笑介)羨王的忠也無虧羨奴的  
節也無虧同一笑黃泉底(拔劍連殺數賊介)

(尾聲)明明白白今朝死可算得千秋奇女子這青州死難的除了我妮嬭將  
軍更有誰(自刎下衆歡笑下)

第五齣 殲寇

四將引末甲冑上（集句）削平妖孽在新頒一將功成萬骨枯行望鳳京旋凱捷風雲常爲護儲胥老夫孔有徵曲阜人也家承詩禮幼習韜鈴只因小醜跳梁重煩大兵遣討可恨青州城內一夥官紳或作內應於事先或獻城池於事後害的恆王夫婦合室捐軀就是那些宮嬪無不捨身殉難忠孝節義萃於一門真不愧天演貴冑也想想我山東省本是聖人之鄉不料出了匪人我輩未免減色老夫毀家紓難獨起義兵朝廷放來靖逆將軍與老夫相機連日大勝賊勢已窮又令老夫前去誘敵大兵埋伏山後一鼓成擒鄉勇們奮勇上前者（衆應介）

（中）榴花泣（末）書生戎馬原爲梓桑謀那怕他琵琶腿玳瑁頭青州城外好荒涼也角聲吹破一天秋濁煙塵斜日荒邱道一隊鄉勇呵小賊兜鑿不似那大將軍逃生偏善走（我孔塚呵）卻萊兵威振齊侯問軍旅可曾學否（淨引衆上）老孔敢和我再戰幾合麼（末）有膽的毛賊放馬上來（戰介末佯敗淨追下）

(前腔) 小生戎服引兵上少年籌筆深夜倚危樓將星朗賊星收穿墳提出血  
骷髏怕翻了旛青神州

小將靖逆將軍是也叨蒙重寄獨領雄兵幸遇孔君募勇相助屢獲勝仗賊勢已窮今  
已定下一謀作一鼓成擒之計命他前去誘敵我以伏兵擊之定能成此大功也 打

碎金甌奠乾坤出自誰人手(埋伏介)手趁蒼鷹酣眠臂鞞息干戈但須杯  
酒未上淨賊敗未追卜小生上淨被剛小生殺淨提首級下末擒丑上小生上相見介

(末)恭喜將軍殺賊立功今之汾陽也(小生)豈敢若非老先生相助焉能成此大功

(前腔)枯棋彈罷劫局一枰收(衆獻首級介末)軍政記功者一例長城窟青海

陬鄉心竟賦大刀頭羨麒麟應畫公侯(小生)這是寇魁的首級將他懸竿示衆

者(衆應介末)整理青疇害苗條霜鎌須刈莠鄉勇們將荷賊梟示者(衆應介

小生)甚軍師羽扇巾鞞笑將軍不妨屠狗

(末)賊黨已除請即入城安民辦理善後只可惜恆王及林妃等爲國捐軀不曾收掩



這骸尙是缺典（小生）前日有幾個小民來營納款說他們曾倡義舉收得恆王及林妃屍首妥爲掩埋一撮香泥大可爲忠魂吐氣也（末）（）卻難得之至我輩尙須前去拜奠者（小生）有理（行介）

（前腔）三杯郁釀同拜國殤坵新魂哭故鬼愁林妃呵忘不了春風明月舊妝樓破珠簾珊瑚墜鈎冥中凍骨共貪稠算雲車馬連鎖又這墳堆呵 冷漆燈通明透幽間一樹冬青栽否（同下）

### 第六齣 證仙

（四女將執旂旛引老旦小旦神裝上）（集句）憶昔狂童犯順年仙人曾此話桑田傷心一覺興亡夢舉國繁華委逝川我輩乃嬖嬖將軍麾下左右翼長是也生作國殇死登仙籙今因奉到聖旨敕建忠烈專祠奉祀大王及嬖嬖將軍二位就是我們與難宮女也得配饗千秋鉅典輝煌好不體面姦乃迎神吉日你看大王娘娘按下雲頭雙雙俱到也

仙呂(八聲甘州)生且神裝上百年一霎歎英雄兒女同付塵沙神仙眷屬兵

戈關裏年華海天兜率何處家富貴功名成鏡花休嗟博奕忠曠典恩加

(生集句)浮牛共是北邙塵試澀椒漿含有神(旦)多難始應彰勁節九天雨露又重

新(生)出掌藩封旋遭凶豎生懷愀常之續死遊俎豆之榮今宮迎神入廟之期案瀆

與姚燹將軍同走一遭者(旦)妻妃陪駕(衆行介)

(前腔)(合)冤魂鵬化聽聲啼血灑徧天涯(作入廟介)荒祠半壁夕陽

古木寒鴉香煙染風一綫斜羽葆紛紛初駐車(生)你看這些文武官員都來

祭奠也(合)喧譁渾不是濁酒椰茶

仙呂入(孝南歌)附末扮又官淨扮武官上恩綸下異數加忠臣烈婦帝王家

宸濠合愧他婁妃也遜他我輩呵同來奠俎我等奉旨祭奠恆王及林妃二人就

此行禮者杯酒遙流霽春秋祀不差把文武官都勸煞(下)

(前腔)未剛淨白鬚扮老民上紙錢化遺恨賒小秦王曲按悲笳(末)我這齊

州自來了恆王苛政皆除民安若堵逆賊犯順他夫婦兩個爲國捐軀於今賊已蕩平  
建設專祠一所老哥我們前去祭奠祭奠何如(副淨)有理請了(合)恩波久沐他  
忠魂合享他同來報社(拜介)杯酒進流霞桐鄉祀不差把父老們都慟  
煞(下)

(前腔)丑小生扮內侍上老常侍內官家清明寒食好春華借乃恆內監是也從  
前大王娘娘待借們極有恩典後來盡忠報國建立專祠湏去拜奠一番以表奮人之  
意想大王呵天潢困苦他娘娘呵宮闈賴有他(拜介)同來參駕杯酒進流霞  
宮人祀不差把奴婢們都慟煞(下)

(前腔)老旦小日郵妝上傷鳳閣弔宮娃芊芊芳草玉鈎斜我們都是爲林娘娘  
來的呀生前未見他閨中苦羨他同來觀化(福介)杯酒進流霞閨人祀不  
差把婦女們都慟煞(下)

(生)你看香雲郁郁淚雨紛紛可謂人心不死矣(旦)雖然如此大王身後又靠何

人與我朝出力尙須奏明玉帝早生將種以救時艱幸勿笑修到神仙猶抱杞人之  
慮也(生)就此赴通明殿去者

(尾聲)肩頭重擔雙雙卸小朝廷大局誰支架(旦)這些做武將統雄兵的都  
不足恃的呀不是我姹娃將軍小覷他(衆同下)

姹娃封傳奇終

續詩人徵

畧

宣統元年秋月

佐才題





續詩人徵略序

維時焠葉晨飛涼颺晚動旅雁遲度寒蟄亂吟起古愁于虛空悵獨處之岑  
寂新霜欲降舊雨不來萬緒蒼涼一囊羞澀迺有書寄雙魚文催并馬者則  
爲吳羞翁夢蘭擬撰詩人小傳而乞序于余也余取而玩之意在于闡幽而  
怡主夫揚善襄陽墮淚空憶平生諸葛垂銘止論身後過酒樽而思舊聽隣  
笛以傷心慧性難磨孤衷欲訴夫小序之作祖于卜商明詩之篇胎于劉勰  
化九品論人之迹稽七略裁士之文張爲之主客成圖無妨摘句廬岳之風  
騷旨格不采全篇枕園擷餘溯流風于世懋夕堂抽緒消永日于船山萃藝  
范之卮言編說詩之晬語書亡三篋思求安世遺文序及四溟聊當山人小  
傳良以芳徽易沫風雅難留東原北徂魚門西逝翳蓬蒿而蓋碧篆竹素以  
蟬紅韓付李而柳付劉此外楹書奚託歐有子而蘇有弟其餘衣鉢誰傳白  
居易之篇章護宜神物蔡中郎之書籍授與何人求遺稿于茂陵留品題于

記室又或孤風絕侶逸翮獨翔永噓長吟睇高慕古陳龍章于晦夜聽鳥語  
于陽存白雲萬里帝鄉難見尚溪數曲幽人長往松脂滴酒樹瓊台琴憶耽  
酒之步兵想能詩之都尉君王則七言見志先生則五斗成文恒值美景良  
辰清風朗月竹紛間作嘲諷兼施夢謝池之草生吟吳江之楓冷倚樓人遠  
擊鉢聲長富然銜之記聞懸木天之禁語非經哀集奚廣流傳是用存懷百  
家網羅四海仿南山徵畧之體遊廖氏尙友之規斷簡零縑必加掇拾吉光  
片羽不使飄零誦椒蘭之清芬委灰彌烈望牛斗之紫氣埋劍長明泥落空  
梁爭詠道衡之燕鱗排實錄共談執信之龍纒以短言著爲小史附澗泉之  
日記作斐牖之間評古鏡照神呼之則精靈欲出虛堂習聽登然而風雨相  
通南皮念乎元瑜東海迎乎白傅一燈紅豆俱守相思斗酒黃柑別饒逸興  
將見月生殘夜傳萬古之王灣庶幾香染風屏書十聯于宋室

宣統元年秋八月湘潭李維藩序于學部承參堂



續詩人徵略後集卷一

江都吳 仲夢蘭輯

陳翁名寅字子畏號紫岫又字鐵如晚號知夢老人世居浙之紹興明末遷  
遼左順治初入關隸旂籍爲翁爾雅因通樸誠敦厚於學無所不窺於人無  
所不容今年六十有八現壽者相藹然可親受詩學於蔡梅菴先生先生逝  
後遺集藏翁家每以因循未及刊布引爲憾事拳拳於師友之間數十年如  
一日風義之篤未易數覲新居在京師朝陽門內原有廢圃翁作而新之榜  
曰趣園疏池養魚分畦藝菊胸有邱壑布景如畫落成後吟嘯其中極婆娑  
之樂丈夫子二長恩祐次恩厚並通西學供職外部駸駸大其門閭孫三人  
嶄然露頭角翁前歲復舉一雄老而益壯晚福正未可量著有蘭雪齋詩鈔  
杜詩名勝錄甌香詩話所爲詩志和音雅寄託遙深古體直入唐賢之室全  
集待刊今錄數章並附摘句亦可窺見一斑矣

翁以菊花詩得名故又號黃  
花詩叟詩已傳誦不再錄

陽春曲

東風無力簾波淺孔雀屏低香篆滿春陽暖度雲母窗翠帷午夢逢春懶  
欄玉砌花冥冥翡翠下戲蘭若青美人黯坐有愁意霏微杏雨飄前庭

落花

已散不重聚徒深愛護情紅顏多坎坷香夢未分明一夜東風惡三春別緒  
生無言下芳樹幽恨料難平

都城南樓

側身人海歎飄蓬獨立蒼茫放眼空誰更築臺延郭隗何當抗疏雉陳東九  
邊天入三峰翠萬柳亭虛一笛風回首觚稜斜照裏蔥籠雲樹古今同

摘句

寫憤始知詩有用工愁能使睡無魔

中秋無月時  
避地東鄉

得地迥殊籬下寄有香疑自畫中來

菊花  
屏

馬蔭秦字伯梁揚州甘泉人布衣為小玲瓏山館主馬秋藥之後人初擁千

金產以好客故遂中落良田數頃盡鬻以供客所藏 國朝人詩集極富雖  
斷炊不以易米晚年貧益甚然恥受人憐有以近况詢者輒答曰好好不以  
實對也與臧宜翁吉住岑陳孝起蕭蔚之及余輩結冶春後社於瘦西湖上  
三賢祠詩宗漢魏沿及六朝騷選下迄盛唐融會貫通不規規於摹擬而氣  
息沈厚可誦可傳著有大玲瓏山館詩鈔不自珍惜散佚過半余爲抄存數  
十首其傲兀不平之氣恒流露於吟詠中讀其詩可想見其人也

散裘

富貴紋多熨不開蒙茸猶記稱身裁重教補茸稍完整每遇炎涼聽去來風  
雪多情磨健骨文章翻樣變初貽金貂解贈今無矣一領綈袍尙費才

尤園

隔竹清音鳥啼枝松門斜帶槿編籬名園久廢誰賓主佳日同遊有弟師溪  
漲半篙菱葉碧春陰三月落花遲明窗短榻風人物輸與蠅蝟罨網絲

摘句 衰年諸債積 瑣事隻身兼 孤憤甯忘恥 幽居不受憐

天末衣裳猶在笥 故人蘭芷約恐高

將壽祺字醜僧自號罔翁別字雲暉山人江蘇青浦縣人先世愚溪先生以理學名嘉靖間長於詩稍晦終身知者甚妙壽祺早歲思有以顯揚之攻詞舉業尤致力於儷體文中年始由選科官吏部供職一月旋奉其尊公諱南下以母老多病不復出迨終養自顧不合時宜遂遁迹荒江惟以詩文書畫自娛表微闡幽不遺餘力於文獻掌故尤二致意焉所居地曰汪洋村在潑山湖西濱四面環水頗得烟波之致云

沈君太作神變獨天下所心折者編 雙古風于雙香草及君三載人而已

答太倉錢伊臣比部明著即次元韻

大化窮推遷 天荒地亦老 鼎沸而塵揚 狂瀾亦既倒 婁水歸靈光 指南如日曉 田園遂厥初 嗜古若羊棗 心迹大光明 歷歷丹青稿

比部有行年七影圖

清白揚宗 風金薤助文藻 交臂抗竹林 高絕出塵表

比部為東滄七老之一

煦我以陽和 翻盡曲

懊惱枯槁况歲寒敢不銘心保

近賜題歲寒三友圖

贈楊古醞先生葆光疊香草贈韻時先生年七十有九

白髮老逾壯青氍客當家文章尊似華丰致澹於茶商戰三千界宗風八十

花時主席商務總會先生桑中有八十八花長排南飛來歲鶴一曲夕陽斜

不才真悶悶蓬落野人家左計燈妨月澆愁酒亦茶泥曾沾柳絮潮又墜蓮

花日望吾師教臨風雁字斜

柬吳倉碩明府俊卿

湖海欽遲曠代儔蕪園一席足風流丹青法妙通禪悟秦漢文高仗筆適生

幸同時誇後世緣慳一面愧前修窻齋不作平齋逝此老真如碩果留

摘句 文章踐踏陳倉穀時事艱難上水船聽邪老農惠書並題歲寒三友圖却寄

溷濁衣冠真傀儡同塵筆墨小滄桑前題

辛晉忠字笏臣自號愚菴居士山東安邱縣人性坦直率易不爲崕岸然持

已介然無所荷人無貴賤賢愚皆可與遊而就所疏近以親人之邪正雅俗  
往往無失家故貧甚又不善治生人產授徒鄉里自給顧有博寄束脩所入  
或盡以償博負不足且質衣以繼人或笑之戒之夷然不以屑意爲詩喜苦  
吟嚴於格律命意以真醇清華爲歸不爲纖佻綺靡之作雖雄鼻稍不逮而  
骨氣迺逸超然塵埃之外於儕輩詩少許可瑕類直指無隱其自爲詩人指  
其疵心服則疾易稿更請討定意所不然則相辯駁不稍屈若非解人則不  
與辯也自補諸生後不喜爲八股文用是澹情科舉迨制藝改用策論親友  
勸應秋試得中副車今年五十餘子尙幼稍稍以家累爲念充邑中學堂教  
習不復博然於詩亦不復多作云

奉答王景方見贈

蕭蕭長路莽榛荆  
白分空山老向平  
家世青氈仍落拓  
風塵白眼漫分明  
寒鴉枯木自秋色  
野鶴圓雲非世情  
浪迹高陽渾不似  
寄聲願謝酒徒名

擬古太冲招隱詩二首

日月無停馳江河無倒流百年亦苦短何不歸林邱雲日變光景水石并清幽  
幽風葩媚陽春霜幹凌陰秋空山絕俗韻時鳥聞啁啾豈必軒與裳請從猿鶴遊  
世人矜捷足紛紛騁驍驎不如適吾適高步追巢由

秋風二首寄鄒魯

八月天氣寒秋風動策策烟雲莽世情蒼黃變今昔備樂餐爰居什雙寶燕石冷眼者何人無語旁歎息

木葉下林杲秋風正凄緊浮雲行悠悠清風去泯泯鵬鴟狎鷓鴣龍蛇變蚯蚓贈子以短歌慷慨有餘憤

摘句 月臨孤館白霜逼萬星寒夜色

于噫字醜尊一字香草江蘇南匯縣人早歲卽潛心註疏不樂制舉業并詞章亦不屑爲解經不窮爲高郵之功臣德清之評友所校說文三禮王長沙

黃定海雷甘溪皆極稱之後由選科入都一應 廷試卽不復出所著香草  
校書六十卷已梓過半戰國策註三十三卷澧溪文集若干卷其餘撰述極  
富不名一家要其所長在發明古籍二千年來誤讀誤解之書一言拈出令  
人絕倒校書之暇耽於詩酒每歲重陽後中秋前則作畫以自遣筆墨純乎  
天趣飄飄欲仙居家不理家事自謂能開三層方不能理家賬嘗自撰楹帖  
云在家多事我爲客觸處會心婢亦師可想見其風致矣

閔翁自題雲瞬山居圖用汪鈍翁堯峯山莊韻予適自杭歸次韻和之

四首  
錄二

雲行今少侶木老古爲鄰笑讓乘時彥修成盛世民筆花宜我輩禪味此閒  
身一片汪洋水能洧萬馬塵

風景西湖異歸來話正長山中頽古蹟屋內拭夷牀豪圍競相勝名花斬不  
香保留惟一事還築土圍牆



摘句 但如皓月心常滿欲挽黃河力太微

和閔翁疊王烟  
客西田雜詠韻

袁祖光字小僮又字瞿園安徽太湖人以名進士觀政銓曹隨班入值不事  
奔謁性情瀟灑有乾嘉老輩風趣交友以誠有言必踐自謂生平未嘗作偽  
沈太侔戲撰時賢品目以八字評瞿園云和而不流介而有守真知瞿園者  
也少爲駢儷文流麗雅近六朝尤長於南北曲所譜長人賺東家顰等雜劇  
傳唱一時二十年中得詩不下數千首刪存若干刊爲瞿園詩草十卷近體  
平和莊雅宗派極正五言優於七言古體又優於近體今日詩家射雕手也

晤徐茗樵大令

旭

聚散渾閒事天涯一葉萍別離時見夢邂逅各忘形老境歸詩律浮名感客  
星輓紅十丈裏我醉看君醒  
君亦情懷減虛寮愛坐禪京華尋舊侶風月又秋天蜃氣千重市鏹生四十  
年微官談得失同受塞翁憐

湊川詠古

補正成陶家  
殉難之處

南師直下黯朝氛天意蒼茫問雨雲割裂河山非故國牲牲王室是將軍一篇訣子男兒血十月寒梅厲鬼墳淩絕湊川嗚咽水神鴉猶自噪斜曛

摘句

博觀山水有奇氣多讀詩書無俗情壯年

河聲團作兩船力大於湖丁字活

王樹榮浙江歸安縣人生而有文在左右手曰仁山因爲字左掌心又有卍字紋故又字卍爺老稱嘗詠秋郊晚眺詩有晚山青入鴈聲中之句或又呼之曰王晚山云性淡泊沈默寡言或終日不發一語遇知己上下議論則又清辯滔滔旁若無人辯於酒飲輒醉醉輒睡座有上客不顧也好讀書不爲章句學於舊註解外別有超悟喜作詩真率類其爲人蓄長劍一酒酣起舞每謂客曰儒冠誤人得此一壯雄風差強人意耳嘗騎驢往來茗甯間羣兒爭尾之不知爲何許人也呼之曰騎驢客因自撰茗上騎驢客傳以見志

蓋今之振奇人也

短歌行

雄劍挂壁夜夜雷鳴壯士飲酒塊磊難平忽然停杯悲歌抗聲聲徹重霄白  
雲不行北望白雲不見瑤京憂來無端涕泗交并一腔熱血更向誰傾草深  
路僻豺虎縱橫

摘句

萬里雄心餘寶劍一生知己有青燈

詠懷

文章甘苦何人識嗜好酸鹹與世殊

前題

無傷酒德何妨醉自命詩人亦太癡

前題

張瑜字郁廷大興布衣五歲而孤母守栢舟節二十二年寒燈晝荻課讀綦  
嚴少性拙幾不辨菽麥稍長知非力學不足養母發奮讀書夜以繼日愛左  
氏傳一夜讀竟枕上背誦偶遺字句輒挑燈復讀聲琅琅與街鄰相應也庚  
子家燬於兵無立錐地負母逃鄉間躬耕以供母膳手足皴瘃不以爲苦亂

後來都門寄身敗堵間未嘗廢學母歿負骨歸里與父合葬每食念及輒淚下如綆交友以血誠相結納性復慷慨好爲詩詞集古四言尤所擅長酷嗜謎案上謎書山積著謎海三十六種又集六朝雜體一斑若干卷其所著各稿厚三尺許皆手自繕錄詣力之專進步之勇求之吾黨未見其匹也

勵志四首

錄二

秋風厲厲太極清清欲迴天地陶鍊元精如金飲氣如玉含英進德修業兩施雲行不競不練不顛不傾緩軫張徽昭昭其聲

高山遠水浩淼蟪蛄非一日積容納年年持殘絳節坐破青氈但能致意則獲其銓竭誠在己可盡人天嗚呼刻志豈不其然

摘句

饒有黃斑堪當竹不無紅淚可爲珠

眼廉

陸開鈞字和九湖北沔陽人故世家子父光祖卒於官其時生未周歲也至是家遂中落隨母返里依舅氏以居五歲就學性聰敏目十行下年十七補

博士弟子員兩應秋試不售遂絕意進取居家事母必敬必孝嘗語其婦曰  
人生難報者罔極恩耳彼虛名烏足賺我哉然體弱甚乞食四方屢瀕於危  
甲辰溺於江獲救得免乙己丙午間兩困於疫賴其婦割股和藥得不死婦  
某故富家女粗識字知大義食貧居賤怡如也以故伉儷甚敦君工詩善畫  
尤僻愛古文字凡碑碣鐘鼎之類輒摩挲竟日非求得其精義不忍釋手其  
勤學好古有足多者

覆舟紀事

淘盡英雄恨中流砥柱身大江成禍水天意愛詩人未死驚親友知心問鬼  
神玉皇香案吏豈肯作波臣

送歐陽季香

他鄉携手落花時千里無心遇故知衣上相看遊子淚道旁猶見黨人碑才  
如可殺甘爲鬼窮不能工悔學詩潦倒青衫幾知已琵琶門巷問蛾眉

摘句 世亂輕離別家貧薄死生見家書有成

白永修字澄泉山東平度州人先世富甲一郡至祖父家漸落及身益貧居宅故壯麗且擅園亭之勝歲久不能葺治日就荒頽所存數楹僅蔽風雨而澄泉日躑躅吟嘯於殘磚斷礎荒榛蔓草間初不以窮餓為慮弱冠與其鄉中文士結社詩成驚老宿顧名場蹇滯四十餘始見知於汪柳門先生拔萃貢成均 廷試又不遇浮沉京師者數年詩名藉藉公卿間既而南轍淮揚北遊遼瀋詩境益奇肆而遇益窮今且皤然老矣倦遊歸里後曩昔居停或居顯要未嘗一通音問著有曠廬詩鈔二十卷沈著堅緻大抵師子美氏而五言古導源建安七言古復有退之矩矱近體則兼有空同大復之勝所謂一代作者澄泉當之庶幾無愧色歟

題陶徵君集

圓景出東海照我朱絲琴撫茲清夜興潛會幽士心其適亮在中外求非所

任游澆冲虛間澹然發孤音瑤臺有青鳥靈蹤焉可尋

與友人論詩

元氣西京鄴下開衆中振起阮公才曲江正字皆流派莫信鍾譚諧得來  
韓碑足與退之衡况復西郊繼此征孰向騷壇執牛耳敦槃合奉玉溪生  
水中鹽味最爲奇俚鄙誰能擊壤師莫道儒宗無韻語請君三復考亭詩  
吳興才子趙王孫綽有齊聚矩矱存獨惜肉多風骨弱西臺書法好同論  
豪吟我愛遺山老開口談詩亦寡儔愧煞太虛淮海輩挽河難洗女郎羞

摘句

塞草衰時風送雨岸花白處水生雲

樂陵鄭芸坪廣  
象江上招飲

金嗣芬字楚青號想靈江蘇江甯縣人光緒丙午優貢生弱冠善屬文通知  
時事甲辰時報出版論說多出其手有極東之第二俄羅斯論著一篇推論  
美人將於太平洋擴張勢力以實踐羅斯福太平洋主人翁之言洋洋萬言  
爲當世外交家所傳誦後又續論美國經營東方問題亟論美日將不免有

北太平洋上之競爭刊有單行本名美國經營東方政策以供外交家之研究而以餘力攻詩古文詞同時爲新會聚飲冰昭文孫師鄭諸暨蔣觀雲順德鄧秋枚皆稱許之著有寒靈脩館詩文存四卷寒靈脩館隨筆四卷金陵揮塵錄四卷尺牘二卷東湖消夏錄二卷均先後付梓行世

讀譚瀏陽湘痕詞

登山奠汝一杯酒海水天風兩渺茫  
絕湘痕詞一卷泣麟悲鳳託佯狂

丁未秋出都由武漢乘舟回金陵

寂寞魚龍夜江流尙不平  
澄清那可待迢遞此長征  
乍醒春明夢微聞兩雁聲  
故鄉應不遠五日計歸程

由甯郡發贛州道中

蕭蕭短髮頻搔首誰識江湖此日心  
一雁孤飛聲寂寂萬山如睡夜沈沈  
到心哀樂知多少過眼滄桑成古今  
獨抱辛酸無可說故應歧路泣沾襟



摘句 文字十年如識面仙槎八月好吟秋

送孫師鄭遊東瀛

朋從壺觴蘇玉局平生藿菜孟嘗君

招諸子宴集湖上樓外樓

金綬熙字緜青一字勺園浙江桐鄉縣附貢生屢試不第遂絕意進取奉母讀書祖父先後官豫著循聲勺園以文字雄大河南北當道多倒屣迎之委以撰述尤見知於奉新許仙屏河帥節樓文謙授簡抽毫每呈一篇四座歎賞今客都下閉門嘯歌性伉爽重然諾有誣其友比匪者禍將不測勺園上宰相書事得白人以此服其義俠處家庭有至性待人以誠朋輩欵洽數十年如一日工駢體文及南北套曲詩宗唐音出入於漁洋垞竹之間著有清雅堂詩集勺園文集豔雪詞鈔隔葉花石家樓青樓烈春婆夢各院本集中歌謠五七古長篇風格清蒼絕句鏗麗芊綿深情若揭近體有渾穆之致而淡遠一流則又去王孟未遠

詠史

一 畫 畫 書 周 承 印

良弼帝所資圖形求其肖若夢魯仲尼陽虎可應詔  
直到封侯日難忘嫂愛羹誰知公大度有父聽人烹  
能興唐社稷在教郭汾陽功大未行賞乃聞流夜郎

碩鼠謠有序

鼠子滋擾主人將去而未行也適來一狸鼠幾為所噬主人憐之驅  
鼠而後行鼠乎且勿擾人宜思所以自安其身者作碩鼠謠

碩鼠碩狸汝毋我侮汝不我侮亦將去汝我去未行狸來汝驚我行不行何  
重輕汝據汝穴無人爭噉嘻乎異哉汝乃以貪幾戕其生鼠貪而黠狸貪而  
酷黠者酷者互相毒取敗由於不知足我不嫌汝憐汝愚臨行為汝驅狸奴  
薄汝於險非丈夫但恐我行復有狸至救汝之人乃汝所忌宅心未必皆如  
我自蹈危機萬不可汝為汝計毋乃左

田光墓

潘飛聲字蘭史一字劍士廣東番禺縣人年未弱冠陳朗山先生曰其所作  
秋月篇歎爲奇才陳蘭浦山長謂所撰鎮海樓賦才如氣王仲瞿蘭史復泛  
洋徧歷各國著作甚富星使奏保國子監典籍棄去戊戌經濟特科未赴寄  
寓香港某報聘爲記者遇涉華人事力與西政府爭名著海外戊申抵制日  
貨事起港官欲放蘭史出境外以籍各報之口商家憤爭卒得無事而蘭史  
遂遊虎邱西湖惠山諸勝境詩篇滿行囊與千秋樊山實甫齊名矣

文信國公和平里刻石三大字歌爲邱仙根工部逢甲作

丞相率師日討賊百鍊精鋼鑄椽筆豈知心性却和平大書二字爲里名讀  
書久養浩然氣三載從容乃就義北門鎖鑰斲如雷比似蠓墩得安睡

志載里名

名蠓墩公始易今名又公在軍常不寐至此乃安寢以地氣和平故名之 孽窩大字誰最工健筆獨數顏魯公學

光已眯敵人目鐵畫騰作天半虹公書詎落平原後二尺屈蟠縮蛟蜆逍遙  
樓額冠唐碑和平里石鎮南斗是有碧血結構成磨盾何如玉帶生蠓介五

更知徙迹

甲大為公齊於碑  
之甲門壁並枕上

胡塵千載避題名宋元故國山河改突兀龜

跌遺石在內渡間關忠義人

宋史取此碑散忠義  
人語江准來歸國者

金石窮搜五百載手拓

萬紙揚孤忠筆補造化天何功里門赫赫日耿耿相對兀峙蓮花峰東山

酒為公弔韓山入夢承公召

工部主講  
院夢公與之語

公魂終古懸厓山請刊一幀

慈元廟

武進弔黃仲則

捉月錦袍千盞醉抱琴碧血七絃哀如何黃面黧曇去絕代天才不再來

與實甫話西湖之勝

六橋烟柳最模糊待補芙蕖八百株比較堯章誰豔福荷花生日在西湖

抵都作

烽火河山萬象霧雲中樓閣見城隅大千云海誰同調五十書生始入都伯樂似聞空北翼香山終愛住西湖寒郊客引尋僧寺重話燕昭駿馬圖

白虹已滅壯士行易水嗚咽鳴不平停車爲弔田先生吁嗟乎燕舟孺子不足謀美人之手於期頭先生自剄舞陽囚死者紛紛秦愈仇君不見聶政之姊鮪諸母死成其志情亦酬惜哉荆卿非其儔先生薦士無乃羞

送狄文子應經濟特科

未許閒情戀薜蘿 詔書搜採編嚴阿婆娑風月英雄老教授河汾將相多  
國士黃金求八駿美人白髮畫雙蛾本來改事通文學吾黨英才備四科  
天子臨軒勅 御題摩空大筆吐虹霓上書賈誼據悲憤啓事山濤重獎提  
往日短衣曾射虎今宵舞劍忽聞雞萬言若奏安邊策未可輕談罷鼓鼙

讀罷園楚游詩題贈

靈夢瀟湘地由來感慨多古江流不盡騷客意如何宋玉悲秋賦楚狂從政  
歌中原方有事未可問嚴阿

琵琶亭

誰不青衫濕香山淚獨傳琵琶絃一曲楓荻已千年淪落那相識別離原可憐祇今益浦月長照買人船

過山海關再贈銀鳳

停筆捉臂要談兵戎馬倉皇記不清記得一般明月夜閉門攤燭聽刀聲

摘句

江左風流於越秀詩中標格盛唐高贈沈明甫公子

美人脂粉金閨艷騷客航船白社狂崇效寺石壯丹

廉吏有家如作客英雄末路悔封侯慰汪憲堂丈

陳步墀字子一，一字幼儕，廣東饒平縣人。附貢生。候選道。少擅文名。性尤慷慨。四十後詩長篇益見老健。戊申粵省水灾，子丹賦救命詞三十首，刊刻報章爲之呼籲。玉芝女史以絲繡之富，商爭購標價至五百金，以充賑款。盛傳一時。所著有繡詩樓集、雙溪詞，均已梓行。

葉娘曲

西方之人葉小玫面似芙蓉眉似柳柳眉蓉面出牆來行人至此爲翹首劉  
郎無意入天臺小阮前驅引勝來仙女從來吝雲雨任郎豔占梅花魁花信  
會無廿四番護花雋主禁窺園郎學偷桃方朔事女爲紅杏不關門離合天  
緣太無定喁喁泣說郎君聽妾是羅敷已有夫郎是來遲如送駿無他長物  
報君恩珍重聲聲帶淚痕臨別一言君記取義高紅拂妾心存巾扇貽君各  
一持寒暖無人要自知手把銀鍼繡絲履從君杭葦到天涯象管安排入錦  
囊加餐吳使瘦詩腸迷津若問桃源路心記胡麻飯亦香玉貌雙幘再贈郎  
木蘭雄兔與秋娘男作清風來故友女爲明日照君牀憑肩嗚咽情酸楚他  
日相逢下車處一字丁寧一字金檀郎默默無言語非因無語便無情郎已  
銷魂說不成割斷紅絲放卿去忍教長恨聽哀鳴最憐人回與桃花流水斜  
陽帶暮鴉石上青苔殺人思悔教誤步到槐衙吁嗟乎人生過眼如雲烟知  
己難逢白樂天卿抱琵琶儂作客長歌和淚落尊前

月浦渡

客路經南浦匆匆又渡河舟輕兼載犢橋小等籠鵝到處波瀾闊他鄉水國多前村是余姓指點出煙蘿

過潮橋

考古義安郡游踪廣濟橋斷碑平水性橋畔舊有碑刻洪水平止此四字相傳為韓湘子筆道廟隄山

腰此道中流柱何人舊止潮墩高好瞻眺北斗在雲霄

摘句 老境已無金馬想文心猶有玉龍雕和蕭竹朋

錦江春色來天地海畔雲山擁薊城集句送劍士北行

且莫蹉跎傷老去當筵猶愛趙歌兒題岑嘉州集

胡鉉字鼎三又字墨仙福建同安縣人幼承家學稟賦翹異以擘窠書鳴於時旁及詩詞古文尤佳大府以功保道員常遊大江南北諸名勝稟其丈有二寸之椽筆以隨所至皆有圖詠築椽筆樓極文酒之樂一時女士如顧妙



仙石韻仙張閔仙輩皆造廬請業韻人韻事其風致不減隨園老人也故又號椽筆樓主著有椽筆樓集極精密人爭寶之

雙溪泛月

秋來得吟癖頗不耐林棲連夕思見月乘興到雙溪雙溪行舟便一水分東西水淺石無礙天清月較低卸篷望秋色兩岸與舟齊舟走岸亦走明月處處有與客苦寂寥仰天招以手得月共三人痛談豁杯酒忽忽數十霜古今幾不朽椽筆縱有成焉展予抱負趁此行樂時聊快談天口此意客不知私問月知否

遊西湖舟中作

山光無數落舟中一簇衣香送晚風貪看西湖廉不得明朝吩咐早推篷舟中作字最相宜悟出書家筆法奇要向上流須努力工夫學到挽篙時遊船故故傍花叢一樣湖光看不同箇裏分明有西子大家讓  
我飽吟曠

摘句

弱線能牽千里遠，輕羅可奈九霄寒。詠美人

秦淮風日吟邊路，建業河山去後新。江南別

山水半房仙眷屬，古今幾斗女才華。綠筆樓翠

識字大關生世福，尋師翻悔出山非。

續詩人徵略卷一終

續詩人徵略後集卷二

江都吳 仲夢蘭輯

臧穀字貽孫號雪谿晚號宜翁性嗜菊又號菊隱翁江都人以庶吉士不待  
館選翛然歸田逍遙林下者四十年築橋西花墅藝菊數百本多異種以秘  
法培植之皆非人間所常見者唯余得其精奧是以南園之菊亦著於時每  
值花時吟嘯不出嘗於瘦西湖上得治春社舊址結治春後社招吉住岑馬  
伯梁陳維之蕭味之陳孝起陳心來宣古愚童補蘿孫犢山江石谿讌會於  
此余亦濫竽其間翁年七十餘豪興不減少時每語人曰詩不必求傳傳亦  
非我可必不如卽時行樂詩酒湖山眼前清福更何必計及傳不傳也終日  
閉門除同社外絕無往來短褐敝屣湖上行吟花幄園叟傾襟坐談遇顯者  
卽避出故舊中有貴官來謁自立門首答曰主人出游請携刺去恕不報謁  
人亦不知其爲玉堂人物也其風趣高尚有如此者社中推翁爲社長每夜

醉歸必泛小舟操舟者多十五六歲女郎解唱社中人詩渡頭月下叩舷而歌細聆之歌翁之詩爲最多至今談風雅者猶津津道其事詩宗白陸猶服膺宋之四靈嘗言人多鄙宋詩今人之詩能及宋人者幾人哉字法漢魏喜用退筆古雅處別具一格著作甚多惜不輕示人故傳於人者亦甚少

六十述懷三者之二

自經弱冠避烽烟夢影模糊四十年  
遯蹟枉教在林下舊人誰爲醉花前  
消磨歲月殘詩卷點綴園廬種菊田  
獨立小樓倚闌望夕陽紅趁晚餘天  
阿儂生在清明日屈指清明十日遇  
絲柳搖風綿欲脫刀魚入饌刺嫌多  
藉安貧境惟閒好想作春游奈賴何  
拄杖不堪尋五嶽平生事事總蹉跎

感賦

百歲光陰一擲梭搔殘短鬢且狂歌  
無才自覺拋官好後死翻令哭友多  
城外花開憐獨往爐邊酒散怕重過  
追思昔日皆成幻絮絮何勞春夢婆

殘菊

來往東籬下霜天更雪天我方支冷局爾亦有衰年特出芽何壯旁生蕊自鮮殷殷幾坡老傲癖解相憐

摘句 漫道春風燒尾事幾逢塵世臥冰人

寒魚

王毓菁字谷蘭號貢南福建閩縣人光緒戊子舉人性耿介拔俗抱奇才異能而世所罕知者屢應祠部試不第改就枝官非其志也詩尚聲調初類盛唐情韻兼美典實赴之近效宋人有后山簡齋意顧於時流少所許可嘗與江陰何震彝長樂梁鴻志桐城吳閻生閩縣林學衡相酬唱著有楞脩室集四卷散文頗類姚惜抱駢體則逼有袁子才其長公子忠豫亦工詩能爲西漢文爲何震彝所稱可謂是父是子矣

茗

幾日春陰闕小庭踏莎人去雨冥冥天涯芳草斜陽外別是銷魂一種青

出都

獨騎瘦馬出都門  
撲面塵沙驛路昏  
三月啼鶯萬楊柳  
天津橋上望中原

寄臥龍山僧

煙寺微茫送晚鐘  
上方人倚一枝筇  
千林頁葉蕭蕭雨  
秋到龍山第幾峰

送江侍御杏村出都

不及宣南祖道塵  
望中冠劍似天人  
九重仍以副林貴  
四海皆知御史真  
幸免黨援牽蔣趙  
自成馨逸在甌閩  
還山但遂循陔樂  
聖代何嘗有逐臣

摘句

酒溫今夕盞花照去年枝

上元對月

舊燕窺簾仍識主  
殘花委地竟無名

雨晴

有用文章隨處寫  
無端歌哭避人狂

上寄嚴

衰霖慶號琅軒江蘇江甯人幼嗜學猶好吟詠年十五隨其尊人宦遊河南所學益進梁園夙號名士薈萃地鄒枚遺韻到今猶存君總角馳逐其間詩

名甚盛登吹臺尋良嶽緬懷古昔撥觸無端爲詩益富已而入豫河旅學堂  
肄業治西學積疇人術高出儕輩顧算徑非其所好課餘之暇常與江右王  
筱香汪笠雲相唱和會旅學以辦理非人學務日弛君慨然曰非我求學地  
也因謀他適人稱東西洋庠校之盛心焉嚮往曾效溫李體作蓬萊曲以寄  
意詩宗晚唐爲人坦率有度與之交終歲不見其有戚容尤難能可貴云

梅妃

一斛明珠萬斛愁君王恩重妾難酬太眞一入深宮裏從此長門夜夜秋

咏史

漁陽戰鼓震潼關被底鴛鴦戀玉環天子不渝牛女誓馬嵬坡卽是驪山  
長江飛渡石城秋虎踞龍盤王氣收爲問景陽宮井裡可能天子尙無愁  
李培禧字在田號綠陰亭長家居黃歇浦南岸上海庠生十戰棘闈屬薦未  
售爲人言必信行必果忠厚儉樸爲是鄉矜式在滬司學事八年門下成偉

器者亦大有年來退守故鄉以詩娛老所著隴西學吟集三卷忠君愛國之意形於言外李梯雲明經最欣賞之亦以序刊行于世茲年七十四童顏白髮手不釋卷其老境竟不自覺也

閨怨

風泊鸞鴦獨自憐漫言雨露總無偏琵琶馬首新承流團扇風前早棄捐薄命那堪人漸老痴心猶望月重團長門別有青青草幾度銷魂欲化煙

摘句

寒雨客歸江上棹暮煙鴉宿水邊樓

送秋

李猶龍江蘇南匯人李忠節公裔孫字倬雲別號棲雲館主少負才名廣交豪俊遊學滬上十餘年工詩善書法兼能繪事其新學各科無不苦心而得猶善著小說嬉笑怒罵不露芒角深得風人之遺著有棲雲詩稿

望遠曲

去年東風吹柳絮海棠花下送君去今年花開如舊時不知蓬梗飄何處花



開花落自年年雁去雁來遼海邊欲書一札託雁足翹首碧落愁秋煙  
楊錫章字至文自號了公華亭奇士也自言有四病曰粗曰陋曰口刻曰好  
色有兩善讀書尚悟入世尚真而已然了公實不陋其言好色則尚唐突人  
也爲詩文奮筆立就才思橫溢奇句沓出不窮或乖範剛至有率俗而儕輩  
卒莫能及精究說文旁通佛典亦嘗講黃老吐納之術爲楊蘇盦先生入室  
弟子而見解輒高出其師去歲以歲貢生援例爲寶山學訓導識者早知其  
不終果忤長官落職歸然絕無怨人之意反多自省之心殆成於道矣

偶作四首之三

有緣不能離無緣不能合緣短合不終緣長離不絕無可如何時枝頭啣秋  
葉月缺有時圓圓祇一望日望日休蹉跎悵悵尋快活不然錯過之百年如  
一利

古人自古人今人自今人非獨不相及抑且不相論勞勞襲遺脫不如及我

身宇宙間萬物篇篇書卷新日新是人事終古是天真各人有各異果果皆前因

俯仰天地間無端忽有我有我數十春忽然又古古今幸尚未古花間一滴露遠近聞清香似有緣一縷一縷光湛然快快爭先睹無端又不見不知在何處

摘句

滿腹經論鬚雪白一生圓熟頂緋紅

詠梅

蠶未吐絲難入化龜如脫壳定能飛

偶作

培花心切香終到畫月功虧影不圓

同上

過冬自有春將到未望安能月早圓

同上

蔣藩字恢吾河南杞縣人先世居睢州叔祖矩亭公以詩畫名世所稱蔣闈是也光緒癸卯科舉孝廉以知縣用不就性恬靜因有足疾益復不樂仕進任河朔中學教員循循善誘爲當樂道君子尤耽古籍于書無所不讀精鑒

原稿缺

原稿缺

原稿缺

原稿缺

謝文達字式璋別號謬復會稽布衣生平澹泊如枯禪年甫冠卽棄舉子業  
讀律山左性和易近人而色笑不苟蓋外和而內介者也游張漢仙中丞幕  
時同輩某竊弄威柄誘而相比者數矣君皆不之應參案發君獨以清潔著  
人益以是重君而君並不以是爲重佐撫幕十餘稔懃懇一致甲午庚子兩  
役山東正當敵衝僇匪主嚴得不與遼燕俱糜者君之力居多君固不獨以  
詩著也間有所作才情雋麗格老聲諧惟不自收拾其借眠草堂吟藁中多  
佳句摘錄數聯以見一斑

悼亡

錯成鐵鑄已難回  
槁木心灰兩兩哀  
却望鑑湖上路花  
如釵色月如杯

摘句 孤兒生死輕  
千里慈母艱  
難到二毛

十里斜陽亂黃葉  
一盃江水散晴霞

萬里秋風思骨肉  
五年情緒剩平安

梁崇鼎字桂碩粵西鬱平人賦性醇默博學能文弱冠後不屑治舉業以布衣負笈求學滋滬間每有篇詠卒皆佇興之作清辭縉旨寄託遂深非苦吟極思不輕落一字胞弟之銘年十七亦工吟詠

曉意

神蹤遁跡五更殘冷雨蕭騷度上闌入世曙光乘瀨氣過江秋色動新寒殷床蟻鬥紛憂慮聽法猿歸罷叫謹紫府遠傳塵垢外暫時相憶夢應難

摘句

清序滴殘花洞雨薰風吹斷夕陽烟

入夏未聞  
蟬聲成作

梁傳鼎字又銘天姿曠達年少多材藝與兄桂碩俱有俊才工詩以沈著絲麗勝兼精篆刻師趙次閑得其神致而尤以繪畫稱山水秀潤超脫凡近以是持縑乞畫者無虛日少年得此詣造洵不多覩也

春曉曲

雲霞聚麗神纖霧璇香轉軸翔朝鳳圓曦絲遊錦鷄鳴羅牕寒薄沾雲凍幽



颺飄幔華燈稀鴛鴦夢穩翡翠帷曙鶯啼徧櫻桃樹碧蔓紅薇春霧晞

秋

蛸蟻旋露葉紅翠泥雕鏤圓月窺羅幃涼箏悒夜愁燈消微辨曙菊瘦曼分  
秋誰見清塵下垂衫戀倚樓

摘句

聖祠禮象秋降爵鏤閣重幃夜警爰

題秦淮水閣

徐簽字貫恂號澹廬江蘇南通州人髫齡以能書名年十九試時務策受知  
於唐春卿侍郎舉博士弟子員其鄉先輩范肯堂顧晴谷及雲間楊蘇龍諸  
先生常貽書論詩謂能以性靈書卷鎔化一鑪爲後起之傑著有少年遊記  
憲鏡澹廬詩碧春詞丁未負笈海上研究西學集中句云讀書我守兵家論  
百勝全憑彼此知懷抱可想見矣

海天樓

萬象徒紛紛一樓此嶽嶽風色三百里至是歸一束生割蓬萊股橫插滄溟

腹日落潮頭迴百靈時起伏坐弄蒼玉笛一簇海雲綠

讀蔣劍人小傳

散車羸馬客無家春老江南又落花一副英雄真血淚青衫分濕上袈裟

摘句

前輩風流都入畫少年心事怕傳詩題竹林雅集圖

滄江龍雨移雲脚絕壁鷹風裂石唇游山

崢嶸肺腑生寒竊隱約人天有哭聲成事

冬缸訴夢朝無據秋篔簹吟愁夜有聲聞怨

朱孫懷字謹貽寶應人武曹先生之元孫棣華先生之哲嗣也少孤事母以孝聞于鄉里年長以供事敍一官因母老不願出仕家居讀經史文章孜孜不懈工文辭尚氣節好談風義事年二十邑中人選舉入學會尋舉爲揚州學會職員年二十一游學滬江江甯卒業後復遊海上新學結習自愧不能處因返里開射湖吟社倡和皆海內知名之士刊亡友王夏諸君文詞發潛

闡幽毅然自任著有詩文集待梓

題陳丈鐵如坐菊圖小像卽和原韻

花間一老翁兀兀坐忘機邈矣泉石性悠然松柏姿容顏老去年雄豪謝壯  
時心常懷北闕身且託東籬秋蘭瓊佩紉斗酒葛中籬雲水以自適荊棘何  
容滋朱實可長命落英足調飢黃華上黃髮白露沾白眉世事已如此時勢  
不可爲何如乘仙槎海上尋安期

林學衡原名泉字東溪號浚南又號愚君福建閩縣人爲閩中名宿叔衡大  
令鑿波次子生有夙慧九歲能爲詩古文讀書過目成誦有神童之譽嘗受  
知於謝枚如舍人章鈺己而以國事日亟轉治西學精法文近則讀書大學  
課餘輒從事經史詞章雖口沫手膩弗倦也數與林季鴻簿正相倡和有花  
魂四律傳誦都下詩初宗宋繼學中晚唐而沈麗悱惻絕似義山詞亦規撫  
南宋駢文雅近六朝同里王貢南大令敏善嘗稱許之著有左氏春秋識微

列子補註各二卷 珊瑚集愚君近詩唾碧詞詩話詞話各若干卷 又選續國朝閏秀正始集紅淚碧血錄各若干卷 皆待梓年少多才殆由天縱惜不善書此其一短也

贈梁異卽寄貢南先生濟南

天涯琴劍各同塵 忽漫相逢意倍親 稍喜子來同作客 劇憐臣壯不如人 孫劉以外非君敵 淵德威及孝覺 狂狷之間置我身 寄語濟南吏隱者 行囊詩卷已陳陳

再投沈太侔祠部

京華滿冠蓋 憔悴獨何人 庾信文章老 杜陵詩句新 客囊清似水 旅舍淨無塵 獨擅千秋業 如君未是貧